

■  
■

Source gallica.bnf.fr / Bibliothèque nationale de France

Lazare de Parpi (0440?-05..?). :. 1891.

1/ Les contenus accessibles sur le site Gallica sont pour la plupart des reproductions numériques d'oeuvres tombées dans le domaine public provenant des collections de la BnF. Leur réutilisation s'inscrit dans le cadre de la loi n°78-753 du 17 juillet 1978 :

\*La réutilisation non commerciale de ces contenus est libre et gratuite dans le respect de la législation en vigueur et notamment du maintien de la mention de source.

\*La réutilisation commerciale de ces contenus est payante et fait l'objet d'une licence. Est entendue par réutilisation commerciale la revente de contenus sous forme de produits élaborés ou de fourniture de service.

Cliquer [ici pour accéder aux tarifs et à la licence](#)

2/ Les contenus de Gallica sont la propriété de la BnF au sens de l'article L.2112-1 du code général de la propriété des personnes publiques.

3/ Quelques contenus sont soumis à un régime de réutilisation particulier. Il s'agit :

\*des reproductions de documents protégés par un droit d'auteur appartenant à un tiers. Ces documents ne peuvent être réutilisés, sauf dans le cadre de la copie privée, sans l'autorisation préalable du titulaire des droits.

\*des reproductions de documents conservés dans les bibliothèques ou autres institutions partenaires. Ceux-ci sont signalés par la mention Source gallica.BnF.fr / Bibliothèque municipale de ... (ou autre partenaire). L'utilisateur est invité à s'informer auprès de ces bibliothèques de leurs conditions de réutilisation.

4/ Gallica constitue une base de données, dont la BnF est le producteur, protégée au sens des articles L341-1 et suivants du code de la propriété intellectuelle.

5/ Les présentes conditions d'utilisation des contenus de Gallica sont régies par la loi française. En cas de réutilisation prévue dans un autre pays, il appartient à chaque utilisateur de vérifier la conformité de son projet avec le droit de ce pays.


6/ L'utilisateur s'engage à respecter les présentes conditions d'utilisation ainsi que la législation en vigueur, notamment en matière de propriété intellectuelle. En cas de non respect de ces dispositions, il est notamment passible d'une amende prévue par la loi du 17 juillet 1978.

7/ Pour obtenir un document de Gallica en haute définition, contacter [reutilisation@bnf.fr](mailto:reutilisation@bnf.fr).

ԸՆՏԻՐ ՄԱՏԵՆԱԳԻՐԻՔ

Է.

Ղ Ա Ջ Ա Ր Փ Ա Ր Պ Ե Ց Ի





12470

**ՂԱԶԱՐԱՅ**

**ՓԱՐՊԵՑԻՈՅ**

**ՊԱՏՄՈՒԹԻՒՆ ՀԱՅՈՑ**

**ԵՒ ԹՈՒՂԹ**

**ԱՌ ՎԱՀԱՆ ԲԱՄԻԿՈՆԵԱՆ**

ԵՐՐՈՐԴ ՏՊԱԳՐՈՒԹԻՒՆ

**Ի ՎԵՆԵՏԻԿ**

**Ի ՎԱՆՍ ՍՐԲՈՅՆ ՂԱԶԱՐՈՒ**

**1891 — ԹՂԽ**

ACQ 1993004856

DM 1291

2008-140

1944

1944

1944

1944

## Յ Ա Ռ Ա Ջ Ա Բ Ա Ն

ՆՐԿՐՈՐԴ ՏՊԱԳՐԻՆ (1873)

Մի՛ի յաւէտ փափազստենչ և ընթերցական աւանդից լազմերախտ դասու և դարու թարգմանչաց մերոց՝ է նրրորդն անուանեալ Պատմութիւն չայոց, զոր հրամանաւ քաջին վահանայ Մամիկոնոյ՝ եղբորորդւոյ Մեծին վարդանայ, գրեաց յելս Ն դարու կամ՛ի սկիզբն ջե աշակերտն աշակերտաց Սահակայ և Մեսրոպայայ՝ Ղազար վանականի, ՚ի գեղջէ փարպոյ Արագածոտն գաւառի, ՚ի սահմանակցութենէ ընիկ Ռստանին չայոց: Սա այս միակ գործ կամ գրուած ոտրին ծանուցեալ՝ ութսուն ամօք յառաջ տպագրութեամբ ՚ի լոյս ընծայեցաւ ՚ի մամլոց Մխիթարեան վանացս. և զոր յայնժամ ծանուցին հրատարակողքն Բա՛ն ա՛ն վերջա՛նօղս՝ անփոփոխ զնոյն և մեր զկնի մերոյս այսմ դոյզն ազդարարութեան՝ կարգեմք, ՚ի յիշատակ իրացանաչ և երախտագէտ ծիրունիաց

մերոց . մանաւանդ զի և ոչ միոյ յես  
 այնորիկ հանդիպեալ մեր նորոյ օրի  
 նակի Պատմութեանս . հարկաւորիմք  
 ըստ առաջնոյն կրկնել զտալագիրս  
 զայս , 'ի ծեւ 'ի չափ հաստրոց ըն  
 սիր մատնագրաց մերոց . սակաւք  
 ընք 'ի յայտնի վրիպակսն՝ արարեալ  
 ուղղութիւն . և յերկու տրոհեալ Նրուա  
 զըս զքովանդակ գիրսն , զի և այս  
 սէս իսկ կոչէ հեղինակն զմատունս  
 զըոց պատմութեանն , և երեք իսկ  
 գլխաւոր մասսներ երևին յւերումն  
 պատմագրութեան . զոր դարձեալ  
 առանձին 'ի հարիւր գլուխս տրա  
 մատեցար . առանց խորագրաց . զի  
 որ յառաջնում տպագրութեան և  
 դեալքն են՝ չեն հեղինակին կամ հին  
 կարգաւորութիւն : Միայն 'ի Տեախիւ  
 Ս . Սահակայ և 'ի մեկնութեան նո  
 ղին՝ արարար այլայլութիւնս ըանկց  
 ըստ հնագոյն օրինակաց , որ 'ի  
 նաւրնաիրս զտանին : Արդ . որ ինչ  
 զՊատմութենէս կայցէ գիտելի՝ 'ի  
 թանի անդ առաջնոյ տպագրու  
 թեանն գտցեն խնդրոք . և մեք սա  
 կաւ ինչ զնորագիւտ թղթոյն Ղարա  
 իայ տատացոր , զոր յարեալ կցի

ցաք 'ի կաան Պայմանութեանն . զի  
այնպէս գրեալ աւանդի և առ նախ  
նեօք :

Օրինակ թղթոյս Ղազարայ առ ձե  
ռքնառ իւր Վահան՝ յայտնեցաւ 'ի  
դարանս մատենից անթոռոյն էջ  
միածնի , 'ի ձեռն փութաջան խուզ  
արկուի Յովհաննու . եպիսկոպոսի  
Շահաթուլեան , որ և հատուածս  
ինչ անտի էյիւ յիւրուսն Ստորա  
գրութեան էջմիածնի և ճգեցուս զա  
ւառացն Այրարատայ . ապա յամի  
1853 հմուտ վարժապետն տեսուչ Լա  
զարեան Յեմարանի՝ Պ. Մկրտիչ էմին՝  
զքովանդակն 'ի տիպ արձանացոյց  
'ի Մոսկուա քաղաքի , երկար յառա  
ջարանութեամբ և ծանօթութեամբ :  
Յետ նորա և այլ ո՛նն եռանդուն լա  
նասէր , Միք . Նալպասանեանց , յե  
ղեալ զնոյն յաշխարհիկ յարբաւ իւ  
րոյ զաւառին՝ երկարագոյն ևս խոր  
հըրդածութեամբ լանից՝ եթող առ  
մտերիմսն . որոց՝ յետ նարածամ  
մահու մորին հոգացեալ հրմտարա  
կեցին 'ի մայրաքաղաքին Ռուսաց ,  
յամի 1869 : Ի վերայ երկոցուն սոցա  
երկասիրութեանց՝ անդէս վարկար

յաւելուլ և մերոյսանն ծանօթու-  
 թիւնս, բայց ուր ուրեք անհրա-  
 ժեշտն թուեցաւ. այն զի և թուղթն  
 ինքնին և Պատմաւն. մախակարգեալ  
 ՚ի մերծաժամանակ. մատենագրէ-  
 տան ոչ սակաւաբեռք և պիտանի  
 ծանօթս զկենսաց Ղազարու: Այլ զի  
 հանգոյն Պատմութեանն և թղթոյս  
 այսորիկ մի միայն օրինակ գտեալ է  
 ցարդ, թերութիւնք ոչ սակաւ նշմա-  
 րին ՚ի գաղափարին, ստիպեցաք և  
 մեք թողուլ մայապէս, ըստ առաջին  
 տպագրողացն, լոկ զվրիպեալսն ՚ի  
 նոցիմ տեսութենէ՝ ուղղագրելով, ու-  
 ըռմ բաղդաստողացն դիւրին է կալ  
 ՚ի վերայ: Բայց զգլխաւոր ուղղութիւն  
 մի հարկ համարիմք յիշեցուցանել.  
 այն է դասաւորութիւն հատածոց  
 բանի թղթոյն, որ ՚ի միջին տեղիս  
 խառնակեալ և անյարիր մնայի, ՚ի  
 սակս սխալակ յետ և յառաջ կազ-  
 մութեան թերթից մատենիմ: յորմէ  
 գաղափարեալս է. և ըստ այնմ վրէպ  
 դասաւորութեամբ տպագրեալ էր  
 մախայիշեալ բանասիրացն. զոր մը-  
 տադիր քննեալ դասաւորեցաք. որ  
 պէս արժան և ստոյգ էր. միայն ՚ի

միտւմ սեղանջ ոչ կարացաք ՚ի հուն  
 ելանել, և պակաս կարծեմք ՚ի բա-  
 նին, որպէս և նշանակեցաւ անդէն  
 (յէջ 593). գուցէ այլոյ ուրուք ճար-  
 տարութիւն, և մանաւանդ ըղծալին  
 ըաղղ, լցցէ և զայն թերութիւն, հան-  
 դերծ նորովք ևս գործովք քաջի Վի-  
 պագրին և ճարտասանի մերոյ Ղազա-  
 ըայ. որ երկոքումք այսոքիւք տեսա-  
 կօք դպրութեան, պատմագրութեան  
 ասեմ և ճարտասանութեան՝ ոչ ու-  
 մեք ՚ի մերոցս վայելչաբանից ստո-  
 լակայի, թէ ոչ և բնաւիցն վեհագոյն  
 հանդիսանայ կարգալանութեամբ և  
 քաղաքագիտութեամբ. և միահա-  
 մուռն ցանկալի հանգամանօք՝ զոր  
 վավագեմք յետինքս ՚ի նախնեաց  
 մերոց և յուկեղիճիկ զրչաց. ընդ  
 Մովսիսի խորեմացւոյ և ընդ քաղց-  
 ըաբանին Նղիշեայ կազմէ զերրեակն  
 պանծալի. յորս սխրացեալ և իմաս-  
 տնոյ ուրումն և քաջ հայագէտ Փը-  
 ռանկ մատեմագրի, ոչ անարժան ա-  
 սէր և յետ ճարտարաց վիպասա-  
 նից ճիլեմաց՝ ընթեռնուլ և զգրածս  
 ճայերոյս այսոցիկ:

Յանկալի ամենայն բանասիրաց  
ազգիս ճանաչեմք զգործս մերոց  
նախնեաց, և ՚ի նոսա առաւել ըզ-  
գործս պատմագրականս, որք զան-  
ցեալսն գրաւորականօք իբր կեն-  
դանի բարբառովք մեզ արձանա-  
գրեցին. զյաջորդութիւն մերոց  
թագաւորաց և իշխանաց, զզանա-  
զան անցս յաջորդութեան և ճա-  
խողութեան մերում սեփհական  
աշխարհի, և զպատմութիւն առա-  
քելաւանդ կրօնի: Գիւտ այսպի-  
սի հարազատ ազգային պատմա-  
գրաց՝ նորհք և պարծանք իւրա-  
քանիւր ազգաց. իսկ զրկուին  
յայնպիսեաց կամ կորուստ՝ պա-  
կասութիւն անփոխանակելի, զոր  
չիք հնար այլուստ չնուլ. զի ճար-  
տարութիւն յեօագայլց որ զա-  
մենայն գիւտ գիտէ հնարել ան-



ծանօթ նախնեաց, և զամենայն  
մարտեանս յօրինել, զամենայն  
հնարից վերջացեալ գաանի զան-  
ցեալնս ներկայ հանդիսացուցա-  
նել, կամ զանցելոց գրել, ուրա-  
նօր չգուցէ պատմագրութիւն  
թողեալ մեզ ՚ի նախնեաց:

Չպատմագիր ժամանակակից և  
ականատես անցից յիւրմէ պատ-  
մելոց՝ գերագոյն և փափագելի  
ճանաչեմք առաւել քան զպատ-  
մագիրս յետագայս նոյն անցից.  
և ՚ի նոսա զպատմագիր ժամանա-  
կակից հնոց ժամանակաց՝ պատ-  
ւականագոյն համարիմք: առաւել  
քան զվերջին ժամանակաց, վասն  
զի առաւելտան իւրեանց վերջմանո-  
ղաց ծերութիւն և երկարութիւն  
ամաց, ըստ պղատոնեան ոճոյ այ-  
լաբանելով, որ ծեր կոչէր զմա-  
նուկ հմուտ հնոց պատմութեանց,  
և մանուկ՝ զծեր անհմուտ. քան  
զինքն նախնագունից: Արդ այս  
պէս ունելով ընտրութեան նախ

նեաց պատմագրութեան, յո-  
 գունց պատմագրաց աղգիս գեր-  
 գոյն արդարեւ և ցանկալի ամենե-  
 ցուն համարիմք զսու աշխկայ պատ-  
 մագիրս Ղազար Փարպեցի, Ղա-  
 զարիկ ձայնեալ 'ի Սամուէլէ. ժա-  
 մանակակից անցիցն յիւրմէ պատ-  
 մէլոց, 'ի հնագոյն յայն հին-  
 փերորդ դարու՝ զոր ոսկի դար  
 ուսումնասիրութեան աղգիս ար-  
 ժան է կոչել. աշակերտ Ալանայ  
 արծրունւոյ, և ունկնդիր այնո-  
 ցիկ արանց՝ զորս հիմունս և աղ-  
 բիւրս պայծառութեան հայկա-  
 զեան լեզուիս պարտ է անուանել.  
 'ի կարգս աւաշին պատմագրաց,  
 զկնի Յղիշէի դասեալ 'ի Տարօնե-  
 ցւոյն, 'ի Սամուէլէ և 'ի Աիրակո-  
 սէ: Ի վերայ այսոցիկ և դատող և  
 ճանաչող. ընտրող և յառաջատես  
 ամենայն նշանաց պակասութեան  
 և կատարելութեան պատմագրի,  
 զորս և ինքն իսկ արթունն. 'ի  
 գործս՝ մի ըստ միոջէ յիշատակէ

'ի սկիզբն գրոց իւրոց այս է, գլխաւ  
 մարութիւնն բանից վճիտ և վայե-  
 լուչ ասացուածոյ, զորոշ և զան-  
 շքոթ կարգադրութիւնն. իւրա-  
 քանչիւր անցից, զանաչառ ստու-  
 գագրութիւնն յամենայն մասին.  
 չառնել մարդահաճութեան բա-  
 նից յաւելուածս, չյաւելուել զոչ  
 ելեալսն, չաճեցուցանել ընդու-  
 նայն բանիւք զնւագունս, և ոչ  
 նուազեցուցանել կարճակտուր  
 բանիւք զմեծամեծս, առ 'ի ան-  
 պարսաւ հանդիսանալ յիմաստա-  
 սէր լսողաց ժամանակին: Այս ա-  
 մենայն են կատարելութիւնք  
 պատմագրի, յորս կարի իմն յա-  
 ռաջատես դտանելով զմեր Ղա-  
 զար, անշուշտ հաւատամք բա-  
 զում երկիւղագին պատրաստու-  
 թեամբ և ողջախոհ ի զգուշու-  
 թեամբ արդարապատում ճշգրի-  
 տաբանեալ զիւր պատմագրու-  
 թիւն, մանաւանդ զի ընտանի գո-  
 լով պալատանն և աւագանւոյն,

որպէս և ինքն ցուցանէ, 'ի նոյն  
 ցունց տեղեկութենէ և 'ի դիւա-  
 նացն կարէր ստուգել զամենայն:

Սորայս պատմութեան կարգ  
 վճիտ, յօրինուած շարագրու-  
 թեան քաղցր, և որպէս թուի 'ի  
 տեղիս տեղիս աշխարհիկ և ըն-  
 տանի ասացուած այնր ժամանա-  
 կի, այլ յստակագոյն բերանոց, և  
 ազատ արանց, ընթացք ոճոյն մի-  
 օրինակ, գեղեցիկ հանդիսացուցիչ  
 փոքունց պարագայից, յոյր սա-  
 կրս թերևս ճարտասան սնուամբ  
 յիշատակի 'ի Տարօնեցւոյն և 'ի  
 Ալիրակոսէ. ոչ թողու տարտա-  
 մութիւն կամ տարակոյս 'ի բանս  
 իւր. ոչ զանց տունէ վկարեորա-  
 փունիւք իւրաքանչիւր անցից, ոչ  
 զանց առնէ նաև բազում ուրեք  
 նշանակել զժամանակագրութիւ-  
 նրս, զբնական տեղեաց զգառանս,  
 վկարաքանչիւր անձանց զգիտելի  
 ասացուածս. կրկնէ գրեթէ ամե-  
 նայն ուրեք զամենեցունց մակա-

Կրական անուանումն է՝ Քաջատրուծի,  
 ընծերցոյին, նմանակցելով յայսմ  
 Յունաց պատմագրաց այնր դա-  
 րու. և յամենայնի՝ ի սոսա (բայ  
 ՚ի սակաւուց) միշտ չափաւոր իմն  
 համառօտութիւն պատուեալ, գը-  
 րեծէ. ամենայնիւ յանձին բերէ  
 զձիր կանոնեալ պատմագրի, և  
 յինքն ճշգրտէ զիւրոյ ինքեան բան  
 զԱգաթանգեղոսէ. (« Ստուգաբան  
 ՚ի կարգագրութիւն ճառից, և  
 յարմարագիր ՚ի պատմութիւնս  
 անացուածի իւրոյ »):

Սորայս պատմութիւն հաւօրէն  
 Կրեծէ 97 ամաց՝ յ՝ 388 էն սկը-  
 սեալ մինչ ՚ի 485, առաջի առնէ  
 մեզ զխուովագոյն և զտրամալի դար-  
 ազգիս. զգադարունն ծաղկեալ  
 թագաւորութեան Սրշակունեաց,  
 և զգադարունն խաղաղութեան  
 կրօնի ՚ի համաշխարհական հալա-  
 ծանաց Պարսից. առաջի առնէ  
 նոյնպէս և զսերախալին զսկիզբն  
 դարութեան ազգիս, զերկրորդ

սկիզբն կրօնի, բազում արեանցն  
 հեղմամբ յեռ սրբոյն Գրիգորի,  
 և զսկիզբն մարգարանութեան:  
 Եթէ երկառակութեամբ և ան-  
 միաբանութեամբ ոմանց տիրե-  
 ցուցանէ զլսելիս, անլուր քաջու-  
 թեան գործովք, սքանչելի օրինա-  
 կօք համբերութեան արանց և կա-  
 նանց, սերտ միաբանութեամբ առ-  
 հասարակ համօրէն ապգին յոչ-  
 զափան հաւատու, ուրախ անէ  
 և քաջալերէ յառաջնոյն զգուշա-  
 նալ և առ երկրորդն թեւեղիսել:  
 Յայս ամենայն օգտութիւն հայե-  
 ցեալ մեր կարևոր համարեցաք ՚ի  
 լոյս ընծայեցուցանել զայսպիսի  
 յայտապատում պատմագիր այն-  
 պիսի իռովայոյզ բազմայեղա-  
 նակ գիպմանց ժամանակի. բայց  
 յամենայնի զգուշացեալ զհետ  
 գնալ հաւատարմութեամբ օրի-  
 նակին. թէպէտ և ուրեք ուրեք  
 ոչ պակասին ի վրիպակք բառից և  
 թերութիւնք և այլայլութիւնք

առաջուածոց . այլ զի չունէր ինչ  
 բաժանութիւնս 'ի գլխակարգութիւ  
 նրս և կամ 'ի գիրս , 'ի դէպ հա  
 մարեցաք 'ի բաշարութիւնն ըն  
 թերցոյին՝ ուրոյն 'ի լուսանցան  
 անդ դնել իտրագիր երևելի դե  
 սուածոց . և զայն առ այժմ ա  
 լանց ինչ թուանշանաց : Անձան  
 ձիր ընթերցանութիւն մերոց բա  
 նասիրաց զմեզ յուսացուցանէ  
 'գանձել ըստ ժամանակին զար  
 դիւնս իւրեանց ընթերցանու  
 թեան , զծանօթութիւնս անցից  
 անցելոց , զհմտութիւնս ընտանի  
 հայկաբանութեան . և որ առաւելն  
 է՝ զհաստատութիւնս հաւատոյ 'ի  
 հոգին , ոչ միայն մտօք այլ և գոր  
 ծովք , զարիութիւնս 'ի վիշտս , և  
 զհամբերութիւնս առ սերն Քրիս  
 տոսի . որք են վախճան մերոց  
 առաջարկութեան գործոյս :

Քանզի յետ նախընթաց ասպա-  
 գրութեան մատենիս՝ ոչ յայտնե-  
 ցաւ մեզ նոր ձեռագիր, ոչ ինչ և  
 նոր ունիմք աւանդէ. բայց միայն  
 զի արարաք տեղափոխութիւն գրե-  
 խոց կամ հաստաւածոց ինչ ի սկզբան  
 պատմութեանն որ (յէջս 7-14 երկ-  
 րորդ ասպագրին), որպէս ի դէպ էր.  
 այլ տակաւին անյարիրք և կրկնու-  
 թիւնք բանից երեւին Ա և Բ գր-  
 լուիք, որպէս թէ մին բուն Յա-  
 ռաջարան իցէ, միւսն՝ Սկիզբն  
 պատմագրութեան: Նոյնպիսի ինչ  
 տեղափոխութիւն կարգի բանից  
 արարաւ և ի թղթին Ղազարու առ  
 Վահան Մամիկոնեան:



# ՂԱԶԱՐՍՅ

Փ Ա Ր Պ Ե Յ Ի Ո Յ

ՊԱՏՄՈՒԹԻՒՆ ՀԱՅՈՑ

---

Յ Ա Ռ Ա Զ Ա Բ Ա Ն

---

Ա. Սկիզբն առաջին դրոց պատմութեանն Հայոց. որում սկիզբն արարեալ պատմեաց ստուգիւ այլ ըն երանելի Ագաթանգեղոս, 'ի մահուն Արտեւանայ; յԱրտաշէ՛ յորդւոյ Սասանայ՝ բնաւոր Հա-

ասհրացւոյն : և զիսորձ աշխարհ  
 հիս Հայոց յանգիտութեան, կու  
 պաշտութեան յաստուածգիտու  
 թեան ճշմարտութիւն, ի ձեան սրբ  
 բոյ նահապետին Գրիգորիսի . յո  
 ըոյ անուն և զգիրան անուանեալ  
 կոչեն Գրիգորիսի : Երկրորդ դը  
 ըոյ : սկիզբն արարեալ պատմելոյ  
 ՚ի կարգէ առաջին դրոյն՝ վերս  
 բազմափոփոխա աշխարհիս Հայոց ,  
 զբարեաց և վշարեաց , վարս և  
 զգործս զարանց սրբոյ և զպղծոյ ,  
 զժամանակի պատերազմաց և ըզ  
 խաղաղութեան . պատմեալ զայս  
 ամենայն Փոստոս ոմն Բուզանդա  
 ցի , մինչեւ զթագաւորութիւնն  
 Արշակայ ( որդւոյ Պապայ , որ  
 դւոյ Արշակայ , )<sup>1</sup> որդւոյ Տիրանայ ,  
 աւ որով թագաւորութեամբ բա  
 ժանեալ աշխարհս Հայոց՝ պատա  
 ղեցաւ յերկուս ծուէնս ըստ օրի  
 նակի հնացեալ ձորձոյ : Եւ աւար

1 . Փակագծեալդ պակասէ ՚ի բնա  
 գրին :

տեալ աստուծոյ՝ սրբան . պատմու-  
թեան իւրոյ՝ մնացուցեալ հան-  
գոց , զոր անուանեալ կոչեն զա-  
նուն գրոցն՝ Հայոց պատմութիւն :

Երրորդ՝ Պատմութիւնս այս՝ ի  
կարգէ նորին գրոց՝ շարագրեալ  
ակարութեանս մերում . յոր հար-  
կաւորեալ հրամանաւ իշխանաց և  
բանիւ սուրբ . վարդապետաց ,  
սուաք զանձինս յայսպիսի գործ  
կարևոր , շիշխեցեալ ընդդիմանալ  
Յիշէլով՝ ի սուրբ գրոց զսպառնա-  
լիսն անհնապանդից որդւոցն , և  
զորս գրէ՝ ներողութիւն հնապան-  
դից և հաւանելոց . կարգել մի ըստ  
միոջէ զիրս և զգործս , զբազմայե-  
ղանակ գիպմունս Հայաստան աշ-  
խարհիս , բաժանմանց յերկուս  
թագաւորութիւնս . – և ի վիճա-  
կէ . բաժնոյ անօրինացն՝ 1 արանց  
բաշայ՝ ի տոհմէ նախարարացն Հա-  
յոց՝ սալ զանձինս անհամարս ի

1. Յոր . օրինացն . զՊարսս իմանայ :

նա հատակու թիւնս 'ի վերայ ուխ-  
 տին սուրբ եկեղեցւոյ. և կիսոյ  
 համբերել կապանայ և բանդից  
 վասն երկնաւոր յուսոյն բազմա-  
 թամանակ տեղողութեամբ. — հե-  
 ղու և քահանայից ընտրելոց Աս-  
 տուծոյ և ճշմարտապէս հովուաց՝  
 զարիւն 'ի պարանոցաց իւրեանց,  
 'ի վերայ ընտրեալ բանաւոր հօ-  
 տին Քրիստոսի. — և ոմանց յըն-  
 կերակցաց նախարարացն և յայլ  
 ազաս մարդկանէ՝ դառնալ յետս  
 յուխտէ սրբութեանն, և անշէջ  
 յաւիտենից հրոյն լինել լուցկիք,  
 սրատրաստելոյն սատանայի և նո-  
 ըին արբանեկացն: Եւ գրել զայս  
 ամենայն մինչև ցօր սկզբան մարդ-  
 պանութեանն Հայոց Վահանայ  
 Մամիկոնեից տեառն և մեծի զօ-  
 թավարին Հայոց և մարզպանի. և  
 դադարեալ հանդուցից յայնմ  
 տեղւոջ զբան վաստակոց պատ-  
 մութեանցս այսոցիկ:

Բ. Ընդ բազում ճառս մասե-  
 նից առաջնոցն պատմագրացն Հա-  
 յոց անցի. յորոց ըստ յերկար  
 ընթերցողութեան գտի 'ի նոցա-  
 նէ. զժամանակաց և զգարուց աշ-  
 խարհիս Հայոց բազմադիմի յեղա-  
 փոխութիւնս, յստոյգ և յան-  
 սխալ կարգաւորութենէ Առաջին  
 գրոցն, զոր յարմարապէս պատ-  
 մեալ ծանոյց մեզ երանելին Ագա-  
 թանդեղոս. այր բանիբուն գի-  
 տութեամբ և լի ամենայն հրա-  
 հանգիւ, ստուգաբան 'ի կարգա-  
 դրութիւն ճառից և յարմարագիր  
 'ի պատմութիւնս ասացուածի իւ-  
 ըոյ: Սա զնուազուին թագաւո-  
 ըութեան արշակունոյն Արտաւա-  
 նայ, և զպորանալն ստահրացւոյն  
 Արտաշի որդւոյ Սասանայ՝ ստու-  
 գապէս յօրինուածով կարգեալ  
 դրոշմեաց, զքինախնդրութիւնն  
 Խոսրովու, և զտարակուսանս գո-  
 ռոգացեալ Ստահրացւոյն. զխոր-  
 հուրդն և զխոսամուկնս գաողի

Հնարս յաղագս մահուն թորովու,  
 զխորամանկութեանն զմայածու-  
 թիւնն Անակայ, և զսպանուիւնի  
 նմանէ թորովու՝ նենգաւոր իա-  
 բութեամբ. զմասնուիւն յայնմ  
 հետէ զաշխարհս Հայոց՝ ի ձեռս  
 թագաւորութեան օտարի. զփա-  
 խուցանելն դայեկացն՝ զորդիս  
 թորովու՝ յօտարութիւն առ՝ ի  
 յապրումն. զհսկայաբար միւսան  
 քամ զդարձն Տրդատայ, և զյաղ-  
 թօղ մարտիւ ունելն զիւրոյին  
 զնախնեացն քաջաբար զթագա-  
 ւորութիւնն. զդիմելն ի նմա սրբ-  
 բոյն Գրիգորի. զհեշտ պաշտաման  
 տենչիւ զնահատակութիւն նորին  
 Արքայն, և թէ որպէս տարաւ ան-  
 պատումն և անբաւ բազում չար-  
 չարանացն. զաւաւելապէս օգնա-  
 կանութիւնն Քրիստոսի որ ջու-  
 ցաւ ի վերայ Արքայն, ի հիաշումն  
 դեռւս մոլորեալ մարդկան. զհամ-  
 բերութիւն տեղողութեանն այն-  
 չափ ամս ի վերապին, ըստ կան-

Խաղէտ տնտեսութեանն վերնոյն,  
 որ պահէր զնահատակն 'ի գործն  
 Հայոց. զեկս սուրբ կուսանացն 'ի  
 Հոսովմայեցւոց քաղաքէն, և զհե-  
 ղուսն մարտիրոսական անբեանն 'ի  
 Վաղարշապատ քաղաքի, յնուսդն  
 մըն դաւարութեան գօսացելոյ  
 գիոց մարդկան. զէլն Սրբոյն Գրե-  
 գորի 'ի խոր վիրսայէն, և զհա-  
 նուսն Հայաստան աշխարհիս 'ի  
 իսաւարէ անգիտութեանն. յաս-  
 տուածային արքայութեանն լէյս.  
 զչորգորուսն յայնմհետէ վարդա-  
 պետութեան կենաց աշխարհիս  
 Հայոց. զկտակս մկրտութեան լու-  
 սոյ՝ զոր փրկիչն Քրիստոս 'ի ձեռն  
 մեծի նահատակին Գրիգորի բա-  
 րեխօսութեամբն և սուրբ կուսա-  
 նացն՝ ծաւալեցոյց յաշխարհիս մե-  
 ռում. ոչինութիւն էկեղեցեաց,  
 վպայծաւութիւն քահանայից, ըզ-  
 խումբս բազմամբոի ժողովրդոց  
 'ի տօնս Փրկչին և 'ի ժողովմունս  
 յիշատակաց Սրբոց: Զայս ամե-

նայն, ևս առաւել քան զսոյն գիտու  
թիւն, յիւրում հաստատուն և  
անսխալ կարգաւորութիւնսն՝  
պատմեաց մեզ երանելի այրն Աս-  
տուծոյ Ագաթանգեղոս:

Գ Արուներկրորդ գրոցն անուա-  
նեն զոմն պատմագիր կոչեցեալ Փոս-  
տոս Բուզանդացի, և վասն զի  
կարգելոցն առ ՚ի նմանէ ՚ի տեղիս  
ուրեք՝ կարծեցին ոմանք բանք ինչ  
ոչ յարմարք և դիպողք, որպէս  
առաջնոյն ճշմարտութիւն Ագա-  
թանգեղոսն կոչեցելոյ, յերկուա-  
ցեալ հարկաւորին շատել զայնալի-  
սի անպատշաճ կարգումն բիւ-  
զանդացւոյ ուսելոյ: Քանզի Բիւ-  
զանդիոսս այս փոքրիկ քաղաքիկ  
էր յառաջադոյն շինեալ յառնէ  
ումեմնէ Բիւզաս անուն կոչեցե-  
լոյ, մերձակայ Թրակացւոց սահ-  
մանակցութեանն. զոր և ՚ի գալն  
աստուածակամ հրամանով սրբոյն  
Աստանդիանոսի ՚ի վերայ անթիւ  
բազմութեանն Գթաց ՚ի պատե-



րազմ<sup>1</sup>, և առ եղերքն Ղեկովք գե-  
 տոյ արարեալ զիւր զօրու բանա-  
 կատեղս, որ աստուածային տես-  
 չութեանն լինէր արժանի, օրի-  
 նակեալ նմա յայտնապէս յերկնից  
 տատեղեայ լուսատեսիկնչան կեն-  
 սաստու խաչին, բերելով շուրջ զին-  
 քեամբ ճառագայթից նշանագիրս,  
 թէ Այսու յաղթեսցես. և նորա  
 զարթուցեալ, յուսով երևեցելոյ  
 նմա սուրբ նշանին օգնականու-  
 թեան՝ յաղթեալ վանէր զթշնա-  
 վեացն բանակսն. և խնդիր փութա-  
 պէս գիւտիս այսմ հոգացեալ, ճե-  
 պով զիւր մայրն դերանելին Նեղի-  
 նէ յՆրուսապէմ առաքէր, և թէ  
 որպէս անդ 'ի ձեռն ջերմ խնդրոյ  
 սրբոյ մարդոյն<sup>2</sup> յայտնեցաւ կե-  
 նաց փայտն, գիտէ ամենայն անձն

<sup>1</sup> Օտարոտի իմն է պատերազմդ և  
 տեղիդ. գոր այլ պատմագիրք 'ի սահմա-  
 նրս Հռովմայ և առ Տիբերիս գետով ա-  
 սեն:

<sup>2</sup> Թուի՝ Սրբայն Մակարայ:

'ի նորին գրոց տեղեկացեալ ըզ  
գիւտ փրկութեան մերոց:

Նւ ինքն թաղաւորն եկեալ 'ի  
յաւաջագրեալ քաղաքին, որ ա  
նուանեալ կոչէր Յիւզանդիոս, և  
տեսեալ զսքանչէլանեանս զամբու  
թիւն տեղոյն, թէպէտ և ծան  
րագոյն և բազում աշխատութիւն  
'ի տեղոջն ցուցանիւր, ոչինչ վե  
հերէր վասն օգտակարութեան կրղ  
վոյն. վասն զի շրջափակեալ յա  
մենայն կողմանց ծովածիր էր տե  
ղին, բայց խուն ինչ ցամաքայա  
տակ ճանապարհ առանց շրջագա  
յութեանց ջրոցն, որ ելանէր  
յարեմուտս կոյս քաղաքին: Ասղ  
վաղակի պէտէն 'ի գործ արկեալ  
տայր հրաման հարթել զբարձրա  
բերձ զբլուրան ոլք 'ի ներքս 'ի կրղ  
վոջն էին. և շինեալ քաղաք մե  
ծանայձառ զոր ըստ իւրում ա  
նուանակոչութեանն Աստանդ  
նուպօլիս անուանէր, որ թարգմա  
նի հայերէն Աստանդիանոսի քա

զաք, զոր ոմանք ըստ հաովմայե-  
 ցի բարբառոյն՝ Պաշտոն, ասեն,  
 որ Թարգմանի արքունի: Իսկ  
 որ յառաջագոյն շինեալ Բիւզան-  
 դիոսն էր, Թագ մի յեզեր նորին  
 քաղաքի, որ մինչև ցայսօր նորին  
 անուամբ կոչի Բիւզանդիոս: Եւ  
 յայնմ հետէ վասկք գիտութեան  
 որպէս ՚ի Թագաւորանիստ վայրի  
 յորդեալ բղխեն ՚ի քաղաքէն, որ-  
 պէս և յամենայն կողմանց յաշ-  
 խարհէն Յովնայ քաջ ուսեալքն՝  
 անդ փութան հանդիսանալ: Եւ  
 մինչև ցայսօր առաւելեալ տարա-  
 ծին յամենայն կողմանս նորա  
 իմաստութեան վտակք:

Արդ յայնպիսովն քաղաքի և ՚ի  
 մէջ այնչափ բազմութեանն ուսե-  
 լոյ վարժեալ այրն Փաւստոս, այն-  
 պիսի ինչ արդեօք անհաճոյս ըստ-  
 զայ բանս կարգէր ՚ի պատմու-  
 թեան իւրում. քաւ և մի լիցի:  
 Աւստի և անհաւատալի իմում  
 տկարամտութեանս կարծեցեալ

գործն, ասեմ, թէ գուցէ այլ ոք  
 յանդուգն և անհրահանգ բանիւ  
 լրբաբար ձեռն արկեալ յիւրն՝  
 դրեաց զինչ պէտս ըստ կամի. և  
 կամ զի ուրուք անկարացեալ դիպո  
 դրս՝ այլաբանեալ մասեաց, և ա  
 նուամբ Փաւստոսին զիւրոյ յանդը  
 գնու թեանն սխալանս համարե  
 ցաւ ծածկել. և այն յայտնի ցու  
 ցանի ամենայն հայեցողաց. քան  
 զի են ոմանք ՚ի Յոյնս, այլ մանա  
 ւանդ առաւել յԱսորիս:

Գ. Իսկ զհետ սորա՝ ըստ այլայլ  
 ման իրաց և ժամանակաց և դի  
 պելոյ աշխարհիս Հայոց բազմամ  
 բոխ դարուց, երբեմն իաղաղու  
 թեան և երբեմն սատոիկ և ան  
 բաւ շփոթմանց, միաբանութեան  
 առ միմեանս և երկպառակու  
 թեամբ ճեղքելոյ ՚ի միմեանց, բա  
 զումք սարգեցին գալ յայսպիսի  
 յայրատութիւնս, արք սգէտք և  
 յանդգուք. գրեցին յինքեանց  
 ճառս ընդունայնս և անպիտանա

բանս, և խառնեալ եղին 'ի գիրս  
գիտուն լսողաց. այլ ընտրող մը-  
տաց ճանաչի յայտնապէս գիտ-  
նոցն բանք և անմտացն շաղփաղ-  
փութիւնք: Արում արթնամիտ  
խորհրդականութեամբ ուշագը-  
րեալ այսմ ամենայնի, մտաւոր և  
քաջ այրն Վահան, տէրն Մամիկո-  
նէից, զօրավարն Հայոց և մարզ-  
պանն, որ բազում և անհամար  
ուղղութեանց աշխարհիս Հայոց  
'ի ժամանակս իշխանութեան իւ-  
րոյ եղև արարող անձամբ՝ և զայլս  
յորդարելով զբազումս. սա որպէս  
և այլ ամենայն բարւոյ իրօք հո-  
գացեալ զՀայաստան աշխարհի  
իրս, առաւել ևս զայս 'ի գէպ և  
պատշաճ համարեցաւ. 'ի մնացեալ  
տեղւոյ պատմութեան երկրորդ  
գրոցն՝ աճեցուցանել յառաջ, և  
գրել յայնմհետէ զեղեալս յաշ-  
խարհիս Հայոց: Բազում զգուշու-  
թեամբ գրել և կարգել մի ըստ  
միտչէ զամենայն զհոգևորացն զա.

աքինութիւնս և զարանց քաջաց  
 պաւութիւնն: Արպէս. զի. զՏ.  
 գեորայն զբարի վարսն լուեալ  
 բազմութեան ժողովրդոցն՝ նմա  
 նողք լինել. ցանկասցին. մարդիկ  
 ճգնութեանց նոցա, և պարտեալ  
 եւանգեանն չարութիւնն՝ անդէն  
 և անդ դադարեալ ցածնուն: Այս  
 պէս և բան հզօրին Աստուծոյ վճա  
 րէ զամենայն՝ զոր կամի. ցասու  
 ցեալ ըստ չարի մեր գործոց՝ խրա  
 սէ ողորեալ. զբարի դարձեալ տե  
 սանելով՝ ողորմի փութով:

Եւ արդ յահագին այսպիսի մա  
 հուս պերծեալ անձինք շահաժողով  
 ընչասիրացն, և հասեալք. և եթ  
 ինդիոցն տենչիցն՝ որում ուշարա  
 րեալ բաղձան, մոռացեալ զվիշա  
 սըն՝ բերկրեալ օգտիւքն զուար  
 ճանան. իսկ սրչափ ևս. առաւել  
 գտանիցին գանձուն յաւիտենից  
 ժառանգաւորք, որք և զյօրի  
 նուածս բանից ստուգապատում  
 կարգեալ պատմագրեցին, չառնել

մարդանհանձնութեան բանից յա-  
 ւելուածս՝ ՚ի ցրումն սակերաց,  
 ըստ ասացուածի սաղմոսերգին,  
 այլ զգնչական երկիւղիւն ընդ  
 բազմաց լայնածաւալս՝ գիտնական  
 բանի նաւեցին անվթար՝ ՚ի սուրբ  
 Հոգւոյն շնորհան յուսով ապաւի-  
 նեալք. ունելով փոխանակ փայ-  
 տամած տախտակացն՝ զհիմն ուղ-  
 զափառ հաւատոյ, և փոխանակ  
 ՚ի նմա բազմայարմար կազմու-  
 թեան հնարիցն՝ զերբեակ ինքնու-  
 թեանն միութիւն, ըստ անբա-  
 ժան սուրբ Երրորդութեանն: Եւ  
 զինաւացն տախտակք աւանց բազ-  
 մաց սատարելոյ չհնարին լինել յա-  
 նօթ սխտանացու, քանի՞ ևս առա-  
 ւել այսպիսի մեծ և հոգևոր գոր-  
 ծոյ ձեռնարկութիւն, ուր բազում  
 կարևոր պէտք էին առնօքինի արանց  
 օգնականութեան. կալ ոմանց ըստ  
 աստուածային հրամանատու-

1. Թուի սխտոյ լայնածաւալ ծովն:

Թեան 'ի հնազանդութիւնն բնիկ  
 իւրեանց արշակունի թագաւորա-  
 ցնն, և այլոց ծառայել կամաւ օ-  
 տար թագաւորացն' 'ի կորուստ  
 անձանց և աշխարհիս. որք 'ի միա-  
 բանելն՝ տեսանէին զԱստուծոյ օգ-  
 նականութիւնն յանձինս և յաշ-  
 խարհս, և 'ի քակտիլն և 'ի պա-  
 ւակտիլն՝ զիմասս և զկորուստ յան-  
 ձինս և յաշխարհս: Եւ բազքն Ա-  
 սելով զայլոց զգործսն յառաջա-  
 դոյն քաջացելոցն, անուանի յիշա-  
 տակ թողցեն զկնի իւրեանց՝ ան-  
 ձանց և ազգի: Իսկ ծոյլքն և վատ-  
 քրն՝ հայելով յանձինս և լսելով  
 զայլոց զպարսաւանս, 'ի բարինա-  
 իանձն կրթեալք՝ ջանասցին լա-  
 ւանալ:

Ե. Ըստ այսմ օրինակի զգու-ա-  
 ցեալ ստիպեցուցանէ զմեզ տէրն  
 Մամիկոնէից Վահան, զօրավարն  
 Հայոց և մարզպան, որոյ հասեալ  
 հրամանս առ իս Ղազար փարպեցի.  
 որ և սնեալ և ուսեալ առ ոտս ա-



աքթինակրօն երանելոյն Աղանայ ,  
 որ էր ազգաւ 'ի հոյակապ և յա-  
 կանաւոր տոհմէն Արծրունեաց ,  
 որդի Աստակայ եղբօր Տաճատայ  
 և Գոտորղի : Ար մինչդեռ էր 'ի  
 ախա մանկութեանն , և այն ինչ  
 դեռ տէգ մուրուացն 'ի վերայ գե-  
 ղեցկատեսիլ վարդափթիթ ճիւ-  
 տիցն բուսանէր , 'ի բաց ընկեցեալ  
 արհամարհէր զամենայն վայելա-  
 կենցարդս . և գերկնաթուիչ զճա-  
 նապարհէն յաւիտենից բարու-  
 թեանցն ընտրեալ հետեւիւր , կե-  
 ցեալ յանասլասա ընդ արս ընտիրս  
 'ի ճգնութիւնս մեծամեծս : Զո-  
 լոյ և ոչ բաւական ոք է բանիւ  
 բովանդակել զանբաւ վարուցն  
 զառն նահատակութիւնն . այլ  
 այսքան միայն ասացեալ՝ մնացու-  
 ցուք զբանս , որպէս թէ պատճա-  
 ւանօք գոլով 'ի մարմնի , տքնու-  
 թեամբ և սրտօք և անդադար

աղօթիւք . պայտ և պցերեկ . միշտ  
 հողևոր անապառ վաստակօք զան  
 մարմնոցն զվերին պօրայն բերել  
 յանձին զքաղաքավարութիւն , որ  
 ոչ երբէք 'ի կեանս իւրում ընտ  
 րեաց ժամ աղօթից , այլ զաիւ և  
 զգիշեր անհանգիստ նմա ժամ աղօ  
 թից էր : Եւ կեցեալ այսպէս , մին  
 չեւ անաւելեալ ծաղկեր հեր գլու  
 խոյն սպիտակն քան զխարտէշն , և  
 կատարեալ զընթացս . նահատա  
 կութեան իւրոյ՝ հանգչէր : Եւ  
 եղեալ 'ի մատրանն 'ի յԱգամա  
 կերաի . որոյ յիշատակարանն ընդ  
 անուանս վկայիցն սրբոց պատ  
 մեալ քարոզի մինչև ցայսօր և յա  
 ւիտեան , անուն սրբոյն յամենայն  
 եկեղեցիս Հայաստանեայց աշխար  
 հիս , Վրաց և Աղուանից :

Եւ արդ՝ այսպէս հարկաւորեալ  
 բնադատեաց զովարութիւնս  
 մեր տերն Մամիկոնեից Վահան ,  
 սպարապետն Հայոց և մարզպան ,  
 ձեռնարկել 'ի գործ՝ որ 'ի վեր

քան զկար գիտութեան մերոյ էր ,  
 քանզի ոչ էր քան զքան 1 : Ձի ոչ  
 փոքր ինչ կասկած է՝ աներկիւղ  
 այսպէս ուրուք տալ զանձն յայս-  
 պիսի վատակա , ուր պիտոյ են  
 յարմարութիւնք բանից , որոշեալ  
 կարգադրութիւնք ըստ հրամա-  
 նի կանոնեալ գիտութեանն , բե-  
 ռել պատկառելով ստուգագրու-  
 թիւն անպարսաւ յականջս իմաս-  
 տասէր լսուաց . չյաւելուլ զան-  
 եղեալսն՝ յընդունայն աճմունս  
 բանից , ճուղազեցուցանել զեղեալ  
 սրն եւ կարճակառուր պատմել ,  
 բանիւք անփութութեամբ . այլ  
 զբնաւն ուղտիտոհ զգուշութեամբ  
 բերել՝ ի յայտնութիւն : Եւ վասն  
 զի են աստ պէտք բազում երկիւ-  
 զագին պատրաստութեան , արդ 2  
 նախատեալ իմումակար խորհրդ-  
 դոյս , ալաչեմ սասարեցէք ամե-  
 նայն ալօթասէր անձիւք , ձերովք

1 Այսպէս յօրինակին : 2 Յօր . 47+ :

աւ Աստուած ինդրուածովք օգ-  
 նականութեամբք. որովք արդա-  
 րապատումն ճշգրտաբանեալ զե-  
 դեալ 'ի վեր քան զիս Կորնթոս  
 հարկաւորութիւն, ընդ չորձանս  
 մեծապատումն ծաւալացս նաւեալ  
 մտաւոր ստուգաբանութեամբ,  
 հասից բարեխօսութեամբ սրբոյ՝  
 յանալէկոծ և յապահով նաւա-  
 հանդիսոն:

(Որհնեալ է Աստուած:

## ԴՐՈՒԱԿ Ա.

Զ. Եւ 'ի բաժանելն զԹողաւոյ  
լուծիւն Արշակունոյն յերկուս,  
աւ 'ի հնազանդեցուցանել զկողմն  
արեւմտից աշխարհիս Հայոց՝ Թա-  
գաւորին Յունաց՝ ընդ իշխանու-  
թեամբ իւրոյ տէրուծեանն, և  
զկողմն արեւելից խոնարհեցու-  
ցանելով դաւն և բանաւոր ծառա-  
յուծեամբ՝ արքային Պարսից.  
Էրթեալ այնուհետեւ նախարար-  
քն Հայոց՝ ի վիճակէ մասին ար-  
քային Պարսից, ինդրէին իւ-  
րեանց Թագաւոր ըստ բնիկ նախնի  
կարգին յազգէն Արշակունեաց:  
Եւ արքային Պարսից Շապուհ  
կատարեալ զհայցուածս նոցա՝

շնորհէր նոցա թաղաւոր Խոսրով  
անուն յազգէն Արշակունեաց :

Քանզի նախոցն թաղաւորն  
Հայոց Արշակ՝ ունէր միահեծան  
զթաղաւորութիւնն՝ ի վերայ ամե-  
նայն աշխարհիս Հայոց : Իբրև է-  
տես թէ խախտեալ և քայքայեալ  
մասնեցաւ ՚ի բաժանումն մեծ իշ-  
խանութիւն : Թաղաւորութեան  
ազգին իւրեանց , մեծաւ տրամու-  
թեամբ խռովեալ . տարակուսէր  
յանձն իւր . տեսանէր նախ զան-  
կանեղն . ընդ լծով ծառայութեան  
երկուց թաղաւորաց զաշխարհս  
Հայոց . և դարձեալ զմեծ մասն  
զլաւն և զպիտանին և զարդաւան-  
դին աշխարհիս Հայոց՝ ունել ՚ի  
բաժին արքային Պարսից . քանզի  
թէպէտ և հասեալ բազում գա-  
ւառքայլ՝ ՚ի ժառանգութիւն մա-  
սին թաղաւորին : Յունաց , սա-  
կայն համեմատելին այն միայն Այլ-  
բարատեան գաւառին : Խորհ-  
հուրդ բազմածուքի հանդերձ իւ-

րովք սիրելեօք՝ ի մէջ առեալ  
 թապաւորն Արշակ մայրոյս լինէր  
 ՚ի սիրա իւր ասելով. թէպէտ էր  
 բէք մինչեւ ցայժմ կամ հակառակ  
 կու թեամբ կամ սիրով եղեալք մեր  
 ընդ միմեանս, զգացուցեալ էր  
 մեր նոցա դործով պատերազմի,  
 որպէս և պարտ էր ճանաչել առն  
 զփորձ միւսոյ ևս շաւղոսնի բան  
 զինքն. և թէ խոնարհեալ դիպեաք  
 ՚ի սէր առ միմեանս, սակայն եղ  
 բայր լինեաք հաշուեալ նոցա, պա  
 տուով և դահակցու թեամբ ըստ  
 կրտրագոյն մասին. և ոչ բնաւ  
 անկեալք ՚ի բաժին՝ զանուն ծա  
 ւայու թեանս ստացեալ կրեաք  
 յանձինս: Իսկ այժմ յադագս ցա  
 սուցանելոյ մեր և մերոց առաջ  
 նոցն զերկայնամիտ և զքաղցր Աս  
 տուած, մատնեալ անկաք՝ ի ստրկ  
 կու թիւն, և խոնարհեալք յանար  
 դու թիւն՝ անողորմութեամբ գը  
 տեալք ՚ի բաժանուսն. այլ և զգե  
 ղեցիկ տեղի հանգստի մերոյ և

բնակութեան՝ տեսաք ժառանգ  
 գեալ ամբարհաւաճ և անասառած  
 ազգին Պարսկաց: Վասն որոյ ընա-  
 րեւագոյն լիցի ինձ թողուլ զանձ-  
 կալի և զամենատենչ վայրս Այ-  
 րարատոյ՝ զբնիկ և զսեպհական  
 տեղիս նախնեաց իմոց, և գնալ ըզ-  
 կնի աղքատութեան, և կեալ բազ-  
 ճալի կարօտանօք, քան թէ սիրել  
 զկենցալս աշխարհիս, զոր իբրև  
 թողոց եմք ահամայ. և ընտրել  
 զբնակութիւն մասին այսորիկ՝ քան  
 բնակել անարգանօք՝ ի մէջ անօրի-  
 նաց, և կեալ միշտ ցաւօք մտաց  
 զյերկար և կամ զկարճ կեանս ան-  
 յայտ կենցաղոյս, և վախճանել  
 անարգութեամբ, ըստ որում որ-  
 ոչ արժանի թագաճորտկան պա-  
 տուոյ և շքեղութեան:

Է. Եւ խորհելով զայս ամենայն  
 Արշակ թագաւորն՝ ի միտս իւր՝  
 լքեալ մերժեալ թողոյր զբարի և  
 զբնիկ ժառանգութիւն նախնեաց  
 իւրոց՝ զգաւառն Այրարատու,



զհոյակապն և զհաշակաւորն և զա-  
 կանաւորն, զամենաբոյան, զամե-  
 նաբուղիսան, զամենալին, զամենա-  
 գիւտն 'ի շահս և 'ի դարմանս,  
 մարդկայլին պիտոյիցս կենաց, և  
 վայելչութեան և սթափութեան:  
 Զգաշտս մեծատարածս և որսալի-  
 ցրս, զլերինս, շուրջանակի գեղեց-  
 կանիտս և պարարտարօտս, զհս-  
 ծեալս էրէովքն կճղակարածնիւք  
 և որոճայնովքն, և սյլովք ևս բայ-  
 վօք ընդ նոսին. յորոց 'ի վերուսս  
 'ի կատարացն՝<sup>1</sup> ջրոց հոամուք  
 անկարօս ուղղման, արբուցանե-  
 լով զգաշտս մատակարարէ անբաւ-  
 բազմութեամբ: յոստանն, կա-  
 նամբք, արամբք և ընտանեօք, զան-  
 պակասութիւն հացի և գինւոյ,  
 զանուշահոս գլեղրահամ քաղցրու-  
 թիւն բանջարացն և զզանազանու-  
 մըն իւղաբուղիս սերմանցն: Իսկ 'ի  
 լանջակողմանան կամ 'ի սարահարթ:

1 Յօր. կտարարածն:

տեղիս յոր գիտեցուցեալ զհայե-  
 ցած նորոգաւանիլ վարդոց . հան-  
 դերձս ինչ և ոչ ծաղկաբոյս . գոյնս  
 կարծեցուցանեն սիռեալքս . պա-  
 րարտաբոյսք և սարարտարօտք ,  
 պարարտահամք . որոց թանձրա-  
 խիտ աճմուտք խոտոցն՝ զանթիւ  
 արօտականս ընդունի իշանց և զան-  
 համբոյր բոյլս վայրենի էրէոցն .  
 յազեցուցեալ , թանձրաթաղան-  
 թըս ; առողագաւակս , սոնքայեալս  
 գիրութեամբ զբնաւ մարմինն ցու-  
 ցանեն : Իսկ սաստկաբուրու մու-  
 անուշահոս ծաղկանցն , որ պարան-  
 ցըն քաջաց որսասէր նետողացն և  
 զհօտարած բացօթեգացն ընձեռե-  
 լով առողջութիւն զօրացուցանեն  
 զզգայութիւն խելացն և նորո-  
 գեն : Անդ գտանին և ազգի ազ-  
 գի արմատք բուսոց ՚ի պէտս օդ-  
 տակարութեան գեղոց՝ ըստ ճար-  
 տարագէտ ճանաչողութեան ստու-  
 գահմուտ բժշկացն յօրինուածոց ,  
 երագահոս ախտահալած սպե-

վանիք; և կամ արբամբ՝ յերկա-  
րեւոցն 'ի ցաւս պատահացոցա-  
նեն առողջութիւն: . . . . .

Իսկ դաշտացն ամենայրութիւնս  
զկամս աշխատասիրացն կորզելով  
յինքեանց իբրև բանիւ, և ապցեալ  
որ զինչ և է բարով, եւս առաւել  
փութանակի զդարձն սու ինքեանս  
հրաւիրեն միանգամայն: Արբ ոչ  
միայն երեւելութեամբն ցուցա-  
նեն վերաբերեալ զշահաւորու-  
թիւն օգտից մարդկան, այլ առա-  
ւել յորդորախոյզ աշխատուացն  
զառ ընդ երկրաւ ծածկեալ օգու-  
տըս ուսուցանեն, գանձել անձանց  
զշահս և զվայելս այսր աշխարհիս  
'ի մեծութիւն թագաւորաց և 'ի  
հաստատութիւն հարկահանաց,  
զոսկի և զսրբինձ և զերկաթ և զպա-  
տուական քարինս. զոր ընկալեալ  
արուեստող ձեռաց՝ զարդարեն ըզ-  
թագաւորս մեծատեսիլ զարդեօքն,  
յօրինուածովքն՝ զոր 'ի իտյրան և  
'ի թալան և 'ի հանդերձան ոսկե-

հոռու պանդուռեալս ընդէլուպա  
 նեն: Այլ և մածմամբ ջրոց՝ համար  
 ծին անուշուլթիւնս՝ մատուցանեն  
 զխորտկացն որոշուլթիւնս. նաև  
 զարմատս եղէգնասեր բուսոցն՝ ոչ  
 ընդունայն անուցանէ յինքեան  
 ամենաբաղձ՝ դաշտն Այրարատոյ.  
 այլ և՛ ի նմանէ ծնեալ որդունս՝ ի  
 զարդ կարմրատեսիլ գունոց ընծա  
 յէ օգտասիրացն շահս և շքե  
 ղուլթիւնս: Եւս և գետոցն գնացք  
 բաղմակերպ ձկամբք մեծամեծօք և  
 փսքովք, զանազանեալ համովք  
 և այլ և այլ տեսովք՝ ուրախա  
 ցուցեալ լցուցանէ զշնորհս ընչից,  
 և յադուրդ որովայնից ժրացելոցն  
 և անվեհեր ջանացողացն:

Անուցանէ յինքեան երկիրն ջր  
 րովք արուեստախւք՝ և զառաւե  
 լուլթիւն հաւուցն յուրախուլթիւն  
 և ի սթափումն որսասենչ ազա  
 տացն. զկրկշաձայն քաղցրաձայն

սուսպարասէր վիճասոյց սորան  
 մուտ երամս կաքաւացն և սալամ  
 բացն, և կամ զեղէգնաբնակ թփա  
 մուտ մացառալոյ պարարտամար  
 մին զանուշահամ արգ արբացն  
 վայրենեաց, այլ և զջրասուզակ  
 մամուսինդիր խօզակեր մեծան  
 ձուլք և յայթամարմինք հաւքն,  
 փորն և թանձրն և սագն, և կամ  
 այլ բազում և անհամար ցամաքայ  
 նոցն և ջրայնոցն շոկք թռչնոցն:  
 Իսկ թակարթացն շրջափակու  
 թեամբք, երազագիւքն և գահո  
 ղովքն և ևալ ի յորս գունդքնախա  
 րարացն որդուլքն ազատացն, ուր  
 ոմանք զհետ ցուցն և այծեմանցն  
 արշաւելով՝ զիսկախականն և զա  
 ղեղնայինն և թ բարբառեացին, և  
 այլք զհետ բուլից եղբերուացն և  
 եղանց ձիարձակ եղեալ՝ զգործ կո  
 թովաձիգ արանցն ցուցանեն, և  
 կէսք սուսերօք իբրև զմենամար  
 տիկս՝ զաստուկանդամ երանս վա  
 թաղացն զլորեցուցեալ սպանանեն:

Եւ շատք 'ի մանր մանկանց նախա-  
 րարաց որդւոցն՝ դաստիարակօք  
 և ծառայիւք, զայլ և այլ սեռս 'ի  
 թաշնոցն որսացեալ բազայիւք,  
 դարձեալ բերիցեն 'ի յաճոմն  
 ընթրեացն ուրախութեան և այս-  
 պէս առցեալք իւրաքանչիւր որ-  
 սով՝ գնան ուրախացեալք:

Որոց դէտակն կալեալ ըստ հա-  
 նապաղօրեայ սովորութեան՝ ջրա-  
 յոյզ ջրածուփ ձկնորսացն ման-  
 կունք, ընթացեալք 'ի յառաջ նա-  
 իարարագունդ որերոյն, ձկունս  
 'ի յորսոյ, և բազմաչան վայրենի  
 հաւուց ձագս և ձուս 'ի կղզեաց գե-  
 տոյն՝ բերեալ մատուցանեն ըն-  
 ծայս իշխանացն: Յորոց ընկալեալ  
 մասն ինչ նախարարացն ըստ կամի՝  
 պարգևեն և նոքա 'ի յիւրեանց բե-  
 րոցն ըստ առաւելապէս բաւակա-  
 նի ընծայաւորացն և հասեալք լի  
 ամենայն բարութեամբ յիւրա-  
 քանչիւր յապարտնս, շնորհեն և  
 անպարտպիցն մնացելոցն 'ի սան՝

զամբիծսն, առաւելապէս և առ օ-  
 տարսն: Եւ տեսանել է յամենե-  
 ցուն ընթրիս՝ որպէս և շեղջակոյ-  
 արս ինչ՝ ի վերայ միմեանց զերես-  
 ցն թաղմութիւն և զնոցուն զվե-  
 խոց կարգմանց զառաջագործութիւն.  
 Եորոց ուրախացեալ բերկրին ձրկ-  
 նակերացն և մսակերացն անձինք.  
 առաւելքսն զխորտկաց անուշու-  
 թեամբ՝ հոգեւոր ճաշակօք սաղմո-  
 սիւք և մարգարէական երգօք օրհնե-  
 լով զպարգևատուն Քրիստոս և ըզ-  
 առելչ և զցուցիչ ամենայն բարու-  
 թեանց:

Ը. Եւ արդ զայսպիսի զըզձակերտ  
 գաւառ՝ զճնաշխարհիկ և զամենայն  
 ըստ առչութեան ամենախնամ  
 արարչին Աստուծոյ, զԱյրարա-  
 տեան գաւառ, որ է գլուխ աշ-  
 խարհիս Հայոց, զգաւառն համբա-  
 ւատենչ, զգաւառն ամենայն, որ  
 բերէ յիջեան զօրինակ լիութեան,  
 ըստ բանի Գրոյն, զերկրին Նգիպ-  
 առչւոյ և զդրախտին Աստուծոյ,

և զքնիկ սեփհականս կաշուածի ազ  
 դին Արշակունեաց՝ զքաղաքն Աա-  
 դարշապատ, զքնակուժիւնս ոստա-  
 նինս արշակունի թագաւորացն, ըզ-  
 բարձրաբերձ շինուածս անթիւ ա-  
 պարանացն, զանյազ դամենայլի  
 դաշտացն զքերկրունս; զհրեշտակա-  
 ցոյց հիմնարկուժիւնս սրբոյ տանն  
 Աստուծոյ՝ մեծի եկեղեցւոյն, և  
 զայնց վկայարանաց ճգնադրեցիկ  
 երանելի կուսանացն. որոց գլ-  
 տեալք անարժան՝ ազգն Արշակուն-  
 նեաց յաղագս անարժան գործոյ  
 խրեանց, ըստ բանի սրբոյ տանն  
 Աստուծոյ Ներսէսի, գոտան՝ ե-  
 ղեալք ընկեցիկք յերեսաց Աստու-  
 ծոյ. մասնեցան ՚ի բաժանումն  
 թագաւորին Պարսից և Յունաց.  
 որոց վիճակեալ երկոցոմայ զմեծ  
 զաշխարհս Հայոց՝ բաժանեալ ծա-  
 ոայեցուցին:

Յաղագս որոյ յուղի անկեալ  
 վնայր յԱյրարատեան գաւառէն՝  
 որպէս ՚ի դերուժիւնս Արշակ թա-



դաւորն Հայոց. լաւ համարեցաւ  
 երթալ զհետ սուղ սակաւ բաժնի  
 յերկիրն. հաւասացեալ, և կալ 'ի  
 հնազանդութիւն Յուդայ թագաւորին,  
 քան թէ կալ 'ի փափուկ գաւառի  
 այսպիսի վայելչութեանց, և տեսանել  
 հանապազօր զայսպանունն հաւասոց,  
 զթշնամանս սուրբ եկեղեցւոյ,  
 զնախաստինս զոր կրեւոց էին  
 պաշտօնեայք աստուածային ուխտին  
 յանօրինաց, զթեթևութիւն  
 իւրոյ անգին և զթագաւորութեան՝  
 յամբարհաւած իշխանացն Պարսից  
 տերութեանն. ընտրելագոյն հաշուեալ  
 անցուցանել զնուազ և զթուով ժամանակ  
 կենցաղոյս այսորիկ քրիստոնէութեամբ  
 'ի խաղաղութեան, քան թէ սուտ  
 փառօք որպէս զարհամարհոտ  
 կեցեալ աստ և վրիպեալ յաւիտեանից  
 կենացս՝ մատնիլ յայտունն անշէջ  
 հրոյն յաւիտեանից: Աւսորհելով  
 զայս ամենայն՝ յանկարծակի 'ի միտս  
 իւր տարակու

սեալ, չքեալ գրարի ժառանգու-  
թիւնն զնախնեաց իւրոց՝ գնայր ՚ի  
ծառայութիւնն թագաւորին Յու-  
նաց ։

Թ. Իսկ յետ ժամանակի ինչ ան-  
ցելոց՝ բերեալ ասելութիւնն նա-  
խարտրացն Հայոց, որ ընդ Պար-  
սից իշխանութեամբն էին, ընդ  
թագաւորին իւրեանց Խոսրովու,  
վասն երթացոյ տակաւին ՚ի նուա-  
զուսն թագաւորութեան յազգէն  
Արշակունեաց, յապագս ասուե-  
լեալ ՚ի նոսա գործոց իւրեանց ջա-  
րաց, ըստ բանից սուրբ քահանա-  
յապետիցն աւաչնոց և այլոց ևս  
բազում աւաքինի արանց, որք ան-  
լուս բերանով բողոք բարձեայ  
յանդիմանէին զանարժան գործս  
նոցա և զմատնուսն ընդ լծով խիտ  
և անօրէն ծառայութեանն Պարսից,

1. Աստանօր պակասել երևի պատ-  
մութեանն, որ պահանջէր յիշել զպա-  
տերազմն Արշակայ ընդ Խոսրովու ։

և նախադոյն բարբառէին, երթեալ  
 այնուհետեւ առնէին բանասրկու-  
 թիւնս առ Շապուհ արքայն. Պար-  
 սից, եթէ Խոսրով զինքն կարծե-  
 ցուցանէ քեզ սիրելի և հնազանդ,  
 և այս ամենայն ցուցակութիւնս  
 ըստ քեզ ստուծեամք՝ և ոչ ստու-  
 գուծեամք. վասն զի դապտ ուխտ  
 իւր և խորհուրդ ընդ թագաւո-  
 ըին Յունացէ, և միշտ հրովարտաւ  
 կօք և երթիւեկ պատգամաւորօք խօ-  
 սի ընդ նմա՝ ի խաղաղութիւն: Կայց  
 դուք որպէս իմանայք հասուցա-  
 նել նմա ըստ նորա իաքէութեանն,  
 զայն դուք ոչ իշխէք՝ և կարծե-  
 ին բանասրկութիւն ըստ իւրեանց  
 անմիտ խորհրդոցն՝ կորուսանել  
 զնա, և անձանց և աշխարհի բա-  
 ըոյ իմիք շինութեան լինել պատ-  
 ճառ. և ոչ գիտէին եթէ տակաւին  
 ՚ի մաշումս և ՚ի չար ծառայու-  
 թիւնս վասն մեղաց իւրեանց մատ-  
 նեալ լինին յԱստուծոյ:

Իսկ զայն լուեալ խնդուածեամբ  
 և ախորժակ ունկնդրուածեամբ  
 Շապհոյ արքային Պարսից, հրա-  
 ման տայր վաղվաղակի հրովարտա-  
 կաւ՝ զԽոսրով ՚ի դուռն կոչել և  
 նորա ջղգացեալ զբանասրկու-  
 թիւն իշխանացն Հայոց, վաղվա-  
 ղակի օրպէս առ իւր իշխանս և  
 բարեկամս՝ ՚ի դուռն հասանէր։  
 Եւ Շապհոյ թշնամանեալ զնա, պա-  
 տուհասէր. այլ թերևս և վասն  
 յօժարուածեամբ մերժելոյ զնա ՚ի  
 թագաւորութենէն՝ և ոչ յանդի-  
 ման կամեցեալ առնել զնա չարա-  
 խօսացն, վաղվաղակի մերժեալ  
 ընկենոյր զԽոսրով յիշխանութե-  
 նէ իւրոյ թագաւորութեանն և  
 ուխտէր՝ այլ ոչ ևս տեսանել զաշ-  
 խարհն Հայոց, անդէն կալեալ յաշ-  
 խարհին Պարսից պահէր։ Իսկ իբ-  
 րև մերժեալ լինէր Խոսրով ՚ի թա-  
 գաւորութենէն՝ խնդրէին Հայք  
 ընդ Շապուհ՝ այլ թագաւոր իւ-  
 րեանց և նա հաւանեալ թագաւո-

րեցուցանէր նոցա զՎաւանչապուհ  
զեղբայր նորին Խոսրովու, յազ  
դէն Արշակունեաց. և թագաւո  
րեցուցեալ զՎաւանչապուհ՝ արձա  
կէր 'ի Հայս:

Ժ. Ի ժամանակս սորա թագա  
ւորութեանն տուաւ շնորհ հոգո  
լութեան յամենախնամէն Աստու  
ծոյ ամբ միում ճշմարտի՝ Մաշթոց՝  
անուն կոչեցելոյ, որ էր 'իգաւառէն  
Տարունոյ, 'ի Հացեկաց գեղջէ, որ  
դի ամն որում անուն էր Վարդան.  
'ի տիա մանկութեան իւրոյ ուսեալ  
դարութիւն զյոյն, պինուորեալ  
'ի դունն Հայոց արքային Խոսրո  
վայ, կարգեալ յերամ մասենա  
գիր արքունի դարսոցն. վասն զի  
ասորի և յոյն գրով վճարէին յայն  
ժամ զգործ թագաւորին Հայոց՝  
արքունի դպիրքն, զվճարոցն և ըզ

Ղ. Ի կորեան պատմութենէ. և ըստ  
Խորենացոյ առեալ և դադափարեալ  
Իսկ են ճատեալքդ զՄեսրոփայ:

հրովարտակացն: Եւ սպասաւ որեւալ  
 անդ ամս կարգաւորապէս անանց  
 եպերանաց, յետ այնորիկ աննչաւ  
 ցեալ կարդի վանականութեան՝ եր-  
 թայ՝ ի վանս բազմութեան եղբարց,  
 և ընկալեալ զկերպարանս վանակա-  
 նութեան՝ լինէր ընտիր յամենայ-  
 նի և երևելի. հրաժարէր յամենայն  
 աշխարհագրօս երկրանոր զբաղ-  
 մանց: Ապա յանապատական կրօ-  
 նրս փոխեալ՝ զարմանալի երևէր և  
 հաշակաւոր. և կայր յանապատս  
 ՚ի բազում տեղիս քարանձաւաց,  
 մեծաւ առաքինութեամբ և խրս-  
 տամբեր վարիւք. բազում և այլ  
 սուրբ վարուք՝ կրօնաւորօք և ա-  
 ղօթասէր եղբարք, մինչև յամս  
 հինգերորդ՝ արքային Հայոց Ար-  
 սամշապհոյ եղբօր Յոսրոփու: Եւ  
 զայս թէ կամիցի ոք գիտել հա-  
 ւաստեալ՝ ՚ի պատմութենէ գրոց  
 տան ցանկալի Վորեան՝ աշակերտի

Կորին երանելոյն Մաշթոցի, կար-  
 դացեալ սեղեկացի զվարս կե-  
 նաց նորա, և զիւր հայերէն նշա-  
 նագրացն, թէ երբ կամ ուր, և  
 կամ յոյր ուրուք ձեռն դռանէ,  
 թագաւորին Հայոց Աւանշապու-  
 հոյ Ջերմեռանդն խնդրելով, զոր  
 կարգեաց գրելով ճշմարտանկն  
 յաւաջագրեալ այրն հոգևոր Ան-  
 թիւն, ուստի և մեր բնազումն  
 գամ կարգալով սեղեկացեալ հա-  
 լաստեալ:

Աւ այսպէս բազմաժամանակեայ  
 մտածութիւնն երանելոյ սուն Մաշ-  
 թոցի՝ ընկալեալ յամենախնամ  
 մարդասիրէն Աստուծոյ՝ զօրացոյց  
 զնա հոգևով ողորմութեան իւրոյ:  
 Քանզի հոգացեալ յարածամ ուրբա-  
 մէր երանելի այրն Մաշթոց՝ տե-  
 սանելով զմեծաշան ծախս ման-  
 կանցն Հայաստան աշխարհիս, որք  
 բազում թոշակօք և հեռապնաց ճա-  
 նագարհօք և բազմաժամանակեայ  
 դեղերամսթք մաշէին զաւուրս իւ-

րեանց 'ի դպրոցս ասորի գիտութեան: Քանզի պաշտօն եկեղեցւոյ և կարգացմունք գրոց ասորի ուսմամբ վարէին 'ի վանորայս և յեկեղեցիս Հայաստան ժողովրդոցս. յորմէ ոչինչ էին կարող լսել և օգտել ժողովուրդքն այսպիսի մեծ աշխարհի, յանլրութենէ լեզուին ասորոյ: Զայս 'ի բազում ժամանակս զմտաւ ածեալ երանելի արքն Մաշթոցի, և փղձկացեալ յանձրն իւր, մանաւանդ թէ գոն նշանագիրք հայերէն լեզուոյս, որովհնար է ինքեան՝ ձայնիւ և ոչ մտարացածոյ բարբառով՝ շահել զգիտ արանց և կանանց առհասարակ յամենայն եկեղեցիս բազմութեանն, զօրացեալ 'ի սուրբ Հովոյն յորդորմամբ, և եկեալ առ սուրբ կաթողիկոսն Հայոց Սահակ, լեկուցանէր նմա զիւրոյ բազմաթամանակեայ մտածութեան զխրնդիրն, և ընկալեալ 'ի նմանէ բազալերութեանս աւետիս, թէ՛ Զօ



րացեալ պինդ կաց, առեալ ընդ  
 քեզ և այլ արսօղնականս՝ ի քահա  
 նայլոց՝ զոր ես պատուիրեմ. և ուր  
 տկարանայք՝ ի կարգել զհեզենայ  
 սըն՝ բերեալ առ իս՝ ուղղեմ զայն.  
 քանզի յոյժ դիւրին է գիւտ ի  
 րացդ զոր հայցես: Իայց նախ ար  
 ժան է մեզ պատգուցանել թագա  
 ւորին զպէսս այսպիսի մեծ և կա  
 ընոր ինդրոյ. վասն որոյ և քան  
 զաւուրս ինչ յաւաջ ոչ բազումս՝  
 առեալ բանք յեկեղեցւոջ՝ յաղագս  
 կարօտութեան այդպիսի պիտոյլոց,  
 ասացեալ է ուրումն ցարքայ, թէ  
 տեսի նշանագիրս հայերէն առ ու  
 մեմն եպիսկոպոսի՝ ի գետոյ միտւմ.  
 և թագաւորն յիշէր զասացեալսն,  
 քանզի և ինձ նա պատմեաց:

Եւ մտեալ սրբոյ կաթողիկոսին  
 Հայոց Սահակայ, հանդերձ երա  
 նելեաւն Մաշթոցիւ առ թագաւո  
 րն Վաւաճապուհ, և իմացուցեալ  
 նմա զպէսս իրացն, յիշեաց և ին  
 քրն թագաւորն զիտուեցեալսն վա՛

նահանին վասն նորին իրացն ընդ  
 նմա, զոր և նորա պատմեալ ուրա  
 իացոյց: Եւ նոցա լուեալ զայս ՚ի  
 Թագաւորէն, փութացուցանէին  
 զնա ասելով, թէ ձեպեմ յաղաղս  
 մեծ և օգտութի աշխարհիս Հայոց  
 վիւտից այսորիկ՝ ՚ի ժամանակս քո,  
 որ շատ աւելի առ յապայսն բերե  
 քեզ շահ յիշատակ անմոռաց և օ  
 գուտ երկնաւոր վայելից, քան զիշ  
 իանութիւն Թագաւորութեանդ  
 քո, և կամ որպէս յաւաջ բան ըզ  
 քեզ նախնիքն քո էին յազգէն Ար  
 շակունեաց: Եւ Թագաւորին լը  
 ւեալ զայս և ինդալից եղեալ էա  
 վառս Աստուծոյ, որ ՚ի ժամանա  
 կրս Թագաւորութեան նորա զայս  
 պիտի հոգեոր կենաց վափաք ժա  
 մանդեաց յաշխարհիս Հայոց:

Վաղվաղակի ստիպով անաքեալ  
 գեապան զՎահրիճ ոմն անուն կո  
 ջեցեալ ՚ի ծնողայ իւրոց՝ հանգերձ  
 հրովարտակաւ, առ այր մի երէց  
 Հարէլ անուն, որոյ ստացեալ էր

յառաջագոյն ցարքայ, որ և մերձա-  
 ւոր էր ան: բարեպաշտի Գանիէլի  
 եպիսկոպոսի, առ որում նշանա-  
 գիրքն հայերէն կային, և երանե-  
 լոյն Հաբեւի ընկալեալ զհրովար-  
 տակն 'ի Վահրիճէ և լուեալ զիրան,  
 մութանակի հասանէր առ սքան-  
 ճելի եպիսկոպոսն Գանիէլ: Եւ նախ  
 անդէն 'ի նմին Գանիէլէ ինքն տե-  
 ղեկանայր զկարգ նշանագրացն, և  
 առեալ 'ի նմանէ, առ թաղաւորն և  
 առ սուրբ հայրապետն Հայոց Սա-  
 հակ և առ երանելին Մաշթոց հա-  
 սանէր: Իսկ արքային Հայոց սուրբ  
 կաթողիկոսան Սահակաւ և երա-  
 նելեաւն Մաշթոցիւ ընկալեալ ըզ-  
 նշանագիրան 'ի Հաբեւէ՝ ուրախ  
 լինելին: Բայց տեղեկացեալ զի  
 տային՝ ոչ վնեւ բաւական այնու  
 նշանագրօք ստոյգ հոլովել ըզ-  
 հեզենայ բառից հայկականաց  
 հագներդարար, մուրացածիւն այ-  
 նուիկ գծագրութեամբ:

Չկնի այսորիկ ինքնին Մեսրոպ

իջանէ 'ի Միջագետս հանդերձ ա-  
 շակերտօք առ նոյն Գանիէլ, և ոչ  
 աւելի ինչ գտեալ քան զառաջինն՝  
 անցանէ յՆդեսիա առ Ալատոս ու-  
 մըն ճարտասան հեթանոս, իջիան  
 դիւանին: Եւ նորա ինդուլթեամբ  
 ընկալեալ և զոր ինչ միանգամ 'ի  
 միտ աւնայր քան հայերէն՝ յինքն  
 առեալ և շատ ջանացեալ և ոչ օգ-  
 տեալ, զսոգիտուլթիւն խոստովա-  
 նեաց հոխորն, և զայլ ոմն ա-  
 սելով յոյժ հասու վարդապետ  
 իւր լեալ յառաջագոյն, և ապա  
 առեալ զճարտարացն գրեան 'ի նոյն  
 դիւանէն Նդեսեայ՝ և գնացեալ  
 քրիստոնէութեան հաւատաց, ու-  
 ըոյ անունն Եպիփանոս. զոր իրն  
 գրեալ գտցես, լցուցանել զվա-  
 փաքդ քո: Յայնժամ Մեդրովբայ  
 օգնականութիւն 'ի Բաբելոսէ ե-  
 պիսկոսոսէ գտեալ, և անցեալ ընդ  
 Փիւնիկէ՝ 'ի Սամոս դիմէ: Քանզի  
 Եպիփանու վճարելով զկենցաղս՝  
 թողեալ լինի աշակերտ մի անուա-

նեալ Հռուփանոս, հրաշալի ա-  
 րուեստիւ հելլեն գրչուածեան, որ  
 'ի Սամոս էր միայնացեալ: Ան սա  
 էրթեալ Մետրովբայ և յայսմ ևս  
 անչազ մնացեալ, յաղօթս ապաւի-  
 նի, և սեսանէ ոչ 'ի քուն երսպ և  
 ոչ յարթնութեան անսիլ, այլ 'ի  
 սրտին գործարանի երևութացեալ  
 հոգւոյն՝ թաթ ձեռին անջոյ գրե-  
 լով 'ի վերայ վիմի, զի որպէս 'ի  
 ձեան՝ վերջէ գծին կուտակեալ ու-  
 ներ քարն: Աւ ոչ միայն երևու-  
 թացաւ, այլ և հանգամանք անե-  
 նիցն՝ որպէս յաման ինչ 'ի միտս  
 նորա հաւարեցաւ: Աւ յարու-  
 ցեալ յաղօթիցն՝ ետեղծ զնշանա-  
 գիրս մեր հանդերձ Հռուփանոսիւ,  
 կերպածեալ զգիրն առ ձեռն պատ-  
 լաստ Մետրովբայ, փոխաորե լով  
 զհայերէն ամբութայսն ըստ ան-  
 սայթաքութեան սիլոբայիցն 'ի  
 հելլենացւոյն:

Աւ այսպէս գիպեալ գիւտինչա-  
 նագրացն՝ ձեռն 'ի գործ արկաներ

Երանելին Մաշթոց, յերիւրելով  
 զնա սուրբ հայրապետին Հայոց  
 Սահակայ, դիւրաջնար ճանապարհ  
 ցուցանելով կարգադրութեան գը  
 ղենոյս և հեգենային ուղղաձայ  
 նութեան. տալով նմա օգնականս  
 և այլ արս բանիրուես և մտացիս ՚ի  
 քահանայիցն Հայոց, որք էին սա  
 կաւ մի և նոքա որպէս երանելին  
 Մաշթոց՝ մերձաւորեալք ՚ի յաւ  
 նարէն հեգենայսն. որով աւաջ  
 նոյն անուես էր Յոհան՝ ՚ի գաւա  
 ռէն Եկեղեաց, և երկրորդին Յով  
 սէփ՝ ՚ի Պաղանական տանէն, և  
 երրորդին Տէր՝ ՚ի Խորձենոյ, և  
 չորրորդին Մուշէ՝ ՚ի Տարօնոյ: Ա  
 ըոց օգնելով զօրէր երանելին Մաշ  
 թոց, հանդիպեցուցանէր զհայե  
 ղէն աթութայսն ըստ կարգման սի  
 լովբայիցն Յովնայ, ստէպ՝ հարց  
 մամբ և սուսնելով ՚ի սուրբ կա  
 թուղիկոսէն Իսահակայ՝ զաթու  
 թայիցն դաղափար, ըստ անասյ  
 թարութեան յուսնին: Վասն զի ոչ

լինէին բաւական 'ի վճարել ան-  
 սխալ ուղղակի՝ առանց առաջնոր-  
 դելոյ նոցա սրբոյ հայրապետին  
 Սահակայ, որ յոյժ առչեալ ան-  
 ցուցանէր վարժիւք զբազում գիտ-  
 նովք Յունաց. եղեալ կատարելա-  
 պէս հմուտ երգողական տառիցն  
 և հռետորական յորդասաց յայտ-  
 նաբանութեան. ևս առաւել տե-  
 ղեկացեալ փլլիսոփայական ա-  
 թուեասիցն ցուցանիւր:

Աարպեալ այնուհետև Փրկչին ա-  
 ռաջնորդութեամբ՝ զգիր գրեհոյն  
 հայերէնի, և հելլենացին ուղղեալ  
 յօրինուածս, ցանկային կարգել  
 դպրոցս և ուսուցանել բազմու-  
 թիւն մանկաոյ. քանզի ամենայն  
 անձն յորդորեալ փափաքէր յու-  
 սումն հայերէն գիտութեան, որ-  
 պէս 'ի իսաւարէ՝ յասորի տանջա-  
 նացն ղերծեալք 'ի լոյս՝ խնդային:  
 Բայց ասրակուսեալք կասէին  
 ջանչքութենէ գրոց սրբոց. քան-  
 զի ոչ գոչին դեռ ևս հայերէն լառ-

զուժեամբ ուրբ կտակարանք եկե  
 ղեցուոյ : Եւ երանելին Մաշթոց և  
 որ ընդ նմա պատուական քահանայք  
 էին՝ ոչ զօրէին համարձակել յայս  
 պիսի սաստիկ և կարեւոր գործ ,  
 թարգմանել գիրս 'ի յոյն լեզուոյն  
 'ի հայ բարբառ . իսկն զի ոչ ինչ  
 էին այնպէս տեղեակ գիտնապէս  
 հրահանգի յունարէն ուսման :

ԺԱ. Ապա ժողովեալ ամենայն  
 աւագ քահանայք աշխարհին Հա  
 յոյ , հանդերձ երանելեալ Մաշ  
 թոցիւ և ամենայն նախարարօք աշ  
 խարհիս Հայոց և մեծամեծ տա  
 նուտերօք՝ առ թագաւորն Հայոց  
 Վռամշապուհ , և հանդերձ թա  
 գաւորաւն սկսան աղաչել զսուրբ  
 կաթողիկոսն Սահակ , արկանել  
 զանձն յաշխատութիւն հոգևոր ,  
 և թարգմանել զաստուածաշունչ  
 կտակարանս 'ի յոյն լեզուոյ 'ի հայ  
 բարբառս : Եւ դասք աւագ քահա  
 նայիցն սակին ցսուրբ քահանայա  
 պետն , թէ Մեք որ կամքս առաջի



քո, հանդերձ երանելեաւն Մաշ-  
 Թոցիւ, զոր զարթոյց աստուածա-  
 յինն շնորհ 'ի ցանկութիւնս յայս՝  
 կարգել զվազընջուցն գրեալ շարա-  
 գիրս աստիցն, զորս ոչ ուրուք էր  
 հոգացեալ արկանել 'ի կիր. այլ ա-  
 սորի մեծաշան և անօգուտ ուս-  
 մամբքն աշխատեալք յոխորս. յո-  
 ռոց բազմութիւնք ժողովրդոց ու-  
 նայնք և թափուրք հրաժարեալք  
 գնային յեկեղեցւոյն. և ուսու-  
 ցիչքն հանելով յոգւոց և հառա-  
 ջելով զղջանային զանոտի ջանն իւ-  
 րեանց, յորում ոչ զոք յուսում  
 նասէր ժողովելոցն տեսանէին օգ-  
 աեալս 'ի վարդապետութենէ հո-  
 գեւոր խրատուցն, որ է կերակուր  
 և պարարումն խմաստնախնդիր ան-  
 ձանց. մինչև գտաւ գիր, և յաջո-  
 ղելով Քրիստոսի եկեալ յաճումն  
 տակաւին զօրանայ: Համայն և զայս  
 վաստակոյս կարգումն, և քոյին ա-  
 ւարինութեանդ պիտութեամբ է-  
 ղիցի, և կատարեա: Արդ՝ որպէս և

սուրբ նահատակն Քրիստոսի Քրի-  
 գորիոս պահեալ 'ի խոշտանկանսն  
 անվնաս աջով հզօրին 'ի լուսաւո-  
 թութիւն գիտութեան աշխարհիս  
 Հայոց տուաւ, պահեալ շնորհե-  
 ցաւ և քեզ նորին շառաւիղի՝ վի-  
 ճակ ժառանգութեան պայծառու-  
 թեան պաշտամանս այսորիկ, սկիզ-  
 բըն ասնել գործոյ մշակութեանս  
 այսմիկ, և լինել նմանօր սուրբ  
 նախնոյն քում, որ յանգիտութե-  
 նէ 'ի ճշմարիտ աստուածգիտու-  
 թիւն առաջնորդեաց աշխարհիս  
 Հայոց: Արդ և դու յանօգուտ մու-  
 թողաբանութենէն 'ի ստոյգ հոգե-  
 շահ և եկեղեցազարդ բանաւորու-  
 թիւնս առաջնորդեա բազում ժո-  
 վրրդոց աշխարհիս մեծի, լնուլըզ-  
 պակասութիւնս զայս մնացեալ 'ի  
 սուրբ նախնեացն քոց, զոր պա-  
 հեաց քեզ Աստուած, զոր ոչ ումեք  
 այլում 'ի Հայաստան աշխարհիս  
 մարդկան գոյ հնար ձեռն արկանել  
 յայդպիսի գործ մեծ: Վասն զի և

ոչ կարացաք հմուտ լինել և տեղե-  
 կանալ այդչափ արուեստաւոր  
 ուսմանցդ, որպէս և քեզ տուաւ  
 զօրութիւն ճարտարութեան 'ի  
 վերին օգնականութենէն, յաղագս  
 քո աւաքինասէր և պարկեշտ հոգ-  
 ւոյդ, որ նմանեալ ճշգրտապէս  
 օրինակեցեր 'ի քեզ զվարս երանե-  
 լոյ հօր քո Ներսէսի:

Եւ շուեալ զայս ամենայն բարե-  
 պաշտ կաթողիկոսն Հայոց սուրբն  
 Սահակ 'ի թագաւորէն Հայոց Վր-  
 աւանչապհոյ և յերանելոյն Սաշթո-  
 ցէ և յամենայն ուխտէ քահանայի-  
 ցն, եւս առաւել յաւաղ տանու-  
 աերացն և յամենայն նախարարացն  
 Հայոց, զուարճացաւ յոգի իւր,  
 փառաւորելով զՓրկիչն ամենե-  
 ցուն զսէր Յիսուս Քրիստոս: Եւ  
 կամաւոր յօժարութեամբ ետ զան-  
 ձըն 'ի գործ' պանծացեալ յԱս-  
 տուծոյ գործակցութիւնն, որ ետ  
 նմա զայնպիսի շնորհս առաւելա-  
 պէս գիտութեան, և անվեհեր ջա-

'նալով զցայդ և զցերեկ՝ Թարգմա-  
 նեաց զկապարանս ամենայն ըլ-  
 խօսեցեալս ճշմարիտ մարգարէիւք  
 'ի սուրբ Հոգւոյն. և հաստատեալ  
 կնքեաց երջանիկ առաքելովքն ըզ-  
 նորոց կապարանացն զըստաւոր  
 և զկենսասուր քարոզութիւնս նո-  
 վին հոգւով:

Եւ ասրեալ 'ի գլուխ սուրբ հայ-  
 րապետին Հայոց Սահակայ զգործ  
 մեծ հոգևոր վաստակոյն, կարգե-  
 ցան վաղվաղակի յայնմհետէ գրաւ-  
 րոցք հօտին ուսմանց, բազմացան  
 դասք գրչաց ելեելս ամուկով զմի-  
 մեամբք. զարդարեցան պաշտա-  
 մունք սուրբ եկեղեցւոյ, յորդո-  
 րեցան բազմութիւնք արանց և կա-  
 նանց ժողովրդոց՝ 'ի սօնս Փրկչին  
 և 'ի ժողովս մարտիրոսաց: Արշա-  
 հեալք լի հոգևոր օգտիւ, ընթա-  
 նային խնդալիցք 'ի հազորդմանէ  
 մեծի խորհրդոյն, արձակեալք իւ-

րաքանչիւր 'ի տունս, մեծամեծք և  
 տղայք, սաղմոսելով և կցորդս ա-  
 սելով ընդ ամենայն տեղիս 'ի հրա-  
 պարակս և 'ի փողոցս, և առանին:  
 Պայծառացան եկեղեցիք, շուք ա-  
 ռին վկայարանք սրբոց, միշտ ծաղ-  
 կելով 'ի նոսա ուխտս կտակարանաց  
 ընծայիւք. հանապազարուլի հո-  
 սէին վտակք յաստղացն մեկնու-  
 թեանց, որք զծածուկս մարգարէ-  
 ից բերելով 'ի յայտնութիւնս՝ սե-  
 ղանս ամենաչիցս հոգևոր խորտ-  
 կօք դնէին առաջի ամենայն ժողո-  
 վրբդեան, յորոց ճաշակեալ խմաս-  
 տախնդիր մարդոց՝ քաղցրանայ 'ի  
 քիմս նոցա ըստ բանի սաղմոսերգին՝  
 բանք վարդապետութեան՝ քան ըզ-  
 խորիսիս մեղու: Նւ զի միանդա-  
 մայն իսկ ասացից ըստ բանի սուրբ  
 մարգարէին Յսայեայ, թէ լցաւ  
 երկիրս ամենայն Հայոց՝ գիտու-  
 թեամբ Տեան 'ի հոգևոր վտա-  
 կաց սուրբ հայրապետին Սահա-  
 կայ, իբրև զՂուրս բազումս որ

ծածկէն զծովս: Եւ շնորհիւ ամե-  
նախնամ փրկչին Քրիստոսի կառա-  
րեալ այս ամենայն 'ի ժամանակս  
Վռամշապհոյ, ըստ յառաջագոյն  
գրեցելոց, և լուսաւորեալ զաշ-  
խարհս Հայոց: Եկաց յետ այսո-  
րիկ թագաւորն Վռամշապուհ  
ամս քսան և մի<sup>1</sup>, և հասեալ 'ի  
յերկար ծերութիւն՝ վախճանե-  
ցաւ յանկողնի իւրում խաղա-  
զական հանդիսիւ յաշխարհս Հա-  
յոց:

ԺԲ. Յետ այսորիկ մեռաւ և Շա-  
պուհ արքայն Պարսից, և թագա-  
ւորեաց Վռամ որդի նորա որ էր  
Արման արքայ. յորմէ խնդրեցին  
իւրեանց Հայք թագաւոր զնոյն  
միւսանդամ Խոսրով զեղբայր Վր-  
ռամշապհոյ, զոր յառաջնուամն բանա-  
արկութեամբ ետուն մերժել զնա  
Հայք՝ Շապհոյ արքային Պարսից  
'ի թագաւորութենէ Հայոց: Եւ

1. Ընդ բնաւ 21 ամ թագաւորեաց:

Կորա կատարեալ վննդիրս Կոյա,  
 Թագաւորեցուցանէր դարձեալ ըւ  
 Խորով՝ զայր յոյժ ծեր: Եւ եւ  
 կեալ Խորով՝ յաշխարհս Հայոց,  
 և կեցեալ ամիսս ութ՝ վախճանէր,  
 առ հարսն յաւելեալ:

Եւ յեա մահուան Վաւմայ ար-  
 քային Պարսից Թագաւորէր Յազ-  
 կերտ եղբայր Վաւմայ՝ որդի Շապ-  
 հոյ՝ ի վերայ աշխարհին Պարսից:  
 Եւ ոչ կամեցեալ Յազկերտի Թա-  
 գաւորեցուցանել՝ ի վերայ աշխար-  
 հիս Հայոց յազգէն Արշակունեաց,  
 Թագաւորեցուցանէր ի վերայ սո-  
 ցա զիւր զորդին, որում անուն էր  
 Շապուհ ըստ անուան հօր իւրոյ.  
 Խորհեալ չարաչար իմացմունսառնն  
 ՚ի միսս իւր, առաջին զայս, եթէ  
 աշխարհն Հայոց մեծ է և օգտա-  
 կար, սահմանակից և դրակից է Յու-  
 նաց իշխանութեանն, ընդ որոյ  
 ձեռամբ բազումք են հնազանդեալք  
 յազգէն Արշակունեաց. որոց գու-  
 ջէ գորովեալ առ միմեանս ազգա-

ցըն՝ ըստ օրինի եղբարց, որք ընդ  
 մերով և ընդ Յուճնաց իշխանու  
 թեամբն են, և եկեալք՝ ի միաբանու  
 թիւն՝ խօսեսցին՝ ի խաղաղութիւն  
 ընդ թագաւորին Յուճնաց, և ընդ  
 նորա հնազանդութեամբ յօժա  
 րեալք՝ ապստամբեսցին՝ ի մէնջ: Եւ  
 որպէս կալեալ է զմեզ բազում՝ ան  
 դամ յաշխատութեան՝ առաւել ևս  
 յաւելուածով նոցա՝ անհանգիստ  
 առնիցեն զմեզ պատերազմաւ: Եւ  
 երկրորդ, զի յօրինացս մեր օտար  
 են և ատեցողք, և միահաւան ու  
 նին զպաշտօն նոցա և զօրէնս: Արդ  
 ՚ի թագաւորել յազգէս մերմէ՝ ի  
 վերայ աշխարհին Հայոց՝ յամե  
 նայն այդպիսի կասկածանաց ան  
 հոգացեալ լինի թագաւորութիւ  
 նըս մեր, և նոքա ցանկ երկիւղիւ  
 և դողութեամբ ծառայեն մեզ, և  
 օտարոտիս ինչ և միասակարս ինչ ոչ  
 խորհին: Եւ զի և սովորութիւն աւ  
 նուճն յանկջել յօրէնս մեր, հանա  
 պաղ խօսիւք ընդ միմեանս և ըն



դելական բարեկամութեամբ 'ի  
 սքոմուէնս որսոց, 'ի խաղս որ լե-  
 նին 'ի միջի նոցա. այլ և ամուս-  
 նութեանց արեւառիւք հասլոր-  
 դեալք աւ միմեանս, զատուցեալք  
 այնուհետեւ որոշին 'ի սիրոյ նոցա  
 և յօրինացն:

Եւ սորա խորհելով զայս այս-  
 պէս, չգիտէր զքան Սուրբ Հոգւոյն՝  
 որ ասէր, թէ Տէր ճանաչէ զխոր-  
 հուրդս մարդկան, զի են ընդու-  
 նայն: Ար փութանակի և ար-  
 դեամբք վճիռ ետուն գրեալքն՝ ի  
 բացն եղելոցն. քանզի չե ևս յեր-  
 կարեալ 'ի թագաւորութեանն՝ մե-  
 ռանէր Յագկերտ. 'ի նմին աւուր  
 և զորդի նորին զՇապուհ՝ զոր 'ի  
 տեղի Արշակունոյն թագաւորե-  
 ցոյց 'ի վերայ աշխարհիս, անդրէն  
 'ի դրանն մարդկանէ դաւով յար-  
 քունիքն սատակեցին: Եւ յեա  
 մահուանն Յագկերտի որդւոյ Շա-  
 պուհոյ թագաւորին Պարսից թա-  
 գաւորեաց Վասմ որդի նորա 'ի

վերայ աշխարհին Արեաց: Եւ եւ  
կեալ իշխանք աշխարհին Հայոց աւ  
ւաջի Վռամայ արքային Պարսից,  
ինդրեցին իւրեանց թագաւոր յազ  
գէն Արշակունեաց: Եւ նա թա  
գաւորեցոյց ՚ի վերայ նոցա զԱր  
տաշէս որդի Վռամշապհոյ, յազ  
գէ թագաւորացն Հայոց:

ԺԳ. Եւ էր Արտաշէս այր մա  
նուկ և իգամուլ, և բազում անա  
ւակու թեամբ վարէր զթագաւո  
րութիւնն: Եւ շխարացեալ այսպի  
սի զեղիս մոլեկան վարուց թագա  
ւորին Արտաշէսի տանել նախա  
րարքն Հայոց, ժողովեցան միահա  
մուռ առ մեծ քահանայապետն  
Հայոց առ սուրբն Սահակ, որ էր  
յազգէն Պարթևաց, որդի՝ սրբոյն  
Ներսէսի, և ասէն ցնա. Ոչ և ս  
կարեմք այսպիսի սնորէն և պիղծ  
գործոց թագաւորին համբերել,  
վասն զի լաւ համարիմք մեռանել  
քան եթէ զայսպիսի գործ աղտե  
ղութեան հանապազօր տեսանել

և լսել: Այլ և մեծի պատուական  
 և երկնաւոր խորհրդոյն հաղորդել  
 ոչ կարեւիք 'ի խղճէ մտաց, զօր ա-  
 մենայն տեսանելով զայսպիսի պրղ-  
 ծագործութիւն և լսել. քանզի ու-  
 սեալ էմք 'ի քէն և 'ի քո նախնեացն  
 վարդապետութենէ, թէ ոչ միայն  
 որ Կործենն պարտական են, այլ և  
 որ յանձն աւնուն: Արդ քեզ նախ  
 պարտ է այսպիսի անհնարին աղէ-  
 տից խնդրել հնարս, և բառնալ 'ի  
 միջոյ զայնպիսի ամբարշտեալ թա-  
 գաւոր, որ այսպէս յայտնի իբրև  
 զանհաւատ արհամարհանօք առ ու-  
 տրն հարկանէ զսրբութիւնն, և  
 աներկիւղ կամակարութեամբ գործ  
 ծէ զաղսեղի գիճութիւնս:

Նւ լուեալ զայսպիսի բանս սուրբ  
 քահանայապետին Հայոց Սահա-  
 կայ 'ի նախարարացն Հայոց, պա-  
 տասխանի տուեալ ասէ. Իբրև ոչ  
 էթէ նոր ինչ լսելով այսօր 'ի ձէնջ  
 ճանաչեմ զասացեալսդ ձեր. արդ  
 Կիտեմ զի զկծեալ սրտիւք խօսիք

զայսպիսի խօսս : Եւ ինձ անհնար է  
 ասել թէ այլաբանք ինչ և ոչ ստու-  
 գութեամբ պատմին ասացեալքդ՝ ի  
 ձէն՝, բայց արդ՝ որպիսի հնարիւք  
 ըստ արժանի հոգևոր մարդկան  
 պարտ է զելս իրացդ գտանել, զայն  
 արժան է խորհել ամենեցուն և առ-  
 նել : Եւ նոցա առհասարակ պա-  
 տասխանի տուեալ ասեն զսուրբ  
 կաթողիկոսն Սահակ, թէ Մեք և  
 ոչ մի ինչ ելա այլ և հնարս իրացն  
 գտանել կարող եմք, բայց բողոքել  
 թագաւորին Պարսից՝ ի բաց բառ-  
 նալ ի թագաւորութենէ այսի, ու  
 ըստ ինքն իսկ ինքեամբ չեղև ար-  
 ժանի ժառանգելոյ : Այլ մեզ քան  
 զայդ ոչ իմանալ ինչ է և ոչ ասնել.  
 այլ զքեզ աղաչեմք միաբանել այսմ  
 խորհրդոյ մեզ, և ոչ պարտ այսպի-  
 սի անարբութեանց այլ և պղծու-  
 թեանց գործոյ թագաւորին հա-  
 զորդ լինել :

Իսկ սուրբ հոգևոր կաթողիկո-  
 սն Հայոց Սահակ իբրև լսէր զայս

ամենայն 'ի նախարարացն Հայոց,  
 և ստուգիւ ճանաչէր եթէ 'ի նոյն  
 միտս և 'ի նոյն խորհուրդս հաստա-  
 սեալ են բովանդակ աւագանի աշ-  
 խարհին, 'ի մեծ սրտմուծիւն և  
 յանմիտար սուգ ընկզմեալ լինէր.  
 և հեղեալ արտասուաց վտակս ա-  
 ռաջի բազմութեան նախարարացն  
 Հայոց, հրաժարէր առնել պատաս-  
 իանի բանիցն մինչև յաւուրս բա-  
 զումս: Եւ արդէլեալ զինքն 'ի սե-  
 նեակ՝ ողբոց միայն և արտասուաց  
 լսէին ձայնս մերձեալ 'ի դուրս սե-  
 նեկին. բանցի տեսանող ակամբ և  
 'ի զօրութենէ Սուրբ Հոգւոյն տե-  
 սանէր այրն Աստուծոյ 'ի սպառ 'ի  
 սպառս վերջանումն աշխարհիս  
 Հայոց: Իսկ յեա բազում աւուրց  
 համարձակեալ ոմանք յեպիսկոպո-  
 սաց որք հանապազ պարապէին առ  
 դուրս սրբոյն, չկարացեալք և առ  
 վայր տեւել յառատաբուղիս և 'ի  
 շնորհալից վարդապետութենէ առ-  
 նին, որ քաղցր էր 'ի շաշակելիս

խորհրդոց հոգևոր և իմաստուն լսողաց, ըստ բանի մարգարէին Դաւթի, քան զխորիսիս մեղու, և այլք՝ ի պատուական երիցանց և ՚ի սարկաւագաց, որք ՚ի նորին սուրբութեան հայրապետին էին, և ոմանք յազատ աւագանոյն Հայոց, համարձակեալ մասնէին ՚ի ներքս, և խօսէին ընդ նմա բանիւք ուղղանաց: Ընդ որս սփոփեալ սակաւ մի սուրբ քահանայապետն՝ ըստ հոգևոր գիտութեան և խրատու, զոր միացեալ ՚ի յինքեան ՚ի մանկութենէ իւրմէ, լռեալ դադարէր առ վայր մի:

Իսկ յետ բազում աւուրց գարձեալ ժողովեալ առ նա միաբան աւենայն ալատագունդք աշխարհիս Հայոց, և զնոյն բանս երկրորդեալ առաջի սրբոյ կաթողիկոսին Հայոց՝ խնդրէին ստիպով ՚ի նմանէ և զնորա միաբանութիւնն ընդ ինքեանս: Իսկ սուրբն իբրև տեսանէր, եթէ ոչինչ ամենեւիմք են կասեալք յառաջին կամացն և խորհրդոցն,

վասն զի յաւելուած օր ըստ օրէ  
 աղակելի գործոց թագաւորին աւա-  
 ւել քան զաւաւել աճեցուցանէր  
 'ի կորուստ անձին իւրոյ զմիաբա-  
 նու թիւն իշխանացն, ձայն բար-  
 ձեալ մեծագոյն ողբալով ասէր զա-  
 մենեւեան աւհասարակ. Եթէ ես,  
 ասէր, եթէ դուք իսկ, որպէս ու-  
 սեալք Սասունծոյ խօսիք հոգևորա-  
 պէս. և սարեալ վայր մի թերու-  
 թեան առնն, արտասուօք և թա-  
 խան ձեցուցանելով զամենողորմ ըզ-  
 Փրկիչն մեր զտէր Յիսուս Քրիս-  
 տոս՝ յաղագս գիւտի կորուստելոյն  
 խնդրեցէք հնարս. զի ըստ աւաղա-  
 նի ծննդեանն, թէպէտ մեղաւոր  
 է, սակայն եղբայր և մարմին մեր  
 է. յիշելով զվարդապետութիւն  
 սուրբ աւաքելոյն Պօղոսի, զոր ա-  
 ւանդեալ ուսոյց ձեզ հոգևոր  
 հայրն ձեր և քահանայապետն  
 սուրբն Գրիգոր. Ձի եթէ վշտանայ  
 ինչ մի անդամն, ասէ, վշտանան ա-  
 մենայն անդամք ընդ նմա. և եթէ

փառաւորի մի անդամն, խնդան ա-  
 մենայն անդամքն ընդ նմա: Յիշել  
 պարտ է և զմտաւ ածել զվիշտս և  
 զնեղութիւնս, զբանդսն և զկապա-  
 նըս զսրբոյն Գրիգորի, զպաղա-  
 տանըս և զաղօթս զոր վասն ամե-  
 նայն աշխարհիս փրկութեան խնդ-  
 րեալ: Աստուծոյ եգիս, և զամենե-  
 սեան յանհաւատութենէ՝ շնորհիւ  
 Սուրբ Հոգւոյն հաւատացեալս ա-  
 րար. զգիւաց մոլորութիւնս փա-  
 խըստական արարեալ հալածեաց՝ ի  
 ձէնջ, զճշմարիտ հաւատ սերմա-  
 նեալ աստուածգիտութեան՝ ի մի-  
 ջի ձերում ծաղկեցոյց: Եւ ձեզ  
 ըստ նմին օրինակի պարտ է ի վե-  
 րայ մեղուցեալ անդամոյն խնդրել  
 զօղորմութիւն, և ոչ անօրինաց  
 մատնելով՝ ի ծաղր և յայպանումն  
 տալ զսուրբ խորհուրդ հաւատոյս  
 մերոյ: Յիշեցէք զսուրբ հայրն իմ և  
 զձեր և զվարդապետն, որ և զփո-  
 խեալն յանանական բնութեանն  
 կերպարանս, հառաչանօք և անդա-



դար խնդրուածովք զցայգ և զցե-  
 րեկ՝ ստեալ ՚ի դիտուած իւն ամենե-  
 ցուն արարչին Ֆրիտոսի, ՚ի նոյն  
 հաստատեաց ՚ի մարդկային բնու-  
 թիւնս: Եւ դուք աշակերտեալք  
 նորին հոգևոր վարդապետիւք՝ միա-  
 բանուածեամբ առ հասարակ արք և  
 կանայք ծերք և աղայք պիտի դուա-  
 ծըս ՚ի մէջ տեալ հաշտեցուցէք զա-  
 մենա հնարն Աստուած, որում հնա-  
 բաւորն է ամենայն, և ոչ ինչ տկա-  
 րանայ առաջի ահեղ հրամանաց զօ-  
 րուածեանն որա. և նա վճարէ մար-  
 դասիրապէս զոր ՚ի յոյժ դժուա-  
 րինս կարծեցեալ է մեզ. որ և ետ  
 իսկ վճիռ միամիտ և անթերահա-  
 լաս խնդրողացն, ասելով անտուն  
 Աստուած, թէ Ուր իցեն երկու և ե-  
 րեք ժողովեալ յանուն իմ՝ ամենայն  
 զոր ինչ և խնդրեացեն ՚ի Հօրէ իմ-  
 մէ՝ տացի նոցա: Իսկ արդ եթէ եր-  
 կուցն և երկցն աներկմիտ խնդրո-  
 ղացն զամենայն հայցուածսն կա-  
 տարէ Աստուած, որչափ ևս առա-

ւել զայսչափ բազմութեան խնդիր  
սըն շնորհէ Աստուած՝ փութով  
մանաւանդ թէ անձանձրոյթ լինի  
ցին խնդիրքն և ջերմ հաւաքանօք և  
անթերահաւատ յուսով, պիտի  
ոչ աւաւել ևս քան պհայցուածն  
մեծամեծ իրս վճարիցէ :

Այլ վասն որ սակքդ եթէ միա  
բանեա ընդ մեզ, ինձ քաւ լիցի  
մասնիչ լինել ճշմարիտ հաւա  
տոյն մերոյ, և անհաւատից պիտի հօ  
տի պնդորեալ ոչիարն մասնել յայ  
պանումն : Ձի թէպէտ և մեղաւոր  
է, այլ դրոշմեալ է սուրբ աւազանին  
ծննդեամբ. հմուտ է փրկութեան  
խնդրոյն, լուեալ է պուր քարոզու  
թեան աւետարանին կենաց : Արդ  
եթէ էր ասնել առ բժիշկ առողջ  
զվիրաւոր եկեղեցւոյս իմոյ ոչիար,   
փութայի և ոչ յապաղէի. այլ յա  
մենախտալից ատեան մասուցանել  
պիտի հիւանդացեալ հոգւոյ որդի,  
և ոչ երբէք յանձն աւնում : Ձի  
եթէ էր հաւատացեալ թագաւորի

առաջի աստեղ զհաւատացեալս՝ յա-  
 զագս մեղաց, առաջի անհաւաստի-  
 ցըն՝ ոչ հաւանիմ, որ հանապազ ու-  
 սուցիչ լեալ էմ՝ բողոքոյն Պօղոսի՝  
 որ ասէ. Իշխէ՞ ոք ՚ի ձէնջ, եթէ  
 իրք ինչ իցեն ընդ ընկերի իւրում՝  
 դատել առաջի անօրինաց և ոչ ա-  
 ռաջի սրբոց. եթէ ո՞չ գիտէք եթէ  
 սուրբք զաշխարհս դատին. և եթէ  
 ձեօք դատի աշխարհս, ապա ոչ էք  
 արժանի անարդ ասենից, Ո՞չ գի-  
 տէք եթէ զհրեշտակս դատիմք,  
 թող թէ զերկրաւորս. զերկրաւոր  
 ասեանս եթէ յանձն ասնուք, զա-  
 նարդս՝ եկեղեցւոյ դատաւորնրս-  
 սուցանեմք, առ ամօթոյ ձերոց ա-  
 սեմ: Եւ այնպէս, ասէ, ոչ ոք գոյ  
 իմաստուն ՚ի ձեզ, որ կարիցէ իրա-  
 ւունս ընտրել ՚ի մէջ եղբօր իւրոյ.  
 այլ եղբայր ընդ եղբօր դատի, և  
 զայն ՚ի մէջ անհաւաստից: Եւ արդ  
 որ ուսուցի զբազումս, զանձն իմ  
 ընդ էր ոչ ուսուցից: Այլ ինձ լաւ  
 լիցի մեռանել, քան եթէ զքե՛ր ՚ի հա-

ւատացելոյ՝ վասն անարժանի գործոյ՝ մատնել անօրինաց։ Ձի թէպէտ և իցէ պուճիկ, այլ զկնիք հօտին Քրիստոսի կրէ յանձին իւրում. գի ճացեալ է մարմնով, այլ ոչ անհաւատ և հեթանոս. զեղիս՝ այլ ոչ կրակապաշտ. տկարացեալ է՝ ի կանայս, այլ ոչ ծառայէ տարերց, միով ախտանայ ցաւով, այլ ոչ վարակեալ ամենայն ախտիւք՝ իբրև զամբարիշտ։ Եւ զի՛մք զսակաւամեղն՝ ամենայնիւ ամբարշտելոցն մատնել ՚ի սատակումն. քաւ ձեզ, որդիք, մի խորհիք զխորհուրդդ զայդ, և զքնիկ զտեսարսդ՝ որպէս և ոմանք զձեր նախնեացն՝ կորուսանել մի ջանայք։

Չայս և առաւելքան զսոյն բանս և խրատ բազում արտասուօք և ալ զերսանօք խօսեցեալ անձանձրոյթ սրբոյ կաթուղիկոսին ընդ աւագանին Հայոց, ոչինչ կարաց զնոսա յառաջին միաբանութենէն և ՚ի խորհրդոցն՝ զոր հաստատեալ էին ՚ի

միաս իւրեանց՝ ՚ի բաց դարձուցա-  
 նել: Քանզի եկեալ հասեալ էր ՚ի  
 վերայ նոցա նպովք սրբոյ առն Աս-  
 աուծոյ Ներսէսի, անկանել նոցա  
 ընդ լծով չար ծառայութեան հե-  
 թանոսաց, և ոչ դադարէր մինչև ՚ի  
 պուլի զգործն հանէր: Միաբանու-  
 թեամբ պատասխանի արարեալ ա-  
 մենեցուն՝ բահանայապետին սրբոյ՝  
 ասացին, թէ Փոխանակ զի ոչ ԼԸ-  
 ւար բանից մերոց, և ՚ի միաբանու-  
 թենէ մերմէ զանձն քո ՚ի բաց մեր-  
 ժեցեր, դիտասջիր, զի որպէս ե-  
 դեալ է ՚ի մտի չթագաւորել սմա, և  
 այլ ևս ՚ի վերայ խոստանամք՝ չքա-  
 հանայանալ և ոչ քեզ առ յերկարս՝  
 ՚ի վերայ աշխարհիս մերում: Եւ  
 զայս այսպէս ասացեալ ամենայն  
 աւագաց տանուտերանց աշխար-  
 հիս Հայոց՝ առաջի հայրապետին  
 Սահակայ, ելին զայրագնեալք ՚ի  
 խրատուէ Սրբոյն, և այլ ոչ ևս կա-  
 մեցան դառնալ առ երանելի քա-  
 հանայապետն Սահակ. զի էր զնոսա

շրջափակեալ և պաշարեալ անխից  
երանելոյ հայրապետին Ներսէսի,  
'ի համօրէն կորստեան խորհուրդս:

ԺԴ. Եւ այնուհետեւ միաբանեալ  
դնացին 'ի Գուռն, և երթեալք ան  
դէր յանդիման եղէն արքային Պարս  
սից Վասմայ: Ընդ որս էր և երէց  
մի Սուրմակ անուն 'ի գաւառէն  
Բզնունեաց, 'ի պեղջէնոր կոչի Արծ-  
կէ, 'ի առհմէ քահանայից գաւա-  
ռին<sup>1</sup>, մեկուսանայր. որոյ միաբա-  
նեալ ընդ նախարարան Հայոց, ճեղ-  
քեալ 'ի խրատուէ սրբոյ հայրա-  
պետին Սահակայ, խօսէր բանս  
անհանձարս և առաւել աղանդիս  
քան զամենայն նախարարս Հայոց՝  
զթագաւորէն Արտաշէսէ, առաջի  
աւագորերոյն Պարսից. շնորհ առ-  
նելով նախարարացն Հայոց՝ յա-  
զադս խոստանալոյ նմա ոմանց յա-  
ւագանոյն Հայոց զաթոռ կաթոռ-  
դիկոսութեան աշխարհին Հայոց:

1. Գօր. է հաստատին:

Եւ ծանուցեալ նախագոյն զպատ-  
 ճառս արանջոյն իւրեանց՝ Սուրե-  
 նայ եւ այլ աւագանոյն Պարսից .  
 քանզի Սուրէնն պահչաւ՝ էր՝ ի ժա-  
 մանակին յայնմիկ հազարապետ  
 դրանն արքունի . եւ հանդերձ նո-  
 վաւ եւ այլ մեծամեծօք դրանն հա-  
 սուցին զբանս ամբաստանութեանն  
 առ Վասմ արքայն Պարսից :

Եւ լուեալ արքային Պարսից այն  
 պիտի բողոք յապաստանոյն , ոչ թոյլ  
 աայր նոցա իօսել առ վայր մի ա-  
 ռանց գալոյ ստիսին ՚ի դռունն :  
 Վաղվաղակի դեսպան արարեալ  
 զթագաւորէն Հայոց Արտաշէսէ՝  
 առ ինքն ճեպով գալ հրամայէր .  
 գալ նմա գրէր եւ մեծի քահանայա-  
 պետին Հայոց Սահակայ : Եւ ե-  
 կեալ նոցա ՚ի դռնն , հարցանէր  
 նախ առանձին արքայն Պարսից ըզ-  
 թագաւորն Հայոց զԱրտաշէս , եթէ  
 զինչ էն իրքդ յաղագս որոյ ամբաս-  
 տաննն զքէն նախարարքդ Հայոց :  
 Եւ նորա պատասխանի տուեալ ա-

սէր . եթէ , Ամենակին ոչ գիտեմ զինչ  
 խօսին և չարախօսեն դոքա զինէն .  
 այլ որպէս սովոր են 'ի բնէ թշնա-  
 մանել զտեարս իւրեանց , ըստ նմին  
 օրինակի և այժմ կամին կատարել  
 զչար կամաց իւրեանց զինդ իւրս .  
 քանզի միշտ իշխանափոխք լեալ են  
 և տիրատեացք : Եւ թագաւորն  
 Արեաց Առամ հրաման տայր ,  
 միայն ընդ միայն կոչել առ ինքն ըզ-  
 սուրբ կոթուղիկոսն Հայոց զՍա-  
 հակ . քանզի մեծարէր զնա , նախ  
 վասն ազգականութեան առնն , և  
 դարձեալ զի առաջի անհաւատիցն  
 յարգոյ և պատուական ցուցանէր  
 զսուրբ ծառայս իւր Աստուած . և  
 հարցեալ ցերանելի կաթուղիկոսն ,  
 կամէր լսել 'ի նմանէ զամենայն բա-  
 նիցն զչարախօսացն թագաւորացն  
 Հայոց : Իսկ նորա պատասխանի  
 արարեալ ասէր . եթէ , Աչ գիտեմ  
 զինչ խօսին նոքա զնմանէ . նոքին  
 իսկ տասցեն և դուք լուարուք 'ի  
 նոյսնէ . և որպէս ասենն առաջի



ձեր՝ յանձինս իւրեանց ընդունին  
 զհաստուցութիւնս. զիս ինչ այդպիսի  
 խնդիրս բանից մի հարցանէք. զի  
 ոչինչ լսելոց էք յինէն յաղագս չա  
 րախօսութեանդ այդորիկ չար ինչ  
 և կամ բարի :

Ապա կոչէր աւ ինքն թագաւորն  
 Վաւա զՍուրէն պաշտան՝ զիւր  
 զհարապետն, որ ազգակից և  
 սոհմակից էր մեծի քահանայապե  
 տին Սահակայ, որպէս զի միաբա  
 նեալ և նա ընդ այլ նախարարն  
 Հայոց՝ վկայեացէ չարախօսութեան  
 նոցա, և պատուեալ բազում պար  
 դեօք և մեծապէս շքեղութեամբ  
 դարձցի յիշխանութիւն կաթու  
 դիկոսութեան իւրոյ և յաշխարհ :  
 Եւ Սուրենայ բերեալ զպատգա  
 մըն զարքայի աւ երանելին Սա  
 հակ, խոստանայր նմա լսաւ ա  
 սածին Վաւայ շքեղութիւն մեծ  
 և օգուտ քամուել՝ ի թագաւորէն.  
 Թէ հաւանեալ, ասէ, կամաց նորա՝  
 ասցես վկայութիւն նախարարացն

Հայոց, մեծարեալ բազում պատուովք դառնաա յիշխանութիւնդ. ապա եթէ այլազգացոյն ինչ խորհիս յամառեալ, և զքո կաթուղիկոսա կան տունն կորուսանես 'ի քէն, և յիշխանութենէդ զոր ունիս՝ մերժեալ լինիս. և ես վասն զի ազգակից քո եմ և զբարին քո կամիմ, և ոչ թեթևութեամբ մամ քեզ այսպիսի սիրոյ խրատ: Եւ այսպիսի բանիւք շանայր հաւանեցուցանել զսուրբ հայրապետն զՍահակ. քան զի կամէին բառնալ 'ի միջոյ զթագաւորութիւնն Հայոց:

Իսկ սուրբն և բնաւ իսկ յանձն ոչ առնոյր այսպիսի բանից մալ վկայութիւն իշխանացն Հայոց. այլ հաստատեալ 'ի նոյն միտս՝ աւեր, եթէ, Ես զԱրտաշեսի զայդպիսի ինչ զվատթարութիւն ոչ գիտեմ, որով թէ արժան է 'ի ձէնջ դատելոյ և անարգանաց. զի թէպէտ և ըստ սրբասէր մերոյ օրինաց արժանի է և անդոսնելոյ, այլ լատ հրամանի

ձեր աղտեղասէր օրինացդ՝ գովու  
թեանն արժանի է և մեծարանաց :

Եւ լուեալ զայս սրատասխանի  
Սուրենայ՝ ի մեծ հայրապետէն  
Հայոց Սահակայ՝ յիւրմէ տոհմա  
կցէն, և պատմեալ թագաւորին  
Արեայ, ի ցատուին զայրացման  
գրգռեալ թագաւորն՝ հրաման տայ  
այնուհետև ի բազմամբոխ ասենին  
հարցանել զնախարարսն Հայոց և  
զԱրտաշէս : Եւ կուտեալ իշխանացն  
Հայոց բազում աղտեղաբանու թիւ  
նրս և ազգի ազգի խօսս անարժանու  
թեանն ի վերայ թագաւորին իւ  
րեանց . քանզի ոչ է թէ ի նմա է  
վեալ զիրան խօսէին, այլ ևս յաւե  
լուածովք ըստ օրինի թշնամու  
թեանն կուտէին ի վերայ նորա բա  
զում միաս . որ թէ պէտև յուրաս  
եղեալ Արտաշէսի՝ թէ չէ այդպէս,  
ոչ հաւատացին լսողքն, եղեալ  
զկամս իւրեանց բառնալ ի միջոյ  
զթագաւորու թիւնն յԱրշակու  
նեայ ազգէն : Մանաւանդ՝ զի լուա

Թագաւորն Արեաց ամենայն աւա-  
գանեօք գրանն 'ի գառախազայն  
Արտաշեսի, թէ բնաւ զի՞ իսկ ևս  
պիտոյ է Թագաւոր. այլ իշխան  
պարսիկ ըստ ժամանակի եկեալ  
վերակացու լիցի մեզ. որ և զիւ-  
րաքանչիւր ուրուք 'ի մէնջ ծանու-  
ցեալ զհպատակութիւն և զան-  
հպատակութիւն՝ ցուցցէ ձեզ:

Եւ ըսեալ զայս Վաւաթայ հան-  
դերձ աւագանով գրանն, յոյժ ու-  
րախանայր. և այնուհետեւ հրաման  
տայր վաղվաղակի 'ի բաց առնուլ  
զԹագաւորութիւնն յԱրտաշեսէ.  
ընդ նմին և զսուանն կաթուղիկոսա-  
կան 'ի սրբոյն Սահակայ՝ յարքու-  
նիս ունել. փոխանակ զի ոչ միա-  
բանեցաւ տալ վկայութիւն ընդ  
նախարարան Հայոց: Եւ այսպէս  
վճարեալ, հրաման Պարսից Թագա-  
ւորին 'ի գլուխ ելանէր: Յայնմհե-  
տէ բարձաւ Թագաւորութիւն  
յազգէն: Արշակունեաց 'ի վեցե-  
րորդ ամի Արտաշեսի, ըստ բանի

Երանելոյ առն Աստուծոյ մեծի  
 քահանայապետին Ներսէսի . և ան-  
 կաւ աշխարհս Հայոց ընդ լծով ծա-  
 ուայ ութեան անօրէն իշխանու-  
 թեան Պարսից : Եւ առեալ գինս  
 իշխանացն Հայոց 'ի թագաւորէն .  
 Պարսից՝ ընդ մասնութեանն Ար-  
 տաշէսի , պատիւ և մեծութիւնս ,  
 նման արծաթոյն զոր առին ընդ  
 Յովսէփայ եղբարքն՝ ընդ մասնու-  
 թեանն իամայէլացի վաճառակա-  
 նացն : Եւ այսպէս հրաժարեալք  
 'ի դրանէ , եկին յաշխարհն իւ-  
 թեանց :

ԺԾ . Եւ տանուտերացն Հայոց ,  
 որոց խոստացեալ էր զկաթուղիկո-  
 սութիւնն Սուրմակայ արծկեցի ե-  
 թիցոյն , նստուցին զնա յաթու կա-  
 թուղիկոսութեան Հայոց : Արուս՝  
 սակաւ ինչ ժամանակի անցելոյ՝  
 ընդդիմացեալ ոմանց 'ի զօրավար  
 իշխանացն Հայոց , մերժեալ ընկե-  
 ցին զնա յիշխանութենէ կաթուղի-  
 կոսութեանն : Եւ յայնմ հետէ առա-

քեցաւ նախ 'ի Առամայ արքայէն  
 Պարսից՝ յաշխարհս Հայոց՝ մարգ-  
 պան պարսիկ . և յայնմէտէ ելէն  
 իսպառ իսպուռ անկեալք ընդ լծով  
 ծառայութեան անօրէն ազգին  
 Պարսից : Աւ կատարեալ ել 'ի գը-  
 լուխ բանն անիծից մեծի քահանա-  
 յապետին Ներսէսի , զոր առաւել-  
 լապէս առեցեալ օր բան զօր 'ի թա-  
 գաւորական սոհմին Արշակունեաց  
 գործք անօրէնութեան չարեացն ,  
 զոր կամակար համարձակութեամբ  
 միշտ գործէին անամօթեալք : Մա-  
 նաւանդ յորժամ ետես սուրբն  
 Ներսէս և զմազն սնարդար<sup>1</sup> , զոր  
 հասոյցն նեղութեամբ Արշակ 'ի  
 վերայ Քնեւայ եղբորորդոյն իւրոյ ,  
 և շկարացեալ հանդուրժել այնպի-  
 սի անօրէն գործոց սուրբ այրն Աս-  
 տուծոյ Ներսէս , զայրագնեալ սրբ-  
 ախլ ըստ գրեցելոյ 'ի պատմու-  
 թեան երկրորդումն , ճառին հըն-

1 . Յօր . արդար :

գետասաներորդի, ասաց, թէ Փո-  
 խանակ դի յաճախեցեր 'ի շարիս  
 մեծամեծս՝ առաւելքան զհայրն քո  
 Տիրան, և քան զայլ նմանիսն քո,  
 որք եղեն շարք և ամպարիշտք յազ  
 գէդ Արշակունեաց, և ոչ նմանեալ  
 նախանձեցար լաւացն և առաքինի  
 արանց ելելոց 'ի առհմին քուս, ո-  
 րոց ժառանգեալ զսպասիւ թագա-  
 ւորութեան հարց իւրեանց՝ առա-  
 ւել ևս փութացան ինեւ ժառան-  
 գաւորք բարի գործոց արքայու-  
 թեանն. այլ որ քան զօր աճեցու-  
 ցեալ 'ի թեզ առանց սրտկառանաց  
 զամենայն պղծագործութիւնս լը-  
 ցեալ կատարեցեր. 'ի վերայ ամե-  
 նայնի այդորիկ գասար պատճառ  
 հեղման արգար արեան եղբորոր-  
 դւոյն քո Քնեւոյ. արդ եղիցիս դու  
 հեղեալ յերկիր իբրև զջուր լը-  
 ւալեաց, և 'ի լարելալեղան խորձ  
 թելոյն՝ տկարասջիր: Նւ կործանու-  
 մըն որ բերանով մարդարեկն ասա-  
 ցաւ՝ հասցէ 'ի վերայ ձեր, լմալել

ազգիդ Արշակունեաց զյեանն բա-  
 ժակն. արբջիք, արբեսջիք և կոր-  
 ծանեաջիք, և այլ մի հաստատեա-  
 ջիք: Հանդերձ և այլ ևս ծանր  
 և ահագին յաւելուածովք, զոր  
 ասացեալ է սրբոյ քահանայապե-  
 տին 'ի վերայ ազգին Արշակու-  
 նեաց:

Ինդրեցին այնուհետև իւրեանց  
 նախարարքն Հայոց յարքունուսն  
 կաթողիկոս, և թագաւորն Վրաս-  
 եա նոցա զԲրբելայ զսին անուն, ա-  
 սորի յազգէ այր. որ եկեալ յաշ-  
 խարհն Հայոց իւրովք գաւառակը-  
 ցօք, որք կէին լոյծ կրօնիւք, ե-  
 կեալք ընդ նմա յԱսորեստանէ,  
 ըստ սովորութեան իւրեանց աշ-  
 խարհին՝ տանտիկնօք. և ոչ կէին ըստ  
 սուրբ ամբիծ կրօնիցն, զոր եղեալ  
 էր՝ և կարդեալ յամենայն եկեղե-  
 ցիս Հայոց՝ սրբոյ նահատակին Պրի-  
 գորի: Եւ տաղտկացեալ մեծամեծ



տանուտեարքն Հայոց և աւագ սե-  
 պուհքն և ամենայն ժողովրդոցն  
 բազմութիւնք ընդ վարս մարդկան՝  
 որք եկեալ էին ընդ կաթողիկոսին  
 Բրբելոյի. որ ոչ հաւասարեալ  
 հանգոյն էին կանոնի և վարդապե-  
 տութեան հրեշտակակրօն կարգա-  
 ւորութեամբ սրբոյ Նահատակին  
 Քրիստոսի, որով վարժեալ զամե-  
 նեսեան սնոյց և հաստատեաց ըստ  
 վերին քաղաքավարութեանն: Առա-  
 վել ևս սուգ առեալ հեծէին ան-  
 միսթար սքանչելի քահանայք սուրբ  
 եկեղեցւոյ, որ յաւաքելանման ա-  
 ջոյ սուրբ հայրապետին Սահակայ  
 ձեռնադրեալք էին: Եւ ջկարա-  
 ցեալք հանդուրժել առ ՚ի յերկա-  
 ռս աշտախի վեղիս և անարժան  
 կարգի, խոտեալ մերժեցին զԲրբել-  
 ջոյն ՚ի քահանայապետութենէն  
 Հայոց. ծանուցանելով թախաւ-  
 րին Վասմայ, եթէ Ոչ են կարգք  
 սորա և վարք ըստ կարգի մերոյ  
 աշխարհի ուսման. բայց այլ այր

տներ մեզ առաջնորդ ըստ մերում  
 թիկ կարգիս, որ եղեալ վերակա-  
 ցում կալցի հաստատուն վկարգ  
 սուրբ եկեղեցւոյ: Եւ Վռամայ  
 արքային հաւանեալ կամաւ խընդ-  
 րոյն նոցա, սայր նոցա դարձեալ  
 կաթուղիկոս այլ ասորի, որում  
 անուն էր Շամուէլ: Ար եկեալ  
 յաշխարհս Հայոց՝ կայր և նա նոյն  
 պէս ըստ կրօնիցն Բրքիչոյի, և սա-  
 կաւ ինչ կացեալ ժամանակս՝ վախ-  
 ճանէր յաշխարհիս Հայոց:

ԺԶ. Եւ սպա ժողովեալ աւար  
 սեպուհեացն և բովանդակ բազմու-  
 թեանս ուխտին եկեղեցւոյ և ժողո-  
 վարդոց ՚ի միասին՝ արանց և կա-  
 նանց, ողբային զսուրբ և զանարատ  
 և զառաքելաշնորհ վարդապետու-  
 թիւնն՝ զոր սերմանեալ աճեցոցց ՚ի  
 նոսա սուրբն Գրիգորիոս և նորին  
 զաւակքն, որք ուսուցին զճշմարիտ  
 և զարդար ուսումն ամենայն լսո-  
 զաց. զոր ինքեանք նման երանելի  
 առաքելոցն ընկալան, ոչ ՚ի մարդ-

կանէ և ոչ ՚ի ձեռն մարդոյ, այլ  
 յապրեցուծեանէ Սուրբ Հոգւոյն  
 շնորհաց: Եւ դարձեալ ժողովեցան  
 միահամուռ, և դիմեալք բուն  
 հարկանէին զտախց սրբոյ առն Աս-  
 աուծոյ Սահակոյ, սպերս թախան  
 ձանաց և բազմազեղ արտասուս  
 արկեալ առաջի ճշմարիտ քահանա-  
 յապետին, և ասէն. Մեղաք յերկի-  
 նդս և առաջի քո. թող մեզ մեզու-  
 ցելոյս և ձեացո զքեզ ըստ օրինա-  
 կի նախնոյն քո բարեպաշտի սրբ-  
 բոյն Գրիգորի, որ ոչ յիշեաց զայն  
 չափ տանջանս և զքերանս՝ զոր ան-  
 ցուցին ընդ նա նախնիքն մեր. այլ  
 նմանեալ արարչին ամենեցուն՝ հա-  
 սոյց փոխարէնս բարի փոխանակ  
 չարեացն՝ զոր հասուցին ՚ի վերայ  
 նորս. և ծանուցեալ եցոյց ամե-  
 նայն բանիւ հաւանելոց նմա՝ վարս  
 երկնաթռիչս և ճանապարհս աս-  
 սուած սպիւսս. և ուսոյց ամենե-  
 ցունց ասել հանապաղ՝ թող մեզ  
 զպարտիս մեր, ըստ մեր թողոյ

մերոց պարտապանաց: Արդ որ է  
 դեր զո՛ւ անդանդար՝ վարդապետ  
 մեր, զնորին փառաւորութիւն տը  
 պաւորեաւ և զո՛ւ ՚ի քոյն անձնդ,  
 զնոյն համբերութեան օրինակ, և  
 թող մեզ զպարտիս մեր: Եւ մեք  
 ջանամք և ինդրեմք ՚ի Դրանէ հաս  
 աատել զքեզ ՚ի բնիկ հայրենի ա  
 թու կաթուղիկոսութեան սուրբ  
 եկեղեցւոյ, յորմէ լուսաւորեալ  
 տեսաք զայն անմասոյց արդարու  
 թեան արեգակնն: Եւ մի խառն  
 նեացի տղատր ուսումն ընդ յըս  
 տակ և տկանակիտ վարդապետու  
 թիւն սրբոյ և աւաքելանման հայ  
 րապետին Գրիգորի. քանզի ահա  
 դեռ թուլացեալ մեզկի ՚ի լոյծ ա  
 ռաջնորդաց կնիք աւանդոց անա  
 րատ քարոզութեան սրբոյն. և  
 ահա կորնչիմք մեք և ծնեալք ՚ի  
 մէնջ՝ զյաւիտենական կորուստ:

Սոյնպէս և առաւել ևս քան ըզ  
 սոյն բանս տղաջանաց խօսեալ միա  
 բանութեամբ տմենայն բազմու

թեանն՝ ի բազում աւուրս ընդ Սըր  
 բոյն ՚ի սուէ և ՚ի գիշերի անդա  
 դար, ամենեւին ոչ կարէին խոնար  
 հեցուցանել զմիտն առնն ճշմարտի  
 ՚ի բանս խանդադատականս պաղա  
 տանաց իւրեանց: Այլ խաղաղա  
 կան պատասխանատուութեամբ ա  
 սէր ցամենեւեան. թէ, խո ոչ ուսայ  
 յերկնաւոր արարչէն և ՚ի վարդա  
 պետէն Քրիստոսէ բարկանայ ու  
 մեք, որ և ՚ի խաչին յաղագն խաչա  
 հանուացն անաչէր զՀայր՝ ճհամա  
 բել նոցա գնեղան. որ և մեզ ցանկ  
 բոյոքէ ատելով, Օրհնեցէք զհայր  
 ծիչս ձեր, բարի արարէք ատելեաց  
 ձերոց: Այլ քահանայանայ ՚ի վե  
 րայ տիրանենդ և տիրասպան և  
 մասնիչ ժողովրդոց՝ ոչ կարեմ  
 քանզի Սուրբ Հոգին որ ճնաւ ըզ  
 մեզ վերստին սուրբ աւագանաւն  
 ժառանգակից լինել Քրիստոսի,  
 նոյն սապ երկնաքաղաքացի ա  
 բամբն Պօղոսիւ, թէ Մի դասիք  
 զի մի դատապարտեալիք: Եւ է

Թէ, Դուք որ կարող էք՝ զտկարու  
 Թիւն տկարացն բարձէք. և դար-  
 ձեալ ասէ, Թէ Իմէն վրէժխնդրու  
 Թիւնք, և ես հատուցից, ասէ Տէր:  
 Այդ դուք ձեզն գիտէք. եղէք  
 վրէժխնդիր Թագաւորին ձերոյ  
 գործոց, և զայրացեալք Իմա՛ ըլ-  
 սուրբ հաւատա ուխտին մերոյ մատ-  
 նեալ, ծաղր ետուք առնել անօրի-  
 նացն: Ի՞նչ զիս արդեօք ջանայէք  
 մխիթարել, և կամ ո՛ւմ Թախան-  
 ձեցուցանէք զիս քահանայանալ,  
 որ զվիրաւոր՝ ոչխար հօտին՝ Քրիս-  
 տոսի տեսանեմ, ոչ պատեալ և ձի-  
 Թով և գինով օծեալ զվերսն և ե-  
 դեալ՝ ի վերայ գրաստու և աս-  
 րեալ՝ ի պանդոկի. այլ յօշեալ յան-  
 խնայ և առաջի գիշակեր գազանաց  
 ընկեցեալ յօցառլին: Արթայք յե-  
 նէն ՚ի բայ, և Թոյլ տուք ինձ՝ ող-  
 բալ զընդհանուր կորուստ աշխար-  
 հիս Հայոց, զոր տեսանեմ աջօք  
 մտացս՝ ի զօրութենէ վերին ցուցա-  
 կուԹեանն. մի բանարատէք մխի-

Թարեւ զիս 'ի վերայ բեկման ժողովրդեան խմոյ: Ասան զի զանցս աղէտիս այսորիկ յառաջ քան ըզձեռնագրելն զիս յեպիսկոպոսութիւն՝ եցոյց ինձ վերին կանխասացութիւն, գիտելութիւն յանուրջս, ըստ օրինակի մարգարէական տեսլեանն, որ զուցաւ սուրբ նախատակին Քրիստոսի, գիտելութիւն իրաց առ 'ի յապայ եղելոցս: Զոր և ձեզ պատմել այսօր բանադատիմ առ նեղել սրտի իմոյ, և զուցիանիմ անզգամ, որպէս և սուրբ առաքեալն Աստուծոյ Պօղոս, որ յաղագս սուտ աւաքելոցն և անօրէն մշակացն գլրեաց պարծելով առ Կորնթացիսն, զիւր ճոնութեանցն զհանդէսն: Արդ ունկնդիր լերուք ինձ մտադիւրութեամբ ամենայն բազմութիւնք ժողովրդոց, և պատմեցից ձեզ:

ԺԷ. Զառաջ քան զամս բաղուան խորհուրդք անմխիթարք նեղելն զիս, անդադար զմտաւ ածելով և աղաչելով զհարձրեալն՝ շնորհել

ինչ արու որդի որպէս և նախնեա  
 ցըն իմոյ, որք յաւսաջ քան զիս էին  
 ամուսնացեալք՝ յաղագս որդէ  
 ծնութեան: Եւ արդ վասն զի մա  
 տակարարուին հզօրին առ իւրա  
 քան իւր ոք արդար է, և ճանաչօղ  
 առաւելքան էթէ զոր մեք իմա  
 նամք և խորհիմք. և էի ես՝ ի մեծի  
 հինգշաբաթոջն՝ ի զատկի անուհա  
 ցիցն՝ ի հակման, հաղորդեալ ի ժամ  
 երեկոյին պաշաաման՝ որչոյ և  
 մեղսաքաւիչ խորհրդոյ կենարարին,  
 ճաշակեալ այլ բնաւ աւելի ինչ ոչ  
 բայց հաց և ջուր և աղ, ըստ կա  
 նոնելոյ մեծի և սուրբ ժողովոյնե  
 րեք հարիւր ութ և տասանցն, որք  
 ՚ի Նիկիացւոց քաղաքին, այսպէս  
 կանոնագրեալ հաստատեցին, զո  
 ըոց կանոնագրութիւն կնքեալ  
 Սուրբ Հոգին սահմանեաց: Եւ կա  
 տարեալ կանոն յերկարման առա  
 ջին գուրբալայիցն, և դասք պաշ  
 տօնէիցն ընդ նստելն՝ ծանր նիրհ  
 մամբ ՚ի սաստկութենէ բազմօրեայ



տքնուժեանցն՝ որպէս կիսամեք  
 եղեն. որոց զաւուրս քառասնոր  
 դայն ուժգին պահօք և անդադար  
 աղօթիւք զցայգ և զցերեկ հա  
 նեալ էր. և մանաւանդ՝ ի մեծի շա  
 քաթուն սուսել ևս յաւելուա  
 ծով վնոցն աճեցուցանել փու  
 թային, ուշադրեալք ուրախալից՝  
 վաստակով՝ հասանել վարձուցն  
 հասուցման: Աւ լոյս ճրագացն և  
 կանթեղացն բորբոքեալ տոչորէր.  
 և ընթերցողն կամաւ յերկարէր  
 զկարդացմունսն, յաղագս սակաւ  
 մի առնոյ: ոգի և բաւելոյ պաշտօ  
 նէիցն առաջարկուժեան կանոնին:  
 մնային և ժողովրդոցն բազմու  
 թեան ժողովելոյ՝ ըստ սովորու  
 թեանն՝ ի պաշտօն գիշերոյն. բան  
 վի յորդոր կամաւորուժեամբն փա  
 փաքէր իւրաքանչիւր ոք, այր և  
 կին առհասարակ, ժամանել ար  
 թնուժեամբ անձին փրկուժեան:

Եւ ես նստէի մերձ առ սեղանն  
Աստուծոյ 'ի սուրբ եկեղեցւոջն  
Վաղարշապատ քաղաքի:

Եւ ահա յանկարծակի բացաւ  
հաստաւոր թիւնն վերին, ընդ որ  
ծագեալ լոյսն սաստիկ, և ելլից վա-  
մենայն երկիր: Եւ կանգնեալ երե-  
ւեցաւ ինձ յերկրի բեմ չորեքդուսի  
ամպեղէն, որոյ բարձրութիւնն հա-  
սանէր մինչև յերկինս, և լայնու-  
թիւնն տարածեալ ընդր զամենայն  
երկիր: Եւ 'ի վերայ բեմին երևէր  
տետրասկեղ յոսկւոյ սրբոյ՝ խորա-  
նարդ, ըստ արժանի սպասաւորու-  
թեան տեառն. ծածկեալ յոյժ բա-  
րակ կտաւով սպիտակափայլ գուն-  
նով: Եւ 'ի վերայ խորանաձև ծած-  
կութեանն՝ յայտնապէս նշան տե-  
րունական խաչին երևէր. որոյ երե-  
ւելութիւնն՝ ոչ նիւթեղէն, այլ  
լուսեղէն ցուցանիւր: Եւ յանկար-  
ծակի եղև շնչիւն խաղաղասիրտ  
դոյ, և բացաւ փեղկ մի ծածկու-  
թի կտաւոյն. ընդ որ հայեցեալ

տեսի, և ահա կայր 'ի վերայ բե-  
 մին սեղան չորեքկուսի ականակապ  
 'ի բազմագունի ականց պատուա-  
 կանաց ընդերուզեալ: Եւ 'ի վերայ  
 սեղանոյն կայր հայ հայ մի սուրբ և  
 ուկոյց մի խաղողոյ, ըստ պատուա-  
 կան խորհրդոյ երկնաւոր փրկու-  
 թեան: Եւ մերձ առ սուրբ խոր-  
 հորդն՝ երևէր ծառ մի ձիթենի  
 վարսաւոր պտղալից յոյժ, զորոյ  
 ոչ կարէի առնուլ զչափ բարձրու-  
 թեանն և լայնութեանն, որոյ բե-  
 րըն էր բազմապտուղ և ասոր, և  
 տեսիլն և գեղեցկութիւնն անպա-  
 սուամ և սքանչելի: Եւ որոշեալ  
 չորք սաք ձիթենւոյն 'ի խոնարհ  
 կողմ երկրի ձկտեալ մօտէին, որոց  
 երեք սաք միաչափք և հասարա-  
 կապտուղք երևէին, և չորրորդն 'ի  
 նոցանէ որպէս կիսաբաժին և  
 նուազապտուղ ըստ երկայնաչա-  
 փութեան երկոցն երևէին: Եւ պը-  
 սուղք չորեցունց սատոցն ոչինչ  
 ընաւ էին նմանք և կամ հաւասար

պաղարբերութեան՝ պաղարբոյժ ա-  
տորութեանն ս'յլ պաղոյ ձիթեն-  
ւոյն, այլ նուազք առաւել թուով  
և վտիտ սատորութեամբ, որպէս  
թէ ծնկեալք էին:

Նւ ընդ ահեկէ բեմին աթոռ մի  
բարձր չորեքկուսի ծովագոյն սառ-  
նակերպ, և ծածկեալ թանձր կը-  
տաւով թիագունիւ: Նւ վերա-  
ցեալ կտաւն 'ի շնչմանէ քաղցր օ-  
գոյն եկելոյ, տեսի և ահա սկտեղ  
արծաթի մեծ 'ի վերայ աթոռոյն:  
Նւ 'ի վերայ սկտեղն կայր նախորտ  
մի բեհեղեայ ծալեալ և եղեալ. և  
առ նմին գունդ մի ոսկի բոլոր, և  
մագաղաթ հատուածաձև չորեք-  
կուսի, գրեալ 'ի սկզբանն կարգս  
ինչ սակաւ՝ ոսկետեսիլ գրով սքան  
չելապէս, իբր թէ ձեռամբ գրչի  
ճարտարի. և 'ի միջոյ կողման մա-  
գաղաթին հեռի յոսկէգիր կար-  
գացն՝ երեւէին այլ կարգք ինչ եղ-

ծեալք ջնջագիրք՝ որոց ոչինչ բնաւ  
 երևէր տեսիլ գրոյն և կամ կեր-  
 պարան, Նւ հոռակ յեղբ մագաղա-  
 թին հեռի 'ի ջնջագիր կարգացն՝  
 գարձեալ տեսանէի այլ եւս կարգ  
 մի և կէս կարգի, գրեալ ոսկեգիր  
 գրով առաւել սքանչելապէս, ըստ  
 տեսոյ առաջին կարգացն գրելոց  
 'ի սկզբանն մագաղաթին: Նւ կի-  
 սագիր կարգին մինչև Յմիջոց գրոյն  
 և ևս առաւելագոյն էր ոսկեով, և  
 այլն ցկատարուին՝ կարմրադեղով  
 երեւէր: Նւ կային շուրջ զծնօտիւք  
 սկուտեղն անթիւ բազմութիւն տը-  
 դայոց արուաց, այլ սակաւ և ի-  
 դաց, ամենեքեան պայծառացեալք  
 լուսազգեցիկք էին: Բայց ճառա-  
 փայթ փայլման պատմուճանաց նո-  
 ցա՝ էր որ կարմրագոյն արձակէին  
 նշոյլս, և էր որ այլ երփնեւրփն, և  
 գոյնս ազգի ազգիս: Նւ դէմք ամե-  
 նեցուն 'ի սուրբ սեղանն հայէին,  
 չգարձուցեալ բնաւ և ոչ ուրեք  
 զաչս իւրեանց 'ի խորհրդոյն փր-  
 կութեան:

Եւ սկսաւ յանկարծակի սաստիկապէս դղրրդմամբ շարժել աթոռըն: Եւ զմանկտին զոր տեսանէի 'ի տիտ տղայու թեան, առժամայն վաղվաղակի փոփոխեալս 'ի հասակ երիտասարդութեան՝ կատարեալք լինէին. և եղեալ թեազգեցիկք՝ 'ի վեր 'ի սուրբ սեղանն, որ ընդելուզեալ 'ի բազմադուռնի տկանց, թուուցեալ բնակէին<sup>1</sup>: Եւ համբարձեալ սուրբ սեղանն հանդերձ նոքօք 'ի վեր քան զբարձրութիւն հաստատութեան երկնից ծածկէր: Եւ այսպէս եղեալ աներևոյթ տեսիլն ամփոփէր. և ես 'ի մեծ զարհուրումն ընկղմեալ ասիչէի:

Եւ ահա յանկարծակի կերպարան մարդոյ երեւէր ինձ յերկնից, այր լուսեղէն. որոյ տեսութիւն սաստկութեան լուսոյն մուսկեցուցեալ ծածկէր զարեգականն լոյս:

1. Աստանօր նոր օրինակք յաւելուն. Եւ զսուրբ Աստուծոյն երգէին:

ՅԸ սըացեալ այրն հասանէր ուր  
 եան կայի . և իմ առաւել ևս հիաց-  
 մամբ արիչեալ 'ի փայլակնացայտ ե-  
 րեւմանէ առնն , անկայ վաղվարակի  
 դողալով 'ի վերայ երեսաց խմոց  
 յերկիր . և նորա բուռն հարեալ  
 կանգնեաց զիս , և հաստատեալ  
 կայոցց 'ի վերայ ռախի խմոց , և ա-  
 սէ ցիս . Քաջալերեաց , զօրացիր և  
 մ' երկնչիր . այլ հաստատեալ զսիրտ  
 քո յանուռն հզօրին՝ որ արար զա-  
 մենայն երեւելիս և աներևոյթս , և  
 շնորհեալ եցոյց քեզ զմեծ խոր-  
 հուրդ յառաջատեսարարչութեան  
 իւրոյ : ՅԸ իմ ուշաբերեալ զօրացայ  
 'ի բանէ նորա և կանգնեալ կայի 'ի  
 վերայ ռախի խմոց : ՅԸ ասէ ցիս .  
 Վասն էր ես արտում , և կամ ընդ էր  
 պրազմունք նանրութեան սղասրեն  
 զմիտս քո և զյատակ խորհրդոց  
 քոց : Վասն զի անգիտական խոր-  
 հրդովք յածեցուցեալ զմիտսդ՝  
 իւրովիր վասն զինելոյ քեզ արու-  
 որդի , որ քաշած մոտթ էիր կամաց

հզօրին՝ որ գիտելութեամբ բաշխէ  
 զիւրաքանչիւր օգուտ, և ոչ զլա-  
 ցութեամբ խափանեալ արդելու  
 յուսեքէ զարժանն. և արդ գթա-  
 լով՝ ի քեզ Բարձրեալն վասն սիրե-  
 լոյ զքեզ, կամեցաւ դարձուցանել  
 ՚ի քէն զայդպիսի մտածութիւնս.  
 և միտարեաց զքեզ սեպեամբդ  
 այգուիկ, որ ցուցաւ քեզ յայտ-  
 նութիւն մեծ, ոչ միայն յաւաջի-  
 կայս, այլ և առ ՚ի յապա ամենայն  
 իրաց որ լինելոց են մինչ ՚ի վախ-  
 ճան ժամանակի, ծանոյց քեզ և ա-  
 մենայն հաւատացելոց ՚ի բան. նո-  
 ռա, որպէս Ճշմարտնախնոյն քուս-  
 առն Աստուծոյ սրբոյն Գրկոցի-  
 իսկ քեզ մինչ ՚ի կատարած աշխար-  
 հի որ ինչ միանգամ լինելոց է՝ ե-  
 ցոյց զամենայն: Եւ արդ՝ լնւր և  
 պատեցից քեզ զմեկնութիւն մե-  
 ծի յայտնութեանդ, որպէս ինձ  
 հրամայեցաւ ՚ի վերին զօրութե-  
 նէն ծանուցանել քեզ զամենայն.  
 և դու ունկնդիր եղեալ բազում



զգուշութեամբ, գրեա 'ի տախ-  
տակս սրտի քո անմոռաց. զոր և  
'ի մադաղաթի դրոշմեալ թողցես  
հաւատացեալ ժողովրդոց զգու-  
շութիւն անսղալ՝ մինչ 'ի վախճան  
ժամանակի:

Զբանալ հաստատութեան երկ-  
նից զոր տեսեր՝ և զտարածել լու-  
սոյն սաստիկ ընդ ամենայն երեսս  
երկրի. քանզի ահա 'ի գալատենէ  
կենարարի Արիւտոյն Աստուծոյ բա-  
ցեալ է դուռն շնորհի ողորմու-  
թեան նորա առ ամենեւեան, որ  
սիրեն զնա և պահեն՝ զբան հրա-  
մանի նորա, յորս ծագեալ լուսա-  
ւորէ լոյս փառաց վարդապետու-  
թեան նորա: Եւ թեմն չորեքկուսի  
կանգնեալ որ երևեցաւ քեզ՝ բար-  
ձրը յերկրէ մինչև յերկինս, հա-  
ւատն ճշմարտութեան է, որով  
վերանան արդարքն 'ի ծանրութե-  
նէ աշխարհիս կենաց 'ի թեթեւու-

թիւն երկնից բնակութեանն: Աւ  
 զի ամսելէն գունով երեւեցաւ բե-  
 մնն. վասն զի որ վերայաւ<sup>1</sup> ամ-  
 սով նոյն գալոց է վերայուցանել  
 ընդ իւր զարդարս, ուր բազում  
 են և անթիւ օթեւանք ՚ի տան ար-  
 քայութեանն Հօր. զոր և դու տե-  
 ղեկացեալ ուսար ՚ի Սուրբ Հոգ-  
 ւոյն, որ խօսէր ընտիր արամբն  
 Պօղոսիւ, թէ, Ամսովք յափշտա-  
 կիմք ընդ առաջ Տեառն՝ յօդս: Աւ  
 տե՛տրասկեղն ոսկի որ ՚ի վերայ բե-  
 մնն, զորով էր արկեալ մաքուր կը-  
 աանն լարակ՝ որով ծածկեալ էր  
 սուրբ սեղանն և որ ՚ի նմա խոր-  
 հուրդն, գիտեա և ծանիր, զի ծա-  
 ծուկ և անյայտ է խորհուրդ առ-  
 առածային գիտութեանն, պա-  
 տուականութիւն և մաքրութեամբ,  
 ըստ պատուականութեան մաքուր  
 ոսկոյն և լուսափայլ մաքրութեան  
 կտաւոյն, յորոյ վերայ կանգնեալ

1. ԱՍԼՕՐ. երեւեցանն:

նշան կենդանացուցիչ խաչին՝ որով  
 երեւի, կենդանացեալ կանգնեցան  
 ամենայն արարածք գլորեալք մե-  
 ղօք. և դարձեալ, զի նախ խաչն  
 երեւի՝ ի գալստեան Քրիստոսի, և  
 ապա յայնի խորհուրդ դատա-  
 սանին և հասուցման ըստ իւրա-  
 քանչիւր գործոց:

Նւ զի եղեալ օդ քաղցրաշունչ,  
 որ եբայ զմասն ինչ կտաւոյն, իմա  
 զի ցուցաւ քեզ ՚ի Սուրբ Հոգւոյն  
 քաղցր խաղալովք: որ յայնե-  
 սրբոց իւրոց զխորհուրդ ծածկեալ  
 աստուածութեան իւրոյ: Ընդ ու-  
 ռով կայր սեղան սակի՝ ի պատուա-  
 կան սկանց ընդելուզեալ. սրբոց  
 Երրորդութեանն ծանուցանի մի-  
 ասնականութիւն. որ զվարս և ըզ-  
 ճգնութիւն արդարոցն որպէս ըզ-  
 պատուական սկանց զանազանումն  
 առ ինքեան ապաւորեալ զուար-  
 ճանայ, որք զճաշակ կենաց զմար-  
 մին և զարիւն Փրկչին արժանտակս  
 ճշմարտութեամբ՝ չապեալք ընդ

Նմա՝ ճաշակէն՝ ի սուրբ՝ սեղանոյն .  
 ըստ երեւելոյ քեզ հացն և ողկոյ :  
 զքն՝ ի վերայ սեղանոյն, օրինակ  
 մարմնոյ և արեան կենարար չար-  
 չարանացն ծանուցաւ :

Իսկ երևումն քեզ սքանչելատե-  
 սիլ ձիթենւոյն, որ էր հուպ առ  
 տէրունեան խորհուրդն, բարձր և  
 վարսաւոր բազմաբեր պողակից,  
 զտուրս և զողորմութիւն և զսէր  
 մարդկան որ առ միտեանս՝ էցոյց  
 քեզ ընդունօղն : Քանզի մօտ և ա-  
 ռաջին և սրտուական անտուա-  
 ծութեանն է աղքատսիրութիւն  
 յամենայն բարեգործութիւնս, ո-  
 ռով և առաջին արգարքն ընտիրք  
 երեւեցան, Աբրահամ, Իսահակ և  
 Յակոբ 2. աւանց որոյ և կուսանա-  
 ցրն արհամարհեալ վաստակք կու-  
 սութեան՝ արտաքոյ հարսանեացն

1. Ս.ՍԼ օր. պատմական :

2. Հին օր. փոխանակ սոցին ասէ .

Յոբ և կուսանիքս և նմանք նոցա :

ընկեցան: Սովաւ ճանաչի յանձինս  
 մարդկան կնիք քարոզութեանն  
 Քրիստոսի, որ անացն, թէ, Յայսմ  
 ծանկցեն ամենեքեան զձեզ թէ իմ  
 աշակերտք էք, եթէ սիրեցէք զմե-  
 լեանս. և մանաւանդ որ առատա-  
 սէս զուարթամտութեամբ կամաւ  
 կատարեսցէ զսիրոյն պատուիրան՝  
 ոչ միայն յաղքնոս, այլ և յընկերս  
 և յեղբարս, և առ ամենեսեան՝ ոչ  
 ըովհաստատի խաղաղութիւն աշ-  
 խարհի. և տէրն փառաց բնակէ՝ ի  
 մէջ նոցա, շնորհելով զհանգիստ և  
 զառատաբար պողոթերութիւն եր-  
 կրի, որպէս տեսանէիր բարձր  
 զձիթենին և լիապտուղ և վարսա-  
 ւոր:

Եւ սաք չորք ձիթենւոյն որ ՚ի  
 խոնարհ կողմ երկրի ձգտեալ էրե-  
 լելով, երեք սաք հասարակատեպ  
 չափով, և էին առաւել՝ միաթիւք  
 պտղովք, և զչորրորդն՝ ինոսա՝ զոր

կիսաչափն ըստ հասարակութեան  
 երկնի և պակասաւոր ըստ պարա-  
 բերութեանն տեսեր, յորոց չորե-  
 ցունց պտուղք վախճ էին և թա-  
 սամբ, և բերքն սակաւք և աննմանք  
 քան զայլ ասորատեսիլ պտուղս ձի-  
 թենւոյն: Այդ ամփոփեալ զունկըն  
 դրութիւն մտաց քոց, լուր և ասա-  
 ցնց զոր ինչ սահմանեաց Ռարձրեա-  
 լըն. յայսմ հետէ մինչև ՚ի վախճան  
 աշխարհիս՝ երեք տասներեակք ա-  
 մաց և կէս տասներեկի համառօ-  
 տեացի ՚ի վերայ ամենայն աշխար-  
 հի, մինչև յերևումն պղծոյն անա-  
 պատի, զոր Ռանիէլ մարգարէի ա-  
 սացեալ է Սուրբ Հոգւոյն. և վի-  
 նին սոքա յայտնասէս թուով ամբ  
 երեք հարիւր յիսուն, ըստ միա-  
 զոյդ պարոց երկնի սատոյն և կի-  
 սոյն: Եւ վիտեսեր զպտուղ սատո-  
 ցն թաւամն և ծնկեալս և ոչինչ  
 մնաւ նմանս այլ պարոցն որ ՚ի ձի-  
 թենոջն էին. տես ճշգրտասէս և  
 ծանիր, զի բարձեալ է սէր և ար-

դարու թիւն, յամենայն մարդոց,  
որք ստու թեամբ և ոչ ստուգու  
թեամբ կարծեցուցանեն զանձինս  
սիրունս և պատուիրանապահս. և  
այն յայտնի գրեալ կայ, և կնքեալ  
'ի դարու թեան ամենագիտին Աս-  
տուծոյ, որ ներէ երկայնմտու  
թեամբ և հասուցանէ անաչառու  
թեամբ<sup>1</sup>:

Եւ ընդ ահեկէ բեմին, որ ցու-  
ցաւ քեզ աթոռ չորեքկուսի ծովա-  
գայն սառնակերպ, զնստումն դա-  
հու բահանայու թեանն և թագա-  
ւորու թեանն ցուցանէ, զոր ար-  
դարեւ Բանն Աստուած հաստատէ:  
Յորոյ վերայ կայր սկտեղն արծա-  
թի. քանզի իբրև զարծաթ ընտիր  
և փորձ լուսափայլ՝ յամենայն ազ-  
գրս ընդունողայ սփռեալ սարա-  
ծեցաւ բանն. զոր և սաղմոսերգն  
վարդապետէ Սուրբ Հոգւոյն, յա-  
տելն, թէ, Բանք Տեառն որպէս զար-

1. Հին օր. անգամ անաստու թեամբ:

ծաթ ընտրեալ և փորձեալ յերկրէ . և զասելն յերկրէ՝ գիտասցես եթէ զերևումն Որդւոյն Աստուծոյ մարմնով՝ ՚ի սուրբ Առևան՝ յայտ առնէ մարգարէն : Աւ զի երեւեցաւ քեզ ծովագոյն սառնանման տեսիլ աթոռոյն ; նշանակեալ ցուցանէ զծիփումն <sup>1</sup> ալէկոծութեան աշխարհիս Հայոց : Քանզի և թխագոյն թանձր կտաւոցն ծածկումն՝ զօրինակ բերէ զթանձրամած սրգոյն <sup>2</sup> որ ունեւոց է զաշխարհս ամենայն . վասն զի տեսիլդ՝ ՚ի վախճան է : Աւ նափորտն բեհեզեայ՝ զոր տեսանէիր ծալեալ և եղեալ՝ ՚ի վերայ սկտեղն , և գունդն ոսկի որ կայր մերձ նափորտանն , նշանակէ մինն զքահանայութիւնն , և միւսն զթագաւորութիւնն : Աւ զի ոչ ոք էր արկեալ զիւրեաւ զնափորտն , և ոչ այն ոք էր որ զգունդն ունէր ՚ի

1. Հին օր . գիզումն :

2. Նոյն . սեւոյն :



ձեռքին, լուր ստուգապէս զի լսեալ  
ցէ մերձ ընդ մերձ թաղաւորու  
թիւն յաղգէդ Արշակունեաց, և  
քահանայութիւն 'ի ցեղէ արժա  
նաւոր քահանայապետին Գրի  
գորի:

Եւ մտադաւթն հատածաձև՝ որ  
ցուցաւ քեզ գրեալ 'ի սկզբանն  
կարդս ինչ ոսկեղէն գրով, զձեռնա  
դրութիւն արանց սրբոց եցոյց քեզ  
շնորհք Հոգւոյն Սրբոյ, որք 'ի վա  
ւակէ երանելոյն<sup>1</sup> Գրիգորի յա  
ջորդէն արժանապէս զաթու քա  
հանայապետութեան, նորա էն  
արք ընտիրք գրեալք ոսկետեսիլ  
գրով 'ի գարութիւն կենաց: Եւ  
զի երևեցաւ 'ի միջոյ կողմն<sup>2</sup> մա  
դաղաթիւն՝ հեռի յոսկէգիր կար  
գացն՝ կարգք ինչ խանգարեալք և  
ջնջադիրք, դիտեա զի նստելոց էն  
քահանայապետք ոմանք յաթու

1. Հին օր. ցանկալայն:

2. Նոյն. յաջոյ կողմն:

սրբոյն Գրիգորի, որ ոչ ըստ հրա-  
 մանի սրբոց առաքելոցն և ոչ ըստ  
 կանոնի սատուական սուրբ ժողո-  
 վոյն երեքհարիւր ութուասանցն  
 լինին ձեռնադրեալք յերկնաւոր  
 պաշտօնն, այլ ըստ փառաց աշխար-  
 հիս ձգտին ՚ի պատիւն յանդպնու-  
 թեամբ, որք են արժաթասէրք ա-  
 ռաւել քան սատուածասէրք: Եւ  
 վասն զի խոտան և օտար է քահա-  
 նայապետութիւնն և ոչ ըստ հա-  
 ճոյից Բարձրելոյն, ջնջեալ են նո-  
 քա ՚ի գպրութենէ երկնից բարու-  
 թենէն, սալով գատաստան գեհե-  
 նին այրմամբ զանձանց և զժողո-  
 վրդեանն կորստեան: Եւ այլ կար-  
 դրն և միւս ևս կէս կարգի՝ որ ե-  
 րեւցաւ քեզ գրեալ սքանչելապէս  
 ոսկի գրով ՚ի ստորին եզեր մագա-  
 ղաթին, ծանիր հաւաստեալ՝ զի  
 մերձ յերևուին պղծոյն անապասի  
 դարձեալ յառնէ թաղաւոր յալ-  
 փէդ Արշակունեաց, և նորոգի ա-  
 թու հայրապետութեան ՚ի շառա-

ւիլէ սրբոյն Գրիգորի: Վասն զի ոչ  
 էին արհամարհեալք և ընկեցեալք  
 յերկիր 'ի կոխումն, այլ յայտա-  
 կան երեւմամբ կայր դուռնոն, և ծա-  
 լեալ պատուականութեամբ զու-  
 ցաւ քեզ նափորան, որ ևս առա-  
 լել հաստատապէս զուցաւ քեզ.  
 և ծանոյց զայս վերին ազդեցու-  
 թիւնն սքանչելատեսիլ ոսկեգիր  
 կարգովն և կարգակիսաւն, որ 'ի  
 ժամանակս գուռզայելոյ թշնա-  
 մւոյն արդարութեան նստցի քա-  
 հանայապետ արդար, 'ի ճշմարիտ  
 վիճակէ ցեղին սրբոյն Գրիգորի. և  
 քահանայայեալ առաջինն կատա-  
 րէ զաւուրս իւր, կրեալ ճգնութիւ-  
 նրս բազումն 'ի սուտ առաքելոց  
 իշխանին կորստեան, և վախճանի  
 իտղապական հանգստիւ և ոչ սը-  
 րով: Եւ միւս զաւակ նորին յա-  
 ջորդեալ զաթոռ քահանայապե-  
 տութեանն՝ և բազում և ազգի  
 ազգի համբերեալ քերանաց և դա-  
 նից և սովոց և հալածանաց և դա-

ուրն նեղութեան՝ ժամանակս բա-  
 ցումս, յանօրէն իշխանին դահճա-  
 ցըն սրով ընկալցի զվախճանն մար-  
 տիրոսութեան: Այն զի ցուցաւ  
 քեզ ՚ի կարգին մասն մի գրեւոցն  
 կարմրադեղով, ստուգեալ հաւա-  
 տարմութեամբ դաւանեաց զկա-  
 տարումն մարտիրոսութեանն՝ որ  
 գիպեւոց է սրբոցն:

Եւ որ երեւցաւ քեզ բազմու-  
 թիւնք տղայոց շուրջ կալով ՚ի վե-  
 րայ արծաթ սկտեղն, զուարթասե-  
 սիկ ցնծալից ուրախութեամբ. զի  
 ահա յարգանդէ զաւակիդ՝ որ ու-  
 րաւ քեզ յարարչէն, ելցեն բազում  
 շառաւիղք, արք ընտիրք զօրու-  
 թեամբ. ընդ որս միաբանեալք և  
 այլ բազմութիւնք լաւ արանց՝  
 յալգէ նախարարացդ Հայոց, որք  
 զօրացեալք սուրբ բանիւն Աստու-  
 ծոյ՝ և զյարուցմունս թագաւորաց  
 և զսպառնալիս իշխանաց առ ոչինչ  
 համարեալ արհամարհեացեն, միա-  
 ցուցեալ զանձինս ընդ յոյսն բազ-

ճաշի երկնաւոր կոչմանն, ճհայելով  
 'ի մեծութիւնս, սնտախաւ և ոչ 'ի  
 փառս աւժամայնս. ընդ որոյ վա-  
 ճաւեալ ունաց զփառս անեղծին  
 Աստուծոյ՝ ընդ սնտախի և ապակա-  
 նայու կենաց աշխարհիս, ուրա-  
 ցողք լինին. վասն զի մօտ է առ  
 դուրս վաճառ թուլացելոցն 'ի կո-  
 րուստ, և հասեալ կայ հուպ օգ-  
 նութիւնս զօրացելոցն 'ի փրկու-  
 թիւնս: Յորս և դու հայեցեալ շնոր-  
 հի ահամբ տեսեր շուրջ զաստուա-  
 ճային սեղանովն պարելով՝ զտը-  
 դայան, ճհայելով բնաւ 'ի սայթաք-  
 մունս սնտախի հեթանոսական պաշ-  
 տամանն. յորոյ ոմանք կատարե-  
 լութեան հասեալք՝ մարտիրոսա-  
 կան պսակին լինին արժանիք: Եւ  
 այլք յարանց բազմաց, և ոչ միայն  
 յարանց, այլ գտանին և 'ի կանանց,  
 որք թէպէտ և ոչ սրով, այլ 'ի շնոր-  
 հաց սուրբ շողոցն զօրացեալք՝

1. Հին օր. զաստուածային բանիւն  
 պարեալ:

բազում բարեգործութեամբք կատարին: Որպէս երեւէին քեզ լուսափայլ նշոյլք արձակեալք՝ ի մանկընտոյն. յորոյ կարմրագոյն փայլմամբ երփնէր գոյնն՝ զկատարելոցն արեամբն ցուցանէ գուշակելով ըզնահատակութիւն. և զայլոցն պէսպէս ճառագայթիւք ցուցանէր զշողունն, որպէս և զբազմափայլ գոյնրս լուսաւորութեան առաքինի մարդոյ. վասն զի բազում են և անթիւ ճգնութիւն և վաստակք արանց արդարոց և սրբոց:

Եւ վասն զի շարժեցաւ սաստիկ գղորղմամբ աթոռն զոր տեսեր, և որ երբեմն տղայք քեզ երեւէին՝ յաճումն կատարելութեան բովանդակեալք՝ յերկրէ յերկինս թաուցեալ համբարձան, բովանդակապէս քեզ զերկրիս կենցաղս արդարոցն և ՚ի յերկինս պլնելոց նոցա զհրեշտականման փոփոխումն, եցոյց պարզեատուն բարեաց: Քանզի իբրև զտղայս յաշխարհի կացին

արդարքն անմեղութեամբ, չդարձուցանելով և ոչ ուրեք սկսայեցուածս մտաց իւրեանց՝ ՚ի սբաղմունս նանրութեան, այլ ուշադրեալք<sup>1</sup> ՚ի հրաւիրումն երկնաւոր ուրախութեանն եւեթ հային: Քանզի բազում և խիստ դժուր մունք յայսմհետէ լինելոց են յաշխարհի, յարուշմունք թագաւորաց ՚ի վերայ միմեանց, սովք և սասանութիւնք և բազում նեղութիւնք<sup>2</sup>, որք զմօտաւոր գալուստ որդւոյն կորստեան նշանակեն, որ եկեալ նստիցի՝ ըստ գրեցելոցն՝ ՚ի տեղւոջն սրբութեան, սուցանելով սինքն Աստուած, որ հաշի և մաշի ՚ի վերին զօրութենէն. զոր տէր Յիսուս սատակեսցէ հոգւով բերանոյ իւրոյ: Եւ յայնժամ կատարեալ վարուք առաքինութեամբ թաշին արդարքն ՚ի յաւիտենից

1. Հին օր. «— ի դեմք»:

2. Նոյն. ընկալելա-խի-նք:

յարկան , և այնպէս յամենայն ժամ  
ընդ Տեառն լինիցին : Եւ ապա յայտ-  
նապէս կատարի առ նոսա բանն  
տէրօւնեան բարբառոյն որ ասէ ,  
Թէ , Աւր եան եմ՝ անդ եւ պաշտօ-  
նեայն իմեղիցի : Եւ դու կնքեազտե-  
սիլդ որ ցուցաւ քեզ թուով յայտ-  
նութիւն 'ի բարձանց , քանզի ոչ  
վրիպեսցի այսի բան մի՝ մինչև կա-  
տարեսցի ամենայն :

Եւ ես իբրև 'ի քնոյ զարթու-  
ցեալ 'ի տեսչենէն՝ զոր եցոյց ինձ  
Բարձրեալն , որպէս արթնութի  
յայտնապէս , և 'ի զարմացման մեծի  
եղեալ՝ փառաւորեցի զմարդասէրն  
Աստուած , որ արժանի արար զան-  
արժանութիւնս իմ՝ այսպիսի մեծ  
և ահաւոր տեսչութեան : Եւ լը-  
ռեալ դադարեցի 'ի յայտնելոյ զայս  
ուրմէք մինչև ցայսօր ժամանակի :  
Եւ արդ պատմեցի ձեզ ոչ միայն  
առ նեղել սրտիս , այլ և թաքու-  
ցանել երկուցեալ , զի մի իբրև զլա-  
ցօղ պատուհասեալ գատեցայց 'ի



ցուցողէ յայտնութեանս այսորիկ. որ և գրով խիկ հրամայեաց ինձ զաւանդս զայս թողուլ աշխարհի: ԺԸ. Եւ լուեալ զայս ամենայն խօսքս բազմութեան աւագանւոյն Հայոց՝ տանուտերացն և սեպհացն և միահամուռ ժողովրդոցն բազմութեան՝ ՚ի սուրբ հայրապետէն Սահակայ, յարտասուռ հարեալ զարհուրեցան: Եւ այնուհետև ոչ ոք ինչ իշխեր չարագս այսպիսի բանից ասել ինչ ընդ Սրբոյն և կամ ճառել:

Եւ յայնմհետէ ամփոփեալ զինքրն աւարբինւոյն յամենայն աշխարհաժողովի վրասանայ, աղօթից միայն պարապէր և վարդապետութեան վասն զի բազումք յեպիսկոպոսայ և յայլոց ՚ի պատուական քահանայից ոչ երբեք ժողովին տեւել և մեկուսանալ ՚ի մշտաբուխ աղբերէ վարդապետութեան սրբոյն, ուր ուրեք և գիւղեր, ՚ի յոստանի և կամ ՚ի հովս: Եւ կացեալ սոմս բա-

զժամս, և հասեալ 'ի յերկար ծե-  
 րութիւն՝ վախճանեցաւ խաղաղա-  
 կան հանգստիւ 'ի գաւառին Բազ-  
 րեւանդայ, 'ի գիւղն որ անուա-  
 նեալ կոչի Բլուր, 'ի սկզբան ամին  
 երկրորդի Յազկերտի որդւոյ Վա-  
 մայ [Թագաւորին Պարսից, յամ-  
 սեանն նաւասարդի, որ օր երեսուն  
 էր ամսոյն, յերրորդ՝ Ժամուա-  
 ւուրն. որ և զօր ծննդեան Սրբոյն  
 'ի սոոյգ գիտողաց և 'ի պատմու-  
 թենէ երանելոյ առն Աորեան՝  
 հաստատեալ գրեցաք լինել և նոյն  
 օր ծննդեան Սրբոյն, 'ի նմին ամ-  
 սեան:

Եւ վասն զի ոչ գոյր իւր արու-  
 որդի՝ բայց միայն գուսար մի, զոր  
 էր տուեալ կնութեան Համարգաս-  
 պայ տեառն Մամիկոնէից և Հայոց  
 սպարապետի, որ ծնաւ 'ի Համա-  
 զասպայ երիտ արու որդիս, զսուր-  
 բն Վարդան և զսուրբն Հմայեակ

և դերանելին Համադասպեան. ու  
 բոց ետ և կնքեաց սուրբ այրն Աս-  
 սուածոյ Սահակ զստացուածս գեօ-  
 դից իւրոց և ագարակաց, և որ ինչ  
 միանգամէր իւր՝ ետ նոցա ՚ի ժա-  
 ոանգութիւն և զաւակինոցս մին-  
 չեւ ցյաւիտեան: Եւ ամբարձեալ  
 զձեռս իւր օրհնեաց զնստա օրհնու-  
 թեամբ քաղմաւ, և պատուիրեաց  
 նոցս պահել զվարդապետութիւն  
 պատուիրանի սրբոյն Գրիգորի, զոր  
 ուսոյց և աւանդեաց ճշմարտու-  
 թեամբ ամենայն նշխարհիս Հայոց,  
 ծառայել և երկիր պագանել միու-  
 մըն միայնոյ ճշմարտին Ասսուածոյ  
 անտուն մերոյ և փրկչին Յիսուսի  
 Քրիստոսի:

Արոց առեալ զտենչալի նշխարս  
 Սրբոյն՝ քաղմութեամբ քահանայից  
 և ազատաց, տարան ՚ի գաւառն  
 Տարօնոյ ՚ի բնիկ գիւղն իւր սեփ-  
 հական՝ յանուանեալն Աշտիշատ.  
 և անդ կազմեալ հանգստարան Սրբ-  
 բոյն, պատեցին զպարկեշտ մարմին

արդարոյն ըստ արժանի կայանից  
 ճշմարտին: Աւր և շինեալ եկեղեցի  
 մեծապայծառ և վկայարան Սրբոյն՝  
 զարդարեցին պատուական և մե-  
 ծագին սպասուք. հիմնացուցեալ  
 կանգնեցին 'ի տեղւոջն վանս բազ-  
 մութեան պաշտօնէից. կարգեալ  
 դարմանս անպակաս պաղոց 'ի հան-  
 գիսս առաւելեալ զբայրութեանն.  
 ժողովս սարեւորականս աշխար-  
 հայորդոր բազմութեամբ հաստա-  
 տեցին 'ի տեղւոջն, որ ըստ ժամա-  
 նակի բազմամբոխ ժողովրդօք կա-  
 մաւոր յօժարութեամբ՝ ազատք և  
 քահանայք դաւառին, սյլ և կարի  
 յոյժ հեռաւոր տեղեաց գիտեալք<sup>1</sup>  
 յօր կարգադրութեան նորա սօ-  
 նեն: Ար և բազում օգնականու-  
 թիւնս առողջութեան ըստ իւրա-  
 քանչիւր ախտից շահին 'ի նշխա-  
 րաց Սրբոյն, և ուրախալից սրտիւ.

1. Հին օր. Գիտեալք:

դստնանս՝ ՚ի բնակութիւնս իւրա-  
քանչիւր :

ԺԹ. Եւ յետ վեց ամսոյ կատար-  
ման նորին տարւոյ հանդստեան  
սրբոյ Սահակայ՝ վախճանեցաւ Ե-  
րանելին Մաշթոց՝ ՚ի Վաղարշապատ  
քաղաքի, զոր և Նոր. — քաղաք ա-  
նուանեն, յերեքտասաներորդի ա-  
ւուր ամսոյն մեհեկանի. զոր ա-  
ռեալ իշխանին Ամատունեաց Վա-  
հանայ՝ զմարմին առաքինւոյն՝ տա-  
րաւ յիւր ՚ի գեօղն, որ անուա-  
նեալ կոչի Օշական : Եւ յոյժ մե-  
ծարանօք զդիր երանելոյն կազ-  
մեալ, տօն յիշատակի առնեն ամե-  
նափոյթ պատուով ամենայն բազ-  
մութիւնք ժողովրդոցն Այրարա-  
սոյ :

Զորոյ զհետ յաջորդեաց զաթու-  
հայրապետութեան աշխարհիս Հա-  
յոց հրամանաւ երանելոյն Մաշտո-  
ցի՝ սուրբն Յովսէփ, որ էր ՚ի գա-

Լառէն Վայոց ձերոյ, 'ի գեղջէն ու  
 րումանուն էր խողոյիմք: Եւ 'ի  
 բարեխօսութենէ սուրբ հանդու-  
 ցելոցն արանց՝ շնորհեցաւ տշխար-  
 հիս Հայոց պաշտօն ուղղափառ  
 հաւատոց, մինչեւ ցամն երկոտա-  
 սաներորդ Յապկերտի արքային  
 Պարսից որդւոյ Վռամայ:  
 Վերջ բանիս այս:

## ԴՐՈՒՅԿ Բ.

Ի. Եւ էր Յազկերտի արքայի հա-  
զարապետ մի Միհրնեբուհ անուն,  
այր չարահնար և դժնամիտ. որոյ  
արկեալ 'ի միտս 'ի շատ ամաց ըզ-  
խորհուրդս անօրէնութեան 'ի կոր-  
ծանուծն և 'ի կորուստ թուլամիտ  
ուլոց. որում գտեալ օժանդակ  
չար և սագրիչ անօրէն թիւնաւոր  
բազմաժամանակեայ մտածութեն  
իւրում՝ այր մի 'ի տոհմէն Սիւ-  
նեաց, որոյ անունն էր Վարազ-  
վաղան. որով ըստ նմանութեան  
սասանայի՝ որ 'ի դրախտին օձիւն  
խաբեաց վնախաստեղծին հազոր-  
դն, նոյնպէս և նա նովաւ զիւրոյ  
դառն կամացն վճարել ջանայր ըզ-  
հաճոյսն: Եւ էր Վարազվաղանս  
այս փեսայացեալ իշխանին Սիւ-

նեաց Վասակայ. որ և ըստ համ-  
 բաւոյ ոմանց՝ ատելութեամբ մե-  
 ծաւ ասէին զկեանք ընդ միմեանս  
 զՎարապապանայ և զդասեր իշխա-  
 նին Սիւնեաց. յաղաքս որոյ ծանր  
 քինու հայեր հայր աղջկանն ընդ  
 փեսային իւրում, և հնարէր սպան-  
 մամբ խնդրել զվրէժս 'ի թշնա-  
 մեաց դստերն իւրոյ, մինչև հա-  
 լածեալ հանէր զնա յաշխարհէս  
 Հայոց:

Եւ շարմացին Վարապապանայ  
 դիտացեալ զանհնարին ուրախու-  
 թիւնն Վասակայ, և զի ոչ կարէր  
 հանդուրժել սաստիկ բռնութեան  
 աներոյն՝ յաղաքս հզօրապէս ճո-  
 խութեան որով վարէր 'ի ժամա-  
 նակս իշխանութեան իւրոյ, վա-  
 խուցեալ յերկիրն Պարսից՝ սա-  
 Միհրներսէհ հազարասլետն Ա-  
 րեաց անկանէր: Եւ վաղվաղակի  
 խորհուրդ դիւական 'ի միտս ար-  
 կեալ, առաջնորդ կորստեան աշ-  
 խարհիս լինէր. ճանաչելով 'ի նոյն



խորհուրդ չարութեան յորդոր և  
 զկամս Միհրներսեհի. մտածու  
 թիւն անօրէն 'ի միաբանութիւն  
 բանասարկութիւն 'ի մէջ առեալ՝ ու  
 բանայր զճշմարտութիւնն, և սա  
 ռերց հաստատելոց յարարչէն 'ի  
 սպասաւորութիւն մարդկան՝ ա  
 թեգական և լուսնի՝ երկիր սա  
 գանէր. և ճեղքեալ ինքնակամ  
 յօժարութեամբ 'ի սուրբ և յար  
 դար քարոզութենէն կենաց՝ զոր  
 նահատակն և առաքեալն Հայոց  
 Գրիգորիոս բազում և մեծամեծ  
 վիշտս կրելով՝ անձանձրոյթ աղօ  
 թիւք և անզրու ինդրուածովք՝  
 զցայգ և զցերեկ վարդապետեալ  
 սերմանեալ զամենայն ոգի, արհա  
 մարհեալ մերժէր յինքենէ անօրէ  
 նըն Վարազվազան: Աւ մտեալ 'ի  
 սուսն մոխրանոցին՝ զկրակն սոսայ  
 ցոլ աստուած, և ուրացեալ Յան  
 քակ և 'ի միանական սուրբ Նրբոր  
 դութենէն՝ եղև դեղադործ մա  
 հու և մասառուակ կորստեան ոգւոց

անօրինաւն Միհրներսեհիւ, ամե-  
նայն տկարամիտ անձանց: Արում՝  
այնուհետեւ եղեալ վարդապետ,  
ուսուցանէր փութապէս ՚ի տուէ  
և ՚ի գիշերի դառն իշխանն Միհր-  
ներսեհ զպիղծ սեպուհն Միւնեաց  
զՎարազվաղան, ասելով այսպէս.  
Թէ, Հայեաց մտաց աչօքդ և տես  
Թագաւորութիւն մի այսպիսի, որ  
ահաւոր է և ՚ի վեր քան զամենայն  
Թագաւորութիւնս, և սասակու-  
թիւն առնեւ ձիոյ և հրահանգի և կամ  
կազմութիւն զինու, որ սարսեալ  
դողայուցանէ զամենայն տեսողս և  
լսողս, զհնազանդս և զանհնազան-  
դրս. ընդ նմին և զօրինացս յայտ-  
նապէս ըստ արժանի մեծ Թագա-  
ւորութեանս զընտրողութիւն,  
զստոյգն և զվայելուչն: Քանզի ո՞վ  
ոք ոչ տեսանէ յամենայն տիեզերս  
զարեգականն զփառաւորութիւն,  
որոյ ճառագայթիւք լուսաւորին  
ամենայն եղեալք խօսնոց և անխօս-  
նոց, և կամ զհրոյ օգտակարու-

Թիւն, որով կերակրին և վայելեն  
 ամենայն բանաւորք, և կամ տա-  
 րերքս, և քաղցրախառն օգոց շքնչ-  
 մուկք, որով բոյսք և սերմուկք ա-  
 տոքացեալք և հասեալք ՚ի կատա-  
 րելութիւն, մատուցանեն մար-  
 դկան զկեանի բարի և զուրախա-  
 նալի: Արդ՝ թէպէտ և անհնազանդ  
 են մեզ այնոքիկ, տեսանեն զայս ա-  
 մենայն և ոչ խմանան. վասն զի ոչ  
 ունին իբրև զմեզ մեծ խմաստս և  
 խոհականութեան իրատս: Եւ վա-  
 սրն զի չկարացեալ ճանաչել այն-  
 պիսեացն զաստուածս, և ոչ զօ-  
 գուան՝ որ յիւրաքանչիւր ումեքէ  
 յաստուածոցն բաշխին ՚ի մարդիկ,  
 յայտնի է և ստուգապէս՝ թէ և  
 աստուածոցն ցատուցեալ՝ չկամե-  
 ցան զիւրեանց բարութիւնսն, որ ՚ի  
 միոյ միոյ որոշողութեամբ պար-  
 գելի յաշխարհս, ծանուցանել ան-  
 մտացն: Իսկ որք ընդ մերով մեծ  
 իշխանութեամբս հնազանդեալ են  
 ազգք, և ընդ ձեռամբ այսպիսի ա-

հեղ և սաստիկ կարգեալք են ընդ  
Թագաւորութեամբ, կորնչին ըզ-  
յաւխտեճական կորուստն, և մեք  
մեղադրեալք յԱստուծոյ պատու-  
հասիցիմք:

Զորոյ անմիտ վարդապետու-  
թիւնս պիտրամանոց ուսուցչին Մի-  
հրրներսեհի՝ լուեալ խելացնոր ա-  
շակերտ նորա Վարապվաղան, չկա-  
րաց զգալ յապշութենէ սատանա-  
յապէն պղտորեալ մտացն, և առնել  
անդրէն պատասխանի անզգայեալ  
վարդապետին, թէ, Աստուած որ  
ինքն յինքեան պակաս է և թերա-  
կատար, զիա՞րդ կարէ տալ այնպի-  
սին այլու մկատարելութեան խըն-  
դիրս: Քանզի զգոյսն իւր ոչ կարէ  
տալ ինդրոյին. իսկ որ ինչ իւր ոչ  
գոյ ուրուք, ալ որպէս մասն ինչ  
ի բազում մասանց յուրեքէ ա-  
ռեալ ունիցի յտնձին, կարէ տալ  
յայնմ մասնէ զոր ինչ ունի. իսկ  
զոր ինքն ոչ ունի, յայտնի է թէ և  
այլու մ շնորհել զայն ոչ կարէ:

Վասն զի թէ սապացեալ ոք՝ կա-  
 րօտեսցի զովանալոյ, և մատու-  
 ցեալ զայն խնդրեսցէ դարձեալ 'ի  
 ջերմութենէ, չափաահէ խնդրոյն.  
 այլ և խնդրողն յոյժ անսխա ճանա-  
 ջի յամենեցունց և արժանի ծաղու:  
 Քանզի և նոյն ինքն խնդրողն հա-  
 ւաստեալ գիտէ, թէ որ ինչ  
 ինձս պիտի, յորմէ կամիմն խն-  
 դրէ 'նորա ջեք, և ոչ՝ տալ կարէ.  
 և (թէպէտ) բազում թախանձա-  
 նօք և յերկար դեպերմամբ խնդ-  
 րեսցէ յայնպիսոյն, անսխա է և լի  
 է սպաշաւութեամբ. որպէս թէ  
 'ի ջրոց ոք խնդրիցէ ցամաքութիւն,  
 և 'ի հրոյ հայցիցէ ոք գիճութիւն,  
 և կամ զարեդակն աղաչեսցէ ոք  
 յաղադս զովացուցանելոյ, և կամ  
 'ի գիշերոյ պահանջեսցէ ոք լոյս:  
 Այլ զեդեալն 'ի նոսա յԱստուծոյ  
 մատունս՝ կան և ունին, սահմա-  
 նեալ վնոյն և մատակարարեալ ըստ  
 իւրաքանչիւր մասին, հարկաւորին  
 անդադար հատուցանել աշխարհի՝

ոչ իւրեանց կամաւ, այլ ըստ հրամանի արարչին իւրեանց, որ էն Աստուած ճշմարիտ, արարիչ ամենայն լինելութեան ժամանակաց և տարերց, ջերմութեան և ցրտութեան և ցամաքութեան և խոնաւութե, լուսոյ և իաւարի. և ունի յինքեան զամենայն բովանդակապէս. և որք ինդրեն 'ի նմանէ արժանաւորապէս՝ տայ և ընտ կամենայն կատարելապէս ըստ իւրաքսնչիւր ուրուք պիտոյից և կամաց:

Զոր և իւր ուսեալ զայս ամենայն 'ի մանկութենէ իւրմէ անօրէնն Վարազվաղան՝ քաջ գիտէր. բայց 'ի նախանձ անօրէնութեան ընկզմեալ ընդ աներոյն՝ խորհէր 'ի միտս իւր այրն աստուածուբաց, սադրելով նմա գիւլին՝ որ միացեալ ներկեալ էր 'ի սրտի նորա, թէ իմաստս այս իմ և ջանս և արարուած՝ երկուց իրաց առիթ է ինձ բարւոյ: Ասմ հաւանի աշխարհն Հայոց և ուրանայ, մեծաց պարգեաց և պա-

տուոյ արժանի լինիմ յԱրեաց,  
որպէս հաւատարիմ նախագիւտ և  
օգտացոյց այսպիսի կարևոր և մեծ  
իրաց. և կամ չհաւանին յանձն առ-  
նուլ և ընդդիմանան, չկարացեալ  
կալ տալի այսպիսի մեծի ուժոյ՝  
կորնչին ամենեւիմք տամբք և կա-  
րատեալ. կորնչի թերևս և իմ թըշ-  
նամին յիրիս յայսմիկ: Եւ ես թէ-  
պէտ և ոչ միոյ այլ իմիք չհանդի-  
պիմ բարւոյ, սակայն շատ իսկ է  
ինձ և բաւական լուրն և տես կո-  
րչատեան թշնամւոյ իմոյ, քան զա-  
մենայն օգուտս և մեծութիւնս՝ որ  
են յաշխարհի:

Եւ զայս ամենայն չար խնացմու-  
նքս անձին իւրում և զաւակի ի-  
մացեալ Սիւնոյ սեպհին անօրինի  
և տարեալ ի ճգլուս, չմոռացաւ  
և աստուածային տեսչութիւնն.  
այլ աստէն իսկ նախ ընկալեալ յար-  
դար գառաստանէն Սաստուծոյ ըզ-  
վճիւ հատուցման՝ ըստ արժանի  
գործոց իւրոց. քանզի տեսիլ նշա-

Լակի եղև ամենայն տոհմին իւրոյ և  
 դաւառին մարդկան: Վասն զի 'ի  
 խորհրդակցէն 'ի դիւէն իւրմէ  
 տանջեալ ամս բազումս՝ առաջի ա-  
 մենեցուն հանապազօր նշուակօք,  
 զդեմնեալ փրփրէր անզգայութի,  
 և չկարացեալ ստել թէ մեղայ:  
 Վասն որոյ գտեալ դիւին ամենա-  
 թափուր զայրն 'ի խնամոց մարդա-  
 սիրին, յետոյ ապա սասաիկ ան-  
 հնարին խայտառականօք՝ մինչ 'ի  
 բազում ժամանակս շարալլուկ կըտ-  
 տանօք զարկուցեալ՝ հեղձոյց: Ար  
 և զմնացորդս ժահահատ շարահամ  
 խորակին իւրոյ եթող զաւակին  
 իւրում, ըստ գրեցելումն 'ի վեշ  
 տասաներորդումն սալմոսին, Յա-  
 վեցան կերակրօք, ասէ. որ միւս  
 ևս թարգմանիչ՝ խոյենեաւ ստէ,  
 և թողին զմնացուածս տղայոց իւ-  
 րեանց: Աւ այսպէս նորա տանն  
 ընկալեալ զհատուցումն մեղայ իւ-  
 րոյ, պահի և անչէջ գեհենոյն 'ի  
 տարտարոսին՝ մասնել յաւիտենից



և անանց բոցոյն: Յորոց ձեռն ըս-  
 կիզքն աւետարտայր տակաւ յերե-  
 ւոսմն՝ կանխաւ տեսութիւն մար-  
 գարէական սուրբ նահատակին  
 Քրիզոստի տեսեան, որ երևեցաւ  
 նմա յԱստուծոյ, աղբււրն կենաց,  
 յորում լուսացեալ դասք սևագոյն  
 այծեացն՝ ՚ի սպիտակակիզն գոյն  
 օդեաց դարձեալք՝ արեգակնա-  
 նման լուսափայլեալք երևէին: յո-  
 ղոց կէսք՚ի լուսցելոցն յետս դար-  
 ձեալք ընդ կրօննկս՝ անցանէին  
 ընդ ջուրն, և փոխեալք ՚ի նմանու-  
 թենէ սպիտակացեալ գառանցն՝ ՚ի  
 գոյն սևացեալ գայլոցն, յարձա-  
 կէին ՚ի վերայ գառանցն և արեան  
 ճասպաղիս հանէին: Արոց նախ և  
 աւաջին յաւաշտտեսութեանն սրբ-  
 բոցն ՚ի գառնութենէ ՚ի գայլու-  
 թիւն փոփոխման՝ այն այր ՚ի տոհ-  
 մէն Սիւնեացեղև, պատճառ կորրս-  
 տեան բազմաց և կոստորածի աշ-  
 խարհիս Հայոց:

Ին. Եւ լուեալ զայս ամենայն

քանս անօրինին Միհրնեբսէհի և  
 ինդալից եղէալ, քանզի եգիտ սա-  
 տար մահաթոյն և գրգռիչ անօրէն  
 իւրում չար մտածութեանն զայն  
 զդիւազգեաց զՎարազվադան, մը-  
 տեալ ինդալից առ թագաւորն  
 Յաղկերտ, սկսաւ խօսել ընդ նմա  
 առանձինն և տսէ. Աչ միայն 'ի վա-  
 յելչութենէ շահից, եթէ որպէս  
 'ի գէս է տերանց օգտել 'ի ծառա-  
 յից՝ զայն եւեթ հոգալ պարտ է  
 տերանց, այլ և յաղադս գիւտի  
 ոգւոց արժան է զմտաւ ածել, ո-  
 ռով ոգիք ծառայից մի կորիցեն:  
 Վասն զի որպէս դու վասն քո շա-  
 հիցն և հարկաց փոյթ յանձին ու-  
 նիս՝ զի օգտեսցիս, նոյնպէս և սա-  
 տուածք զոգւոցն զիւսս ջերմա-  
 գոյն ևս դրեն և կամին տեսանել,  
 և աստուածոցն արժանի առնել.  
 Ճկարէ որ տսել զպարգևս և զպա-  
 տիւս, որ այնպիսոյն յաստուա-  
 ծոցն մթերեալ պահին. Թող թէ  
 որ ոք բազում ոգիս հնարի 'ի մն-

լորուժենէ 'ի ճանապարհ ածել,  
 և զանէծս անցուցանել ընդ ար-  
 դարս, փառք և շքեղութիւնք որ  
 այնպիսեացն ոգւոց ընձեռին յառ-  
 առածոցն՝ ոչ ոք կարէ բանիւ ա-  
 սել զայն և պատմել, և կամ ընդ  
 գրով բովանդակել: Արդ՝ քանի՞ աշ-  
 խարհք են որում դուք իշխէք առ-  
 առածաբար, և զոր սպանանել  
 կամիք յիշէք և զորս կեցուցանել:

Աւ նախ առաջին որպէս Հայոց  
 մեծ աշխարհն պիտոյ է և օգտա-  
 կար, և առ նմին Արաց և Աղուա-  
 նիցն, և միայն օգտիցն և եթ հայիք՝  
 զոր ընդունիք յաշխարհացն. և  
 որ մեծն է և կարևոր յաղադս այն-  
 չափ կորուսեալ՝ ոգւոց գիւտի՝ զայն  
 բնաւ: և զմտաւ իսկ չածէք և ոչ  
 հոգայք. և զայս ոչ գիտէք՝ եթէ  
 ընդ ամենայնի այնչափ անձինն  
 համար. սալոց էք աստուածոցն:  
 Այլ եթէ հոգայք ընդ այնչափ ո-  
 գւոյ փրկութեան, գիտացէք զի  
 աւելի քան զաստի թագաւորու-

Թեանդ՝ մեծութիւնդ զոր ունիք,  
 ոգւոցն բարի և մեծութիւն որ  
 լինէր անդ՝ շատ օգուտ էր ձեզ և  
 պիտոյ: Ես առաւել այլ օգուտս  
 մեծամեծս և կարեոր իրս տեսա-  
 նեմ՝ յիրս յայս Արեաց աշխարհիս:  
 Վասն զի դուք ինքնին դիտէք և ա-  
 մենայն Արեք՝ զաշխարհն Հայոց,  
 Թէ որպէս մեծ է և պիտանի, և  
 մօտ և սահմանակից է կայսեր իշ-  
 խանութեանն, և զօրէնս և պաշ-  
 տօն զնոցն ունի, զի կայսր զիշխա-  
 նութիւն նոցա ունի: Եւ եթէ և  
 մերոց օրինաց ընտանեցուցանէք  
 զնոսա և ընդէնուն, և կարեն ճա-  
 նաչել եթէ յայժմ՝ մոլորեալք էին,  
 և արդ՝ ի ճանապարհ եկեացեն, այ-  
 նուհետև զձեզ սիրեն և զԱրեաց  
 աշխարհս, և ՚ի կայսերէ և յօրի-  
 նաց նորս և յաշխարհէն մերժին  
 և հեռանան ՚ի բաց: Եւ լինի այ-  
 նուհետև աշխարհն ընդ մեր սերս  
 սիրով և միաբանութեամբ: Եւ  
 յորժամ Հայք սերտիւ մեր լինին,

Վիրք և Աղուանք այնուհետև մեր  
 իսկ են: Եւ իմ թէպէտև էր յա-  
 ուաջապոյն հոգացեալ զայսպիսի  
 մեծ իրս, և զմտաւ ածեալ ցուցա-  
 նել ձեզ, առաւել ևս հաստատեալ  
 յառնէն՝ որ ՚ի Սիւնեաց տաճմէն՝  
 գիտաց հեռանալ ՚ի մոլար օրինա-  
 ցըն զոր ցայժմն ունէր, և ընարել  
 զճշմարիտ և զհաստատուն օրէնս  
 մեր, զոր կամաւ և ախորժելով  
 յանձն էառ. զոր ՚ի նմանէ աւելա-  
 գոյն ծանեայ, և հաստատեցի զօ-  
 գուս հոգևոր և զմարմնաւոր, որ  
 յիրացս յայսցանէ վնեւոց է ձե-  
 րում թագաւորութեանդ և առ  
 հասարակ ամենայն Արեաց աշխար-  
 հիս: Այլ և որ սերտ սիրով ես  
 զանձն իւր այրն և ընարեաց զլաւն,  
 արժան է դիպել երեւելի փառաց  
 և առաւելապէս պատուոյ քան զա-  
 մենայն ընկերակիցս իւր և առհ-  
 մակիցս, որպէս զի տեսեալ տոհ-  
 մին նորա և ամենայն Հայոց աւա-  
 դանոյն՝ զմեծամեծ բարիս և զչքե-

զուժիւն՝ որ՛ի ձէնջ՝ի վերայ նորա  
 յայտնի լինի, ՚ի նախանձ գըր-  
 գուեալ և նորա այսպիսի կենաց և  
 բարւոյ հանդիպել՝ յօժարուժք  
 յանձն առնուն զձեր հրաման, և  
 միզմիով ելեալք փուժով կատարեն  
 զկամս ձեր: Եւ եթէ այս այսպէս  
 լինի, միշտ ՚ի իաղապուժեան և  
 յանհոգութեան կայ թալաւորու-  
 ժիւն Արեաց աշխարհիս, ապա թէ  
 ոչ լինիցի այս այսպէս, կասկածեմ  
 յառաջիկայսն՝ մի գուցէ որում օրի  
 նացն են հաստատուն, նոցին և  
 ծառայութիւն առնել ցանկան, և  
 լինի ոչ փոքր կասկած Արեաց աշ-  
 խարհիս յիրացն յանցանէ:

Եւ իբրեւ զայս ամենայն յար-  
 մարուսն բանից լսէր Յուդէրոս ար-  
 քայն Պարսից ՚ի չարախորհուրդ և  
 ՚ի դժնամիտ հազարապետն իւր-  
 մէ Միհրնէրսեհէ, հաճեալ բնդ ի-  
 մասան և գովեալ յայտնէր մոգու-  
 ցըն և այլ աւագանոյն Արեաց ըզ-  
 բանս ամենայն Միհրնէրսեհի: Եւ

ամենայն Արեաց առ հասարակ զարմացեալ և գովեալ զխրատն, վազ վազակի կոչէր զմոգան, և գրեալ զօրէնս մոգութեանն՝ տայր բերել ՚ի Հայս: Եւ արարեալ հրովարտակս առ ամենայն Հայոց աւագանին և գրէր այսպէս:

ԻՅ. Թագաւորացն առաջնոց՝ որ նախ քան զիս իմ նախնիքն էին և զայս Թագաւորականգան ունէին, ոչ գիտեմ եթէ յաղագս այլ ինչ մեծ անպարապութեանց, և թէ ճիտըհելով զայսպիսի ծանր և կարեւոր պէսս, չհոգացան իրացս: Իսկ իմ զմտաւ ածեալ, ՚ի մոգուցն և յայլ իմաստուն և յաւագ մարդկանէ Արեաց աշխարհիս տեղեկացեալ, թէ որ միանգամ ընդ իշխանութեամբ մերոյ Թագաւորութենէն, որպէս օգտիւք և այլ հպատակութեամբ վայելեմք ՚ի նոցանէ, ևս առուել պարտիմք ընդ փրկութիւն և ընդ գիւտ ամենեցուն հոգւոց հոգալ և գտանել. և եթէ

յանկարծ ծուլացեալ գասանիմք  
 յայսպիսի մեծ հոգոզութենէ, ան-  
 դեկացաք յօրինաց մերոց՝ թէ ծա-  
 նրր պատուհաս կրելոց եմք յաս-  
 տուածոցն: Արդ եթէ մեք պա-  
 տուհասիմք վասն չբողոքելոյ ու-  
 մեք՝ ի ձէնչ, ձեզ առաւել աւելի  
 ևս արժանի է երկնչել, թէ հեղ-  
 գայք ինչ յիւրաքանչիւր հոգւոյ  
 օգտէ, զի ի մէնչ պատուհասիք և  
 յաստուածոց: Վասն որոյ և զօրե-  
 նրս մեր զստոյգ և զարդար՝ գրե-  
 ցաք և տուաք բերել առ ձեզ, և  
 կամիմք եթէ որպէս դուք օգտա-  
 կար աշխարհի էք և մեր սիրելի,  
 զմեր արդեօք զարդար և զկշիռ օ-  
 րէնս ուսանիք և ունէիք, և չպաշ-  
 տէիք զայնպիսի օրէնս՝ որ ամենե-  
 ցուն մեզ յայտնի են թէ սուտ են  
 և անօգուտ: Արդ լուեալ ձեր զմեր  
 հրամանսդ, կամաւ և սիրով յան-  
 ձրն առէք, և բնաւ ամենեիմք ըզ-  
 միսս ընդ այլ ինչ մի՛ տանիք: Այլ  
 և այս կայ մեզ և մեզ, զի զկարծեցեալ



զձեր օրէնսդ՝ առ մեզ գրել հրամա-  
յեցաք ձեզ, եթէ որպէս կորու-  
սեալ էիք մինչև ցայսօր: Եւ յոր-  
ժամ դուք իբրև զմեզ ճանաչօղք  
ճշմարիտ մեր օրինացս լինիք, Վիքք  
և Աղուանք ըստ մեր և ձեր կամս  
չիշխեն ելանել:

ԻԳ. Եւ ընկալեալ զայսպիսի հրո-  
վարտակ ամենայն Հայոց աւագա-  
նոյն, և ընթերցեալ զամենայն գը-  
րեալսն՝ ի հրովարտակին, և զայն  
ևս իմացեալ՝ թէ զօրէնս անօրէ-  
նութեան իւրեանց՝ գրով առա-  
քէ առ նոսա, ծանուցեալ և զառ  
՛ի ծածուկ նեոս թշնամւոյն՝ զոր  
ձգէր խորամանկութեամբ յան-  
արատ հօտն Քրիստոսի, արքա-  
մեալ առուջախորհուրդ ժողո-  
վուրդք սուրբ հօտին Քրիստոսի՝  
՛ի կոր կործանեցան, թէ ընդէր  
իսկ բնաւ այնպիսի դառն լի թիւ-  
նօք ծնեալ ՛ի նոցանէ ճառեցան  
իրքս. Մի գուցէ, ասեն, աճե-  
ցեալ ՛ի պակասամիտ և ՛ի փառա-

խնդիր անձինս թերահաւատ մար-  
դոց, չարաչար ձգտեալ արմատս՝  
կորնչելցին բազումք վրիպեալք ՚ի  
ճշմարիտ և յարդար հաւատոցն  
Քրիստոսի:

Ժողովեցան այնպէս և ըստ  
հրամանի ասնուերացն Հայոց  
սուրբ եպիսկոպոսք ըստ դաւառաց  
աշխարհին Հայոց, և պատուական  
երկցունք և վանականք, որք են այ-  
սոքիկ. Սուրբն <sup>1</sup> Գովսէփ, որ թէ-  
պէտ և երէց էր ըստ ձեռնադրու-  
թեան, այլ զկաթոզիկոսութեան  
Հայոց զաթոռն ունէր ՚ի ժամանա-  
կին. Տէր Անանիա Սիւնեաց եպիս-  
կոպոս, Տէր Մուշէ Արծրունեաց  
եպիսկոպոս, Տէր Սահակ Տարո-  
նոյ եպիսկոպոս, Սուրբն Սահակ  
Ընտանեաց եպիսկոպոս, Տէր  
Մելիսէ Մանձկերտոյ եպիսկոպոս,  
Տէր Աղնիկ Բագրևանդեայ եպիս-  
կոպոս, Տէր Սուրմիակ Բղնունեաց

<sup>1</sup> Գոր . Ե- Գովսէփ:

Էպիսկոպոս, Տէր Թաթևիկ Բասե-  
 նոյ Էպիսկոպոս, Տէր Երեմիա Մար-  
 դաստանի Էպիսկոպոս, Տէր Գաղ-  
 վանանդեայ Էպիսկոպոս, Տէր Բա-  
 սիլ Մոկայ Էպիսկոպոս, Տէր Եղ-  
 քայր Անձեացեայ Էպիսկոպոս,  
 Տէր Տաճատ Տայոյ Էպիսկոպոս,  
 Տէր Քաթու Տարբերունոյ Էպիս-  
 կոպոս, Տէր Զաւէն Մանանաղոյ  
 Էպիսկոպոս<sup>1</sup>, Տէր Եղիշէ Ամատու-  
 նեայ Էպիսկոպոս, Տէր Երեմիա  
 Ապահունեայ Էպիսկոպոս: Այստ-  
 քիկ ամենեքեան Էպիսկոպոսքս, և  
 ՚ի պատուական երկրանց՝ սուրբն  
 Ղևոնդ, և Խորէն ՚ի Մրենեայ, և  
 Գաւրիթ, և այլ պատուական երկ-  
 րունք, և աւագ վանականք բա-  
 զումք, հանդերձ սքանչելի և հրեշ-  
 տականքն տերամբն Ազատաւ, որ  
 էր յաղգէն Արծրունեայ: Եւ որք  
 ՚ի նախարարացն էին ժողովեալք,  
 աւերն Սիւնեայ Վասակ, և իտերն  
 Արծրունեայ Ներշապուհ, Արիւ

<sup>1</sup>. Սա ոչ յիշի յԵղիշեայ:

Մաղխալ, տէրն Մամիկոնէից և  
 սպարապետն Հայոց Վարդանն,  
 տէրն Վահեռունեաց Գիււս, տէրն  
 Մոկաց Արուակ, տէրն Անձեա-  
 ձեաց Շմաւոն, տէրն Ապահու-  
 նեաց Մանէճ, տէրն Վանանդեայ  
 Առաւան, տէրն Արշարունեայ Ար-  
 շաւիր, տէրն Ամատունեաց Վա-  
 հան, տէրն Գնունեաց Ատամ, տէ-  
 րն Պալունեաց Վարապշապուհ,  
 տէրն Աշոցայ Հրահաս, տէրն Գի-  
 մաքսենից Հմայեակ, տէրն Աբե-  
 դենից Գապրիկ, տէրն Առաւելե-  
 նից Փափազ, Վրէն Ջիւնական:  
 Այսոքիկ ամենեքեան աւագ սա-  
 նուտեարք, հանդերձ աւագ սեպ-  
 ճօք և բարեպաշտ եպիսկոպոսօք, և  
 աւագ քահանայիւք և վանականօք,  
 պատասխանի հրովարտակին գրե-  
 ին առ Թագաւորն Յաղկերտ և առ  
 ամենայն աւագանին դրանն՝ այս-  
 պէս՝:

1. Թէպէտ և ձեռնարկողք Թղթոյն  
 նոյնք են որ յԵղիշեայ յիշին, այլ Թուղթ-  
 քն օտար են յայնմանէն:

Ի՞նչ լուսաւոր և 'ի ճշմարիտ  
 օրէնս մեր գրեալ է, որ ձեզ ընդու  
 նայնութիւն և բարբանջմունք թը  
 ւին, թէ ծառայք հնազանդ լերուք  
 մարմնաւոր տերանց ձերոց՝ որպէս  
 Աստուծոյ. և մեր ըստ կարի զօրու  
 թեան մերոյ երկուցեալ նախ 'ի  
 հրամանէ օրինաց մերոց, և ապա 'ի  
 ձեր 'ի մեծ թախաւորութենէդ,  
 եղեալ 'ի մտի՝ ոչ միայն ըստ եր  
 կիւղի մարդկան որպէս առ ազանէ  
 ըստ օրինի չար ծառայից ծառայել  
 ձեզ, այլ կամաւ իսկ և յօժարու  
 թեամբ՝ յամենայնի զձեր կամս և  
 զհրաման կատարել. և ծառայել  
 ձեզ ոչ միայն կարասոյ ծախիւք,  
 այլ և զարիւն անձանց մերոց և որ  
 դուց 'ի վերայ գնել: Բայց վասն  
 հոգւոց մերոց գիւտի և կամ կորրու  
 տեան՝ զձեզ ինչ ամենեւին այդ հոգ  
 մի աշխատեսցէ. և վասն պարգևի  
 և պատուհասի՝ որ երկնչիքդ յաս  
 տուածոցդ՝ յաղագս սիրոյ ոգւոց,  
 որպէս ասէքդ, 'ի մեր անձինս և

յողիս հասցէ յԱսաուծոյ օգուտն  
այն և կամ պատիժ: Բայց դուք  
զիրադ ևեթ վայդ լուեալ ներեցէք  
մեզ. քանզի որպէս անհնար է մարդ-  
կային բնութեանց փոխել զերկ-  
նից տեսչութիւնն յայլ տեսու-  
թիւն, նոյնպէս և անհնար է՝ որ ՚ի  
բնէ ուսեալ եմք և հաստատեալ  
յօրէնս յայս, անսալ այդպիսի հը-  
րտանի և հաւանել. զոր և լոկ բա-  
նիւք անգամ լսել ոչ կարեմք, քան-  
զի և կամիմք իսկ ոչ:

Այլ լատն օրինաց ձերոց, զոր  
դրեալ էր և սուեալ բերել առ մեզ,  
մեք ձեզ ոչ երբեք լսեմք: Մինչ որ  
այգր լինիմք ՚ի դրանն, և կամ ՚ի  
մոգուցդ՝ որ ձեր օրէնսուսոյցքդ  
իմն կոչին, այսին տրտրեալ արհա-  
մարհեմք. թող թէ և գրոց ևս յօ-  
ժարեցուցանէք զմեզ, կարդալ և  
լսել որ ինչ ոչ է մեզ պիտոյ և ինդ իր:  
Այլ յառաւել ևս պատուելոյ ըզ-  
թապաւորութիւնդ ձեր՝ և բանալ  
անգամ զգրեալոդ կամ տեսանել ոչ

կամեցաք. զի զօրէնս՝ զոր ճանա-  
 չեմք ելծէ սուտ են և անմիտ մար-  
 գոյ բարբանջմունք, զոր բազում  
 անգամ մեր լուեալ է՝ ի ձեր ա-  
 նուանեալ սուտ վարդապետացդ,  
 և տեղեակ եմք իբրև զձեզ, զայն ոչ  
 կարդալ պարտ է և ոչ լսել: Վասն  
 զի ընդ կարդալն՝ հարկիմք և ծաղր-  
 առնել, ուստի օրէնքն և օրէնս-  
 գիրքն և որք պաշտեն զայդ պիսի  
 խաբէութիւնս՝ ի միասին թշնա-  
 մանին: Յաղագս որոյ և ոչ զմեր  
 օրէնս գրել և տալ բերել առ ձեզ՝  
 ըստ հրամանիդ ձերոյ՝ ի դէպ և  
 պատշաճ համարեցաք: Ձի ելծէ  
 զձեր սուտ և զարժանի ծաղու-  
 օրէնսդ չհամարեցաք արժանի կար-  
 դալոյ և մատուցանելոյ ի մեզ,  
 զի մի թշնամանեացուք զձեզ՝ ծաղր-  
 առնելով զօրինօքդ, զոր ըստ ձե-  
 րում իսկ մեծի խրատոյդ պարտ  
 էր զմտաւ ածել ի գրելն և ի տալ  
 բերելն առ մեզ, մեք զիմրդ զայս  
 պիսի զատուածատէր և զճշմա-

րիտ օրէնան՝ գրիցեմք առ ձեր ան-  
 գիտութիւնս, յայպանուին և ՚ի  
 թշնամանս: Բայց այս ևեթ ձեզ  
 ՚ի հաւատոյս մերոյ յայանի լիցի,  
 զի տարերց ոչ ծառայեմք, արեդա-  
 կան և լուանի, հողմոց և կրակի,  
 որպէս դուքդ. և բազում աստուա-  
 ծոցդ՝ զոր անուանէքդ դուք ՚ի  
 յերկրի և ՚ի յերկնի, պաշտօն ոչ  
 մատուցանեմք: Քանզի ուսաք և  
 հաստատեալ ծառայեմք միուին  
 միայնոյ ճշմարտին Աստուծոյ, որ  
 արար զերկինս և զերկիր և զամե-  
 նայն ինչ որ ՚ի նոսա. և նա միայն  
 է անուանելոցդ ՚ի ձէնջ աստուա-  
 ծոցդ՝ Աստուած և արարիչ, թա-  
 գաւոր թագաւորաց և տէր տե-  
 րանց. և նմա միայնոյ վայելէ ամե-  
 նայն բանաւորաց՝ մատուցանել  
 երկրպագութիւն և պաշտօն:

ԻՅ. Եւ գրեալ զայս ամենայն  
 բանս ՚ի նամակին սուրբ բահանա-  
 յից ժողովոյն, և հանդերձ ամե-  
 նայն նախարարօքն Հայոց, Ետուն



ասնել առ թագաւորն Արեայ Յագ  
 կերտ: Եւ նորա հրամայեալ կոչել  
 զմոզանն եւ զամենայն աւագան գը  
 րանն, եւ թանալ զնամակն՝ զոր ա  
 ռաքեցին Հայք, եւ կարդալ առա  
 ջի ամենեցուն: Եւ լուեալ զբանս  
 նամակին թագաւորն հանդերձ մո  
 ղօքն, եւ ամենայն աւագանեաւ գը  
 րանն, եւ սրամու թեամբ բարկու  
 թեան գրդռեալ՝ հարցանէր զմոզ  
 արն եւ զամենայն Արեայ աւագա  
 նին, թէ ձեզ զիա՞րդ թուի՞ ՚ի ծա  
 ւայից այդպիսի աներկիւղ համար  
 ձակութեամբ գրել առ իւրեանց  
 ակերն: Իսկ դասք մոզուցն եւ ամե  
 նայն մեծ ամեծացն աւագանոյն գը  
 րանն՝ յոտն կացեալ ասացին, թէ  
 զնոցա կորուստն անձանց իւրեանց  
 եւ աշխարհի գրեալ է առ ձեզ, բայց  
 ձեզ թէ որպէս պարտ է ծանուցա  
 նել նոցա զձեր տերութիւնն եւ ըզ  
 նոցա ծառայութիւնն, զայն դուք  
 իշխէք: Առաւել եւս գրդռեալ զթա  
 գաւորն եւ զամենայն աւագանին,

ասելով. Եթէ ոչ ուստեք ունէին նոքա յայլուսա օգնականութեան յոյս, զայդպիսի բանդ 'ի միտս իսկ իւրեանց նկատել չիշխէին, թող թէ նամակաւ առ ձեր թաղաւորութիւնդ աւաքել: Զայս չարախորհուրդն Միհրնեբուէ հասեր:

Եւ թագաւորն Յազկերտ իբրև լուսաւ զայս ամենայն 'ի մոգուցն և յամենայն գրան աւագանոյն, սրբամտութեամբ զայրացեալ հրաման ետ վաղվաղակի հրովարտակա առնել յաշխարհն Հայոց և Վրաց և Աղուանից: Եւ հրամայէր գրել յերեսին հրովարտական, զի ամենայն ասնուտեարքն և աւագ սեպուհքն երեցունց աշխարհացն՝ վուժով և անխափան 'ի դուռն եկեսցեն. և որ ոք, ասէ, ծուլացեալ յապաղեսցէ, առանց ամենայն թողութեանց՝ մահու պատուհաս կրեսցէ: Եւ հասեալ հրովարտակա այս յերեսին յաշխարհան Հայոց, Վրաց և Աղուանից, և ընթերցեալ առաջի նո-

ցա, իբրև լուսնի զայնպիսի ստիպով  
կոչումն զամենեցունց, անդէն և  
անդ գիտացին զպատճառս իրացն՝  
Թէ չէ խաղաղութեամբ, այլ կորըս-  
տեան ոգւոց է ստիպումն կոչմանս  
այսորիկ. արամեալք ազակէին, և  
Սատուծոյ օգնականութիւնն ա-  
պաստանեալ ապաւինէին:

Պատգամաւորութիւնս այնուհե-  
տեւ երեքին աշխարհքն առ միմեանս  
առնէին և ուխտագրութիւնս, և  
բազում երգմամբ աւետարանին  
հաստատէին: Խորհէին, չերթան  
որպէս աստամբութիւնս կարծե-  
ցուցանել, և զերթան խռովեալք  
տարակուսէին. հաշուէին զերթա-  
լին լաւադոյն, և ելլից իրացն զԱս-  
տուած կոչէին օգնական: Բայց  
զիւրեանց զմիտս և զբանս և զխոր-  
հուրդս՝ միշնորդութեամբ սրբոյ  
աւետարանին՝ անքակ և աներկեւան  
առ միմեանս հաստատէին. Թէ Եր-  
թամբ այո, այլ ուրանալ զարարին  
երկնի և երկրի ոչ հաւանիմք: Եւ

այս կատարի մեզ Մատուծոյ, յոր  
 ժամ ցուցանեմք զմեզ Քրիստոսի  
 մի մարմին և մի հոգի. յիշելով ըզ  
 սուրբ դառաքեալսն՝ զքարոզքն  
 սուրբ եկեղեցւոյ, որոց էր սիրամի  
 և ողի մի. որոց բարեխօսութեամբ  
 ուղղեացէ զմեր պատասխանիս ա  
 ռաջի ահեղ թագաւորին՝ վրկիչն  
 մեր և սէր Յիսուս Քրիստոս, և  
 սրահեացէ զմեզ յարձակմանէ ջար  
 փաղանին, որ զխմեալ դայ՝ ի վերայ  
 մեր. քանզի ոչ երբէք Մատուծ  
 զմիտքանեալս ՚ի բարի կամս՝ եթող  
 ՚ի ձեռաց: Իսկ եթէ ոք որոշեալ  
 ճեղքեացի յայս ուխտս միաբա  
 նութեան, եւ Որդի մարդոյ՝ որ  
 պէս և ինքն իսկ ասէ, ուրացեալ  
 ընկեացէ զայնպիսին յերեսաց իւ  
 րոց առաջի Հօր և հրեշտակաց երկ  
 նից:

Եւ այսպէս միաբանեալք ուխ  
 տիւք և երդմամբ երեքեան աշ  
 իարհքն, Հայք, Վիրք և Աղուանք,  
 գնացին ՚ի դուռն:

Եւ որք 'ի ժամուն 'ի մեծամեծ  
 աւարանոյն Հայոց՝ յուլի անկեալ  
 ճանապարհորդեցան պսոքիկ են :  
 Ի տոհմէն Սիւնեաց Վասակ Սիւ  
 նեաց տէրն, որ և 'ի ժամուն  
 մարզպանն էր Հայոց. և 'ի տոհ  
 մէն Արծրունեաց Ներշապուհ. 'ի  
 տոհմէն Ըւրշտունեաց Արտակ. 'ի  
 տոհմէն Խորխունեաց Քաղիշոյ .  
 'ի տոհմէն Մամիկոնեաց Վարդան,  
 Հայոց սասարապետ եւ տէրն Մա  
 միկոնեաց. 'ի տոհմէն Մոկաց Ար  
 տակ. 'ի տոհմէն Ապահունեաց Մա  
 նէճ. 'ի տոհմէն Ամատունեաց Վա  
 հան. 'ի տոհմէն Վահեւունեաց  
 Գիւտ. 'ի տոհմէն Անձեւացեաց  
 Նմաւոն. եւ յաշխարհէն Վրաց  
 բդեշխն Աշուշա, եւ այլ տանու  
 տեարք աշխարհին :

ԻՋ. Եւ հասեալք ամենեքեան  
 սոքա 'ի դուն՝ յանդիման ելին  
 նախ մեծամեծացն դրան արքունի,  
 և ապա թաղաւորին Յազկերտի :  
 Հրաման տուեալ արքային Պար

սից Յազկերտի առ վաղիւն, որպէս  
 զի ամենայն աւագանին դրանն,  
 հանդերձ երեւելի մտօք, առաջի  
 նորա լիցին 'ի իորանին: Եւ ասա-  
 ցեալքն 'ի Թագաւորէն կատա-  
 րէին առ վաղիւն:

Ասա հրամայէր զուղեկեալսն 'ի  
 Հայոց, 'ի Վրաց եւ յԱղուանից  
 զառաջեաւ ստեղ: Եւ նախոյն  
 հարցեալ զՀայոց սանուտեարան  
 և ցտպուհսն, ասէր. եթէ Նախ  
 և առաջին կամիմ լսել 'ի ձէնջ, ե-  
 թէ զինչ համարեալ եմ ես ձեզ,  
 կամ թէ դուք որպէս կարծէք ըզ-  
 ձեր անձինս լինել իմ: Եւ նոցա  
 պատասխանի արարեալ միաբան ա-  
 սացին. եթէ Այդ հրամանիդ սե-  
 սուծիւն և գիտելուծիւն՝ և ա-  
 ռանց պատասխանի լսելոյ 'ի ձէնջ՝  
 յայանի է ամենայն Արեաց և Ան-  
 արեաց: Եւ Թագաւորն անդրէն  
 երկրորդեալ ասաց, եթէ Յայանի

և անծածուկ են այնպիսի՝ որ ընդ  
խմով իշխանութեամբ են և հրա-  
մանի իմում ընդդիմանալ չիշխեն  
ամենեւին. բայց ես՝ ի ձեռք կամիմ  
լսել, և զձեր ճանաչողութիւնդ  
կամիմ գիտել, եթէ զինչ հաշուեալ  
կարծէք զիս, ասացէք զիս: Եւ նո-  
ցա պատասխանի արարեալ ասա-  
ցին. եթէ, Մէք զձեզ թագաւոր  
գիտեմք, որպէս ամենեցունց՝ ա-  
ռաւել եւս մեր. իշխանութիւն ու-  
նիս նման Աստուծոյ՝ ի վերայ մեր  
և ամենայն մարդոյ՝ որ է ի թա-  
գաւորութեան քում, սպանանել  
և կեցուցանել:

Եւ Յաղկերտի արքայի լուեալ  
՝ ի նոցանէ եւ ամենայն գրանն ա-  
ւագանոցն զայսպիսի պատասխա-  
նիս, ասէ զնոսա թագաւորն Յաղ-  
կերտ. Այդ պատասխանիք ձեր՝ ի  
նամակէն զոր ետուք բերել առ իս-  
շաս հեռի են և աննմանք: Վասն  
զի՝ ի նամակին յայտ արարեալ էր,  
եթէ իւրիք իւրիք՝ որովք ծառայեմք

քեզ, և կամաց քոյ և հրամանի  
 չընդդիմացեալք հաւանիմք. և է  
 ինչ զոր ոչ քեզ պարտ է ստել և  
 ոչ մեզ հնազանդել և յանձն առ  
 նուլ: Ասդ ՚ի մեր թագաւորութե  
 նէս և ամենայն Արեաց՝ ՚ի ձէնջ  
 նախ և առաջին կարեւոր և պի  
 աոյ խնդիր այդ է, և այդու ճա  
 նացի մեր առ ձեզ տէրութիւն և  
 խնամարկութիւն, և ձեր առ մեզ  
 արդարամտութեամբ ծաւայութի  
 և հնազանդութիւն, զի զվաստա  
 կոյ եւ զօրտէ, որ մինչեւ ցայսօր  
 ձեր առ մեզ թագաւորս և առ Ա  
 րեաց աշխարհս ցուցեալ՝ գոհ եմք.  
 եւ արդ կամիմ՝ պատուով եւ մե  
 ծամեծ փառօք արձակել զձեզ  
 յաշխարհն ձեր, միայն թէ զայդ  
 եւս զիմ կամս, որ վասն ձեր հո  
 գւոյ փրկութեան հոգացաք՝ յան  
 ձրն առնուք, եւ դառնայք ՚ի կո  
 րրատեան ճանապարհէն, յորում  
 ցայժմիբրև զկոյր մի ՚ի խաւարի  
 շրջեալ էիք: Ապա եթէ այլայլա



դոյն ինչ խորհիք, եւ արդարեւ  
յորում միտս եւ մտլար օրէնս յայ-  
ժլով կեցեալ էք եւ ՚ի նմին յամա-  
ռեալ սնդիք, դուք Հայք, Վիրք  
եւ Աղուանք, առ ոչինչ համարիմ  
զայնչափ ՚ի ձէնջ օգուտս եւ վաս-  
տակս, այլ կնաւ եւ որդւովք եւ  
ազգաւ կորուսանեմ ՚ի միջոյ :

Եւ լուեալ զայս ամենայն բանս  
պատուոյ եւ խոստմանց եւ մահու  
սպանաւեաց ՚ի Թագաւորէն Պար-  
սից Յազկերտէ՝ երեցունց աշխար-  
հաց ազատանոյն, լռեցին առ վայր  
մի այլքն. բայց յառաջ կացեալ  
աներկիւղ եւ քաջասիրտ մտօք Վար-  
դանայ Մամիկոնէից տեառն եւ  
Հայոց սպարապետի, պատասխա-  
նի ետ Թագաւորին Յազկերտի ա-  
ռաջի ամենայն բազմութեանն եւ  
ասէ. եթէ Բաղուէք են յայս երկր  
աշխարհաց յազատորերոյ, որք են  
աւագ քան զիս եւ դահու եւ ա-  
ւուրբք, եւ շատ են՝ որ ՚ի խոնարհ  
են. զվաստակ եւ զհպատակու-

Թիւն՝ զոր ծառայից պարտ է առ  
 իւրեանց տեարսն և առ Թագա-  
 ւորն առնել, զայն նախ դու՛ որ ա-  
 մենեցուն տէրդ ես՝ և ապա ամե-  
 նայն Արիք, զիմ և զիւրաքանչիւր  
 'ի նոցանէ մինչեւ ցայժմ, քաջ գի-  
 տէք, և ոչինչ պիտոյ է ինձ և  
 կամ ումէք 'ի նոցանէ զիւր զվաս-  
 տակ և զսպաս ծանուցանել ձեզ:  
 Յայսմհետէ և յառաջ 'ի մտի այս-  
 պէս եղեալ իմում անձինս, զի ե-  
 թէ և գոյ հնար առնել զմի անձն  
 իմ բազում անձինս, զոյժ և զյօ-  
 ժարուԹիւնի կամաց առաւել եւս  
 քան զնոյնս, զկեանս և զկարասի՛  
 որ գամ մի յիմում տանս կայ՝ ձեր  
 առնելով, և 'ի վերայ Արեաց  
 տեառն եւ 'ի վերայ Արեաց աշ-  
 խարհի եղեալ է 'ի մտի մաշել:  
 Իայց զօրէնս՝ զոր ուսայ յԱստու-  
 ծոյ 'ի մանկուԹենէ իմմէ՝ Թողուլ,  
 եւ ընդ երկիւղի մարդոյ փոխանա-  
 կել՝ չէ հնար: Զի եթէ 'ի մարդոյ  
 ընկալեալ էր զարդար վարդապե-

տութիւնն՝ զոր հաստատեալ է 'ի  
միտս իմ, գիտէի թէ ճշմարիտ են՝  
և ուրանայի, ողորմելի զանձն իմ  
համարէի. թող թէ օրէնս, զոր  
ընկալայ և ուսայ 'ի բերանոյ Աս-  
տուծոյ, վաճառել ընդ երկիւղի  
մարդոյ եւ սնտոի փառաց. քաւ  
լիցի: Իմ պատասխանիք այդ են,  
յորում ցանկամ մեռանել, քան թէ  
կալ ուրացութեամբ առանց Աս-  
տուծոյ: Իսկ այլքս, որ կան առա-  
ջի ձեր ամենեքեան՝ որ են 'ի քրիս-  
տոնէական կարգէ, բաւական է  
իւրաքանչիւր ոք ընդ անձին իւրոյ  
տալ պատասխանի:

Եւ լուեալ այլ ազատանոյն, որք  
էին յերից աշխարհաց՝ Հայոց, Վր-  
րաց և Աղուանից, զպատասխա-  
նիան աներկիւղութեամբ զսպարա-  
պեալն Հայոց Վարդանայ, և ըզ-  
սաստիկ սրամտութիւն զտեսլեան  
թագաւորին, ետուն պատասխա-  
նի և ասեն. Ներեսցէ մեզ արքայ  
աւուրս ինչ խորհել ընդ միմեանս,

և առնել ձեզ պատասխանիս հաս-  
 առապէս միաբանութեամբ. վա-  
 սըն զի յաղագս հոգւոց ընտրողու-  
 թեան խնդրին 'ի մէնջ պատասխա-  
 նիքդ, յարում կայ առաջի գիւտ-  
 եւ կամ էորուստ յաւիտենականի:  
 Եւ ոչ է սարսա սախպով. և անքնին  
 մտօք առաջի ձեր առնել այդպիսի  
 մեծի խնդրոյ դարձուած բանից.  
 քանզի զնախնի և զսովորական  
 հայրենի աւանդութեան մերոյ  
 խնդրէք զքակառւմն, և զյանձն-  
 առութիւն բռնադատէք օրինաց՝  
 որոց ոչ եմք եղեալ մեք և կամ  
 հարք մեր ընդունիօղք և սիրօղք:  
 Եւ թագաւորին ամենայն աւա-  
 դանեաւն յանձն առեալ, հաւա-  
 նեցան բանիցն. և շնորհեալ նո-  
 ցա զժամակալութեան խնդիրն,  
 արձակեցին զատեանն:

Ի է. Յայնժամ 'ի մի վայր ժողո-  
 վեալ նախարարացն ամենեցուն,  
 որք էին յերեցունց աշխարհացն՝  
 Հայոց, Վրաց և Ալուանից, և

տարակուսեալք յանձինս իւրեանց՝  
 խորհուրդ 'ի մէջ առեալ թէ զինչ  
 պիտի հնարիւք և մտածութեամբ  
 ելս իրացն կարասցեն գտանել, և  
 յածեցուցեալ զմիտս 'ի բազում  
 յուզմունս ինդրոց զսակաւ ա-  
 լուրս, յայս միտս առ վայր մի հա-  
 լանեցան և հաստատեցան, եթէ այլ  
 ոչինչ գոյ մեզ հնար զերծանել յորո-  
 գայ թէս, զոր ձգեալ չար որսորդին  
 սատանայի՝ պաշարեաց զմեզ, բայց  
 եթէ առ ժամ մի յանձն առնումք  
 պատճառանօք զհրամայեալս նոցա .  
 և երթեալ իւրաքանչիւր յաշխարհ,  
 այնուհետեւ կամ կեամք ծառա-  
 յելով ճշմարիտ հաւատոյն Քրիս-  
 տոսի՝ յոր ծնաք աւազանին նորո-  
 գութեամբ 'ի ձեռն ամենասուրբ  
 վարդապետութեան նահատակին  
 Քրիզոսի և նորին զաւակի, և  
 կամ թողեալ պաշխարհ՝ գնամք իւ-  
 րաքանչիւր յօտարութիւն կնաւ  
 և որդւովք, ապաւինեալք և հաս-  
 տատեալք 'ի բան կենարար Փրկ-

ջին՝ որ սակ. Թէ, Յորժամ հա-  
 լածեսցեն զձեզ՝ի քաղաքէս յայս-  
 մանէ՝ փախիջիք՝ի միւսն: Ապա ե-  
 րթէ զանձանց միայն զփրկուԹիւն  
 եղեալք՝ի մտի՝ ընդգիմանամք ան-  
 օրէն հրամանաց իշխանին, անԹիւ  
 բազմուԹեան արանց եւ կանանց,  
 ծերոց եւ տղայոց լինիմք պատճառ  
 յաւիտենից կորստեանն. զորս խա-  
 զացուցեալ այսր՝ զբնաւս ծառայե-  
 ցուցանեն անօրէնուԹեանց պաշ-  
 տամանց ազգաց յազգս:

Արդ Թէպէտ եւ ածեալ ուրուք  
 զմաւս զայսպիսի որոշողուԹեամբ  
 սուանձինն, եւ զնոյնս դարձեալ  
 խորհեալք միաբանուԹեամբ առ  
 միմեանս զաւուրս սակաւս զցայդ  
 եւ զցերեկ, սակայն ոչ իշխէին  
 յայտնել զօրավարին Հայոց Աար-  
 դանայ տեառն Մամիկոնէից զմը-  
 տածուԹիւն միաբանուԹեան իւ-  
 րեանց. ճանաչելով՝ի միտս իւ-  
 րեանց, Թէ նմա ոչ է հնար յան-  
 ձրն աւնուլ եւ հաւանել սյսպիսի

խորհրդոյ, ունեւոր զանշարժ ըզ  
հաւատ հոգւոյն իւրոյ 'ի վերայ  
հաստատնոյ վիմին Քրիստոսի: Յայց  
սակայն և շյայտնել<sup>1</sup> նմա և չը  
պատմել զայս ամենայն, չկարէին  
հանդուրժել. քանզի գիտէին ե  
թէ աւանց նորա ամենայն խոր  
հեալքն 'ի նոցանէ եւ պատճա  
ռադրութիւնք և արարուածք  
թերիք են և անկատարք: Չի  
թէպէտ և կարծէին լինել կարող  
լատ պատճառահինդիր խորհելոցն՝  
զերծանել խաբէութեամբ և գո  
ղանալ զմիտս թագաւորին և զա  
մենայն Արեաց հրապարակին, և  
դառնալ յիւրաքանչիւր երկիր,  
սակայն գիտէին թէ թերակատար  
և ոչ լիապէս լինի նոցա դործ  
խորհրդոյն եւ իրացն առաջար  
կութիւն: Վասն զի տեսեալ էր ա  
մենեցուն և լիով 'ի գրոց ճանա  
չէին, եթէ ամենայն իրք այնպիսի

1. Յօր. շայտնելն:

գործոյ 'ի բնէ յողով Մամիկոնէիցն  
 արգաւ և նոցա միաբանութեամբ  
 ելեալ էին 'ի գլուխ:

Որոց ածեալ զայս ամենայն զմը  
 տաւ նախարարացն ամենեցուն և  
 սեպհացն, որք էին 'ի դրանն ժողո  
 վեալք, միաբան եկին առ տէրն  
 Մամիկոնէից և Հայոց զօրավարն  
 Վարդան, եւ յայտնեալ նմա ըզ  
 խորհուրդն՝ պատեցին զիւրեանց  
 զիմաստս զամենայն և զոր խոր  
 հեալ էին առնել. յաւելեալ 'ի նոյ  
 նրա թախանձուիմ և աղերս ամե  
 նեցունց, առէին. Հայեաց, ասէն,  
 'ի մեզ անընդոստ մտօք; Հայեաց,  
 ասէն, և յառաջիկայ դիպմունս  
 բազմութեան բիւրոց մարդկան  
 պատահելոց ճարաչար արկտից.  
 յիշեալ զհառաջանու մարց, զմտաւ  
 ած զտղայոց ուրբուիմ, զծերոց ըս  
 տիպով եւ զպառաւանց վարելոց  
 յօտարութիւն, և այլ ամենե  
 ցունց դիպելոց այսպիսի անհնա  
 ըին և ճար վշտաց: Թէ լոկ միայն



մարմնոյ աշխատութեամբ եւ մա-  
 հուամբ էր կրել զայս ամենայն,  
 համայն ծանր էր և դառն և ար-  
 ժանի լալոյ, թող թէ առ հասա-  
 ըսկ առաջի հոգւոյ և մարմնոյ  
 գայթակղութիւն և կորուստ: Եւ  
 ոչ եթէ լոկ հարեւանցի լինի հա-  
 սելոյ վտանգիս վախճան, այլ ցանկ  
 մածեալ խաւար ամբարշտութեան  
 թանձրամածութեամբ ունեւոց է  
 զսուրբ եկեղեցիս մեր և զժողո-  
 վուրդս, զկանայս եւ զճնունդս  
 մինչեւ յաւիտեան: Եւ եթէ գու-  
 միարանելով մերում խորհրդոյս՝  
 կարասցես առ վայր մի հաւանե-  
 ցուցանել զքո միասդ, գիտեմք զի  
 ողորմութեան գիպիմք բաղումքս.  
 այլ և ոչ ընդ հանուր եկեղեցիք երե-  
 ցունց աշխարհացն մասնին յաւեր,  
 և ոչ վարին ՚ի գերութիւն բովան-  
 դակ աշխարհացն բնակիչք, զի ոչ  
 շարժի սուրբ հաւասոն ՚ի հիմանէ.  
 այլ թէ և առ վայր մի գղորդ հա-  
 սանէ՝ կանգնէ հաստատ անդրէն և

հաստատէ աչ ամենապաշտօն: Եւ այս լինի հաստատ այսպէս, եթէ կարացես վայր մի հիւանդանալ վասն մեր, որպէս զի ողջացուցէ զմեզ ըւր հանդերձ ամենադժամն բժիշկ՝ Բանն Աստուած:

Եւ լուեալ զայս ամենայն բանս զօրավարին Հայոց Վարդանայ տեաւորն Մամիկոնէից՝ ի նախարարացն Հայոց, Վրաց եւ Աղուանից, ամենեւին ոչ առնու յանձն լսել եւ հաւանել այսպիսի բանից, եւ կամ թաւ հազորդ լինել այսպիսի խորհրդոյ. ալ յոյժ խռովեալ մեծաձայն գոչմամբ ասէր զամենեւեան. Թէ, Մի լիչի ինձ ստելարարչին ի մում՝ պատճառանօք եւ կամ ճրջմարտութեամբ, եւ մի ուրանալ զայն՝ առաջի անօրէն եւ մահկանացու ապգի, որ ուրանայ զուրացօղս իւր առաջի Հօր եւ հրեշտակաց սրբոց: Քաւ լիցի ինձ յաղաղս զմտաւածելոյ զկարիս եւ զվիշտս զկնոջ եւ զորդւոց եւ զաղգի, տալ ՚ի մոռալ

ցումն զոր ասէն, թէ, Արսիբէ ըլ-  
 կին և զորդիս առաւել քան զիս,  
 չէ ինձ արժանի: Այլ Կոբոն որ այ-  
 ժլմ՝ յերեցունց աշխարհաց ե-  
 կեալք էք ասնուտեարք և սե-  
 պուհք, շնորհիւ ողորմութեամբն  
 Քրիստոսի լի էք ամենայն զօրու-  
 թեամբ և լաւութեամբ. զի ըստ  
 ազատութեան արուեստի՝ առա-  
 լելեալ էք ամենայն հրահանգիւ,  
 և ճանաչիք երեւելի՝ ՚ի մէջ սպա-  
 յից և ՚ի մէջ ամենայն սպգաց, և ՚ի  
 մարտս և ՚ի կապս քաջութեամբ. իսկ  
 զճշմարիտ և զարդար հաւասան ու-  
 սեալ էք յԱստուծոյ՝ ՚ի ձեռն ա-  
 ռաքելանման հովուին սրբոյ նահա-  
 տակին Քրիստոսի և նորին զաւա-  
 կի. բաւական էք ընդ իւրաքան-  
 ճիւր անձին տալ պատասխանի, և  
 որպէս խորհիք՝ կարկեցէք ասնել.  
 այլ ինձ ոք ՚ի ձեռն՝ զոր ինչ ան-  
 հար է ինձ լսել բանիւք, թող թէ  
 և ասնել արդեամբ, մի ասէք:

Նւ լուեալ զայս ամենայն ըլ-

խօսա՛ ըստ թեան նախարարացն  
 աշխարհացն երեցունց ՚ի զօրավա-  
 րէն Հայոց ՚ի տեառնէն Մամիկո-  
 նէից Վարդանայ, թէպէտ և յան-  
 հնարին տրամուծիւն ընկղմեալք  
 խռովէին, այլ սակայն ոչինչ թոյլ  
 տուեալ լինէին ՚ի բանիցն առաջ-  
 արկելոցն. իմացեալ և առ կա-  
 ըիս վաանդին և այլ հնարս մալ  
 թանաց: Աւ ժողովեալք ՚ի մի  
 վայր՝ կոչէին առ ինքեանս զիշխա-  
 նըն Մոկայ զԱրտակ, և զնա ա-  
 ռաւել փռւթացուցանէին՝ ան-  
 ձանձրոյթ խանդաղաւորսք նրս-  
 տել առանձինն և խօսել ընդ ըս-  
 պարապետին իւրեանց՝ տեառն  
 Մամիկոնէից տոհմին: Աւ նա ինքն  
 էր այր համեստ, մտացի և քաջ.  
 և տէրն Մամիկոնէից Վարդան  
 առաւելապէս պատուով սիրէր  
 զԱրտակ: Որ և հաւանեալ հրա-  
 մանի նախարարացն Հայոց, յան-  
 ձըն աւնոյր ամենայորդոր փռւ-  
 թով ջանալ ընդ նմա, յարաժամ

աղաչել. զոր և առնէր իշխանն  
 Մոկայ Արտակ, մերթ առանձինն  
 և մերթ հանդերձ աւապանեաւն  
 Հայոց՝ ըստ յանձնառութեանն իւ-  
 թոյ. որք ոչ դադարէին զցայդ և  
 զցերեկ խօսել ընդ նմա զնոյն բա-  
 նըս և զաղերս՝ ի բազում աւուրս:  
 Զորս և սախապոյնս և անհան-  
 գիսս ի նոյն խորհուրդս ճեպե-  
 ցուցանէր զամենեւեան բդեչին  
 Վրաց Աշուշայ, որ էր այր խելա-  
 ցի և խորհրդական, և ունէր  
 կին յազգէն Արծրունեաց զքենի  
 մեծի սեպհին Մամիկոնեից՝ Էլբօրն  
 Վարդանայ. որ ևս առաւել յոր-  
 դորէր յառաջագրեալն Աշուշայ զա-  
 մենայն բազմութիւն նախարարացն  
 Հայոց եւ զտէրն Մոկայ զԱրտակ,  
 խօսել ընդ զօրավարին Հայոց Վար-  
 դանայ զայս ամենայն առանց յա-

1. Այս բառս պակասէր Էլբօր, զով՝  
 պահանջէ վկայութիւն նորին պատմչի,  
 ըպէս տեսցի ի ԳԼ. ԿԲ:

տաղէլոյ: Եւ ինքն զնոյն խօսել ընդ նմա ոչ կասէր անձանձրոյթ բողոքելով, և ստեպ հայեցուցանելով յիրան, թէ որչափ յանհաւանելն քո՝ կորուստ երեցունց աշխարհացն լինի, և ՚ի հաւանելն և յանձն առնուլն՝ դիւտ բազմաց, և անձին ապաշխարութեան ակնկալութիւն:

Եւ տեսեալ նախարարացն և սեպհացն երեցունց աշխարհացն զկամս սպարապետին Հայոց Վարդանայ՝ այնպէս անշարժս և անհաւանս ՚ի յորդորմունս խօսից նոցա և աղաչանաց, բերեալ հարկաւորէին այնուհետեւ մտաուցանել նմա ՚ի Սուրբ Գրոց առակս դիտողս՝ ըստ պատշաճի հանդիպելոյ ՚ի ժամանակին, որք տեղեկագոյնք էին ՚ի նոսա գրոց սուրբ եկեղեցւոյ, յիշեցուցանելով նմա որպէս առն ուսելոյ եւ տեղեկի, — քանզի յոյժ հմուտ էր եւ ընդել գրոց վարդապետութեան՝ ուսեալ

և խրատեալ ՚ի սուրբ հայրապետէն  
 ՚ի Սահակայ ՚ի հաւոյն իւրմէ, —  
 զգրեալն սրբոյն Պօղոսի յաղագս  
 Արարչին, թէ որ ոչն գիտէր մեղս,  
 վասն մեր մեղս արար: Եւ դարձեալ  
 զինքեան իսկ Պօղոսի զիջա  
 նելն, և նպով զանձն տենչացեալ լի  
 նել՝ վասն ազգատոհմին փրկու  
 թեան, զոր գրեալ ասէր ՚ի թղթի  
 Հաովմայեցւոց, եթէ, Աւխտիւք  
 ինդրէի ես իսկ ինքն նպովեալ լի  
 նել ՚ի Քրիստոսէ, վասն եղբարց ի  
 մոյ և զաւակաց և ազգականաց  
 ըստ մարմնոյ, որք են Խորայելա  
 ցիք, որոց որդէգրութիւնն և  
 փառքն և կտակարանքն և օրէնս  
 գրութիւնքն և պաշտօն և ա  
 վետիքն: Ան յանձն, ասեն, և  
 դու լինել վասն մեր առակաւորս,  
 նպովս. շես մեծ և առաւելեալ ՚ի  
 հաւատս արդարութեան քան ըզ  
 սուրբ առաքեալն Քրիստոսի Պօ  
 ղոս. բայց ժողովուրդքն Հայոց,  
 Վրաց և Աղուանից յոյժ շատ են

քան զժողովուրդն խաչահանուա-  
ցըն Հրէից :

Եւ յորժամ զայսպիսի բազում  
բանս և սուէպ թախանձանօք զա-  
ղաչանս դնէին աւաջի զօրավարին  
Հայոց Վարդանայ՝ Երեցունց աշ-  
խարհաց աւագ տանուտեարքն և  
սեպուհքն, բերէին այնուհետեւ  
և զսուրբ աւետարանն, եղեալ  
ամենեցունց առ հասարակ զձեռս  
'ի վերայ՝ Երդնուին. ասելով. Ե-  
թէ դու եւեթ առ վայր մի կա-  
րասցես յանձն առնուլ պատճա-  
ռանօք զասացեալս թագաւորին,  
և զերծուսցես զմեզ յորոգայթա-  
դիր թշնամւոյն յարձակմանց, ա-  
մենայն ասացելոց 'ի քէն լուիցուք  
և արասցուք, դնելով զանձինս  
մեր 'ի վերայ ուխտին սրբութեան,  
եւ հեզլով զարիւն մեր 'ի վերայ ա-  
մենայն աշխարհին փրկութեան :  
Եւ եթէ դիպեացի մեզ թողուլ  
զաշխարհ և զամենայն ստացուա-  
ծրս և փախել յօտարութիւն,



ընտրեսցուք հանդերձ կանամբք  
 և որդւովք. և սիրով յանձն առ  
 ցուք զաղքատութիւն և զմուրտ  
 զութիւն. միայն ՚ի բարկութենէս  
 եւեթ սպրեացուք: Եւ որ ոք թու  
 լացեալ ՚ի բանիցս յայսցանէ՝ սը  
 տեսցէ ուխտիս այսմ, և նենդու  
 թեամբ որոշեսցի յերդմանէ սուրբ  
 աւետարանին, և ՚ի միաբանու  
 թենէ բազմութեանս այսորիկ, ու  
 որոշեալ ճեղքեսցի եւ նա նման  
 Յուդայի, որ ճեղքեալ մեկնեցաւ ՚ի  
 դնդէն սուրբ առաքելոցն. և բաժին  
 այնպիսոյն առանց ապաշխարու  
 թեան և թողութեան ընդ նմին  
 վիցի մատնեալ անշէջ բացոյն՝ զոր  
 պատրաստեաց Աստուած սատա  
 նայի եւ արբանեկաց նորա: Եւ որ  
 ինչ վաստք և կամ գերութիւնք և  
 դիրքմունք աշխարհաց երեցունց  
 հասցեն, յանձնէ այնպիսոյն և  
 միաբանելոցն ընդ նմա ինդրեսցէ  
 վրէժխնդիրն մինչեւ ցյաւիտեան:  
 Իսկ զբարի եւ զօգտակար պահ

պանութիւնն՝ զոր շնորհեալ փրկե-  
 ջին Քրիստոսի պարգևեացէ բա-  
 զում ոգւոց երեցունց աշխարհա-  
 ցրս, վասնքո առ վայր մի հաւանե-  
 լոյդ մեզ, եղիցի մնացեալ ժառան-  
 ցութիւնն այն՝ ի փրկութիւն թո-  
 դութեան ոգւոյ քո և ազգի մին-  
 չեւ ցյաւիտեան:

Եւ լուեալ զայս ամենայն բանս  
 ՚ի բերանոյ երկց աշխարհաց ազա-  
 տանոյն՝ զօրավարին Հայոց Վար-  
 դանայ տեսան Մամիկոնեից, տե-  
 սեալ և զկնքել ամենեցուն ահա-  
 ւորապէս երգմամբ զսուրբ աւե-  
 տարան ուխտին, որոյ առաջի ուխ-  
 տեցին և աւանդեցին կնքով, յար-  
 տասուս հարեալ յանձն առ վայր  
 մի զպատճառանօք վիրաւորին վա-  
 սըն երեցունց աշխարհացն և բազ-  
 մութեանց ՚ի նոսա սրանց և կու-  
 նանց:

ԻԸ. Եւ այնպէս միաբանեալք ա-  
 մենեքեան յանձն առնուին կատա-  
 րել իարեութեամբ զհրաման թա-

դաւարին, և երթեալք 'ի տուն  
 մոխրանոցին, կէսքն 'ի նոսա ցու-  
 ցանէին, այլ ոչ ամենեքեան, ըզ-  
 պատճառանօք և թոչ ճշմարտու-  
 թեամբ պիտնարհուին գլխոց իւ-  
 րեանց սնտոխի պաշտամանն: Եւ ո-  
 մանք թէպէտ և դիտէին զանյա-  
 րական գլորումն, այլ ցանկացեալք  
 աշխարհիս փառաց՝ փոխանակե-  
 ցին զփառս անեղծին Աստուծոյ  
 ընդ եղծանելի և անցաւոր կենաց  
 աշխարհիս:

Եւ զայն տեսեալ թաղաւորին  
 Պարսից և ամենայն մեծամեծաց  
 դրանն և մողուցն, նուէրս ազգի  
 ազգի բազում խնդու թեամբ մա-  
 սուցանէին աստուածոց իւրեանց:  
 Խրախ մեծ ուրախութեան առնէ-  
 ին յաւուրն յայնմիկ, հաշուելով  
 այն օր լինել անշարժ հաստատու-  
 թիւն թաղաւորութեան իւրեանց,  
 կեալ իաղապրութեամբ աներկիւղ  
 այնուհետեւ յամենայն թշնա-  
 մեաց: Եւ սոբուցեալ զտանու-

տեարան եւ զսեպուհան զերեցունց  
 աշխարհացն զՀայոց, զՎրաց եւ  
 զԱղուանից 'ի հանդերձս թապաւո-  
 րականս զարդարէին. այլ եւ բազում  
 եւ այլ ազգի աղգի պարգեւօք եւ պա-  
 տաւօք, Գիւղօք եւ ադարակօք, ըստ  
 յերաքանչիւր ուրուք պիտոյնց ը-  
 ցուցանէին զամենեսեան. զորս եւ  
 'ի հրաժեշտի կացուցեալ՝ փութա-  
 ցուցանէին հասանել յերաքան-  
 ճիւր աշխարհ: Տուեալ ընդ նոսա  
 բազմութիւն սուտ վարդապետաց,  
 զոր եւ մոգ անուանեն, յորդորէ-  
 ին ուսանել զսամուհս ծաղրելի  
 շնչմանց եւ ընդունչսարկու քար-  
 թընջմանց խօսան, որպէս զօձա-  
 կոչսն եւ զորովայնսխօսս. պա-  
 տուէր տային յերեսին աշխարհան  
 կարգել զխաբէութեան գալրոցս,  
 եւ ուսուցանել առ հասարակ ըղ-  
 բնաւս՝ զարս եւ զկանայս՝ զուս-  
 մուհս մոգուցն:

Արոց առեալ 'ի յանձն՝ զբազ-  
 մութիւն մոգուցն տանել ընդ ին-

քեանս յօժարէին: Արթեալք այ-  
 նուհետեւ հրաժարեալք 'ի թա-  
 գաւորէն Յազկերտէ և 'ի մեծա-  
 մեծ աւագանոյն դրանն, գովու-  
 թիւնս սուտս և շնորհակալու-  
 թիւնս խաբէութեամբ իւրաքան-  
 ճիւր ոք 'ի պատճառելոցն առ վայր  
 մի ըստ իւրուս զօրելոյ իմաստից  
 մատուցանէին թագաւորին և ա-  
 մենայն աւագանոյն Արեաց, մա-  
 նաւանդ սուսելագոյն չարաթու-  
 նին Միհրնէրսեհի: Եւ էր պատ-  
 ճառ շնորհակալութեանն յամենե-  
 ցունց մասց այս. եթէ, Ամենայն  
 թագաւորք որ յառաջ քան զձեզ  
 էին 'ի գահուդ յայդմ, ձեր նախ-  
 նիքն, սիրէին զմեզ՝ հոգալով զմեր  
 շինութիւնս և զօգուտս մարմնա-  
 ւորս. բայց դուք աւաւել ցուցիք  
 զսէրն՝ որ էր առ մեզ, զի զյաւի-  
 տենական կենդանութիւնն մեր  
 զմտաւ ածիք ծանուցանել մեզ եւ  
 պարգեւել: Եւ եթէ նախնեացն  
 քոց ծառայեցաւք յամենայնի յօ-

ԺարուԹեամբ և կամուս յամե-  
 նայն պէսս՝ յոր և հրամայէին  
 մեզ. իսկ քեզ՝ ամենայն անձին  
 պարտ է ոչ իբրեւ զմի անձն սպա-  
 սրս մատուցանել, այլ որպէս զբա-  
 ցում՝ անձինս զմի անձն առնել, և  
 անձանձրոյթ հպատակել զցայտ  
 և զցերեկ օգտախնդիր Թագաւո-  
 րուԹեանդ. քանզի յսպագս գիւ-  
 թի մոլորեալ ոգւոյս մերոյ փու-  
 Թով հոգացար:

Եւ սոքա իւրաքանչիւր անձին  
 այսպիսի ինչ, և եւս առաւել,  
 ըստ իւրաքանչիւր կարի՝ ասացեալ  
 գովուԹիւնս՝ լռեալ դադարէին:  
 Իսկ սպարապետն Հայոց Վարդան  
 տէրն Մամիկոնեից՝ կարգեալ զիւ-  
 րն զառանց պատճառանաց զան-  
 սուտ բանս և զլինելոց իրս, որ-  
 պէս ՚ի դէմս գովուԹեան Թագա-  
 ւորին և ամենայն բազմուԹեան  
 աւագանոյն Արեաց, ասէր այսպէս.  
 Թէ Զիմոց զնախնեացն. զհպատա-  
 կուԹիւն և զվաստակ՝ զոր յայս

դուրս և առ ձեր թագաւորու  
 թիւնդ արարեալ է, 'ի ժամանակէ  
 յորմէհետէ կարգեալ եմք 'ի ձեր  
 ծառայութիւնդ, դուք ամենե-  
 քեան քաջագոյն գիտէք. և ինձ  
 ոչ է պիտոյ յաղագս այդպիսի ի-  
 րաց մի ըստ միոջէ տեղեկացուցա-  
 նել զձեզ, զոր ստուգագոյն առա-  
 վել ճանաչէք քան զիս: Իսկ թէպէտ  
 և շատ նուազ եմ քան զիմ նախ-  
 նիսն, սակայն որչափ կարն էր յիս,  
 եղեալ էր 'ի մտի արդար վաստա-  
 կօք հաճել զվիսս ձեր. և ուր  
 հասեալ էի 'ի գործ 'ի ձեր հրամա-  
 նէ, տեսեալ էր զօրագլխաց ձերոց  
 և իմ ընկերաց՝ ըստ իմ ուժոյ միա-  
 մըտութեամբ զիմ զգործն և զվաս-  
 տակն: Բայց արդ յայմհետէ այս-  
 պէս կամք են, ջանամ զի թէ ցայ-  
 ժըմ գործեալ ինչ իցէ՝ և ոչ ար-  
 ժանի անուան կամ գովութեան,  
 յայմհետէ հնարիմ ամենայն զօ-  
 ղութեամբ և ուժով՝ օգնակա-  
 նութեամբն Աստուծոյ՝ գործել

գործ այնպիսի, զոր ոչ միայն առաջի ձեր Արեաց, այլ և 'ի կայսեր գրանն և յայլ այլքս պատմեսցի համբաւն այն մինչեւ ցյաւիտեան:

Եւ զայս բան՝ որպէս 'ի շնորհէ Աստուծոյ, սպարապետին Հայոց Վարդանայ տեառն Մամիկոնէից սասցեալ, զոր հռչակելոց էր վնահասակութիւնն որ աւ Աստուած 'ի դարս յաւիտենից: Եւ զայսպիսի սասցմունս լուեալ թագաւորին Պարսից և ամենայն աւագանոց գրանն, մեծաւ շնորհակալութեամբ զարմացեալք գովեցին վնա և գոհացան. քանզի ծածկեաց Աստուած զբան իոստմանցն զոր սոսաց գործել սպարապետն Հայոց Վարդան՝ յաղագս մեծի տնտեան համբաւոյ, զոր պարգեւեաց նմա Աստուած զանուն նահատակութեան յաղգս յաւիտենից:

Եւ հրաժարեալք այնուհետեւ յամենեցունց երեքեան աշխարհք՝



Հայք, Վիրք եւ Աղուանք, առեալ  
 ընդ ինքեանս զդասս բազմութեան  
 մոգուց, դարձան յիւրաքանչիւր  
 աշխարհս, հաստատեալ բազում  
 անդամ եւ ՚ի ճանապարհին գնոյն  
 ուխտերդման աւետարանին սրբոյ.  
 հրաժարեալք եւ ՚ի միմեանց գնա-  
 ցին յիւրաքանչիւր աշխարհս, ազդ  
 աւնել միմեանց ՚ի ժամանակի ըստ  
 Աստուծոյ հրամանատրութեանն՝  
 զպէսս Կործոցն զոր խորհեցան  
 կատարել: Բայց զբդեշխն Արաց  
 զԱշուշայ եւ զերկու որդիս իշխա-  
 նին Սիւնեաց Վասակայ, զԲաբելի  
 եւ զԱմիրներսեհ, ոչ արձակեաց  
 թողաւորն Պարսից Յազկերտ  
 ընդ այլ նախարարացն Հայոց. հա-  
 յելով ՚ի յառաջիկայ իրացն ան-  
 յայտութիւն, կասկածեալ զդու-  
 շացու:

ԻԹ. Արդ՝ եկեալ հասանելին սա-  
 նուանարքն Հայոց հանդերձ սեպ-  
 հօքն եւ որ ընդ ինքեանս, յաշ-  
 խարհս Հայոց, ողջք եւ ոչ ողջք,

կենդանի կիսամեռք, որք ոչն աե-  
 սանէին ըսա յառաջ լուսաւոր ե-  
 կիցն ողջամբ յայնպիսի հեռաւոր  
 ճանապարհէ: Եւ ելեալ ընդ առաջ  
 նոցա գասք պաշտօնէիցն Քրիստո-  
 սի, բերելով ընդ ինքեանս զնշան  
 կենսատու խաչին և զնշխարս սրբ-  
 բոյ առաքելանման նահատակին  
 Գրիգորի, զձայն սաղմոսաց զոր  
 երգեաց մարգարէն Դաւիթ Սուրբ  
 Հոգւոյն շնորհիւ, որում և ին-  
 քեանք երբեմն ձայնակից եղեալք՝  
 առաւելագոյն քան զպաշտօնեայսն  
 նուագէին զերգս երկնաւոր ցնծա-  
 լից ուրախութեամբ: Այլ անգ էր  
 լսել զձայն լալոյ և զձայնս գուժի,  
 գոչիւնս ողբոց և բարբառ ճշոյ, սը-  
 զայք անձկոսք՝ ի գրկաց հարց իւ-  
 րեանց պակուցեալք փախչէին, կար-  
 ծելով այլափոխեալս իմն, և ոչ ըզ-  
 նոյնս նկատելով կերպարանս՝ զար-  
 հուրէին. սակայ հայելով յերեսս  
 մարցն, զորս տեսանէին կողկողա-  
 գին միշտ և արտօսրաբուղիս,

յաղագս որոյ ի նիքեանք յարտա-  
 սուս հարեալ տղայքն՝ ոչ ոք կա-  
 րէր լռեցուցանել ՚ի դայեկացն  
 կամ ՚ի դաստիարակացն: Ընդ որ  
 հայեցեալ այնոցիկ՝ որք պատճա-  
 ւանօք և ոչ ճշմարտութեամբ ու-  
 րացողքն էին, փութանակի և  
 առ ժամայն կամէին յառնել և  
 ընդ նիքեանց սուրն ելանել. որոց  
 ոչ պիտէր և առ վայր մի կեանն,  
 քան թէ զայնսպիտի տեսանել զա-  
 ղէաս և ժողկալել. որք զկերա-  
 կուրս ուրախութեան, ըստ բանի  
 սաղմոսերդին, իբրեւ զմոխիր ու-  
 տէին, եւ զըմպելի իւրեանց ար-  
 տասուօք իտանէին. քանզի ոչ ոք  
 հաւանէր ընդ նոսա կամակից լինել  
 սեղանոյ, ոչ կին, ոչ որդի, ոչ ա-  
 զաս, ոչ ծառայ ոք և ոչ սպասա-  
 ւորք:

Եւ էր այնուհետև տեսանել զա-  
 մենեսեան քակտեալս ՚ի միմեանց և  
 պատատեալս. և զորոց քաղցր և  
 ախորժակ բարբառ փրկչին Քրիս-

տոսի, որ ասէր. թէ Նն և այլ ոչ  
 խարք՝ որ ոչ են յայսմ դաւթէ,  
 պարտ է և զնոսա ածել այսր՝ զի  
 եղիցին մի հօս միոյ հաճուի ճըշ-  
 մարաի, զոր Աստուած միացոյց, և  
 կատարէր զասացեալսն. յանկար-  
 ծակի աքցտեալ թշնամւոյն՝ ցը-  
 րուեաց վեր՝ ի վայր, և արար իբրև  
 զհօտ՝ որոյ ոչ դուցէ հովիւ: Ասան  
 ամենայնի այսորիկ սուգ՝ առեալ կօ-  
 ծէին: Կանայք աւագ ազատացն և  
 այրիք ի հրապարակս, մանկամարդ  
 աւնականայք, օրիորդք ի սրահս  
 գոնափակեալս, հարսունք ի սե-  
 նեակս: Սուրբ եպիսկոպոսք պա-  
 տուական քահանայիւք և եկեղե-  
 ցական ուխտիւ, ծերովք և սղա-  
 յովք և ամենայն ժողովրդոցն բազ-  
 մութեամբ՝ կառայ բարձեալ լային  
 ՚ի տանն Աստուծոյ: Եւ էր տեսա-  
 նել ծեփեալ արեանց հոսմամբք  
 զամենայն դէմս ուղղափառ մար-  
 դոց:

Իսկ մոգուցն գոռնդք ստիպով

բանադատէին տանել զկրակս 'ի  
 ասճար սրբութեանց Տեառն, և  
 յայլ տկանաւոր և գեղեցիկ տե-  
 զիս, շինել ասրուշանս և կարգել  
 բեռնակիրս փայտակրաց 'ի պէտս  
 կիզման շատուծոյն անյագի. որոյ  
 յուսեին յանպագոս՝ ոչինչ շնորհ  
 ունի պաշտօնէլոցն, և 'ի կրել ար-  
 ասքս զաւելորդ թրքածս մոխրո-  
 ցացն՝ ձանձրացուցանէ զգազախա-  
 դէմ զկրողն պակշտուալս:

Կ. Եւ արդ՝ տեսեալ զայս ամե-  
 նայն չարիս տեսան Մամիկօնէից և  
 Հայոց սպարապետին Վարդանայ,  
 կոչեալ առ ինքն զամենայն միահա-  
 մուս զբարձմութիւն դրան իւրոյ՝  
 սկսաւ խօսել ընդ նոսա և ասել.  
 Ես ոչ ուրացայ զարարիչն իմ և  
 զսէր Յիսուս Քրիստոս՝ կամաւ և  
 կամ առ երկիւղի, քաւ լիցի. և ոչ  
 զվարդապետութիւն և զհաւատս  
 սրբոյ աւետարանին, զոր ուսոյց և  
 հաստատեաց յիս ճշմարիտ հաւն  
 իմ՝ Տէր Սահակ, մերժեցի յինէն.

այլ առ վայր մի մինչև 'ի ժամն յայս  
 յաղագս ձեր ամենեցուն գիւտի  
 կորեայ պատճառանօք, զի գտեալ  
 զիս ձեօք հանդերձ՝ ապաշխարեցից  
 և կեցից: Վասն զի ուսեալ եմ և  
 յիշեմ զքարոզութիւն սուրբ մար-  
 դարեկցն, թէ Ոչ կամիմ զմահ մե-  
 ղաւորին, այլ զգառնալ նորա և ըզ-  
 կեան. և զոր 'ի միւսում վայրի  
 Սուրբ Հոգին ասէ. թէ Յորժամ  
 դարձցիս և հեծեացես, յայնժամ  
 կեցցես: Արդ՝ փոխանակ զի թողի  
 զնա պատճառանօք առ վայր մի  
 վասն ձեր, կամիմ ստուգութեամբ  
 փոխանակ այնր թողուլ զամենայն  
 ինչ իրս կենցաղոյս այսորիկ մինչև  
 իսպառ: Եւ որ ոք 'ի ձէնջ կամակից  
 կարող էք լինել՝ արհամարհելով  
 զամենայն մնտի կեանս աշխար-  
 հիս, յանձն առեալ ձեօք հանդերձ  
 վասն անուան Քրիստոսի՝ ընտրեմ  
 գնալ յօտարութիւն:

Եւ նորա խօսեցեալ զամենայն  
 այսպէս ընդ ընտանիս տանն իւրոյ:

պատասխանի ետ նմա երանելի եղ-  
 բայրն Հմայեակ և ասէ. Փռւթա  
 կատարել զոր խորհիւսդ, և մի յա-  
 պապեր. քանզի ոչ ոք կարէ լինել  
 երաշխաւոր անձին իւրում և ոչ  
 թամ մի. Աստուծով՝ եթէ՜ կեց-  
 ցուք, և առանց խղճի մտաց վախ-  
 ճանի աւուրն դիպեացուք, գամ մի  
 ճկարացեալք վաղ և կամ անագան  
 զերծանել՝ ի մահուանէ. Թէ մու-  
 թողութեամբ իցէ և թէ օտարու-  
 թեամբ՝ նովաւ եւեթ կեցցուք, և  
 անուամբ նորա պարծեացուք զօր-  
 հանապազ: Զուրացութեանն եւեթ  
 զանուանն՝ ի բաց ընկեացուք՝ ի մէնջ,  
 և իառնեալ՝ ի հօսն Քրիստոսի՝ կա-  
 մաւ յանձն առցուք զամենայն  
 վիշտս որ և հասանէ՝ ի վերայ մեր,  
 եթէ սով, եթէ սուր. և կամ թէ  
 յօտարութեան՝ մուրողութիւն և  
 վախճան:

Եւ այսպէս միաբանութեամբ

արհամարհեալ զամենայն անտի  
մեծութիւն կենցաւոյս այսորիկ՝  
առ ոչինչ համարեցան. այլ հան-  
դերձ հաւանելովք ընդ ինքեանս  
դրամբ և ընտանեօք՝ դէմ՝ եղեալ  
անցեալ՝ ի կողմանս իշխանութեա-  
նքն Յունաց ճեպէին, ուր և թա-  
գուցանել միաբանութեամբ և կամ  
աստ անդ ցրուել զանձինս կարաս-  
ցեն: Եւ եկեալ հասանէին ՚ի գիւղ  
մի, որոյ անուն էր Արամանայ, ՚ի  
Նահանգին Բագրաւանդայ, մեր-  
ձակայ սահմանակից Բասենոյ և  
Տուարծատափայ. ուր և սակաւ  
ինչ աւուրս կամեցեալ հանգչել,  
և զ՛նչ եղեալ ճանապարհն դնալ  
պատրաստէին ստիպով:

Յանկարծակի իրազգած եղեալ  
այսպիսի խորհրդոյ և գնացից յաշ-  
խարհէս Հայոց՝ զմեծէ սպարապե-  
տէն Հայոց, զտեառնէն Մամիկո-  
նէից Վարդանայ, հանդերձ եղ-  
բարբք իւրովք, դրամբ և ամենայն  
ախիւ՝ իշխանին Ալեւեաց Վասա-



կայ՝ որ և մարգարան էր Հայոց 'ի  
 ժամանակին, և ամենայն տանու-  
 տերացն Հայոց և սեպհացն, խոր-  
 տակեալ սրտիւ զարհուրէին. ըզ-  
 մտաւ ածեալ ամենեցուն, որք 'ի  
 փրկու թիւն անձանց իւրեանց խըն-  
 դրէին, թէ արդ գիտեմք զի կորեաք  
 'ի սպառ. և ոչ է հրար մեզ զերծա-  
 նել 'ի ջարէս յայսմանէ մինչև իս-  
 պառ: Քանզի տեղեկացեալ ճանա-  
 ջէին ամենեքեան՝ թէ առանց առաջ  
 նորդու թեան ազգին այնորիկ և ոչ  
 մի ինչ իմք և գործք աշխարհիս  
 Հայոց երթեալ էին 'ի գլուխ: Խոր-  
 հուրդ 'ի մէջ առեալ իշխանին Սիւ-  
 նեայ Վասակայ հանդերձ ամենայն  
 տանուտերամբք Հայոց և աւագ  
 սեպհօք, և զմիտս ամենեցուն յիւր  
 կաման հաւանեցուցանէր, ասելով  
 թէ, պարս է փու թով զհետ զօրա-  
 վարին Հայոց Վարդանայ Մամիկո-  
 նէի՝ քահանայս առաքել ընտիրս և  
 արս աւագս 'ի տանուտերացս Հա-  
 յոց, և աղաչանօք դարձուցանե-

զնա աշարէն . զի առանց Դորա մեր  
այս ամենայն կամք և խորհուրդք՝  
և ոչ մի ինչ վճարին :

Նւ արարեալ նամակ իշխանին  
Սիւնեաց Վասակայ իւրով մատա-  
նեաւ , հրամայէր նամականի առ-  
նել և այլ ամենայն աւագ տանու-  
տերացն Հայոց , և կնքեալ զնամա-  
կանին իւրաքանչիւր ուրուք մա-  
տանեաւ , տայր բերել և զկնքեալ  
աւետարանն ուխտին . և արս պա-  
տուականս յայտ արարեալ ՚ի քա-  
հանայից , զերանելին Ղեւոնդ Ե-  
րէց , և զերանելի երէցն զՆրեմիա  
՚ի Նոր քաղաքէ , և զերանելի երէ-  
ցըն Խորէն ՚ի Արենոյ , և արս ա-  
ւագս ՚ի տանուտերացն Հայոց ,  
զիշխանն Արշարունեաց Արշաւիր ,  
զիշխանն Դիմաքսենից զՀմայեակ ,  
և զիշխանն Աբեղենից զԳազրիկ .  
և տուեալ ցնոսա իշխանին Սիւ-  
նեաց Վասակայ զամենայն նամա-  
կանին և զաւետարանն երդման ,  
դեսպանս արձակէր զկնի Դորա :

Որք հասեալ գտանէին զնա և որք ընդ նմայն էին՝ յառաջագրեալ դեօղն յԱրամանայ :

Եւ այդ արարեալ՝ մտանէին զառաջեալ, պատմէին երանելոյն Վարդանայ տեառն Մամիկոնեից և Հայոց սպարապետին, և առաջի եղբարցն իւրոց՝ Հմայեկայ և Համազասպայ, զպատճառս իւրեանց փութանակի հասանելոյն առ նոսա, զխորհուրդն և զխօսս հանդերձ երգմամբ որ եղէն ամենայն Հայոց՝ միաբանութեամբ իշխանին Սիւնեաց Վասակայ . յառաջ բերեալ և զաւետարանն երգման՝ ունէին առաջի երանելոյն Վարդանայ և եղբարց նորա : Տային ՚ի ձեռս նորա և զնամակն Վասակայ զտեառն Սիւնեաց և զայլոց ազատացն Հայոց և զեպիսկոպոսացն և զսեպհացն, և պատգամ կարճառօտիւ ամենեցուն բան, և ասէին ցերանելին . թէ, Դու աւասիկ հանդերձ եղբարբքդ և հաւսնեալ ընտա-

նեօքդ, որք հողացեալ են ապրե-  
 ցուցանել ընդ քեզ զինքեանս, անձ-  
 նապուրք լինիք, բայց մեք ամենե-  
 քեան կորնչիմք զանվախճան կո-  
 րուստն: Վասն զի ոչ է հնար մեզ  
 առանց ձեր, և ոչ զաւակի մերում  
 երբեք պատահել փրկութեան և  
 կեալ: Բայց որպէս հողացեալ իւր-  
 նամ տարէք ձեզ, նոյնպէս և զայս-  
 չսփ զբազմութեան ոգիս մի թո-  
 զուք կորնչիլ. քանզի եմք աստ բա-  
 զումք, որք և ազգախառն և ա-  
 ըխն ձեր եմք. պահեցարուք և  
 ընդ մեզ 'ի Քրիստոսէ, որպէս ցան-  
 կացեալ ջանայք ընդ ձեր միայն պը-  
 սակիլն:

Եւ զայս ամենայն բանս լուեալ  
 'ի քահանայիցն և 'ի նախարար  
 պատգամաւորացն եկելոց՝ սուրբ  
 սպարապետին Հայոց սեան Մա-  
 միկոնէից Վարդանայ հանդերձ ե-  
 ըանելի եղբարքն իւրովք և զսուրբ  
 աւետարան, ուխտին տեսեալ, և  
 զնամականին կարգացեալ զիշխա-

նին Սիւնեաց Վասակայ զմարզսա-  
 նին Հայոց, և զայլոց զիւրաքան-  
 ճիւր ուրուք զընկերակցայն, պա-  
 տասխանի էտ միաբանութեամբ  
 ամենեցուն և ասէ. Յս և եղբարք  
 իմ և ընտանիք կարեւոր՝ ընտրե-  
 լագոյն քան զամենայն ինչ որ է  
 յաշխարհի՝ հաստատեալ էմք ըն-  
 տրել և դատել զոգուոցն փրկու-  
 թեան դիւտ, և ուսեալ էմք հաս-  
 տատուն և զանշարժ բանն որ ասէ, —  
 յոր և հաւատացեալ էմք անշար-  
 ժութեամբ, — թէ, Չի՞ նչ օգուտ է  
 մարդոյ թէ զաշխարհ ամենայն շա-  
 հեսցի և զանձն իւր կորուսցէ. և  
 կամ զի՞նչ տացէ մարդ փրկանս  
 ընդ անձին իւրոյ: Աւ ոչ զմեր և թ  
 զոգուոց ինդրեմք զօգուտն, այլ և  
 ընդ այլոցն ինդամք ընդ փրկու-  
 թեան: Աւ ոչ որ փախուցեալս  
 էմք՝ յերկիւղէ ոք ինչ սրոյ կար-  
 ծիցի զայս զմէնջ, յորմէ ոչ ոք  
 երբեք զանգիտեալ յազգիս մե-  
 թում, ոչ երբեք. և թէ որպէս ՚ի

վերայ ընկերի բարւոյ՝ աւաւել  
 քան զանձին միշտ հոգալով՝ զանձն  
 եղեալ է այսմ տոհմի, զայն և ամե-  
 նայն՝ դուք Հայք՝ գիտէք սառագու-  
 թեամբ ՚ի պատմութենէ գրոց, և  
 ՚ի լսելոյ ձեր յաւագաց: Բայց ՚ի  
 նենգաւոր խաբէութենէ ձերմէ՝  
 զոր արարեալ է ձեր ընդ նախնիսն  
 մեր հանապազ, զայն ամենայն յի-  
 շելով, գնացեալ եմք լինել անձնա-  
 պուրծք. որպէս ցանկ ձեր միլեալ  
 է զմեզ ՚ի նեղ, և զձեր անձինս ՚ի  
 բաց ունելով, մեր միայն ազգս պա-  
 տահեալ է վշտաց մեծաց և մա-  
 հուց: Բայց սուրբ և երկնաւոր հը-  
 բաւիրակիդ աւետարանի՝ ոչ կա-  
 ցեալ ոք է ընդդէմ՚ի մեր ազգէս,  
 և ոչ մէք կամք. քաւ լիցի: Իսկ  
 թէ միամտութեամբ վարիք և  
 կամ երկմտութեամբ, դուք գիտէք,  
 և ոք աւետարանդ՝ որ ճանաչէ զա-  
 մենայն և դատի ըստ իւրաքանչիւր  
 գործոցն:

ԼԱ. Եւ զայս ասացեալ սրբոյ՝

ւրն Վարդանայ տեառն Մամիկո-  
 նէից և Հայոց սպարապետի, կա-  
 մակցութեամբ երանելի Եղբարցն  
 իւրոց և սիրելեաց, դարձան ան-  
 դրէն առ ընկերոն իւրեանց ՚ի բա-  
 նակն Հայոց: Եւ եկեալք ՚ի միա-  
 բանութիւն բազմութեանն, ոչ առ-  
 նէին դուր և դադար խորհուրդք  
 սրբոյ սպարապետին Հայոց Վար-  
 դանայ՝ լոկ միայն առանին կատա-  
 ըել քահանայիւք և այլ բազմու-  
 թեանն պաշտօնէիւք դրանն իւրոյ՝  
 զպաշտօն կարգեալ ժամուցն, զոր  
 զցայդ և զցերեկ բազում փութով  
 վճարէին անյապաղ. այլ միաբա-  
 նութեամբ ամենայն Հայովք եր-  
 թալ յեկեղեցի ցանկայր: Բայց  
 թէպէտ և նեղէր ջերթալով, այլ և  
 կամաւ արդելեալ առ վայր մի  
 համբերէր իրացն, հոգալով և ըզ-  
 պէտս ընկերացն որպէս իւրոյ սա-  
 նըն և անձին. մանաւանդ յաղագս  
 Աշուշայի Վրաց բդեշխի և որդւոց  
 եշխանին Սիւնեաց Վասակայ, զո-

ըրս արգելեալ պահեաց անդրէն՝ է  
 դրան թագաւորն Պարսից Յազ  
 կերս: Եւ զայս խորհէր սուրբն  
 Վարդան, իբրև ոչ առ՛ի պէտս ինչ  
 օգնականութեան իւրում առա  
 ջագրեալ գործոյն, քանզի չխորհէր  
 գլխովթութեան ինչ անուն գտա  
 նել, այլ պէտղուին արեան անձինն՝ ի  
 վերայ շինութեան ուխտի եկեղե  
 ցւոյ տենչէր՝ ըմբռնել. բայց հո  
 գայր իբրև զբարեսէր, թէ մի գու  
 ցէ դժուար ինչ արանցն՝ ի թագա  
 ւորէն դիպի՝ և միասիցին:

Բայց իշխանն Ամատունեաց Վա  
 հան ոչ տայր գուլ և դարգար դորա  
 վարին Հայոց Վարդանայ. այլ մերթ  
 ինքեամբ և մերթ այլովք ստիպէր՝  
 վաղվաղակի յայտնել զիրս տարս  
 տամբութեանն, կարծեցուցանե  
 լով որպէս հողւոյ եւեթ հոգալ ըզ  
 գութ փրկութեան. բայց ոչ հո  
 գալով ինչ կարի յայն միտս՝ ըստ



խօսիցն փութացուցանէր զյայտ-  
 նել իրացն, այլ վասն մթերից առա-  
 ջին ռիութեանն՝ զոր ունէին առ  
 միմեանս իշխանն Սիւնեաց Վասակ  
 և տէրն Անատուեաց Վահան:  
 Քայց ըստ ծանր խոհականութեա-  
 նն իւրոյ հայեցեալ նկատէր, թէ  
 կամ հաւանեալ ապստամբել իշ-  
 խանն Սիւնեաց Վասակ՝ մեռանի  
 յիւրոցն ընկերաց անարժան մա-  
 հուամբ, կամ թէ հաւանեալ առ  
 վասնդին ապստամբել, արգելեալ  
 անգրէն ՚ի դրանն որդիքն երկո-  
 յեան՝ չարաչար կենօք վասնդեալ  
 պատահէն մահու. և կամ բաղմա-  
 ժամանակեաց կարեւոր կապանաց  
 և բանդից դիպեալք՝ տանջին ան-  
 խնայ:

Իսկ սուրբ այրն Աստուծոյ Վար-  
 դան՝ տէրն Մամիկոնէից և Հայոց  
 զօրավարն՝ ոչ ՚ի բանս ինչ ուրուք  
 հայեր, այլ զհոգ ընկերաց հոգայր,  
 և ՚ի նահատակութիւնն ցանկա-  
 ցեալ ընթանայր: Եւ այնպէս ձը-

գեալ բանի զաւուրս գարնանոյն  
 յերկար, մինչև յաւուրս ասթոյն  
 մօտելոյ. և հասեալ ամիսք ասթոյն  
 ջերմութեան, չոր արարեալ ամե-  
 նայն բազմութիւնն Հայոց 'ի տե-  
 ղիս հովոց, գային հասանէին 'ի գա-  
 ւաւն՝ որ կոչի Յաղկուան, մերձ  
 'ի բերդն ամուր՝ զոր Անգղն անուա-  
 նեն. զայն տեղօք արարեալ՝ քանակ-  
 ետեղս արանց՝ դադարէին անգ  
 զաւուրս ասթոյն:

ԼԲ. Իսկ մոգքն՝ որ 'ի դրանէն  
 նախարարքն Հայոց ռատւցիչս ա-  
 ծեալ էին ընդ ինքեանս, իբրև տե-  
 սին թէ արհամարհեալ են յաշխո-  
 ցա ինքեանք և օրէնք նոցա, քանզի  
 կանայք նախարարացն զորս կար-  
 ծէին մոգքն աշակերտել՝ այնք և  
 տեսանել անգամ գարշէին. զնոսա,  
 այլ զորդիս իւրեանց և զգտերս  
 պատուիրէին սակալ դատարարա-  
 կացն՝ չանցուցանել երբեք առ նո-  
 քօք մօտ. իսկ արքն՝ որք պատճա-  
 ռանօք կարծեցուցանէին զինքեանս

ուրացողս, սուտ վարդապետացն և  
 հաց ուտել անաջի իւրեանց շտա-  
 յին թոյլ, և շրջէին ողորմելի սո-  
 վամահք. գնալ 'ի բաց և փախչել  
 ջիշխէին, և կալն սու նոսա՝ զմահ  
 ծանուցանէր նոցա և զկորուստ.  
 և տակաւին գրել դալտ 'ի դուռն  
 զիրս ապստամբութեանն փութա-  
 նային:

Ապա խնացեալ ապարապետին  
 Հայոց Վարդանայ՝ թէ կարի հրա-  
 ջակին իրք ապստամբութեանն, և  
 'ի կարի հեղգալոյն մեծամեծ գոր-  
 ծէին փասք, խորհուրդ 'ի մէջ ա-  
 ւետալ զաւուրս բաղումս, և ժողո-  
 վեալ զպատուական եպիսկոպոսս և  
 զականաւոր երիցունս և զաւագ  
 սանուտեարան Հայոց և զտպուհոն  
 առանձինն, ջև դեռ 'ես յայնմ ժա-  
 մու կամեցեալ յայտնել զբանն  
 իւրեանց մարգարանին Հայոց Վա-  
 սակայ, գիտելով ոչ միայն լոկ վասն  
 որդւոցն եւեթ զկասուսն սան 'ի  
 փրկութեան գարձէն, այլ զսուտ

ևել փառասէր աստուածատեաց  
 խորհրդոց նորա ճանաչեալ զորոճ-  
 մունս, ասէր ցամեհեանս այնու-  
 հետեւ յայտնապէս այրն երանելին  
 Վարդան. թէ, Մինչև ցե՛րք հան-  
 դուրժեմք թագուցանել զճշմար-  
 առութիւնն և կորնչիմք. և այս համ-  
 բաւ ելեալ տարածեալ ելից զամե-  
 նայն տեղիս. այլ յայտնի լուսով  
 գնացուք իբրև 'ի սուրնջեան, և  
 որդիս լուսոյ կոչեացուք:

Մի ոմն յԱստանեայ տանէն, ո-  
 լում անուան էր Չանդաղան, սերմն  
 ժանդ, որդի անօրէնութեան, որ  
 բազում և անասաշխար չար գոր-  
 ծեալ էր 'ի կեանս իւրում, լսէր  
 յոմանց զխորհեալն Հայոց, և եր-  
 թեալ վազլաղակի պատմէր նմա-  
 նւոյն իւրում Վասակայ: Արոյ բա-  
 նից իրազգած եղեալ նենգաւոր բը-  
 սուին՝ աւագ նախարարքն Հայոց,  
 կալեալ զնա 'ի գեօղն որ կոչի Ար-  
 ծակ, տարեալ կապեցին 'ի միւ-  
 սումեւս 'ի գեօղ յանուանեալ

Քերդկունս, 'ի նմին Տագրեւանդ  
գաւառի. զոր և ոչ յետ բազում  
աւուրց' ըստ արժանի գործոց իւ-  
րոց անօրէնութեանց' քարկոծեալ  
սասակեցին:

Եւ ապա յայտնապէս ժողովեալ  
միաբանութեամբ ամենայն տանու-  
տեարքն Հայոց և սեպուհք, եպիս-  
կոպոսօքն և բազմութեամբ ամե-  
նայն քահանայիւք և ժողովրդովք,  
առ երանելի սպարապետն Հայոց՝  
տէրն Մամիկոնէից Վարդան, և  
հանդերձ նովաւ մտին թափ ըստ  
գրոց հրամանին բոլորեքեան առ իշ-  
խանն Սիւնեաց Վասակ, առ մարզ-  
պանն Հայոց. և յայտնեալ նմա միա-  
բան ամենեցուն զխորհուրդն, թէ-  
պէտ ջանայր յաստուել նա, մի վա-  
սըն որդւոյն իւրոց՝ որք 'ի դրանն  
էին, և գարձեալ զի և կեանքն իւր  
իսկ 'ի խնամս չարին միտէին հանա-  
պազ, ոչ ինչ այնուհետև թոյլ տա-  
ցին սայթաքել խորհրդոց նորա  
այսր անդր. այլ թէպէտ և ոչ կա-

մաւ, սակայն 'ի հարկէ յանձն առեալ միաբանէր ընդ նոսա: Յերեւ դարձեալ հրամայէին նախարարքն Հայոց սուրբ եպիսկոպոսացն և երիցանցն՝ զաւետարան ուխտին սրբոյ. և երդուեալ ամենայն բազմութիւնս զօրացն ազատացն և անազատացն, հանդերձ իշխանաւն Սիւնեաց Վասակաւ և ամենայն տանուտերամբք և սեպհօք՝ հաստատէին զերդումն. և որոց մատանեաւ չև ևս էր կնքեալ զաւետարանն՝ կնքէին. և համբարձեալ առ հասարակ զձեռս ընդ երկինս՝ բարբառելով ստէին այսպէս, ամենայն բազմութիւնն, այր և կին միաբան ինդալիցք.

Զքեզ՝ Սուրբ Հայր, արարիչ էրկնի և երկրի, և զՍրդիդ քո միածին զտէր մեր Յիսուս Քրիստոս, և ըզՍուրբ Հոգիդ կենդանարար, զանորիչ և զանքակ Երրորդութեանդ միութիւն, իոստովանիմք արարիչ էրկնի և երկրի, տեսակաց և անտե-

սկսեց որ միայնդ եւս Աստուած, և  
 չիք այլ որ բաց ՚ի քէն: Ար և ըստ  
 մարդասիրութեան յաղագս փրկ-  
 կութեան տիեզերաց ՚ի վախճան  
 աւուրցս՝ մի ՚ի Սրբոյ Երրորդու-  
 թեանդ ծնար ՚ի սուրբ կուսէն  
 Մարիամայ, և զամենայն կարիս  
 բարձեալ քոյին մարմնովդ, զոր ՚ի  
 սուրբ և Աստուածածին կուսէն  
 առեր, տարեալ բեւեռեցեր ՚ի խա-  
 ջափայտի. յորում հեղեալ զսուրբ  
 արիւն քո՝ ազատեցեր զաշխարհս  
 ՚ի ծառայութեան մեղաց անիծից,  
 մեռար, թաղեցար և յարեար, և  
 վերացեալ յերկինս՝ ետունք աւե-  
 տիս խոստման տանել առ քեզ զա-  
 մենեանս, որ խոստովանին առ  
 քեզ, Աստուած Ճշմարիտ, թագա-  
 ւոր թագաւորաց և տէր տերանց,  
 և մէք վկայեմք և խոստովանիմք  
 զքեզ Աստուած աստուծոց և տէր  
 տերանց, Աստուած քաւիչ մեղաց  
 մերոց, ուրացեալքս և զղջացեալ  
 քն՝ յանցուցեալքս և յողորմու

Թիւնդ ապաւինեալքս, գլորեալ  
քսս և կանգնեալքս: Ընկալ զմեզ  
որպէս զորդին ուրացող, որ ծա-  
խեալ աղտեղեցաք զհանդերձ սուրբ  
մկրտութեանն, զոր զգեցուցեր մեզ  
աւազանին լուացմամբ, անառակ  
անօրէնութեամբ թաւալեցաք 'ի  
տղմի ուրացութեանց իբրև զգա-  
սական խոզաց:

Եւ արդ, դարձեալ առ ճշմարիտ  
Հայրդ երկնաւոր աղաղակեմք ասե-  
լով. Մեղաք յերկինս և առաջի քո.  
Հնորհեա մեզ բարեխօսութեամբ  
լուսաւորիչ աւաքելոցն, և վաստա-  
կովք սուրբ նահատակին Գրիգորի  
նոցին նմանոյն և գործակցի, զթո-  
ղութիւն մեզաց մերոց. և զգեցո՛  
մեզ զառաջին պատմութեանն, և մա-  
քրեա զոտս մեր 'ի խոչիցն չարեաց,  
որով ծակոտեալ 'ի թշնամւոյն կա-  
զացոյց զմեզ: Եւ ագո մեզ կօշիկս  
պահպանութեան՝ աւետարանին  
սրբոյ. և դիր զմատանին՝ զգծած  
խաչի քո՝ 'ի մատին աջոյ ձեռին մե-



լոյ, որով կնքեալք զբոլոր անդա-  
 մըս մեր՝ սարսեալ բանասրկուն  
 փախիցէ 'ի մէնջ: Նւ որպէս հեղեր  
 դու զարիւնդ քո սուրբ 'ի վերայ  
 մեղաւորաց՝ 'ի փրկուածիւն յան-  
 ցաւորաց, պարդեւեա և մեղ հե-  
 զուլ զարիւնս մեր 'ի վերայ խոս-  
 սովանութեանս այսորիկ և իւրա-  
 քանչիւր թողութեան մեղաց: Նւ  
 որ ոք հեռացեալ յուխակէ Էրդ-  
 մանցս այսոցիկ ցուցցի ուխտա  
 զանց, և 'ի միաբանութենէս մերմէ  
 սրոշեսցի, ելցէ նա արտաքս. ընդ  
 Յուդայի, որ մերժեալ ընկեցաւ 'ի  
 դնդէ սուրբ առաքելոցն, և աւանց  
 ամենայն թողութեան կացեալ 'ի  
 ձախու կողմանն՝ լուիցէ 'ի քէն զա-  
 հագին բարբառն, զոր ասես յա-  
 լուրն հատուցման, թէ, Նրթայք  
 յինէն, անիծեալք, 'ի հուրն յաւի-  
 տենից, որ պատրաստեալ է սասա-  
 նայի և արբանեկաց նորա:

Նւ սաացեալ զամենայն իոստո-  
 վանութիւն զօրհնութեանն և զա-

'ի ծիցն՝ միաբանութեամբ ամենայն  
 բազմութեանն՝ ի ձայն մեծ արանց  
 և կանանց, հնչեաց երկիրն ամե-  
 նայն՝ ի բարբառոյ զօրացն բազմու-  
 թեան: Եւ գրեալ զայս ամենայն  
 բանս հաւատոյ ուխտին, և կնքեալ  
 նախ մատանեաւ իշխանին Սիւ-  
 նեաց Վասակայ, և ապա մատա-  
 նեօք ամենայն տանուտերացն Հա-  
 յոց և իււադ սեպհացն, և եդեալ ՚ի  
 սուրբ աւետարանի երգմանն, ե-  
 տուն յպատուական եպիսկոպոսն  
 և զաւագ քահանայութիւնն՝ որ  
 էին անդ: Եւ կատարեալ զայս ա-  
 մենայն սյապէս, գիմեցին մեծաւ  
 ցնծութեամբ և հոգեւոր երգովք  
 ՚ի տուն Տեան, և երկրպագեալ  
 միոյն միայնոյ ճշմարտին Աստու-  
 ծոյ լի անձկով, և յերկար և ան-  
 ձանձրոյթ ծունրդրութեամբ կա-  
 տարեցին զաղօթան:

Եւ արձակեալք յաղօթիցն, ռա-  
 միկ զօրացն բազմութիւն գիմեցին  
 ՚ի տուն մոխրանոցին, շինալով ՐԸ-

Կաւ աւագացն հրամանի . և աւելալ  
 վերակարանն՝ վարեցին . ՚ի ջուրան  
 վերական , որպէս ՚ի գիրկս եղբօր ,  
 ըսա աւելոյ սուտ վարդապետացն  
 Պարսից . զոր լմբունեալ ջրոցն թըշ-  
 Կամարար և ոչ եղբայրաբար՝ ծա-  
 խեցին : Բայց զմոգուցն բազմութի  
 պահել աւ օրն հրամայեցին զգու-  
 ջութեամբ . և ՚ի վաղիւն ՚ի ծագել  
 արեւուն արս ՚ի նոցանէ թուով  
 սպանին որով՝ ՚ի գիւղն որ կոչի  
 Զարեհաւան :

ԸԳ . Եւ կատարեալ զայս ամե-  
 նայն դործս ըսա աւելոցս կարգաւ ,  
 դադարեցին անդէն զաւուրս սօ-  
 թոյն : Եւ ապա փութացան իջա-  
 նել Սեյրարատ գաւառ . քանզի  
 լուան թէ Միհրնէրսեհ Արեաց հա-  
 վարապետ եկեալ ՚ի Փայտակարան  
 քաղաք՝ դունդ կաշմէ , և ընդ Ա-  
 զուանս արձակէ ՚ի Հայս . զոր և  
 Ազուանից աղաաք , որ ուխտակից ք-  
 էին Հայոց , ստէսլ փութացու-  
 ցանէին հասանել աւ ինքեանս ,

և անդէն առ Աղուանս 'ի դիմի  
հարկանել յոցա պատերազմաւ :

Եւ արդ եկեալք յԱրարատ  
գաւառ, և զայս համբաւ լուեալ 'ի  
կողմանց Աղուանից, ստիպէր զե-  
րանելի սպարապետն Հայոց Վար-  
դան զտէրն Մամիկոնէից՝ իշխանն  
Սիւնեաց Վասակ, գնալ պատահել  
նոցա դնգաւ. և զինքն մնացուցա-  
նէր անդէն պատճառանօք, ասե-  
լով. Թէ, Նսաստէն պատրաստիմ.  
գուցէ, ասէր, այլ ինչ իմացեալ չա-  
րախորհուրդն Միհրնէրսեհ՝ գոր-  
ծիցէ ընդ մեզ: Այլ ինքն Վասակ  
զխաբէու թեան ճանապարհն կազ-  
մեալ նիւթէր 'ի սրտի իւրում, ու-  
նելով կամակիցս և այլ աստուա-  
ծանէնդ արս խորհրդոցն իւրոց՝  
յազատացն Հայոց: Իսկ երանելի  
սպարապետն Հայոց՝ անէրն Մամի-  
կոնէից Վարդան, ասէր ցիշխանն  
Սիւնեաց Վասակ, Թէ, Արսէս ա-  
ծաք զմտաւ՝ պարտ է մեզ նախ զ՝  
ըրս առաքեմքն առ կայսր՝ արձա-

կել. և ապա զոր ինչ հրամայեացես  
 ինձ՝ առնեմ անխափան: Եւ նորա  
 յազադս ճեպով զիւր առաջի եղեալ  
 զխորհուրդն կատարելոյ՝ յանձն  
 իւր առնոյր զասացեալսն յերանե-  
 լի սարապետէն՝ ի Վարդանայ կա-  
 տարել:

Եւ վաղվաղակի նամականի արա-  
 րեալ առ կայսրն և առ ամենայն ա-  
 լադանի դրանն Յուճայ և առ այլ  
 իշխանս և կողմանակալս, առ բը-  
 դեշխն Աղձնեաց և առ իշխանն Ան-  
 փեղ տան, ՚ի Շոփս և ՚ի Հաշուեանս  
 և յԵկեղեաց, և այլ իշխանաց իւ-  
 րաքանցիւր տեղեաց, և առ մեծ ըս-  
 պարապետն Անտիոքայ: Եւ զայս  
 ամենայն թղթեան կնքէր նախ ին-  
 քըն իշխանն Սիւնեաց Վասակ իւ-  
 թով մատանեալ, և ապա ամենայն  
 անուուտեարքն Հայոց: Եւ պա-  
 տրաստեալ ճանապարհին Յուճայ  
 կազմէին զիշխանն տանն Ամատու-  
 նեաց Վահան, որպէս զայր մտացի  
 և խորհրդական, և սուրբ սեպուհն

ԳՀմայեակ՝ զեղբայրն երանելի զօ-  
 րավարին Հայոց Վարդանայ՝ ի Մա-  
 միկոնեից տոհմէն, և զերանելին  
 Մերհուժան՝ զեղբայր սրբոյն Ա-  
 դանայ՝ ի տոհմէն Արծրունեաց։  
 Յորոց ձեռն տուեալ զնամականին  
 իշխանին Սիւնեաց Վասակայ և ա-  
 մենայն նախարարաց աշխարհին  
 Հայոց, յուզարկէին առ կայսր և  
 առ այլ ամենայն յառաջագրեալ  
 աւարանին Հայոց։

ԱՌ. Եւ սպարապետն Հայոց տե-  
 րըն Մամիկոնեից երնանելին Վար-  
 դան՝ առեալ ընդ իւր ի տանուտե-  
 րացն Հայոց, որք ջերմեռանդ սի-  
 րով ճեպէին մարտիրոսութեան  
 ժամուն պատահել, որք էին այսո-  
 քիկ. Թորէն Խոսիտունի, Արշա-  
 լիր Վամարական, և Թաթուլ Գե-  
 մարսեան, և Արտակ Պաշունի, և  
 Գիւտն՝ Վահեւոունեաց, և Հմայ-  
 եակ Գիմարսեան, և այլ տանու-  
 տեարք և սեպուհք, և բազումք ի  
 զօրացն Հայոց, որք ինքնայօժար

փութով փափագէին լինել վրէժ-  
 ինդիր ուխտի սուրբ եկեղեցւոյ,  
 և տալ զանձինս 'ի մահ 'ի վերայ  
 սուրբ Ճշմարիտ հաւատոյն Քրիս-  
 տոսի, և ալ գունդք 'ի զօրացն  
 Մարգարտականայրուձիոյ, փոյթք  
 'ի գործ պատերազմին առաքինու-  
 թեան. զորս և չարախորհուրդ իշ-  
 խանին Սիւնեաց Վասակայ ծանու-  
 ցեալ ոչ հաւանս իւրոյ չար մտա-  
 ծութեանն, կազմեալս առաքել ընդ  
 նմա. և զորոց գիտէր զհոլովումն  
 'ի վատթար կողմն և ոչ ուղղակի  
 'ի խորհուրդ ուխտապահութեանն՝  
 'ի տանուտերացն Հայոց և 'ի սեպ-  
 հացն, որք էին երեւելագոյնք, և  
 յայլ ռամիկ բազմութենէն, զայնս  
 արգելեալ առ իւր պահէր:

Եւ հրաժարեալ երանելի զօրա-  
 վարն Հայոց սէրն Մամիկոնէից  
 Վարդան, հանդերձ ընկերակցօքն  
 իւրովք և այլ զօրուն արամբք՝ որ  
 էին ընդ նմա, յիշխանէն Սիւնեաց  
 Վասակայ և յայլ մնացելոցն ընդ

նմա աւագանոյն, ողջախորհուրդ  
 մտօք գնային 'ի դործ պատերազմի:  
 Եւ մտեալ 'ի առն Տեառն, որ է  
 սուրբ եկեղեցի, երկիր պագանել  
 տեառն Աստուծոյ ամենակալի, ա-  
 ռեալ զսուրբ աւետարանն և զնշան  
 կենսատու խաչին՝ ողջունէր, դնե-  
 լով անյագ 'ի վերայ բբաց աչացն և  
 ճակատու. զնոյն առնէին ջերմե-  
 ռանդն սիրով և որք ընդ նմայն էին  
 ամենեքեան. և ողջամբ գնային ա-  
 մենեքեան յորգորմամբ սիրոյ: Եւ  
 չև ևս չեռացեալք, տեսանէր<sup>1</sup> օթե-  
 լանս ոչ բազումս յԱյրարատոյ՝  
 երանելի սպարապետն Հայոց Վար-  
 դան. և իշխանն Սիւնեաց Վասակ  
 վաղվաղակի գազտ դեսպանս առնէր.  
 առ Միհրնէրսէհ հազարապետն Ա-  
 րեաց, և զիւր նենգաւոր խորհուր-  
 դրն նամակաւ ծանուցանէր նմա:  
 Նոյնպէս արար նամակ և առ Նի-  
 խորական Սեբուխս, և առ այլ ա-

1. Խառնակ կա՞ պակաս է 'ի բանիդ՞



ւադմ՝ – զորս արարեալ էր Միհր-  
 անուսեհի՝ ի վերայ Հայոց, և զՎեհ-  
 շապուհ հաւատարիմ՝ վերակացու  
 արար, որ էր ի ժամունս սենեկա-  
 պան արքունի, յետ այնորիկ ապա  
 և դպրապետ եղև Արեայ, – յո-  
 բում գրեալ էցոյց նոցա նենգաւոր  
 իշխանն Սիւնեայ Վասակ զիւր խա-  
 բէութեանն կամս. Գուք, ասէ,  
 անհող լերուք յեկեւոցդ ընդ Վար-  
 դանայ ի վերայ ձեր, և մի ինչ վար-  
 հուրիք. վասն զի շատք այն են՝ զորս  
 ես աստէն պահեցի առ իս. և զայլս  
 բազումն ընդ այսր ընդ այնր ցրուե-  
 ցի. և դա յոյժ սակաւուք է և ոչ  
 բազմօք: Եւ զայն ոչ յիշէր ան-  
 օրէնն, թէ Սիրտք իշխանաց ի ձեռս  
 Աստուծոյ են. քանզի որով կարծէր  
 չարախորհուրդն շնորհ ինչ առնել  
 նոցա, առաւել ևս զօրութիւնն Աս-  
 տուծոյ ի բարկութիւնս սրամտու-  
 թեան փոխէր. և այնու գրգուէր  
 զնոսա ի վերայ նորա, որ և ի ժա-

մուն կատարեալ կուտեցաւ 'ի  
 Կլուխ նորա ցուցակութեամբ :

ԸՆ. Եւ հասեալ յԱղուանս երա-  
 նելոյ զօրավարին Հայոց Վարդա-  
 նայ տեառն Մամիկոնէից, ազգեղև  
 զօրագլխացն Պարսից եկբ Հայոց .  
 որոց լուեալ փութացան անցանել  
 ընդ գեան մեծ, զոր Աուր գեան կո-  
 ջեն, և ընդ առաջ եկին նոցա մինչև  
 'ի գեօղն որ կոչի Սաղիսաղ, յերկրին  
 Աղուանից : Եւ տեսեալ որբոյ ըս-  
 պարապեալին Վարդանայ զանժիւ  
 բաղմութիւն գնդին Պարսից, և  
 յինքեանս հայեցեալ թէ յոյժ սա-  
 կաւք են, սկսաւ իօսել ընդ զօրն  
 Հայոց, և յիշեցուցանել զբան ՍԲ  
 Հոգւոյն, զոր մայրն մարգարէին  
 Սամուէլի՝ ցնծութեամբ քաջալե-  
 թեալ 'ի Քրիստոս երպելով ասեր .  
 թէ, Մի պարծեացի հզօրն 'ի զօրու  
 թեան իւրում, և մի պարծեացի  
 մեծն 'ի մեծութեան իւրում. այլ  
 որ պարծելոցն իցէ՝ յԱստուած  
 պարծեացի : Քանզի ոչ լինչ 'ի էնուա-

զրս և 'ի բազումս յաղթութիւն և  
 պարտումս, յԱստուծոյ ակնար-  
 կութեանն հրամանի: Եւ զայս ա-  
 սացեալ երանելի զօրասեանն Հա-  
 յոյ տեան Մամիկոնելոյ Վարդա-  
 նայ, հայեցեալ և 'ի կամս ընկերա-  
 կցաց իւրոց և ամենայն գնդին որ  
 ընդ նոսա, թէ որպէս շերմեռան-  
 դըն սիրով զօրացեալք էին և քա-  
 ջալերեալք, իրախալոյ մտօք փա-  
 ռաւորէր զփրկիչն ամենեցուն ըզ-  
 տէր Յիսուս Քրիստոս:

Եւ հասեալք 'ի ժամ մարտին,  
 հայեցեալ տեսանէին ըստ օրինի  
 կարգմանն կատելոյ զգունդան Պարթ-  
 սից: Վարդէր և զիւր դունդն երա-  
 նելի զօրավարն Հայոց Վարդան՝  
 ըստ բաւականին այրուձիտյն իւ-  
 ըոյ՝ ընդդէմ նոցա. յերիս առաջս  
 բաժանեալ՝ տայր 'ի ձեռս իւրա-  
 քանչիւր զօրագլխի. որում աջոյ  
 կողմանն կացուցանէր զօրագլուխ  
 զիշխանն Արշարուտեայ զԱրշաւիր  
 Վամսարականն, որ էր և փեսայ

զօրավարին Հայոց սրբոյն Վարդա-  
 նայ տեառն Մամիկոնէից, ունե-  
 լով զդուստր նորա 'ի կնուածեան.  
 և նիղակակից սայր նմա զՄուշղա-  
 ւագ սեպուհ՝ յազգէն Բիմաքսե-  
 նից. և զահեակ կողմն սայր 'ի ձե-  
 ւրն Խորենայ Խորխոռուոյ, և զօ-  
 րավարն ընդ նմա կացուցանէր ըն-  
 Հմայեակ Բիմաքսեանն. և ինքն  
 սուրբ զօրավարն Հայոց Վարդան՝  
 պարտատէր զինքն միջոյ տեղ-  
 ւոյն յարձակման: Եւ այսպէս յօ-  
 րինեալ զճակատն, և յԱստուծոյ  
 ինաման ապաւինեալք՝ յարձակե-  
 ջան 'ի վերայ թշնամեացն:

Յորս նախադոյն յառաջեալ 'ի  
 տեղի մարտին՝ Աամարականն Ազ-  
 շաւիր և Մուշ սեպուհն Բիմաքսե-  
 նից, որք յանպիտուածենէ տեղեա-  
 ցըն՝ դիպեցան թանձրախոր սաս-  
 տիկ մօրից. Աամարականն Ազշա-  
 վիր և Մուշ 'ի յառաւելապէս դի-  
 մեցմանէն երիվարացն, անկեալք 'ի  
 տիղմն հանդերձ երիվարօքն խրե-

ին. անդ կատարեալ պատկէր երա-  
 նելի սեպուհն Գլմաքսենից Մու-  
 շքն՝ ՚ի Սորականայ՝ 1: Իսկ կամսա-  
 րականն Արշաւիր իջեալ յերիվա-  
 րէն ՚ի հետիոտս՝ սպանանէր ըզ-  
 Վաւրկն՝ զեղբայր Վփնաց թագա-  
 ւորին, և ՚ի բաց ձգեալ զերիվարն  
 ՚ի սաստիկ խոր աղմոյն, ուր և  
 մոյկ մի զերծեալ յոտանէն՝ թա-  
 զեալ մնայր անդէն ՚ի մօրին, և ին-  
 քըն կամսարականն միամոյկ արդ-  
 մաթաթաւ հանդերձ ամենայն զի-  
 նուն հանեալ զերիվարն ՚ի ցամաք,  
 անվեհեր քաջաբար նման թռչնոց  
 յերիվարն հեծանէր. և զարհու-  
 րեցուցեալ զթեւ իւրոյ կողման  
 թշնամեացն՝ փախատական անէր:  
 Եւ հայեցեալ տեսանէր զերանելի  
 սպարապետն Հայոց զտէրն Մամի-  
 կոնէից Վարդան՝ հանդերձ ընկե-  
 լակցօքն իւրովք և ամենայն Հա-  
 յոց գնդաւն, զի արարեալ փախըս

1. Գուցէ ՚ի Ներսիսիանայ:

տականս և նոցա՝ ածէին առաջի  
 իւրեանց զբազմութիւն զօրացն  
 Պարսից. յորոյ զկէսն սրովք իւ-  
 րեանց զիսթաւալս յերկիր կոր-  
 ծանէին, և զկէսն գետավէժս ա-  
 րարեալ հեղձամիձուկ առնէին. և  
 զայլն ՚ի նոցանէ՝ դաշտացն և ան-  
 տառախիտ մայրեացն ցրուեալս  
 վասնէին:

Իսկ ոմանք յաւագորերոյ Պար-  
 սիցն ելեալք ՚ի նաւս՝ յայնկոյս  
 գետոյն մեծի՝ փախստեայք լինել  
 ճեպէին: Ար և զԿամսարականն  
 Արշաւիր զիշխանն Արշարունեաց  
 ստիպով փութացուցանէր երանե-  
 լի զօրավարն Հայոյ Վարդան՝ ըզ-  
 կնի փախստելից նաւացն նետաձիգ  
 լինել, ՚ի հաստաաձգութիւն և  
 յանվրէպ զիպողութիւն առնն  
 վատահեալ: Իսկ Կամսարականն  
 Արշաւիր, որպէս և միշտ կամա-  
 կատար էր բանի սրբոյ զօրավա-  
 րին, վաղվաղակի հաւանեալ առ ՚ի  
 նմանէ հրամանին՝ զկնի նաւավա-

րացն և փախաւէիցն նեւաձիգ լի-  
 նէր: Եւ խոցեալ զնաւավարոն և  
 զայլս բազումս՝ ի նաւսն՝ կարէվերս  
 առնէր. որոց ընդ տապալել վերա-  
 ւորացն՝ կործանէին նաւքն. և բա-  
 զումք՝ ի նաւավարացն և գլխաւո-  
 րացն Պարսից գետասոյզ եղեալ  
 կորնչէին: Եւ այսպէս շնորհեալ  
 նոցա զյաղթութիւն՝ վերին օգ-  
 նութեանն՝ գառնային՝ ի բանակս  
 իւրեանց, գոհանալով և օրհնելով  
 զԱստուած:

Եւ դադարեալք անդէն՝ ի տե-  
 դոջն զօրն զայն, ի վաղիւն չուեալք  
 անցանէին ընդ գետն մեծ, անուա-  
 նեալն Աուր գետ, և հասանէին ի  
 պահակ որմոյն, որ է ընդ մէջ իշ-  
 խանութեանն Ալուանից և Հոնաց.  
 և գտեալ անդ զպահապանս պա-  
 հակին և այլ զօրականս պարսիկս  
 բազումս, յորոց սուր ի վերայ ե-  
 դեալ կոսորէին. և զպահակն յան-  
 ձրն առնէին թագաւորացն ի միում  
 Ալուանի՝ որում անուն էր Վահան.

և զնոյն արձակէին դեպան 'ի Հո-  
նրս՝ և առ այլ ամբականս տեղեա-  
լքն, զորս հաւանեցուցէ միաբա-  
նելնոցա գնդաւ. որոց կամաւ և  
յօժարութեամբ զօգնելն յանձն  
առեալ՝ հաստատէին երգմամբ:

12. Եւ մինչդեռ այս ամենայն  
կատարէր այսպէս՝ յաջողութեամբ  
քն Աստուծոյ ըստ կամաց նոցա,  
յանկարծակի դեպան հասաներ  
առ երանելի զօրավարն Հայոց  
Վարդան, և առ ամենայն գունդն  
որ ընդ նմա էին, գոյժ տրամու-  
թեան և համբաւ չարաչար, ասե-  
լով. թէ, Արդ ստեաց անօրէնն Վա-  
սակ ուխտին Աստուծոյ, և նեն-  
գեալ դրժեաց աւետարանին երգ-  
մանն, և 'ի յետս կացեալ ապրս-  
տամբեաց 'ի միաբանութենէ ճշշ-  
մարտութեանն. նոյնպէս և մնա-  
ցեալքն անդէն առ նմա աւագա-  
նին Հայոց՝ յետս կացեալ ընդ նը-  
մա ապստամբեցին, և դարձու-  
ցեալ զերեսս իւրեանց 'ի ճանաչ



պարհէն արգարութեան՝ մուրե-  
 ցան զկնի սատանայի. դեպքան ար-  
 ձակեցին ՚ի Պարսս, նամակօք ուխ-  
 տագրեցին ընդ նոսա. և զբերդեան  
 ամրոցացն Հայոց ՚ի բայ կալան, և  
 զիւրեանցն բերդակալս արա-  
 բեալ՝ զգուշացուցին, և զորդիս  
 տոհմին Մամիկոնեից և Վամարա-  
 կանայց և զայլոց տանուտերացն՝  
 ժողովեալ յիւրաքանչիւր դայեկաց,  
 յամուրս բերդից իշխանութեանն  
 Սիւնեաց ետ անցուցանել, և հրա-  
 մայեաց պահել զամուրսն, զգու-  
 շութեամբ. և ապա նենգաւորն  
 Վասակ տայ տանել զտղայսն առ  
 թագաւորն Պարսից: Եւ որք խո-  
 տորեցան զկնի սատանայի ընդ  
 ուխտանեւոքին Վասակայ՝ են այ-  
 սոքիկ. իշխանն Բագրատունեաց  
 Տիրոց, իշխանն Խորխոռունեաց  
 Գադիշայ, իշխանն Ապահունեաց  
 Մանեճ, իշխանն Վահեւունեաց  
 Գիւա, իշխանն Պալոունեաց Վա-  
 րազապուհն, իշխանն Աբեղեւից

Արտէն, իշխանն Ուրծայ Ներսէհ,  
 և այլք յոստանկաց, և սեպուհք  
 ումանք յիւրաքանջիւր տոհմէ:

Եւ լուեալ զայս ամենայն գործ  
 աղէտից, զոր էր գործեալ նենդա-  
 ւոր իշխանն Սիւնեաց Վասակ և  
 այլ նախարարացն որ ընդ նմա, և  
 րանելոյ սպարապետին Հայոց  
 տեառն Մամիկոնէից Վարդանայ՝  
 հանդերձ նախարարօքն և զօրուն  
 որ ընդ նմայն էին, շարամել ոչ կա-  
 րէին. և զանձինսն և զգերեալ տը-  
 ղայսն՝ ի պահպանութիւն ամենա-  
 հնար աջոյն յանձն արարեալ նուի-  
 րէին, ասելով այսպէս. Ահա ա-  
 ռեալ հեծանոց ՚ի ձեռն՝ փրկիչն  
 ամենեցուն Քրիստոս, սրբել զկալ  
 իւր և ընարել, զցորենահատն ժո-  
 ղովել յերկնից ՚ի շտեմարանսն, և  
 զյարդն մատնել անշէջ բոցոյն՝<sup>1</sup>  
 կիզուց անիմայ: Եւ եղիցուք մեք  
 սրբեալք ցորենահատ, և ցանկու-

1. ԱՅԼ օր. հրոյն:

Թեամբ սպասեացուք աւուր նա-  
 հասակութեան մերոյ. յորում  
 թէ արժանի եղեալ դիպեացուք  
 մասին սրբոցն, վախճան մեր բարի  
 զմեզ պահէ, և զուղայս՝ պահպա-  
 նեալ սնուցանէ, և ՚ի տեղիս իւ-  
 րաքանչիւր և յիշխանութիւն ա-  
 ծեալ հասուցանէ, և զարբանեակս  
 աստանայի բողոմ զղջմամբք ամա-  
 ջեցուցեալ նշաւակէ ասա և ՚ի հան-  
 դերձելումն:

Նւ ասացեալ զայս երանելոյն,  
 չուէցին միաբան ամենեքեան յաշ-  
 խարհէն Աղուանից յերկիրն Հա-  
 յոց ՚ի գաւառն Այրարատոյ. և  
 անդ զաւուրս դառնաշունչ օդոյ  
 ձմերայնոյն՝ ըսա սովորութեան  
 իւրեանց դադարեալք, փութային  
 առ հասարակ անձկով զաւուրս  
 գարնանային ամսոյն տեսանել, և  
 յօր իւրեանց նահատակութեան  
 պակին հասանել: Քանզի ոչ ևս  
 ինչ այլ բնաւ ածէր զմտաւ ոք ըզ-  
 յալթութիւն և կամ զպարտումն,

այլ ցանկացեալք որպէս ծարաւիք  
բաժակին փրկութեան՝ իւրեանց  
կատարմանն պատահել և ընդու-  
նել մնային :

Իսկ նենդաւոր իշխանն Սիւնեաց  
Վասակ՝ ոչ երբեք դադարէր գրել  
նամականի առ իշխանս և շինակա-  
նքս և քահանայս աշխարհիս Հա-  
յոց, ցուցանէր իմն բերեալս ՚ի  
գրանէ ուխտս սուտս և վկայու-  
թիւնս ընդունայնս, թէ արքայից  
արքայ զգրխատնէութիւն շնոր-  
հեաց աշխարհի, և զմնաս կոտո-  
րածի մոգուցն շինողրէ . և զսպըս-  
տամբութենէն ասէ, թէ բնու և  
յիշեմ իսկ ոչ, միայն թէ ՚ի բաց  
դառնայք ՚ի խրատուէ և ՚ի բանից  
Վարդանայ, և մի կորնչիք ընդ նը-  
մա : Եւ զինքենէ գրէ ուխտանեն  
գրն Վասակ, թէ ես վնիմ միջնորդ  
այսմ ամենայնի, և անվուսս պա-  
հեմ զաշխարհս Հայոց : Եւ սուեալ  
՚ի ձեռս սուտ քահանայից զգրեալ-  
սըն՝ նենդաւորին Վասակայ, որոց

անուանքն են չբաճանայլցն այս ,  
 Չանգակ մի ոմն<sup>1</sup> , Սահակ Չայնող ,  
 և միւս ոմն Պետրոս Երկաթի : Եւ  
 էին Սահակն և Պետրոսն 'ի գաւա-  
 ուէն Սիւնեաց , յորոց ձեռս տայր  
 գաղա յերանելի սպարապետէն  
 Վարդանայ՝ նենգաւորն Վասակ՝  
 զգրեալն շրջեցուցանել ընդ աշ-  
 խարհս Հայոց . զոր լուեալ թուլա-  
 ցելոցն 'ի հաւատս և անյուսիցն ,  
 հաւատացեալ բանից նենգաւորին՝  
 կորնչէին : Իսկ պինդքն և մարտի-  
 րոսութեան տենչօղքն՝ իբրեւ լսէ-  
 ին զայս ամենայն բանս ցնորից , եւս  
 առաւել պնդեալք զօրանային . և  
 աւուր աւետարեր փրկութեան  
 իւրեանց սպասէին յուսով :

ԿԵ . Եւ կատարեալ զաւուրս ձը-  
 մերային ցրտաշունչ օգոցն , և հա-  
 սեալ 'ի տօն մեծ զատկին բովան-  
 դակ ուխտապահքն , և ամենայն

1 . Թուի խանգարեալ մականուն Չան-  
 գակին :

աշխարհի եղև խնդուածիւն հրեշ-  
տակայ և մարդկան . քանզի խառ-  
նութիւն խաղաղութեան եղեն ընդ  
միմեանս աւետաւոր յարուածք  
կենարարին . զոր սօնեալ ուրա-  
խութեամբ զուարճանային :

Եւ յետ սակաւ ինչ աւուրց ան-  
ցելոց լուան , եթէ զօր եհաս բա-  
զում'ի Հեր և 'ի Զարեւանդ գա-  
ւառ : Եւ երանելի սպարապետն  
Հայոց՝ տէրն Մամիկոնելից Վար-  
դան ազդ առնէր ուխտապահացն ,  
որք յալագս տօնի աւուրցն եր-  
թեալք էին 'ի տունս իւրեանց՝  
կատարել զսօնն զատկի աւ ընտա-  
նիս իւրեանց , եթէ գունդ բազում  
հասեալ գայ՝ բերելով աստուա-  
ծասիրացն պսակս երկնաւորս .  
արդ որ ոք ցանկայ առնուլ՝ աճա-  
պարեցէք , զի մի վրիպեացի ոք և  
զղջանայցէ . և եթէ ոք խորհի այլ-  
ազգ ինչ , որպէս և այլքն՝ որք խո-  
տորեցան զկնի սատանայի , դադա-  
րեալ հանգիցէ ուր և թուեցի

հաճոյ ուսեք: Քանզի ոչ ոք պսակի ընդ ընկերաց իւրոց՝ թէ ոչ տանջի. այլ իւրաքանչիւր ոք անձին իւրում գանձէ զհոյեղէնսն և զյաւիտենականսն:

Եւ զայս լուեալ ճշմարտասիրացն և զանմահութիւն սիրողացն՝ գորդեցան, ելեւելա տանելով զվիմեամբք, որպէս հօսք որ ՚ի ձայնալի փութայցեն զկնի հովուաց: Թուի ինձ, ոչ այնպէս ընթացեալ երագունս Աբրահամայ ՚ի տանել զորթն հրեշտակացն՝ որք խոստացան տալ նմա զորդին, որպէս ձեպեալ ընթանային զօրքն Հայոց՝ զհետ երանելոյն Վարդանայ սպարապետին Հայոց, երթալ յընթրիան Քրիստոսի և ուտել զհաց հրեշտակաց:

Եւ այսպէս եղեալք ըստ նմանութեան սուրբ առաքելոցն ամենեքեան մի սիրտ և մի հոգի, առաքէր երանելի սպարապետն Հայոց Վարդան՝ միաբանութեամբ աւա

դանոյն որ ընդ նմայն էին՝ սեպուհ  
 մի յազգէն Ամասուհեաց, որում  
 անուն էր Առանձար, իբրեւ երեք  
 հարիւր հեծելով, երթալ լրտեսել  
 սրահմուծիւն զօրացն Պարսից, և  
 տալ գրգիւս եթէ հնար իցէ, առ  
 ՚ի փութապէս, ասէ, գալ բերել  
 մեզ սպասկս արքայութեան, զոր  
 ՚ի ձեռն նոցա պարգեւէ մեզ փրկ-  
 կիցն Քրիստոս՝ յաւիտենից բարու-  
 թեանցն տուից: Եւ երթալ Առան-  
 ձար և գունդն որ ընդ նմա, այն-  
 պէս շնորհեցաւ նմա յԱսուծոյ,  
 որպէս զի տեսին զբանակն Պար-  
 սից. և զհօր վերջապահ թելով  
 միով անկեալ, զբազումս հանէին  
 ընդ սուր, և զայլս փախստականս  
 արարեալ արկանէին ՚ի զօրն Պար-  
 սից. և ինքեանք դարձեալ ողջան-  
 դամք հասանէին ուրախութեամբ  
 ՚ի գունդն Հայոց, և պատմէին նո-  
 ցա զԱսուծոյ զօրութիւնն, զոր  
 յաջողեաց նոցա Փրկիչն:

Եւ լուեալ երանելի սպարապե-



Թին Վարդանայ հանդերձ միահա-  
 մուռ զօրօքն՝ Կոհանային և օրհ-  
 նէին զամենահզօրն Աստուած:  
 Պատէին և վասն զօրագլխացն, թէ  
 Մուշկան Նիւսաւրաւորա և Գո-  
 զրվճն են. սային գիտել և զայն  
 եւս<sup>1</sup>, սթափութեամբ հասանել  
 'ի միջոյ կողման աշխարհիս: Զոր  
 լուեալ երանելոյ սպարապետին  
 Հայոց և որ ընդ նմայն էին, եւս  
 առաւել ճեպէին երթալ ընդգէմ  
 նոցա. նախ վասն վաղվաղակի պա-  
 տահելոյ նոցա ժամու մարտիրո-  
 սութեան. քանզի անձանձրոյթ  
 աղօթէին հանապազ 'ի տուէ և 'ի  
 գիշերի, լինել արժանի այնպիսի  
 մասին երկնաւորի. և երկրորդ՝ ա-  
 սէին, թերեւս անդէն 'ի տեղւոյն  
 'ի Հեր և 'ի Զարաւանդ գաւառին՝  
 վճարին ելք գործոյն պատերազ-  
 մին. և ոչ ոք վնէր արդել զօրուն  
 Պարսից հասանել յաշխարհն Հա-

1. Պահանջի յաւելուլ էլիկ հատն:

յոց սպանութեամբ և գերելով  
 յարձակել և զնասել: Եւ սոցա  
 թէպէտ և ածեալ զայսպիսի ինչ  
 զմտաւ՝ կամէին փութալ, սակայն  
 եւս աւաւել ստիպով եկեալ հա-  
 սանէին գուճոյն Պարսից՝ ՚ի գաւա-  
 ուրն Արտաղ, հուսալ ՚ի գեօղն որ  
 կոչի Աւարայր, ՚ի շրջափակ տեղի  
 Տղմուտ դաշտին, զոր ընտրեաց  
 յաղագս երկիւղի զօրացն Հայոց.  
 ամուր՝ ապաստանի անձանց հա-  
 մարէին պատշաճ, և ՚ի միջի նորա  
 ածեալ զակիշ բանակէին:

ԸԸ. Իսկ ՚ի յաւուր ուրբաթու  
 մեծի տօնին պենդէկոստէին՝ գի-  
 մեալ հասանէին մերձ ՚ի նոյն տե-  
 րիս զօրքն Հայոց, գտեալ անպատ-  
 րաստադոյն զզօրան Պարսից. որոց  
 թէ կամեցեալ էին՝ կարող էին՝  
 մանաւորապէս զնասել երամակ-  
 արձակ ծուլացելոցն, բայց թոյլ  
 տուեալ դադարեցին յայնմ ա.

ւաւր • քանի որ էր եղեալ 'ի  
 մտի նահատակութեան փափաքո-  
 ղաց՝ այնուհետեւ յալթել, վասն  
 տեսանելոյ հանապազօր զհապեկո-  
 թուացն զապականուին, այլ միշտ  
 և հանապազ 'ի կէտ կոչման և տեն-  
 ջալի մարտիրոսութեանն փութա-  
 նային հասանել:

Եւ ժողովեալք այնուհետեւ մօտ  
 աւ զօրան Պարսից բանակէին, մինչ  
 եղեալ սահմանն ընթացից սուրն-  
 ջեանն կատարէր: Եւ հասեալք 'ի  
 ժամ երեկոյին, և զկանոն պաշտա-  
 ման ժամու աղօթիցն ըստ սովո-  
 թութեանն լցեալ՝ զուարճանային  
 չափաւոր ուրախութեամբ կերա-  
 կրովքն: Եւ կատարեալ զամենայն՝  
 առնուին հրաման 'ի սուրբ քահա-  
 նայիցն արթուն ինդրուածովք  
 կատարել զդիշերն յաղօթս: Եւ  
 զցայդն ամենայն դասք քահանայի-  
 ցն՝ մերթ սաղմոսարանին գորդա-  
 յիւք, մերթ վարդապետական բա-  
 նիւք քաջալերելն զբազմութիւն

զօրացն, վայր մի քաջանալ և սն-  
 սպան բարեացն լինել ժառանգա-  
 ւոր: Իսկ սուրբ երէցն Յովսէփ,  
 որ և վկաթուղիկսուլթեանն Հա-  
 յոյ ունէր զաթու, հրաման տայր  
 երանելոյ ան Աստուծոյ Ղեւոն-  
 գի խրատել զժողովուրդն և քա-  
 ջալերել: Եւ սուրբ երէցն Ղեւոնդ  
 զամենայն զգիշերն անձանձրոյթ ա-  
 ռաքելական վարդապետութեամբ  
 զօրացուցեալ ուսուցանէր զամե-  
 նեսեան յորդաբուխ իմաստու-  
 թեամբ, առական մեկնութեամբք,  
 հոգեշնորհ վարդապետութեամբ.  
 որոյ բանքն նման քաղցրութեան  
 մեղու բղխելն 'ի բերանոյ արդա-  
 րոյն, որ էր լսողացն ցնծութիւն.  
 և ախորժաբար զնա ծանուցանէր  
 վերին ազդեցութեամբ լուսաճա-  
 ճանչ պայծառութիւն 'ի նմա ներ-  
 քին մարդոյն, և տեսակութիւն  
 հրեշտականման երեսացն կերտա-  
 րանի: Զոր և յառաջադոյն ժամա-  
 նակի կալով 'ի քուն սրբոյն, ոյճն

Աստուծոյ Մաշթոց վարդապետն  
 նորին՝ հանդերձ աշակերտօք իւ-  
 րովք երանելեաւն կորեամբ և Ար-  
 ձանաւ, տեսանէին արժնուժք՝  
 ճառագայթեալ շուրջ զնովաւ լոյս  
 սաստիկ՝ որք անդէն և անդ ծա-  
 նեան երանելի արքն Սուրբ Հո-  
 վով զվախճան սրբոյն թէ նահա-  
 տակուժեամբ կատարի. զոր թէ-  
 պէտ և նմա ոչ յայանեցին զսքան-  
 ջելագործութեան զտեսութիւնն,  
 սակայն՝ ի բազում շնչելն՝ պատ-  
 մեալ հուշակեցաւ բան երեւմանս  
 այսորիկ: Ար յուսուցանելն իւ-  
 թում բազում բանս հոգեւորս՝ յի-  
 շեցուցանէր ամենեցուն զվարս և  
 զժուժկալութիւն աւաջնոցն. և  
 նախ զանպատուին զհամբերու-  
 թիւն սրբոյն Գրիգորի, ապա զայ-  
 լոցն ամենեցուն. Արոց գիտացեալ  
 տակ, զվաղ և զանագան կենցաղոյս  
 զվախճան՝ ընտրեցին ըմբռնել զյա-  
 ւիտենից կեանսն: Ամանք տանջա-  
 նօք և մահուամբ, ոմանք պահօք և

գեանառարած անկողնօք, այլք աղ-  
 քատախրութեամբք՝ յանդէսս ընդ-  
 ունել զհրեշտակս արժանի եղեն.  
 և կէսք աշխարհաշինութեամբք,  
 և արդար դատողութեամբք է-  
 րեւեալ՝ ընտիր գասն Աստուծոյ:  
 Քանզի ոչ բոլորեցունց դիպի մար-  
 տիրոսութեան՝ Վիճակն, այլ ըստ  
 ժամանակի որպէս և բաշխէ վերին  
 տեսչութիւն: Եւ պարտին առող-  
 քն՝ արդար վաճառականութե-  
 գնել ընդ անցաւորիս դանանցն,  
 ընդ ապականացուիս զանանց բա-  
 րութիւնան: Իսկ պահեալքդ այժմ՝  
 մեծի և պատուական բաժակի,  
 փութացուք լինել արժանի՝ հա-  
 սանել ՚ի մասն ժառանգութեան  
 սրբոցն ՚ի լոյս. զորոց զպատուա-  
 կանութիւնն սաղմոսերգուն գոչէ  
 ասելով. Պատուական է առաջի  
 Տեառն մահ սրբոց իւրոց: Ահա և  
 ճգնասէր Գրիգորիոս վարդապետն

ձեր կողքէ զձեզ յերկնային քաղաքն  
Երուսաղէմ, յամենաանց և ա-  
նուշահոտ ընթրիան Քրիստոսի,  
ուստի մերժեալ են ցաւք և տըրտ-  
մութիւնք և հեծութիւնք:

Բաղու՛մ և այլ բանիւք հոգեւի-  
նօք և շնորհօք վարդապետութիւնք,  
քաջալերէր զիւրաքանչիւր ոք 'ի  
մեծամեծ աւագանոյն Հայոց՝ սուր-  
բն Նեւոնդ, հանդերձ երանե-  
լեան Յովսէփաւ. որ թէպէտ և  
զձեռնադրութիւն երկցութեան  
ունէր, սակայն յաթոռ կաթոռ  
դիկսութեանն էր վիճակեալ ար-  
ժանաւորապէս: Արոյ՛ խրատեալ  
և զօրացուցեալ հոգեւոր բանիւք  
զամենայն գիշերն, լինէր ամենայն  
մտրդ 'ի կամաւոր լսողացն՝ վա-  
ռեալ որպէս աներկիւղ ամբու-  
թեամբ Սուրբ Հոգւոյն զինու:  
Արք զօրինադրեալ ժամս գիշերոյն  
կարծէին երկայնագոյն քան զայլ  
գիշերացն. տեսանել զառաւօտ  
փրկութեանն բողձային, որպէս

ղի հասեալք արբբեն զբաժակ ար-  
քայու թեանն երկնից :

Արոց աստուածաշնորհ բանից և  
մարտիրոսայորդոր վարդապետու  
թեան հրեշտականման տեան Յով  
սէփայ և 'Էւոնդի' մտադիւրու  
թեամբ լուեալ երանելոյն Վար  
դանայ տեան Մամիկոնէից , տայր  
պատասխանի . թէ , Սուրբ բահա  
նայից եկեղեցւոյ պատիւ ձեռնա  
դրութեան ոչ է 'ի մարդկանէ , այլ  
'ի Սուրբ Հոգւոյն յաշորդեալ շնոր  
հէ . նոյնպէս և բանք սոցա զամե  
նայն առողջ խորհուրդս լսողացն  
'ի յերկինս հայեցուցանէ . որպէս  
և այժմ իսկ զամենայն գիշերս ան  
հանգիստ ձայնիւ յորդորէին զա  
մենեւեան յերկնաւոր ընթրիսն ,  
յիշեցուցանելով մեզ զչարչարան  
սըն սրբոյն Գրիգորի . յորոց բա  
զումք որ աստ կամք , ոչ միայն ա  
շակերտք՝ այլ ասգախառնութեամբ  
եմք հաղորդեալք : Փութասցուք  
ժամանե՛լի հարսանիսն Գրիստոսի ,



և 'ի հրաւիրական' 'ի գունդ սուրբ  
 առաքելոցն, և յընթրատուն Քրի-  
 րիստոս, որ բացեալ զգունն ար-  
 քայու թեանն՝ սպասէ ընդունել  
 զամենեւեան և ուրախ առնել. ու-  
 թոյ ուրախութիւնն մշտնջենաւ որ  
 է և անանց և անվախճան: Փութաւ  
 ցուք սուանց յապաղելոյ, և մի ոք  
 նման Յուդայի՝ որ յառաքելական  
 դասուէն քակտեցաւ, նման նմա  
 գոցի. որպէս և յայսմ գիշերի տե-  
 սէք, որք մեղկեալ զկնի սատանայի  
 ընթացան: Այլ ես բաժակին՝ ու-  
 թում վաղնջուցն ցանկացեալն էի՝  
 փափաքանօք ընդունիմ, և ըստ գը-  
 րեցելումն գոչեմ. Չբաժակ փրը-  
 կութեան ընկալայց և զանուն  
 Տեան կարգացից:

Եւ զայս ամենայն այսպէս խօ-  
 սեցեալ սրբոյ զօրավարին, 'ի ժամ  
 հաւուն ասելոյ՝ հրաման տային  
 սուրբն Յովսէփ և Ղեւոնդ, հան-  
 դերձ ամենայն քահանայիւքն ըզ-  
 պաշտօն կանոնին կատարել, որով

Նապարակեալ վառեալ զինու շոգ-  
 ւոյն՝ յուզարկէին յաստուծա-  
 տունկ վայելչութեան դրախան։  
 Եւ հաղորդեալ զօրացն Շայոց ՚ի  
 պատուական խորհրդոյն մարմնոյ  
 և արեան <sup>1</sup>, ՚ի գործ առաջիկայ ի-  
 րացն փութանային։

Ըթ. Վասն զի մերձեալ էր այնու-  
 հետեւ ժամ ելլից արեգական, և  
 գունդն Պարսից ճակատել ՚ի պա-  
 տերազմն պատրաստէին և վառե-  
 ին։ Եւ սուրբն Վարդան տէրն Մա-  
 միկոնէից բաժանեալ զիւր գուն-  
 դըն յերիս յառաջս, միջոցի գըն-  
 դին կարգէր գլխաւոր զտէրն Արծ-  
 րունեայ, և զմարդպետն Միհր-  
 շապուհ՝ հանդերձ իշխանաւն Ար-  
 շարունեայ Արշաւրաւ և Երանելի  
 արամբն Արտակաւ իշխանաւն Մա-  
 կայ և այլ աւագ նախարարօքն, և  
 կողմանն աջոյ կարգէր աւագ՝ զե-  
 րանելին Մախազ Խորէն, հան-

<sup>1</sup> Յօր. պակասի Տեառն կամ Փրիւն։

դերձ երանելեաւն թաթլաւ տեա-  
 ւըն Վանանդայ և սուրբ արամբն  
 Ներսէհիւ Քաջբերունոյ, և այլ  
 աւագ նախարարօքն. և ընդ ահե-  
 կէն կողմանէ պատրաստէր զինքն  
 իւրով գնդովն և իշխանաւն Առա-  
 ւելենից Փափագաւ, և այլ իշխան  
 նախարարօքն Հայոց. քանզի յայն  
 կողմանէ աւաւելապէս երեւեր  
 զակնիշ<sup>1</sup> գնդին սիւնի զօրուն և այլ  
 զօրաւոր արանց նշանք գրօշիւն:  
 Եւ զՀամադասպեան զիւր եղբայ-  
 րն թողայր վերջապահ. և պա-  
 սուիրէր նմա մի զոք բռնադատել,  
 այլ յորդորել միայն բանիւք՝ յա-  
 զագս իւրեանց վրկութեան:

Եւ այսպէս բաժանեալ յերկա  
 յաւալս զզօրսն Հայոց՝ սրբոյն  
 Վարդանայ, և օրհնեալք՝ ի բերա-  
 նոյ սուրբ քահանայիցն, օրհնա-  
 բանելով զԱստուած, յարձակէին  
 ՚ի վերայ միմեանց երկօքին կողմանը

<sup>1</sup> Յօր. Կոտէլ:

քըն՝ Հայոց և Պարսից: Եւ ելեւեւ  
 լրս արարեալ այնուհետեւ, յա-  
 ռաջէին արք ցանկացողք մարտի-  
 րոսութեան պակին, և զգորսն  
 Պարսից ՚ի փախուստ դարձուցա-  
 նէին զառաջինն: Իսկ այլ բազմու-  
 թիւն զօրացն Հայոց՝ որք առ հար-  
 կի և ոչ կամաւ, մանաւանդ զի և  
 զայլս՝ յերկուանալոյ և դարձու-  
 ցանելոյ յետս՝ որք յերկնից բա-  
 րութեանց ցանկացեալք էին, ան-  
 դէն ՚ի փախուստ դարձեալ կորըն-  
 ճէին զյաւիտենից կորուստն: Եւ  
 տեսեալ զօրացն Պարսից զգուն-  
 դըն Հայոց լքեալս և պարտասեալս  
 առ ՚ի կոտորել զազգն իւրեանց,  
 հայեցեալ և յայն եւս՝ զի փա-  
 խուցեալ երթային զօրքն Հայոց,  
 ՚ի մէջ առեալ շուրջ վնոքօք պա-  
 տեալ ծովանային. ուր և ցանկա-  
 լի խնդրոյն դիպեալք՝ կառարե-  
 ին այնոքիկ: Ստիպով այնուհե-

1. Յօր. զայս. պակասին բառք ինչ՝

սեւ զհետ փախառելոցն Հայոց  
 անցանելին զօրքն Պարսից . որոց  
 հասեալ՝ զոմանս կոտորելին , և զայլ  
 ոմանս արգելեալ 'ի տեղի ինչ ամ-  
 րոց՝ արգելուին . որոց ոմանք հա-  
 տեալ զնիզակափակ գիշերոյն սա-  
 հապանացն , և զբազումս 'ի նոցա-  
 նէ կոտորեալ զնային ողջանդամք :  
 Եւ այգոյն 'ի փախառելոցն Հայոց  
 ձերբակալ արարեալ ածին 'ի բա-  
 նակն , և կոտորեցին սրով , և զայ-  
 լս բազումս արկեալ զփղօք՝ սպա-  
 նանելին . և մնացորդք փախառելի-  
 ցն յայլ և այլ տեղիս Հայաստան  
 աշխարհիս ցրուեցան :

Բայց ուրք 'ի ժամուն երանելի և  
 երկնաւոր կոչմանն եղեն արժա-  
 նաւորք ընդ սրբոյն Վարդանայ և  
 նահատակեցան , են այսոքիկ . յայ-  
 գէն Խորխոռունեաց՝ երանելին  
 Խորէն . յազգէն Պաշունեաց՝ երա-  
 նելի սեպուհն Արտակ . յայգէն  
 Քնդունեաց՝ երանելին Տաճատ .  
 յազգէն Դիմաքսենից՝ երանելին

Հմայեակ, յազգէն Քաջբերու-  
 նեաց՝ երանելին Ներսէհ, յազգէն  
 Գնունեաց՝ երանելին Վահան, յազ-  
 գէն Ընծայնւոյ՝ երանելին Արսէն,  
 յազգէն Սրուանձտայ՝ երանելին  
 Քարեգին: Եւ որպէս շատ խուզիւե-  
 բազում քննութեամբ հարցեալ և  
 ուսաք զնահասակելոցն թիւս՝ որք  
 'ի տեղւոջ պատերազմին պսակե-  
 ցան ընդ աւագ նախարարսն, եր-  
 կերիւր եօթանասուն և վեց այր:  
 Եւ զորս յամրոցացն իջուցեալ  
 սպանին սրով և կամ փղօք կոխե-  
 ցին, եօթն հարիւր և յիսուն այր.  
 որք լինին միահամուռ, հազար ե-  
 րեսուն և վեց այր<sup>1</sup>. զորոց իւրա-  
 քանչիւր անուն վարձահասոյցն Քը-  
 ռիասոս գրեալ պահէ 'ի դպրութե-  
 կենաց: Իսկ 'ի զօրացն Պարսիցն որք  
 անկան 'ի պատերազմին յաւուրն  
 յայնմիկ՝ զոր ստուգիւ համարեալ  
 պատմեցին մեզ տեղեկացեալք 'ի

1. Վարդանաւ հանդերձ 1056:

զօրագլխացն Պարսից, երեքհա-  
զարք հինգ հարիւր քառասուն և  
չորս այր:

Խ. Եւ յետ վճարելոյ այսպէս  
գործոյ պատերազմին, և մարդա-  
սիրին Աստուծոյ զիւր սիրելիսն  
առ ինքն կոչելոյ, հրովարտակ առ  
նէր Մուշկան Նիւսապաւուրս առ  
Թագաւորն Արեաց Յազկերս, և  
զելս գործոյ պատերազմին գիտել  
տայր, գրեալ զյաղթութեանն ա-  
ւետիս, և յանուանէ զհամար տն:  
կելոցն յերկոցունոց կողմանցն պա-  
տերազմին: Զոր լուեալ արքային  
Յազկերտի զկատորուսն,<sup>1</sup> լաւ ա-  
րանց 'ի գնդէն Պարսից և զմահ  
առն Վարդանայ, յահաւոր սուգ  
ընկզմեալ խռովէր, յիշելով զքա-  
ղութիւն առնն, և զլաւութիւնն՝  
զոր արարեալ էր ընդ թշնամիս  
բազում անգամ 'ի վերայ աշ-  
խարհին Արեաց՝ եցոյց: Պատաս-

1. Յօր. խորարումն:

խանի առնել հրամայէր հրովար-  
 տակին, և զՄուշկան Նիւսաւա-  
 ւուրս հանդերձ գնդաւն ՚ի դու-  
 ւրն կոչէր: Եւ զԱարորմիզդ ոմն ա-  
 նուն՝ յաշխարհէն Հայոց՝ մարզ-  
 պան հրամայէր թողուլ, որում  
 յանձն առնէր հրովարտակով ըզ-  
 մարդիկն Հայոց՝ ջնդոսառցանել,  
 այլ սիրով նուաճել, և զպաշտօն  
 քրիստոնէութեանն համարձակա-  
 պէս առնել ամենեցուն: Եւ սե-  
 սեալ Մուշկանայ զհրովարտակն  
 թագաւորին Յազկերտի, և լուեալ  
 զբանսն ՚ի հրովարտակէն, կացու-  
 ցանէր ՚ի Հայս մարզպան զԱարոր-  
 միզդ Արշական, և զիրս ամենայն  
 ըստ գրեցելոցն ՚ի հրովարտակէն  
 թագաւորին՝ նմա յանձն առնէր:  
 Իսառնայր Մուշկանն հանդերձ ա-  
 ւագանովն և այլ ամենայն գնդիւն  
 յերկիրն Պարսից: Եւ մնացեալ  
 Աարորմիզդ մարզպան աշխարհիս  
 Հայոց, բազում թուղթս խաղա-  
 դութեան առնէր ՚ի տեղիս տեղիս



Հայոց աշխարհին թէ, եկայք շինե-  
ցարուք աներկիւղութեամբ, և մի  
ինչ վարհուրիք. յորս գրէր և կրն-  
քէր աւետաւոր բանս, շնորհել ա-  
մենեցուն զկարգ քրիստոնէու-  
թեան, որպէս և կամիցի ըստ իւ-  
րաբանչիւր կամաց: Արք 'ի համ-  
բաւն՝ ինդութեամբ 'ի Պարսից և  
'ի Սիւնեաց՝ ժողովեցան ամենե-  
քեան:

ԽԱ. Սա և 'ի վերայ ժողովելոցն  
աւերանելին Հմայեակ յամուրան  
Տայոց՝ Կուռդ կազմէր այրընտիր  
բազմութեամբ 'ի Պարսից և 'ի Սիւ-  
նեաց. և յերկուս բաժանեալ ըզ-  
գունդն՝ կարգէր նոցա զօրագլու-  
խըս զԱրտէն գաբեղեան և զՎա-  
րազշապուհ պաշտնի: Քանզի բազ-  
մութիւն փախատելցն Հայոց, նախ-  
արարք և սեպուհք, սասանիկք և  
ուամիկք՝ գիտեալ 'ի յերկիրն Տա-  
յոց, ժողովին աւ Հմայեակ եզ-  
բայր սրբոյ զօրավարին Վարդա-  
նայ, որ էր յամեալ յաշխարհին

Յու՛նաց, ինդրե՛լ զօրս 'ի թագաւորէն, ըստ յառաջագոյն գրեւոյն 'ի կարգի: Արք երթեալք յանդիման եղեն թագաւորին թէոգոսի. որոյ լուեալ զպատճառ նոցա երթիցն, սիրով լսէր 'ի նոցանէ, և յանձն առնոյր 'օգնել նոցա գընդիւ. և մինչդեռ պատրաստէր զիրրս խոստմանն, հասեալ վախճան սրբոյն՝ վճարէր 'ի կենցաղոյս: Եւ թագաւորէ փոխանակ նորա Մարկիանոս, որոյ և տեղեկացեալ նորա զպէտս ինդրոյն իրայն Հայոց, հարցանէր զաւագս դրանն, թէ որպիսի թուի ձեզ պատասխան առնել արանցդ եկեւոց յաշխարհէն Հայոց առ ձեզ: Պատասխանի տուեալ Անատոլեայ՝ որ 'ի ժամուն ասպարապետ էր Անախոքայ, և Փլորենաի ուրումն առն՝ ասորիադ գաւ, որ էր աւագ դրանն թագաւորին, և ասէն. Մեզ ոչ թուի հաճոյ արհամարհել զուխտ և զհաստատու թիւն, զոր 'ի բազում ժա.

մանակաց գրեալ և կնքեալ է աւ-  
 ւաջին թագաւորացն, և գրգուել  
 պատերազմաւ իրս մի խաղաղա-  
 ցեալս, և ՚ի բաց հանել զաշխարհ  
 մի ՚ի ծաւայու թե՛նէ թագաւորին  
 իւրեանց: Այլ և զելս անյայտ ի-  
 րացդ սարս է ամել զմտաւ, զոր  
 ոչ ոք կարէ գիտել, թէ որպէս՝  
 գիւրեաւ և կամ սաստիկ սղտոր-  
 մամբ պատերազմդ եղեալ վճա-  
 րեսցի: Եւ զայս այսպէս ասացեալ՝  
 կատեցուցին զմիտս թագաւորին,  
 և մնասեցաւ ակնկալու թիւնն Հա-  
 յոյ՝ որում ուշ եղեալ մնային, և  
 ոչ պատահեցաւ: Եւ մինչդեռ յա-  
 պաղեալ էր զբոյջ պատասխանոյն  
 այսպէս, հասեալ գործ պատե-  
 րազմին Հայոց և Պարսից՝ կատա-  
 րէր:

Եւ տանուտեարքն Հայոց և նախ-  
 արարք, որք երթեալն էին յաշ-  
 խարհն Յունաց, իւրե տեսին՝ թէ  
 ոչինչ օգտեցան յաղազս որոյ աշ-  
 խասն եղեն, դարձան և վու թա-

յին գոնեայ՝ ի յուսոյ փրկութե-  
 նէն չվրիպել, այլ զի արժանի լիցին  
 ընդ ընկերս իւրեանց ըմպել զմար-  
 ախրոսութեան ըստակն: Եւ ոչ  
 ժամանեալ ՚ի գործ ժամու պա-  
 տերապմին, առ վայր մի առ լե-  
 ըամբն որ կոչի Պարխար՝ մերձ առ  
 սահմանակցութիւնն Սաղոտեաց՝  
 ամրադոյն տեղի մի գտեալ դադա-  
 լեցին, թէ սրպէս առաջիկայ իրացն  
 մարթացեն պատրաստել: Յորոչ  
 վերայ տեղեակ առաջնորդօք ե-  
 կեալ զցայգն, և ընդ ծագել առա-  
 ւօտուն պատրաստքն զինուք անկա-  
 նէին ՚ի վերայ այնց նորին ընկե-  
 րաց՝ Հմայեկայ Մամիկոնէի, ՚ի  
 գիւղն որ անուանի Արջնհաղ՝ ՚ի  
 գաւառին Տայոց. քանզի ՚ի ժա-  
 մուն իջեալ էին ՚ի յամրոցայն լե-  
 ըինն Պարխարայ. որք՝ փախստէի-  
 ցն ճեպով յիւրաքանչիւր երիվա-  
 ըրս հասանէին: Ոմանք մերկան.

դամք և ոմանք զինեալք հարկա-  
 նէին 'ի զօրացն Պարսից . և դար-  
 ձուցեալ ընդ կրօննկն անդէն փա-  
 խըստականս առնէին . յորոց ըզ-  
 բազումս անդէն 'ի շինամիջին և  
 զայլս 'ի մէջ այդեստանոյն յերկիր  
 կործանէին : Անդ զկատարելութի-  
 պսակն ընդունէր , զոր երանելի  
 սեպուհն Հմայեակ՝ փափաքանօք  
 և բազում ցանկութեամբ խնդրէր ,  
 ժամանել զկնի սուրբ եղբօրն իւ-  
 թոյ , և վաղվաղակի լսելի վնէր .  
 զի հայեցեալ Աստուծոյ 'ի փափաք  
 անն՝ կատարէր զհայցուածսն , և  
 պսակէր զսուրբն :

Իսկ զօրն աւխտապահացն որք  
 առ սրբոյն Հմայեակի ժողովեալ էին ,  
 իբրեւ տեսանէին զիրան՝ 'ի սուգ  
 մեծ մտեալ 'ի վայր կործանէին ,  
 ջունելով ամենուէն յոյս ինչ միսի-  
 թարութեան . այլ սննդամբ անձին  
 այր իւրաքանչիւր զվճիռ վատ մա-  
 հու և շարաշար կորստեանն կա-  
 տարեալ տեսանէր . զարհուրեալք

անդէն 'ի վեր 'ի լեան դառնային  
 'ի Պարխար, հայթայթանս իմն  
 առ չարի, և սուգ պատճառանայ  
 մեծի և ահաւոր հասելոյ տրամու-  
 թեան հաշուէին: Եւ լուեալ Ատ-  
 րորմից ին մարգարանին Հայոց զայն-  
 չափ լաւ արանց զծախս 'ի գնդէն  
 Պարսից և Սիւնեաց, թէպէտ և  
 սասաիկ տրամութեամբ խռովէր,  
 այլ յարժամ լսէր զվախճան հրա-  
 ժարելոցն սրբոյն Վարդանայ և  
 Հմայեկի, միսիթարեալ ուրախա-  
 նայր մեծապէս, ճանաչելով զբար-  
 ձումն սպառապուռ քաջ զօրավա-  
 րացն:

Ի Բ. Խորհուրդ 'ի մէջ առեալ  
 թէ ՚րպէս հնարեացին որսալ զար-  
 սն փախստականս առանց Արեաց  
 կռուոյ, և ընթանել ըստ կամաց և  
 'ի հարկատրութեան կացուցանել  
 զաշխարհս Հայոց, և յայս միտս  
 հաստատեալ կային, թէ բայց մի-  
 այն սուտ երդմամբ և սնտախի խոստ-  
 մամբ հաւանեցուցանել զմիտս որե-

րոյն՝ կարասցեն աւանց կռուոյ :  
 Առաքելք առ նոսա մարդկանն Ատ-  
 րորմիլղն 'ի բանէն արքային Յազ-  
 կերտի, և երդնոյր նոցա դաւով  
 թէ ոչ զոք սպանանեմք 'ի ձէնջ, և  
 ոչ զսէրու թիւնդ և զսխալու հա-  
 նեմք յուսմէք : Եւ այսպէս նեն-  
 դով նուաճեալ զմարդիկն՝ կալաւ  
 զամենեւեան և տայր խաղացուցա-  
 նել 'ի դուռն Արեւոյն. զիշխանն  
 մեծ Արծրուեաց զՆերշապուհ, և  
 զիշխանն տանն Վանանդեաց, և զիշ-  
 խանն տանն Արշարուեաց զԱրշա-  
 ւիր, և զիշխանն տանն Անձեւա-  
 ցեաց զՇմաւոն, և զիշխանն տանն  
 Ամասուեաց զՎահանն, և զիշ-  
 խանն Գնիթուեաց, և զիշխանն  
 Աշոցայ, և զիշխանն Առաւելենից  
 զՓափաք, և զիշխանն Տաշրայ ըզ-  
 Վրէն, և զիշխանն Արծրուեաց  
 զԱպրսամ, և զայլն 'ի տանուտե-  
 րացն և յաւագ սեպհացն, խաղա-  
 ցուցանէին 'ի դուռն թագաւորին  
 Յազկերտի : Կամեցեալ շու առ-

նէլ գնալ 'ի գուռն և խնքն նեն,  
 դաւոր իշխանն Սիւնեաց Վասակ,  
 բայց նախ տայր խաղացուցանել  
 յառաջագոյն քան զինքն:

Իսկ 'ի սուրբ քահանայեցն Հա-  
 յոյ՝ զորս կալեալ էր նախագոյն և  
 եղեալ 'ի տեղիս տեղիս յամուրս  
 բերդիցն Սիւնեաց, զսուրբ Երէցն  
 Յովսէփ, որ զկաթուղիկոսու-  
 թեանն ունէր զաթու 'ի Ժամուռ,  
 և զտէր Ղեւոնդն, և զքահանայսն  
 Արածայ զտէր Սամուէլ և զտէր  
 Աբրահամ. ընդ որս կալեալ տանե-  
 ին և զսուրբ Եպիսկոպոսն Հարշ-  
 տունեաց զտէր Սահակ, և զդրան  
 Երէցն իշխանին Արծրունեաց Ներ-  
 շապէոյ՝ զտէր Մուշէ, և զսուրբ Ե-  
 րէցն Արշէն և զսուրբ սարկաւազն  
 զՔաջաջ: Բայց զսուրբ Եպիսկոպո-  
 սըն Բասենոյ զտէր Թաթիկ՝ էր  
 յառաջագոյն տուեալ տանել զՕ-  
 րագլխացն Պարսից 'ի Խուժաս-  
 տան, ըստ քսելոյ իշխանին Սիւ-  
 նեաց, և անդ խիտ կապանօք պա-



հէր: Տայր խաղացուցանել և ըն-  
աղայան, զոր կաշեալ էր իւր 'ի  
սոհմէն Մամիկոնէից և Աամսա-  
րականայ, և 'ի յայլ սոհմէ իշխա-  
նացն Հայոց. կարծեցեալ սուներ  
մեծապէս սպաս թագաւորին Յազ-  
կերտի և ամենայն աշխարհին Ա-  
րեայ, և անուր զպատիւ թագա-  
ւորութեան և զպարգեւս: Որ  
եւս սուսաւ լապէս ելել նմա յԱս-  
տուծոյ աճուսն ձաղանայ՝ յաւուր  
թշնամանայ իւրոց, յորժամ նշա-  
ւակեալ խայտառակեաց զնա Յազ-  
կերտ՝ ամենայն աւազանով գրանն,  
լատ աներեւոյթ սաղրելոյ նոցա  
'ի վերուստ ազգեցութեան արդա-  
լադատին Աստուծոյ:

Արդ խաղացուցեալ զնոսա զա-  
մենեւեան սուաշի իւր յերկիրն  
Պարսից՝ նեմդաւորն Ասասկ, յե-  
րէքտասաներորդումսմի Յազկեր-  
տի արքային Պարսից, և ինքն չու-  
արարեալ սաստիկ կաղմութեամբ  
և ուժգին ախիւք, մերձ 'ի հասա-

ներն առ թագաւորն Պարսից, և  
 զկարծեցեալ զխաբէական զիւր  
 զմիամտութիւնն ծանուցեալ թա-  
 գաւորին և աւագանոյն Արեաց,  
 և առնուլ վարձս ըստ մոլեկան  
 խորհելոյն իւրոյ՝ զթագաւորու-  
 թիւնն իսկ Հայոց: Ապա թէ յայն-  
 մանէ վրիպեալ ինչ, ասէ, գտա-  
 նիմ, համայն զայլն ամենայն զպա-  
 տիւ և զգահս առանց ամենայն  
 երկբայութեան և յերկուանալոյ  
 գտանեմ, և իմ են: Եւ զսէր Աս-  
 տուած ոչ հարցեալ, որ ասէ մար-  
 գարէիւն, թէ, թագաւորեցին և  
 ոչ ինչ, և դաշինս կռեցին՝ և ոչ  
 իմով կամաւ. որում՝ ի ժամ պա-  
 տահելոյ նենգաւորին, ըստ իւ-  
 ըում կարծեաց, այսպիսի մեծա-  
 մեծ պատուոյ, յառաջեալ արդա-  
 ըստինդիր բանն Աստուծոյ, և զդի-  
 մակս նենգաւոր խորհրդոց նորս  
 մերկացեալ՝ զրուեալ վեր ՚ի վայր  
 տապալեաց զամենայն դառն մտա-  
 ծութիւնս առն, որպէս զվայրա-

Թոյն խորհուրդն Ակիտովիւնայ :

Յւարդ ելեալ սա զմիջոցաւ ճա,  
 նապարհին, ուր զսուրբ քահա-  
 նայան ասնէին կապեալս, նստու-  
 ցեալս 'ի մերայ ջորոց, և բազմու-  
 թիւնք չուեւոցն՝ որ էին ընդ անօ-  
 բինին Վասակայ, հասին նա հատա-  
 կացն Քրիստոսի : Յւ նոցա հար-  
 ցեալ՝ եթէ ո՞յր է բազմութիւնս  
 այս, լուան 'ի մարդկանէ թէ Սիւ-  
 նեաց անասնն է, և նոքա ասնն .  
 Աւարդիկ մօտ առ մեզ գայ : Կրու-  
 եալք՝ 'ի հարցանելոյ սուրբքն,  
 ճանապարհին ուշադրէին. և սուր-  
 բն Յովսէփ հարցանէր ցայրն Աս-  
 տուծոյ՝ Աւուսնդ, թէ, Քիտեմ թէ  
 հասեալ գայ 'ի մեզ Վասակ՝ լրբի  
 անամօթութեամբ սրտիւ գալ առ  
 մեզ յողջոյն, և քոյ զմտաւ ածեալ  
 որպէս պարտ է անել զմեզ հրամա-  
 յեա, և այնպէս առնեմք մեք : Յւ  
 սրբոյն Աւուսնդի պատասխանի սը-

ւեալ ստէ. Չվարդապետութիւն  
 Փրկչին մի ինդրեր աւասնել 'ի  
 մարդոյ. Յոր քաղաք կամ գետ  
 մասնիցէք՝ ողջոյն սաացէք. և ուր  
 քացի որդի ողջունի, հանդիցէ ող-  
 ջոյնն ձեր 'ի վերայ նորա, ապա  
 թէ ոչ իցէ արժանի՝ առ ձեզ դարձ-  
 ցի ողջոյնն: Եւ այն ինչ կատարեալ  
 նոցա վհարցուածսն առ միմեանս,  
 եկեալ հասանէր առ նոսա նենդա-  
 րըն Վասակ Սիւնեաց տէր, և տե-  
 վեկացեալ 'ի նոցանէ՝ վաղվաղակի  
 իջանէր յերկարէն և ողջունէր  
 զսուրբսն. որոց ոչինչ բնաւ կար-  
 ծեցուցեալ թշնամութիւն ընդ  
 նմա՝ յոյժ ինդալից սիրով տեսա-  
 նէին զնա: Եւ մանաւանդ սուրբն  
 Ղեւոնդ, որոյ անտրտամ և զը-  
 ւարթերես միշտ տեսակիւր, և ա-  
 խորժակ բանիւ լլջմտութեամբ  
 իսուէր երկարս ընդ Վասակայ Սիւ-  
 նեաց իշխանին: Ար իբրև լիէր ըն-  
 քաղցրաբանութիւնն և գշտուհալի  
 բանս երանելոյն՝ խելացնորեալ 'ի

դիւէն՝ կարծեաց թէ սոքա ոչ գիտեն իսկ զիմ արարեալ ՚ի սոսա ըզջարիս. յաղագս որոյ և առաւելագոյն մխիթարեալ ՚ի բանից առն Աստուծոյ Ղեւոնդի, երթայր ընդ նոսա երկարագոյնս:

Եւ յետ կատարման իրօսիցն՝ կամեցեալ կոչել զնոսա Սիւնեաց տէրըն, զորս և յաւուրն յայնմիկ ազաչեաց զսուրբն ճաշել ընդ նմա յօթեւանին: Եւ յառաջեալ սակաւ մի նենգաւորին Վասակայ ՚ի նոցանէ, ձայն զկնի եդեալ սրբոյն Ղեւոնդի՝ կոչեր զնա պատուոյն անուամբ մեծաձայն. Սիւնեաց տէր, Սիւնեաց տէր: Եւ նորա յօժարասէս պատասխանի արարեալ. Տեարք, զինչ ասէք. և սրբոյն ասացեալ. Չամենայն ինչ մեր ասացեալ ընդ քեզ՝ զպիսոյսն և զառաւել օգտակարսն մտացաք հարցանել, թէ ո՞ւր երթաս: Եւ նենգաւորին Վասակայ լուեալ զայս և ՚ի մեծ տրամուծիւն ըն-

կըղմեալ՝ ասէր զարմայումբ. Առ  
 տէրն իմ երթամ, գտանել 'ի նմա  
 նէ ըստ արժանի մեծ վաստակոցն  
 զհատուցուին մեծ: Եւ սրբոյն  
 Ղեւոնդի պատասխանի տուեալ  
 ասէ. Կարծեցուցանէ՞ զքեզ դեւդ՝  
 որ պատրեալ սաղրեաց զքեզ նեն  
 գել սուրբ աւետարանին ուխտի,  
 թէ արդ միայն թողաւորութի  
 աշխարհին Հայոց կարեն Արիք  
 աալ քեզ ըստ արժանի վաստակոց  
 քոց զհատուցուին. այլ և ոչ մի  
 ինչ է որ կարեն աալ քեզ փոխա  
 րենս. բայց թէ արդարեւ դու կեն  
 դանութեամբ զգլուխդ 'ի վերայ  
 ուսոցդ 'ի Հայս տանիս, ապա ընդ  
 իս տեառն Աստուծոյ չէ խօսե  
 ցեալ: Եւ զայս լուեալ նենգաւոր  
 իշխանին Վասակայ, վհատեալ  
 խզեցաւ ամենայն սնտախ յոյսն  
 իւր. և անդէն ծանեաւ զբեկուին  
 անձին իւրոյ, որ մերձ ընդ մերձ  
 հասանելոցն էր 'ի վերայ նորս:

Քանզի ոչ վրիպէր բան սրբոյն,  
մինչեւ կատարէր ամենայն:

ԽԳ. Եւ արդ հասեալ 'ի դուռնն՝  
նենգաւոր իշխանն Սիւնեաց, և  
տեսեալ նախ զաւարանի դրանն  
արքունի, մտանէր և աւաջի թա-  
գաւորին Յապկերտի. ընդունէին  
զնա թագաւորն և ամենայն մեծա-  
մեծքն արքունի՝ առ վայր մի մեծա-  
րանօք և շքեղութեամբ: Աի թէ-  
պէտ և գիտէին զվրաս նորա և զեր-  
դումն, և զուխտն զոր ուխտեալ  
էր նենգութեամբ ընդ սրբոյն Վար-  
դանայ և ամենայն իշխանաց աշխար-  
հին Հայոց՝ յաղագս զնոսա կորու-  
սանելոյ և զինքն հաւատարիմ՝ ցու-  
ցանելոյ, սակայն ոչինչ պգացու-  
ցեալ տային գիտել նմա. այլ լա-  
ւութեամբ՝ որպէս զանգէաս պա-  
տուէին զնա՝ որպէս զայր հաւա-  
տարիմ և բարեգործ, մինչեւ ա-  
ծեալ հասուցանէին 'ի դուռն ըզ-

1. Գուցէ լուս-թեամբ:

սուրբ քահանայան Աստուծոյ, և  
 զաւագս 'ի տանուտերացն Հա-  
 յոց, 'ի սեպհացն՝ որ սպասամբն  
 էին, ընդ նոսին և 'ի տոհմէն Մա-  
 միկոնէից և Ամսարականաց և  
 յայլ ազգաց զողայ մանկուանս ա-  
 պրտամբացն, զորս նախագոյն տա-  
 րեալ նենդաւորին կացուցանէր ա-  
 ռաջի հաղարապետին Միհրնէրսե-  
 հի և այլ աւագանոյ գրանն:

Եւ անորէն հաղարապետն Ա-  
 րեաց հրամայէր նախ զքահանայան  
 ածել զառաջեաւ. և հարցանէր  
 զսուրբ երէցն Արածայ զՍամուէլ,  
 և զնորին զհոգւոյ որդին զսուրբ  
 սարկաւազն զԱբրահամ, որոյ ըզ-  
 կրակն անցուցեալ էր զԱրտաշա-  
 սու. Արախի՛ համարձակութեամբ  
 և նր հրամանաւ իշխեցէք գործել  
 զայդպիսի մահապարտութն գործ,  
 և ոչ ածէք զմասաւ զահ թափաւո-  
 րաց և զերկիւղ իշխանաց, և այն-  
 պիսի մեծ կրակի իշխեցէք ձգել  
 զձեռս ձեր. զի թէ մարդոյ ելեալ



էր այնպիսի յանդգնութիւն՝ հա-  
 մայն սրժանի մահու էր գործն,  
 թող թէ յաստուածան: Աւ ք-  
 ւեալ զայս սրբոցն երկոցունց, տեա-  
 պն Սամուէլի և Աբրահամայ, ե-  
 սուն պատասխանի միաբանութիւն՝  
 էր ինչ որ ստուգախօսութեամբ,  
 և էր որ ետերանօք, ցուցանելով  
 զիւրեանց աներկիւղ համարձա-  
 կութիւնն, և լսողայն զանպայա-  
 բար հարցմամբն ծիծաղելով: Ա-  
 սէն. Արկնչէլ զերկիւղ վարժանն և  
 զարդար 'ի թագաւորաց և իշխա-  
 նաց, նոյն օրէնքն մեր հրամայեն.  
 բայց զԱստուծոյ երկիւղն փոխա-  
 նակէլ ընդ երկիւղի մարդոյ՝ ոչ  
 առնումք յանձն: Իսկ յալազս  
 կրակիդ՝ որ սակք ցմեզ թէ սպա-  
 նէք, մէք զկրակն ոչ գան հարկա-  
 նելով և ոչ չարաչար խոշտանգանս  
 ածելով նմա՝ զուսեցաք ինչ. այլ  
 հայեցեալ 'ի ժամանակ ամբոխին  
 և 'ի սպասաւորաց վառթարու-  
 թիւնս, որք առ ոչինչ համարեալ.

դերկիրա աստուածոցն իւրեանց՝  
 թողին զնա որպէս ոչինչ արհա-  
 մարհանօք, և ինքեանք դնացին՝ և  
 մեր տեսեալ միայն զկրակն առանց  
 մարդոյ՝ մոխրեալ, և այնպէս կա-  
 ցեալ՝ ի բազում աւարտ ասանց  
 ուրուք ինամ տանելոյ, առաք ըս-  
 մոխիրն հեղաք ՚ի բաց. վասն զի  
 գայն ՚ի նորին սպասաւորացն տե-  
 սանէսք հանապաղօր՝ կրելով ցանկ  
 զմոխիր և հեղով յերկիր: Բայց  
 որպէս չարախօսացն մերոց խնա-  
 ցուցեալ է ձեզ զմէնչ, թէ աւեալ  
 զկրակն ՚ի ջուր վարեցին, յայդմ  
 բնաւ իսկ չէ արժան արդարադա-  
 տութեանդ ցանուլ մեզ և առ  
 մահապարտս ունել, այլ գովու-  
 թեան և պատուի առնել արժանի:  
 Այլ թէ արդարեւ ըստ ձեր բանկցդ՝  
 զոր լուեալ է յուսուցչացն ձերոց՝  
 խօսիք, և ճշմարիտ է վկայութիւնն  
 այն, և զի եղբայր է ջուր կրակի,  
 մեր ոչ միայն զի անյուցեալ չէ և  
 վստեալ զկրակն, այլ և մեծա-

բեայ է զնա և բարի արարեալ :  
 Արդ թէ արժանի մահու են , այ-  
 նոքիկ ևն արժանի՝ որ թողին և  
 արհամարհեցին զկրակն և զնային .  
 և ոչ մեք որ սուաք և յեղբայր նո-  
 ղին սուաք՝ զի պահեսցէ սիրելա-  
 պէս և բողոժմ շքեղութեամբ , և  
 ՚ի ժամու տայէ ՚ի բաց :

ԽԳ. Հաս սմին օրինակի պատու-  
 հասեալ հարցումէին և զայլ սուրբ  
 քահանայսն Սատուծոյ , զսուրբն  
 Յովսէփ՝ զարդարե զկաթուղիկո-  
 սրն Հայոց , և զսուրբ եպիսկոպոսն  
 Հարշառնեայ զսէր Սահակ , և զս-  
 մենասուրբ երէցն զսէր Ղեւոնդ ,  
 և զայլ սուրբ քահանայսն՝ որք էին  
 ընդ նոսա ՚ի հարցմանն . զսուրբն  
 Սուշէ աղբակացի , որ էր դրան  
 երէց իշխանին Արծրունեայ Ներ-  
 շապհոյ , և զսուրբն զԱրշէն երէ-  
 ցըն , որ էր ՚ի գաւառէն Բագրե-  
 ւանդայ , ՚ի գեղէն որ կոչի Նղե-  
 գեակ , և զսուրբ սարկաւազն ըզ-  
 Քաջաջ , որ էր և նա ՚ի գաւառէն

Ռըշտուենեայ, աշակերտս սրբոյ է-  
 պիսկոպոսին Սահակայ, թէ Ռը-  
 պիսի աներկիւղ համարձակու թք,  
 անձամբ 'ի վերայ թշուաւացեալ  
 անձանց ձերոց զայդչափ բազում  
 մահապարու թիւնն գիլեալ կու-  
 տեցէք. աւերեցէք զատրուշանն,  
 սպանեցէք զայնպիսի ճոխ կրակա-  
 նի, որ յաստուածոց շնորհեալ  
 Արեայ աշխարհիս 'ի պահպանու-  
 թիւն վաս և միասակար իրաց, որ  
 'ի թշնամեայ ուստէք յարձակե-  
 ին 'ի վերայ մեր և ամենայն կող-  
 մանց, այն կրականոյն անմիաս պա-  
 հեալ էր զմեզ և պահէին: Սպա-  
 նէք զմոգեանն, կորուսէք ձերով  
 կախարդութեամբ զայնպիսի քաջ  
 այր զՎարդան, զի օգտակարու-  
 թիւն էր Արեայ տեառն. և զմե-  
 ծամեծ գործոց նորա յիշուին առ  
 Արեայ աշխարհին, զոր բազում  
 զօրագլուխք և այլ Արիք յիշեն,  
 ընդ որս և նորա կուլու եղեալ էր.  
 այլ և զոր իւր իսկ աստուածա-

նման տեսան իւրովք աչօք տեսեալ  
 էր 'ի Մարվիւոս<sup>1</sup> զնորա քաջա-  
 սրբաութիւնն: Սակաւ մարդիկ են  
 Արեաց աշխարհին, որ կարեն ա-  
 սել ըստ արժանի գովութեան յայ-  
 ըրն և 'ի նորա արարած. և դուք  
 ձերով անպիտան և զուսակար  
 ուամամբ թշուառացուցեալ կո-  
 ռուսէք զայնպիսի այր: Եւ յայնպի-  
 սի աշխարհի հեղան անթիւ ա-  
 ըիւնք և բազում Արեաց և Անա-  
 րեաց: Եւ արդ ոչ կարէք արդէօք  
 ձեզն ձերոյն անձանցդ գտանել  
 հնարս մահու և վճարիլ 'ի բարե-  
 ըրար լուսոյն, զոր անարժանու-  
 թեամբ և ոչ իրաւացի տեսանէք  
 այսօր, քան թէ սասաիկ և ըստ  
 արժանի ձերոց գործոցդ պատա-  
 հեալ բազում տանջանաց՝ վատա-  
 մահ լինիք:

Եւ լուեալ զայս ամենայն խօսս

1. Մերվի-ոսոս, գետ և քաղաք 'ի  
 Մարկիան աշխարհի Պարսից:

սպառնալիցս և զբանս պատուհա-  
 սալիցս զչարաթոյն հաղարապե-  
 սիւն Սրեայ Միհրնեբսեհի, և  
 զամենայն գրան աւագանոյն, յա-  
 ռաջ կայեալ այրն Աստուծոյ Ղե-  
 լոնդ ետ պատասխանի և սսէ. Սո-  
 քա ամենեքեան, որ կանս 'ի հարց-  
 ման առաջի իշխանութեանդ ձե-  
 լոյ, ընդ որս և դուք զբանս եր-  
 կարեալ իօսիք, ըստ օրինաց մերոց  
 և ըստ աստուածատուր հրամանի  
 կարգադրութեան եկեղեցւոյ՝ ո-  
 ռոշութիւն ունին ըստ քահանա-  
 յութեան պատուոյ: Աւ ծանու-  
 ցանելով զմի մի 'ի սրբոց՝ ցուցա-  
 նէր նոցա զիւրաքանչիւր ոք թէ՞  
 ոք է, և կամ զինչ է անունս ու-  
 ռուք նոցա, և թէ որպիսի աստի-  
 ճանաւ ըստ քրիստոնէական կար-  
 գի պատուեալ է: Քանզի և թէ-  
 պէտ, ըստ համբաւոյ լուեալ էր  
 նոցա զանուանս սրբոյն և զգործ  
 զիւրաքանչիւր ուրուք՝ զոր գոր-  
 ծեալ էր յաշխարհին Հայոց, սա-

կայն և անծանօթ էին անուանք  
 սրբոցն, և ըստ քրիստոնէութեան  
 օծմանն սնտեղեակ էին իւրաքիան  
 ճիւր պատուոյ: Եւ զսրբոյն Յով  
 սեփայ ասէր. Չսա զոր տեսանէ  
 քրս, թէպէտ և մանկագոյն քան  
 զիս տեսանէք սիօք, այլ պատուով  
 կարգեալ է արժանաւորապէս, և  
 գլուխ է ամենայն Հայոց քահա  
 նայութեանց: Եւ զսուրբն Սահակ  
 ցուցեալ ասէր. Սա զկարգ օծման  
 ըստ ճշմարիտ և արդարեւ քրիս  
 տոսատուր ձեռնադրութեան մե  
 լոյ օրինաց՝ զկատարեալն ունի.  
 Իսկ այլքս և ես միասէս եմք ըստ  
 կարգի քահանայութեանն: Իսկ  
 թէ և ոք նուազ հաղորդելով այսմ  
 ժամուս, մանաւանդ դիպելով ևս  
 ինդրոյ կատարելութեան և գրու  
 ցի արժանի, և մեծ էւս է այնպի  
 սին յաննախանձ արքայութեանն  
 Աստուծոյ. և ոչ է իմ բանս՝ այլ  
 որ արարիչն մեր և վարդապետ  
 նա ասաց, թէ որ ակործելով ըս

պատուորէ տմենեցուն, մեծ կո-  
 ջեսցի յարքայութեանն Աստու-  
 ծոյ: Արք և զպատասխանիս ձե-  
 րոց ընդ մեզ այդչափ բանից և ըս-  
 պանալեաց հրամայեցիք առնել  
 մեզ ինչ. քանզի ոչ իբրև զանգէաս  
 գործեցաք անխորհուրդ զայնպի-  
 սի մեծ և ահաւոր գործ, և զըզ-  
 ջացեալ եմք, և կամ այժմ կար-  
 ծիցիմք յոմանց՝ երկիւղիւ և ոչ  
 ուրախութեամբ կալ առաջի ահա-  
 ւորութեանդ ձերոյ. այլ ՚ի մե-  
 ըայ գործելեացն ուրախ եմք և  
 ցնծամք. այլ մեք պատահեալ եմք  
 ազգի ազգի վշտաց, և մահու եւս  
 փափաքելով սպասեմք՝ զի սրժանի  
 լիցուք:

Իսկ յաղագս ատրուշանացն ա-  
 ւերելոյ՝ որ ասէքդ, և կամ կրա-  
 կին սպանանելոյ, ասէ ՚ի մեր գրի.  
 Աստուածք՝ որ զերկինս և զերկիր  
 ոչ արարին, կորիցեն ՚ի ներքոյ  
 երկրի: Վասն զի կրակ ՚ի բազում  
 նիւթոց լինի. և է զի յորոց նիւ-



Թայ լինի՝ ՚ի նոցունց և շիջանի, և  
 է յորմէ լինի՝ ՚ի նոցունց առեալ  
 բորբոքի: Արդ ծնանի հուր յեր-  
 կաթոյ և՛ ՚ի քարէ և՛ ՚ի ջրոյ և՛ ՚ի փայ-  
 աէ. այլ է և ունն սպիտակ՝ որ ՚ի նը-  
 մանէ լինի հուր. լինի ՚ի կաւարժ ա-  
 թոյ հուր, յորժամ ընդդէմ արե-  
 փական ոք շողացուցեալ գիցէ: Եւ  
 ծնեալն յերկաթոյ հուրն՝ թէ կու-  
 տեսցես ՚ի վերայ նորա երկաթ՝  
 կորնչի. և եղեսալն ՚ի քարէ՝ եթէ  
 ծածկեսցես զնա քարամբք՝ անցա-  
 նէ. նոյնպէս որ ՚ի ջրոյն և յայլ  
 նիւթոյ. խի ելեալն ՚ի փայտէ  
 հուր՝ ՚ի փայտէ վաւեալ զօրանայ.  
 արդ ոչ հուրն, այլ փայտն արժա-  
 նի է անուանել ասուած, որ և  
 ծնանի և կենադործէ: Արդ ոչ ար-  
 դեօք իցէ յեալն մոլորութիւնն  
 չար, զթշնամիսն միսեանց եղբա-  
 ըրս անուանել և զմարդկան հաս-  
 սուածս՝ ասուած: Ար զիւր զեղ-  
 բայր և զծնող որպէս թշնամիս ծա-  
 խէ, զիմբող նա զթշնամանիչս իւր

և կամ զերկրագոլան գիտէ պա-  
 տուել կամ թշնամանել. և դար-  
 ձեալ յորմէ ծնանին՝ զնայն ուտեն  
 և անխնայ: Աչ պակասէ յամենայն  
 նիւթս հուր, ապա ուրեմն ամե-  
 նայն նիւթք երկրի աստուածք. ա-  
 պա թէ այդպէս գիտէք, ընդէր  
 կուրացեալ մտօք զկէս մասն ա-  
 նուանէք աստուածք, և զկէսն  
 յաղտեղի գործ ծախեալ թշնամա-  
 նէք. որպէս յաղիւսոց և 'ի քա-  
 րանց զկէսս ապարանս շինէք, և  
 զկէսս՝ առենս դաշտանաց և աղտե-  
 ղութեան շինէք. և յարծաթոյ՝  
 զկէսս ըմպելիս կազմէք, և զկէսս՝  
 անօթս աղտեղութեան կազմէք:  
 Հրով՝ աստուածոցն զարջառս և  
 զոչխարս խորովէք և եփէք, և ջը-  
 րով՝ զդաշտանս և զթարախս և  
 զաղբս լուանայք. և զկէսն առան-  
 ձինն և կամ խառնեալ ընդ գինի՝  
 ըմպէք, և ոչ զարհուրիք և սոս-  
 կայք: Եւ մի եւս մի ըստ միտջէ  
 հարկաւորիցիմք ասել և կամ թը-

ւել զանպայտութիւնդ ձեր. զոր  
 արթուն և քաջ նահատակն Վարդան  
 և նոյո՞ւնց նմանիքն՝ որք ոչ  
 կարացեալք այսպիսի խաբէութե  
 ծառայել, բողոքէին ձեզ հանապաղ  
 օր, թէ՛ սուտ են պաշտամունքի  
 ձեր և անմտաց վարդապետու  
 թիւնք, և ջսէլք. զի բանութիւնք՝  
 զիրաւունս ոչ տան ճանաչել, որ  
 պէս և այժմ. յայլագս որոյ ոչ  
 հանդուրժեալք, ետուն զանձինս  
 իւրեանց՝ ի մահ և պսակեցան, ու  
 լոց և մեք քաջաւերիչք էաք և ար  
 դարեւ ճշմարիտ վարդապետք նո  
 ցա:

Եւ ասացեալ զայս ամենայն սրբ  
 ւոյ ան Աստուծոյ Աւետի, որ  
 պէս ընդ մի բերան գովեցին սուրբ  
 քահանայքն մեծաձայն բարբա  
 ւով, և ուրախ եղեն յոյժ: Եւ  
 լուեալ զմեծաբարբառ գովութի  
 սրբոցն, և զբերկրունն երեսաց նո  
 ցա տեսեալ անօրէն Միհրներսեհի  
 և այլ աւագանոյն Արեւոյ՝ որ նրա

տէին առաջի նորա, 'ի ցատուին  
 բարկութեան եղեալ, սուէ յնոսա.  
 Աջ հրամայեն մեզ օրէնքն մեր ցաս-  
 նուլ ումեք, մինչ չեւ ինչ լուեալ 'ի  
 բերանոյ նորա. արդ զուարթա-  
 ցեալս իմն տեսաք զձեզ ընդ իօսս  
 աշխարհակորուսիդ այգօրիկ, զո-  
 թոյ քաջ տեղեկացեալ լուեալ է  
 մեր զամենայն գործս, և վկախար-  
 դասար վարդապետութիւն գորա,  
 որով կորոյս զպիտանի այրն զքա-  
 ջրն Վարդան և զընկերս նորին.  
 ըսա որոյ արժանի պատրաստեալ  
 պահին <sup>1</sup> դմա չարաչար հատուց-  
 մունք և մահք: Բայց դուք գիտել  
 տուք մեզ՝ թէ և ձեր նոյն բանք են,  
 զոր մահապարտդ այդ իշխեաց ան-  
 երկիւղ համարձակութեամբ յան-  
 դրդիւն և իօսել առաջի մեր:

Եւ սուրբն Յովսէփ և սուրբն Ի-  
 սահակ ետուն պատասխանի և ա-  
 սեն. Չամենայն բանսդ և զպա-

1. Յօր. պատահին:

տասխանիսդ, զոր ըստ արժանի  
 իւրոյ սրբութեանդ արար՝ Աս-  
 տուծոյ օգնականութեամբն քա-  
 ջալերեալ, և խօսեցաւ ընդ ձեզ  
 տէրդ Ղեւոնդ, 'ի յերկար ժամա-  
 նակաց բազում անգամ զմտաւ ա-  
 ծեալ հասարակաց մեր ամենե-  
 ցուն՝ զոր այսօր դա ըստ իւր սա-  
 տուածաշնորհ գիտութեանդ գե-  
 ղեցկապէս յօրինեալ կարգեաց ա-  
 ռաջի ձեր, խորհեալ էր մեր և խօ-  
 սեալ. որք 'ի դոյն միտս ամենե-  
 քեան և 'ի դոյն կամս ամենեքեան  
 կամակիցք եմք, և խնդրեմք զի ար-  
 ժանի լիցուք վճարիլ 'ի դմին: Իսկ  
 դու ախտիւ դառնութեանս առ  
 զայրացմանդ թշնամանեցեր զդա-  
 երանի այնուցիկ՝ որ մտաց աչօք "ը-  
 րասեսք իցեն և արդարահայեանցք-  
 այլ մարմնական ախտիւ մեծա-  
 մեծք ըմբռնեալ տկարանան, է զի  
 և կրտսք. և դուք այդպիսի ախ-  
 տիւ մի զայրագնեալ թշնամանէք,

զի դուք էք արժանի եպերանաց  
բազմաց :

Եւ զայրագնեալ 'ի վերայ սրբո-  
ցն անօրէն իշխանն յաղագս թըշ-  
նամանացն , որպէս թէ 'ի թագա-  
ւոր կողմն դարձուցին սուրբքն  
վերջանան , հրաման ետ դահճացն  
հարկանել խստապէս շղթայիւք  
դբերանան երանելեացն , մինչև վ-  
ցեալ բերանք նոցա արեամբ՝ հո-  
սէր արտաքս : Եւ այսպէս վճա-  
րեալ արձակեաց զատեանն . իսկ  
սուրբքն ըստ օրինակի սուրբ ա-  
ւաքելոցն՝ գնացին խնդութեամբ  
յերեսաց ատենին , զի արժանի ե-  
ղեն վասն անուանն Քրիստոսի՝ ա-  
նարգանաց և գանկոց և պատաս-  
խանատուութեան :

ԽԾ. Իսկ զայլս 'ի կապելոց՝ որք  
էին 'ի տանուտերացն և յաւագ  
սեպհացն , որք էին 'ի նմին ատենի ,  
հրամայէր Միհրնէրսեհ դահճացն՝  
տանել զնոսա , և խիստ կապանօք  
սլահել , մինչև ինքնին թագաւո-

րըն, ասէ, առաջի իւր հարցցէ և  
 լուսիցէ զոր ինչ խօսին: Եւ մտեալ  
 'ի վաղիւն անօրէնն Միհրնէրսէհ  
 առաջի Թադաւորին Յաղկերսի՝  
 ապա նմա գիտել զամենայն հար-  
 ցաւածս իւր և զպատասխանիս քա-  
 հանայլոցն Հայոց: Եւ սրտմտեալ  
 Թադաւորն հրամայեաց 'ի վա-  
 ղիւն ատեան մեծ լինել առաջի  
 իւր, և այր Արի և Անարի և զոր  
 ինչ և ունէր ոք զպատիւ Թադա-  
 ւորին՝ կազմ առաջի իւր եկեսցեն,  
 և զկապեալսն զամենեւեան ածել  
 առաջեալ: Բայց զտղայսն և զման-  
 կուսան 'ի առհմէն Մամիկոնէից և  
 Վամարականացն, և որք յայլ  
 առհմէն՝ հրամայէր անօրինին Մի-  
 հրնէրսէհի՝ տալ 'ի բաց ում և կա-  
 մեսցի:

Եւ լուեալ զայս ամենայն զի-  
 նաւորքն, որ ոք ունէր զպատիւ  
 Թադաւորին, վաղ անգր հասանէ-  
 ին յատեանն: Իսկ ուխտանեայք իշ-  
 խանն Արևնեաց Վասակ արկեալ

զիւրեաւ զամենայն ստախլա՝ զոր  
 ունէր 'ի թագաւորէն, գայր մաս  
 նէր 'ի խորաննն ա ըջունի մեծաւ  
 շքեղութեամբ. քանզի բայ 'ի սա  
 առոյ թագաւորացն որ նուազէր  
 նմա, այլ ոչինչ 'ի պատուոյ արքու  
 նի պիտոյ էր՝ զոր ոչ ունէր. և  
 կարծէր այնուհետեւ աւնուլ ըղ  
 թագաւորութիւնն մեծ աշխար  
 հին Հայոց: Եւ զայն ոչ դիտէր  
 թշուաւացեալն, եթէ Տէր հե  
 ապեալ էր 'ի նմանէ, և այնն  
 պիղծ խեղդէր զնա. և բան սրբոյ  
 առն Աստուծոյ Ղեւոնդի 'ի նմին  
 ժամու կատարէր 'ի վերայ թը  
 շուառականին: Եւ լցեալ Արեօք  
 ամենայն խորանն, հրաման տայր  
 թագաւորն զապստամբսն Հայոց  
 կապանօք ածել առաջեաւ:

Եւ ածեալ կացուցանէին ըղ  
 նոսա առաջի թագաւորին, և  
 հարցեալ թագաւորին, ասէ ցնո  
 սա. Արախսի՞ համարձակութեամբ  
 և կամ զինչ զմտաւ ածեալ և կամ



զինչ ոյժ օգնականութեան տե-  
 սեալ՝ դիմեցէք յայնպիսի ահաւոր  
 քորժ, յորում տեսանէիք զկո-  
 ռուսս անձանց ձերոց և զաշխար-  
 հին, որպէս եղև խակ և տեսէք:  
 Եւ լուեալ զայս ամենայն նախա-  
 րարացն Հայոց, լուռ եղեն առ  
 վայր մի, և ոչինչ ետուն պատաս-  
 խանի: Եւ երկրորդեալ սբանն  
 թագաւորին՝ ըստ աւաջին հարց-  
 մանն, խնդրէր ՚ի նոցանէ ստիպով  
 պատասխանի: Եւ նոցա տուեալ  
 պատասխանի՝ ասեն. Շնորհեացէ  
 մեզ բարերարութիւնդ ձեր զայր  
 մի՛ զոր մեք ՚ի մէնջ ցուցանեմք,  
 լսել ՚ի նմանէ զամենայն ՚ի լնէ  
 զմերոց իրաց՝ զաճումն, զխորհելն  
 և զառնելն. վասն զի ոչ է պարտ  
 ամենեցուն մեզ անկարգ ամբու-  
 խիւ խօսել աւաջի քո:

Եւ թագաւորին և ամենայն  
 աւագանոյն յօժարութեամբ յան-  
 ձրն տուեալ՝ հրամայեաց: Եւ նո-  
 ցա յառաջ մատուցեալ զկամեա-

բականն Արշաւիր, ասացին լսել  
 'ի նմանէ բովանդակապէս զամե-  
 նայն. և Վամարականն Արշաւիր  
 զօրացեալ 'ի Սուրբ Հովհանն, յա-  
 ռաջ մատուցեալ աներկիւղաբար  
 սկսաւ խօսել առաջի Թագաւորին  
 և ամենայն աւագանոյն, և ասէ,  
 Ի սկզբան իսկ զիրացոյ զայգ-ս-  
 ցիկ զպատճառս, յորժամ 'ի ձեր  
 Թագաւորացոյ 'ի միտս ծնեալ  
 յայանեցաւ մեզ բանն, և զիրացոյ  
 բունն հարէք՝ որում մեզ ծառայ-  
 յել հրամայէիք, և օրէնս իմն  
 հարկաւորէիք ունել մեզ՝ զոր ոչ  
 մէք և ոչ նախնիք նախնեաց մե-  
 լոց գիտէին և կամ ծառայեալ  
 էր, և բազում անդամ բողոքեցաք  
 Թէ անհնար է մեզ յանձն առնուլ  
 և ծառայել օրինաց, որոց նախ-  
 նիքն մեր ոչ ծառայեցին, որ և  
 մտաց մերոց ծանր Թուի և ար-  
 համարհանք. և այսպիսի 'ի մէջ  
 բողոքելոյ՝ ձերոյն իսկ վկայէ ան-  
 սուտ հրապարակոյ: Եւ իբրև ոչ

կամեցա՞ք լսել, ըստ բանաւոր կա-  
 մայդ ձերոյ, և հարկաւորու-  
 թեամբ. յանձն ետուք ամուս-  
 ւոյնս, զոր շրթամբք առ եր-  
 կիւղի մեծարեցաք սուտ, կամե-  
 ցեալ գողանալ վայր մի խաբէու-  
 թեամբ վերկիւղ ձեր. և սրտիւք  
 գարշելի համարեցաք զգործն և ա-  
 տեաք, եղեալ 'ի մտի վերծանել  
 հնարիւք և երթալ յաշխարհն  
 մեր, և թողուլ զաշխարհն մեր և  
 գնալ կնաւ և սրդւովք, և երթալ  
 կորնչել յօտար երկիր: Զոր նախ  
 քան զամենեւեան ըստ ամենե-  
 ցուն խորհրդոցն երեւելին ըստ  
 աշխարհին իշխանաց՝ ծառայն ձեր  
 Վարդան արար, զոր գիտեն և  
 վկայեն բանից խնոց արք պարսիկք  
 յաւազ մոհմաց, որ այժմ ողջ  
 են և աստ են առ ձեզ: Առեալ  
 լոկ վեր կին և զընտանիս իւր՝  
 դէմ եղեալ գնաց փախստեաց 'ի  
 ձերոյ երկիւղէ յերկիրն Յունաց:  
 Եւ զգացուցեալ զայս տեսանդ

Սիւնեաց Վասակայ, փութով ըզ-  
 հեա դեպանս արար զաւագ սա-  
 նուանարսն և սեպուհան. և ըզ-  
 սուրբ քահանայսն, և զսուրբ  
 գիրս օրինաց մերոց կնքեալ իւ-  
 րովք մասանուով, որով և եր-  
 դուան իսկ, ես տանել առ նա:  
 Ընդ որս յլեաց և զիս, և գրեաց  
 'ի նամակին առ նա այսպէս. Թէ,  
 Ձի՛ ես փախուցեալ, և կամ զի՛նչ  
 երկիւղդ քո՛ յորմէ դուզ երկըն-  
 ջիս, և ինչ ոչ յայանեցեր. արդ  
 մի փախչիր և մի երկնչիր յուռե-  
 քէ. զի Թէ յԱրեաց տեառնէն  
 և 'ի նորին ուժոյ զարհուրեալ  
 ես, մի երկնչիր. դարձիր, և նա-  
 մակ առնեմք առ կայսր, և զան-  
 ճինս մեր նմա 'ի ծառայութիւն  
 տամք. և նա հաւատայ՝ Թէ զայս-  
 պիսի մեծ աշխարհ նմա մեր կա-  
 մաւ 'ի ծառայութիւն տամք,  
 ինդութեամք և կամաւ յանձն  
 առնու, և զօր տայ մեզ. և նորա  
 և մեք միաբանեալք՝ միշտ աշխատ

աւնիմք զտէրն Արեւաց և զԱրիա :  
 Ապա թէ կայսրն այլազգացոյնս  
 ինչ խորհի և ճանաչէ զիւր օգու-  
 արն , և ես մինչ Արաց մարզպանն  
 էի և Դուռն Աղուանից յիմուս՝  
 ձեռին էր , բազում զօրազուլսք  
 Հոնաց՝ ընդ իս բարեկամացան  
 աւխտիւ և երդմամբ , և այսօր նո-  
 վին երդմամբ երթեւեկեն առ իս .  
 և հարկքս ամենայն աշխարհիս  
 Հայոց առ իս են , և գործակալք  
 ամենայն յիմուս ձեռին են , և  
 այլ ևս բազում կարասի՝ զոր 'ի  
 պարսիկ գործակալացն հանի՝ որ  
 սաս 'ի Հայս էին , և յիմուս դանձի-  
 կայ . յորմէ թէ զմի մասն՝ Հոնաց  
 սամ տանել , սնտի այնչափ սաս-  
 ակ հանեմ Հոնս , որչափ զի հողն  
 Պարսից ջբաւիցէ նոցա յաւարի :

Եւ գրեալ զայս ամենայն երդ-  
 մամբ Ասսակայ Սիւնեաց տեա-

1 . Ջօր . սաս և 'ի ստորե Յանայ ...

Յոյն :

արն, դարձոյց բունի զՎարդան,  
 որ էր մտեալ օտար իշխանաց,  
 որք ոչ են հնազանդեալ ձերում  
 իշխանութեանդ: Եւ նամակն զոր  
 գրեաց առ Վարդան՝ Սիւնեաց  
 տէրդ՝ ողջ է, և կնիք սաս առ  
 մեզ. տեսանել հրամայեցէք: Եւ  
 յաղագս որդւոցն իւրոյ այսպէս  
 ասէր. Եթէ ոք 'ի Հայս Պարսիկ  
 է, զամենեւեան կապանօք յա-  
 մուր բերգս գնեմ, մինչև հարկաւ  
 արքայն զիմ որդիսն 'ի բաց արձա-  
 կեցէ: Յորոց՝ կալաւ արս սակա-  
 ւըս 'ի Պարսկաց, առ վայր մի  
 կապեաց. և յորժամ ինքն նեն-  
 գաւորութեամբ զմերոյ կորըս:  
 տեան իորհուրդ 'ի միտ արկեալ  
 տարաւ 'ի գլուխ, ապա զնոսա 'ի  
 բաց արձակեաց: Նամականի ա-  
 թարեալ առ կայսրն և առ այլ ա-  
 լադանի գրանն և առ սպարապե-  
 տըն Անտիոքայ, և զՎազան Ամա-

առևնի և զայլս 'ի նախարարացն  
 յիւրաքանչիւր ասէմէ 'ի Հոռոմս  
 արձակեաց . և զՎարդան և զմեզ  
 զնոքաւ յԱղուանս 'ի կախ գու  
 մարեաց . և ինքն յանզգայ զմեզ  
 նենդեալ՝ յայս շար միլեաց . և  
 զայնպիսի պիտանի զձեր ծառայ  
 սպան , և այնչափ ազմութեան .  
 Պարսից և Հայոց կոտորածի և  
 աշխարհին կորստեան եղև պատ  
 ճառ : Եւ արդ ինքն զարդարեալ  
 աւարիկ որպէս բարեգործ նսախ  
 'ի միջի ձերում անհոգութեամբ :  
 Բայց դուք զնամականին զամե  
 նայն՝ զոր գրեալ և կնքեալ է առ  
 կայսր և առ ամենայն աշխարհն  
 Հոռոմոց , և կամ առ այլս բազու  
 մլս , տեսանել հրամայեցէք զայն .  
 և որպէս ձեզ Արեաց կամ է՝ հրա  
 ման տուեալ կատարեցէք 'ի վե  
 րայ մեր : Զի ուր գրեալք և կրն  
 քեալք 'ի միջի են , որպէս ձեր ար  
 դարութիւնդ , աւելորդ բանից  
 և շատիտութեան պէտք անդ  
 ոչ են :

Եւ լուեալ զայս ամենայն կարգաւ 'ի Կամարակսնէն Արշաւրայ՝ արքային Պարսից եւ ամենայն աւարանոցն դրանն, տեսեալ զնամականին՝ զոր գրեալ էր Ասասկայ Սիւնեաց տեառն, եւ 'ի վերայ հասեալ, մեծապէս հիացեալ թագաւորն Յաղկերս եւ ամենայն իշխանք դրանն զարմաշան:

ԽԶ. Յայնժամ յառաջ կոչեցեալ թագաւորին զիշխանն Սիւնեաց Ասասկ, սկսաւ սասաիկ եւ առաւելապէս զայրացեալ սրաիւ խօսել ընդ նմա եւ ասել. է արդարեւ լուեալ մեր զայդ ամենայն նենդաւոր իրս քա եւ զարարուածքս. բայց արդ ասէ ասա՛, զի՞նչ խորհելով եւ կամ որպիսի՞ ինչ զմասաւ ածեալ զայդսլիսի իրս մնասից իշխեցեր ձեռնարկել եւ գործել. քանզի դու էիր իշխան եւ գլուխ աշխարհին Հայոց, նախ քաջաչելիւ բանիւ զմարդիկն, զոր 'ի նամակացն գրելոց 'ի քէն, զոր



առւեալ մեր կարգալ, սառագու-  
 թեամբ տեղեկացաք. երգմնեցու-  
 ցեալ զվաստակաւոր և զայնպիսի  
 պիտանի ծառայն մեր զքաջն Վար-  
 դան և զընկերակիցս նորա՝ խաբե-  
 ցեր նամականիւ առ կայսր և առ  
 նորին սարսապեան. երգմնեցու-  
 ցեալ նենգով զայնպիսի քաջ և  
 պիտանի զվաստակաւորսն մեր ըլ-  
 Վարդան և զայլ ընկերս, և դար-  
 ձեալ դումարեալ զնա զօրու յԱ-  
 զուանս՝ ՚ի վերայ Վարսկայ գու-  
 մարտակին համարձակեցուցեր եր-  
 թալ. նենգութեամբ մասնեալ զաշ-  
 խարհն Արեաց կորուսեր, և կո-  
 տորածի այնչափ խնոց ծառայից  
 Արեաց և Անարեաց եղեր սրա-  
 ճառ: Ձի զայնպիսի ծառայ մի ըզ-  
 մեր, որպէս զՎարդան, և կայսր  
 և կամ Հոնաց արքայ բռնութի  
 յինէն հանել կամէին, ամենայն  
 Արեաց ուժովս կառելի և ջասյի  
 հանգչել, մինչև այսրէն յիս հա-  
 նէի: Սւ արդ գու ընդ քս ձեռն

զայնպիսի ծառայն սպաներ, և ըզ-  
 մեծ և զպիտանի աշխարհ մի կո-  
 թուսեր, և դու իշխեցեր լրբաբար.  
 առ մեզ իբրև անդէտս քո նեն-  
 գաւոր գործոյդ գալ, և զմեզ սե-  
 անել: Եայց զայս գիտեա, զի  
 յայսմ հետէ Սիւնեաց տէր շես. և  
 զչարիան ամենայն զոր խորհեցար  
 և կատարեցեր, կուտեսցի ամե-  
 նայն ՚ի վերայ ջար գլխոյ քո: Եւ  
 զհարկեր զիմոյ աշխարհին Հայոց  
 և կամ զՊարսկացն՝ զոր սպաներն,  
 և զկարասին այնչափ՝ զոր հաներ,  
 հրամայեցաք խնդրել ՚ի տանէ  
 քումմէ և յորդուոյ քոց՝ մինչև  
 վճարեսցի ամենայն:

Իսկ ողորմելի: ուխտադրուծն  
 Վասակ թէպէտ և կամեր խօսել  
 ինչ և տալ պատասխանի, չդներ  
 ոք ունկն բանից և կամ ախորժեր.  
 վասն զի ուխտանենդու թիւն սրբ-  
 քոյ աւետարանին, և բան անի՝  
 ծից երանելոյն առն. Աստուծոյ  
 Վեւոնգի եկեալ հասեալ ՚ի վե:

րայ նորա, սրտնեալ փակեալ սրտ-  
 շարեցին զնա: Ար թէսկեա և կայր  
 ինչ վաստակա առնն առ Պարսիկս,  
 և ջանայր ցուցանել 'ի ժամունս՝  
 և այն ոչինչ էր օգուտ. այլ ալա-  
 ւել ևս 'ի դատախազութիւն ե-  
 ղեալ մտակնն նմա: Եւ կատարէր  
 առ նա բան սաղմոսերդին, թէ, 'ի  
 դատաստանէ իւրմէ ելցէ դատա-  
 սրտեալ և աղօթք նորա 'ի մեղս  
 դարձցին: Հրաման ապր թագա-  
 ւորն Յաղկերս անդէն զառաջեալ  
 կողոպտել 'ի նմանէ թշնամանօք  
 զամենայն սրտիւն զոր ունէր .  
 և ձաղեալ զնա պայկացն՝ մերկա-  
 ցուցին զնա. մերկացուցեալ 'ի նը-  
 մանէ զզարդարանս պատուոյ ան-  
 րութեանն, հանին զնա իայտա-  
 ւականօք արտաքս բան զհրապա-  
 րակն արքունի: Եւ 'ի նմին ա-  
 լուր զթշնամին նորա զսեպուհն  
 սիւնի զուրացողն զվարազկալան՝  
 տէր 'ի վերայ աշխարհին Սիւ-  
 նեայ կացուցանէին, սրոյ ուրբան

Ժամանակս կաշեալ զխիստու-  
 թիւնն Սիւնեաց՝ բազում արա-  
 րեալ անիրաւութիւնս, և բազում  
 առնս մտխրանոցս շինեալ յաշ-  
 խարհին Սիւնեաց, ՚ի գայթակ-  
 զութիւն տանն իւրոյ, բազմաժա-  
 մանակեայ ասնջեալ ՚ի գիւէ ըստ  
 յառաջագրելոցն՝ դառն մա-  
 հուամբ սատակեցաւ չարաչար:

Եւ նենգաւորն Վասակ կացեալ  
 ՚ի դրանն ամս ինչ կարի վշտագին  
 և նեղութեամբ բազմաւ, մաշէր  
 պաւորս իւր հառաջելով և յո-  
 դոց հանելով զամենայն օր և  
 զժամ. մինչև թշնամանակերս  
 ձաղանօք սփռեալ զթաթս ձե-  
 ոաց իւրոյ՝ ինքնին զիւրոցին ծե-  
 ծէր պէման, ասելով. Ահա ընկալ  
 զայս ձաղսս, ասէր, զոր ետ բե-  
 լել քեզ ուխտանենգութիւն սրբ-  
 օյ աւետարանին և արիւն նա-  
 հասակութեան սրբոյն Վարդա-  
 նայ Մամիկոնէի և սյլոցն ցանկա-  
 լի հազորդելոցն ընդ նմա, որոց

Ժառանգեալ զյաւխտենից կեան-  
սըն՝ ընկալան զանուն բարի յերկրի  
և սնանց յազգաց յազգս իւրեանց:  
Իսկ դու, առէ, մեղաւոր անձն  
իմ, կեաս խղճիւ և ցաւօք մտաց  
զատկաւածիւ զաւուրս կենցա-  
ղոյս, և պատրաստեալ պահիս  
մշտնջենաւոր և անանց գեհեմին:  
Եւ զայսպիսի բանս հաւաչանայ  
նորա և լալոյ մինչև յօր մահուան  
իւրոյ՝ խօսէին ընդ մեզ զայս ար-  
գարապատումն սպասաւորք նո-  
րին իշխանին Վասակայ: Արոյ և  
վախճանն իւր անդէն յերկիրն  
Պարսից վճարէր, ըստ բանի տուն  
Աստուծոյ սրբոյն Աւետնդի:

Թէ. Իսկ զսուրբ քահանայան  
Աստուծոյ, զտէր Յովսէփ կա-  
թողիկոս և զտէր Սահակ Ռըշ-  
տունեայ եպիսկոպոս, և զերա-  
նելի երէցն տէր Աւետնդ, և ըզ-  
տէր Մուշէ դրան երէցն Ներշա-  
պըհոյ Արծրունեայ տեառն, և  
զտէր Սամուէլ երէցն Արամայ,

և զտէր Աբրահամ սարկաւապ, և  
 զտէր Արշէն երէց Նղեգեկի, և  
 զտէր Քաջաջ սարկաւապ, զսոսա  
 ութ քահանայս և քրիստոստէր  
 կապեալ նախարարքն Հայոց, ու  
 ըոց անուանք են այսօքիկ. 'ի  
 տոհմէն Սիւնեաց երկու եղբարք  
 Բաբկէն և Բակուր. 'ի տոհմէն Ար  
 ծրունեաց Ներշապուհ և Շաւաապ  
 և Շնգին և Մեհրուժան և Պար  
 դեւ և Տաճատ. 'ի տոհմէն Մամի  
 կոնէից Համազասպեան և Համա  
 զասպ և Արտաւապի և Մուշեղ.  
 'ի տոհմէն Կամարականաց Ար  
 շաւիր և Թաթ և Վարձայ. 'ի  
 տոհմէն Ամասունեաց Վահան և  
 Աւանձար և Աննակ. 'ի տոհմէն  
 Գնունեաց Ասով. 'ի տոհմէն Գե  
 մաքսենից Թաթուլ և Սասոյ, եր  
 կու ևս այլովք տոհմակցովք. 'ի  
 տոհմէն Անձեւացեաց Շմուռն և  
 Առաւան. 'ի տոհմէն սաաջին Ա  
 ռաւեղենից Փափուկ և Վարադ  
 դեն և Իսա. 'ի տոհմէն Արծրու

նեաց Ապրամ. 'ի առհմէն Ման-  
 դակունեաց Սահակ և Փարսեան.  
 'ի առհմէն Տաշրացեաց Վրէն. 'ի  
 առհմէն Բոսթանից Բաբել և Յո-  
 ճան: Եւ զսաս երեսուն և մի սյր  
 'ի նախորարացն Հայոց, հրաման  
 սայր թաղաւորն Յազկերտ խնա-  
 կապանօք պահել անդէն 'ի Վրկա-  
 նի, մինչև յամն վեշտասաներորդ  
 թաղաւորութեանն իւրոյ:

ԽԲ. Եւ յամի վեշտասաներոր-  
 դի թաղաւորութեանն իւրոյ՝  
 Յազկերտ շու արարեալ ամենայն  
 բազմութեամբ իւրով խաղայր 'ի  
 պատերազմ 'ի վերայ Քուշանաց.  
 հրամայէր և զկապեալն Հայոց  
 զքահանայսն և զնախորարսն՝  
 խաղացուցանել ընդ իւր 'ի Վր-  
 կանէ: Եւ ելեալ յԱպար աշխարհ,  
 և եկեալ 'ի Շահաստանն՝ որ ա-  
 նուանեալ կոչի Նիւշապուհ, հրա-  
 մայէր պահել անդ զկապեալն  
 Հայոց՝ զքահանայսն և զնախա-  
 րարսն, 'ի գլխակ Շահաստանին

Նիւշապուհ: Բայց զերանելի վեր-  
 կու քահանայան, զսէր Սամուէլ  
 և զԱբրահամ, հրամայէր ընդ իւր  
 իտպացոսցանէլ. զոր շարաշար  
 վշտով և բուռն կապանօք և գա-  
 նիւ տայր նեղէլ հանապազօր, ահ  
 և երկիւղ արկանել 'ի վերայ քը-  
 ըխատնէլցն՝ որք ընդ նմա 'ի կա-  
 րաւանին էին: Աւ հասեալ 'ի  
 սահմանս թշնամեացն, և ոչ սա-  
 կաւ մի մասամբք կատարէին խըն-  
 դիբք թադաւորին, այլ ամենայ-  
 նիւ նկուռն եղեալ դաւնայր ամօ-  
 թալից, կորուսեալ 'ի զօրաց իւ-  
 րոց արս ընտիրս և սկանաւորս,  
 նոյնպէս և յայլ ռամիկ այրու-  
 ճիոյ: Քանզի ոչ դէմ յանդիման  
 ճակատեալ թշնամեացն պատե-  
 ռազմէին ընդ զօրան Պարսից, այլ  
 յեղակարծումն անկեալք 'ի վերայ  
 միոյ միոյ թեւի՝ հանէին ընդ  
 սուր զբազումս, և ինքեանք գար-  
 ձեալ անվնասք աներկուղթք լի-  
 նէին: Աւ այսպէս 'ի բազում ա-



Լաւրս արարեալ՝ վասնէնն սաս-  
տիկ հարուածովք զլորսն Պար-  
սից :

Եւ թաղաւորին Յազկերտի  
տետեալ զայնպիսի թեթեւու-  
թիւն ծանականաց իւրոց, յան-  
հնարին արամութիւնս ընկրղ-  
մեալ մաշէր . մտայոյլ եղեալ  
ինգրէր գիտել՝ թէ վասն որոյ  
պատճառանաց եղև գիպեալ նմա  
այնպիսի ծանր թեթեւութիւն :  
Եւ կայեալ՝ ի տարակուսի՝ ձգէր  
զպատճառսն մերթ յանմիաբա-  
նու թիւն գնդին իւրոց և մերթ ի  
մոգուցն ծաւրութիւն . թէ, Ու-  
րեմն ոչ կարացին ընծայիւք և ար-  
ժանաւորապէս զոհիւք հաճել ըլ-  
միտս աստուածոցն, որոց ցասու-  
ցեալ՝ ոչ կամեցան օգնել մեզ . այլ  
թողեալ ի՛ ձեռանէ՛ զօրացաւ  
կողմն թշնամեցն, և մեք վաս-  
նեալք դարձար լի ամօթով : Եւ  
մոգուցն իմացեալ զարամութիւն  
թաղաւորին, խորհուրդ ի մէջ

առեալ խրատու անօրէն հաղա-  
 րապետին Միհրնեբուհի, սկսան  
 խօսել ընդ թագաւորին և տուն.  
 Արեայ քաջ, մի յածեսցին միաք  
 քո յայլ խորհուրդ՝ վասն վաս  
 պատահմանց, որ դիպեցաւ մեզ  
 'ի թշնամեացն. այլ 'ի ջասմանէ  
 աստուածոցն, որ կարի խիտ  
 զայրացեալ են մեզ յալոգս աս-  
 տուածաստան քահանայիցն Հա-  
 յոց, որ վաղ արժանի էին մա-  
 հու, և ձեր անփոյթ արարեալ  
 կան կենդանի մինչև զայսօր :  
 Ձի եթէ լոկ մարդաստանք իսկ  
 էին, և դուք այդքան յերկարեալ  
 պահէիք աւանց մահու, սակայն  
 կարի ծանր էր և արժան մեզա-  
 դուլթեան դործն. թող թէ յԱս-  
 տուած իշխեցին ձգել զձեռս՝ ըս-  
 պանանել, և նորա կեան և զարե  
 տեսանեն. յիրաւի պատժեալք  
 մեք յաստուածոցն դանխք ան-  
 խընայ :

Եւ լուեալ զայս թագաւորն 'ի

մագուցն, և կարծեցեալ սառց  
 զսուտ պատճառս նոցա, և 'ի  
 մեծ սրամտութիւն՝ գրգռեալ  
 ընդ կապեալ քահանայսն, հա-  
 շուելով թէ արդարեւ վասն նոցա  
 եղև այսչափ կոտորած զօրացն  
 իւրոց, վաղվաղակի հրաման տայր՝  
 նախ զնոսա որ ընդ իւր քահա-  
 նայքն էին, զսուրբ երէցն Սա-  
 մուէլ և զսուրբ սարկաւազն Աբ-  
 ռահամ, յաներեւոյթ տեղի ինչ  
 տանել շատ 'ի կարաւանէն հեռի,  
 և անդ գլխասել, յաղապս ճգը-  
 տանելոյ ուրուք 'ի քրիստոնէից  
 և պատուելոյ զտոկերս նոցա :  
 Բայց յաւաջ քան զսպանանելն  
 զնոսա՝ հրաման տայր զաջ ձեռն  
 կարել զարքոյն Սամուէլի, և դնել  
 'ի ձեռին տեառն Աբրահամու .  
 նոյնպէս հրամայեաց՝ և արքոյն  
 Աբրահամու կարել զաջ ձեռնն,  
 և դնել 'ի ձեռին տեառն Սամու-

էլի. Փոխանակ, տակ, զի իշխե-  
 յինն ձգել զձեռս իւրեանց 'ի սրա-  
 տուականս կրակն և սպանանել.  
 և սպա սրով կտրել զգլուխս նո-  
 ցա: Եւ այսպէս վկայեցան սուրբ-  
 իքն: յամսեանն հրոսից, որ օր  
 եօթն էր ամսոյն, 'ի գաւառին  
 որ անուանեալ կոչի Վարդգէս:  
 ԽԹ. Յետ այսորիկ դեպքանս  
 հրամայէր առնել թագաւորն Յաղ-  
 կերտ վաղվաղակի և յոյժ փու-  
 թով յաղագս երանելոյ եպիս-  
 կոպոսին Բասենոյ Թաթկայ, որ  
 կայր 'ի կապանս Վարդգէսանի,  
 'ի բազում ժամուց ամնջեալ ճա-  
 րալընակ ամնջանօք. և հրամայ-  
 յէր սպանանել անդէն և անհետ-  
 առնել զմարմինս սրբոյն, յաղագս  
 ճգանելոյ ուրուք 'ի քրիստոնէ-  
 ից' 'ի պատիւ ամնելոյ զսկերս  
 նորա: Եւ հասեալ դեպքանին  
 անդ, կատարեալ մոգուցն զհրա-  
 մանն և լցեալ խնդուլթեամբ.  
 Եւ այց յառաջ քան զվախճանս սըր-

բայն՝ քերեցին նախ տանջանօք  
 պաւսոս թաղուան զմարմինն. սրբ-  
 բայն յոսկերացն, և ապա ըստ  
 հրամանի թաղաւորին հասեալ  
 սուսերաւ զգլուխն և սպանին:

Ծ. Նոյնպէս տայր հրամանս և  
 վասն այլ քահանայիցն սրբոց, զս-  
 ըրս թողին կապեալս 'ի Նիւշա-  
 պուհ 'ի գլխին: Տայր հրամանս  
 Վեհդեհշապհոյ . ամբարապետի՝  
 աւնուլ ընդ իւր երկուս ևս այլ  
 օգնականս յաւագանայն, զՋնի-  
 կան՝ մայսեանս արքունի, և զՄո-  
 վանս անդերձապետ՝ 'ի ձեռանե  
 մովպետանս մովպետի, երթալ փու-  
 թով յառաջ քան զինքն, և հա-  
 նել զսուրբ քահանայանս 'ի բան-  
 ակն՝ ուր էին կապեալք նոքա և  
 նախարարքն Հայոց, և տանել ըզ-  
 նոսա հեռի 'ի քաղաքէն յանկոխ  
 և յանապատ տեղի, և անդ շա-  
 ըալլուկ տանջանօք, որպէս և  
 կամեսցի, բարձցէ զնոսա 'ի կե-  
 նացս: Բայց յայժ պատուիրա

Դուք զգուշացուցանէք թողաւ-  
 րքն՝ Վեհգեհնշապհոյ, ոչ ասլ ու-  
 մեք գիտել՝ ոչ զաւնուլ և զգնալ  
 զնոսա՝ ի քաղաքէն, և ոչ զճանա-  
 պարէն՝ ընդ որ տանիցին, և ոչ  
 զտեղի մահուանն՝ ուր սպանա-  
 նիցեն զնոսա: Քանցի լուեալ է,  
 ասէ, մեր սաուդութեամբ, թէ  
 աւելի, ասէ, վասն այսր կարի-  
 խնդան՝ ի մահ՝ որք՝ ի մոլոր ա-  
 զանդն են քրիստոնէից, զի այդ-  
 պէս ասեն, թէ ոսկերք այնոցիկ՝  
 որք յաղաքս Ասաուծոյն խրեանց  
 մեռանին, և որ ոք, ասէ, յիւ-  
 ռում՝ ասանն ունիցի ինչ սնտի, թէ  
 և փոքր խրիտը ինչ ունի, և վաս-  
 ինչ և խորամանկ՝ ի նա և ի նորա  
 առնա և ի սիրելիս ոչ մերձենայ:  
 Եւ զայս ևս ասեն, թէ՛ ի բանս  
 ասենի յաջողութիւնս տան և ի-  
 մասսա և քաջութիւնս դտանել  
 և պահպանութիւնս: Եւ մինչև ի  
 մահ ջանան անձամբ և կարտաւով  
 գոնէ ատամն մի կամ եղունկն մի

Կաանեւ յայնպիսեացն, և ՚ի տու-  
 նըս իւրեանց տանեւ: Այլ և զայն  
 ևս ՚ի հաւատարիմ մարդկանէ՝ որք  
 ՚ի մալար աղանդին նոցա են եղեալ,  
 ապա զմեր լուսաւոր և զարդար  
 օրէնս ունին, տեղեկացեալ էմք՝  
 թէ կանայք նոցա, ուստիք և  
 Կատիրք, և զզարդս ոսկոյ և ար-  
 ծաթոյ և մարդարոոյ տարեալ  
 ուրուք նոցա, թէ կարի փոքր  
 ինչ յոսկերաց այնր մեռելոց տայր  
 նոցա, զայն մեծարդոյ և պա-  
 սուական համարին: Եւ զինչ ևս  
 այլ աւելի ասեմ. և զհարց և ըզ-  
 մարց զարդս՝ զոր յանուն նոցա  
 արարեալ է մեծաւ աշխատու-  
 թեամբ՝ ճիտակս և կամ զտակս  
 ինչ մարդարոոյ կարի մեծագնոյ,  
 կանայք քրիստոնէիցդ չհամարին  
 ինչ հանել յանձանց և տալ և զը-  
 նեւ փխրանս ինչ յոսկերաց այն-  
 պիսեացն: Այլ դուք ուշիմ լե-  
 լուք, և յայնմ վայրի եղիցի սպա-  
 նունն նոցա՝ ուր չայնպիսեաց

կարծեաց և պատուոյ՝ սպանեալքն  
 և որք սպասեն տակերացն՝ վրի-  
 պեալ լիցին:

Եւ զայս ամենայն բանս լուեալ  
 ՚ի Թագաւորէն ամբարասկտին  
 Վեհդենշապհոյ յԱսար աշխար-  
 հին, և մտեալ ՚ի դդեկ Շահաս-  
 տանի Նիւշապհոյ՝ խօսէր բանս  
 սուսս, և ապր աւետիս նենդու-  
 թեամբ, թէ արքայն արքայ հրա-  
 ման ետ ինձ գհայ երկրունսք որ  
 սստ ՚ի կապանս են՝ արձակել  
 շաշիարհն իւրեանց, և վասն այլ  
 սպասանոյն որ ՚ի Հայոց են՝ սրայ-  
 ման արար, թէ ես յորժամ գամ՝  
 արձակեմ ՚ի կապանաց: Եւ լը-  
 ւեալ զայս բազմութեանն՝ որ էին  
 ՚ի Շահաստանին, կարծէին գու-  
 արդար զխօսեցեալսն ՚ի Վեհդեն-  
 շապհոյ: Բայց սուրբ քահանայքն  
 իբրև լուան՝ իսկոյն գիտացին սղ-  
 դեցութի Սուրբ Հոգւոյն գհասեալ  
 բարի ժամ յուսոյ նահատակու-  
 թեան իւրեանց, սկսան խօսել



ընդ նախարարս Հայոց, ընդ որն  
 կարեալն էին, և ասէն. Թէպէտ  
 և՛ կամէր արդեօք Վեհդէնչապուհ  
 Թաքուցանել զճշմարտութիւն ըս-  
 նին՝ ոչ կարաց. քանզի երկոքեան  
 մեր այդ իրք այդպէս կատարելոց  
 են, որպէս և լուանն իսկ ՚ի նմա-  
 նէ ամենեքեան. զի դուք իբրև  
 պարմութեամբն Քրիստոսի նը-  
 ճակելոց էք ՚ի կապանացդ, և մեք  
 զօրութեամբ Սուրբ Հոգւոյն կա-  
 տարեալ զսաղսուկ զաւուրս կեն-  
 ցաղոյս պանդխտանոցիս, գնալոց  
 էմք ՚ի ընդի աշխարհն մեր և յըն-  
 անիս, ուր դասք աւաքելոցն են  
 և օթեւանք սրբոցն, ՚ի բանակ  
 տանուտեաւնն և յարարիչն ամե-  
 նեցուն Քրիստոս, որ ասացն. Աւր  
 եան եմ՝ անդ և պաշտօնեացն իմ  
 եղիցի:

ԾԱ. Եւ սոցա դեռ ևս խօսե-  
 լով զայս այսպէս, մի ամն ՚ի դահ-  
 ճացն՝ որ սիրելապէս ընդունեց  
 լութիւնս ունէր ընդ կապեալ

Նախարարս Հայոց, լուեալ ճշգրտապէս յերանելի Սուրբ Կէն՝<sup>1</sup>, եկեալ յայտներ նոցա զստոյգ խորհուրդն. և սայր վիտել զարգարն, թէ որպէս սուեալ է հրաման թագաւորին յաղագս սպանման քահանայիցն: Զոր ստուգեալ նախարարացն՝ լային դամնապէս. իբրեւ ոչ եթէ ոչ կամելով զնահատակութիւն սրբոցն, որում և ինքեանք իսկ փափաքէին լինել արժանի, ալ մնալոյ՝ ի նոցանէ սրբք և անվիթարք:

Իսկ սրբոցն և յաւնէն իսկ ճրշգրրաեալ վերեանց հաստատապէս աւետիան, զօրացեալք զլաւարճանային ցնծութեամբ, և տրեալ փառս Սասուծոյ՝ իսկոյն երեկոյին պաշտամանն պատրասակն. քանզի և անագանագոյն

1. Իբրև նախածանօթ յիշի Սուրբ Կրդ, ալ յետոյ ծանօթանայ ի պատմութեանս:

խակ էր այնուհետեւ ըստ այլ ա-  
 ւուրց պաշտաման ժամ: Ար քան-  
 դի և եկք ամբարակապեալին 'ի  
 Շահաստանն ոչ ինչ էին վաղ, վա-  
 սըն որոյ կալ զգիշերն անդէն հար-  
 կաւորեցաւ 'ի Շահաստանին: Եւ  
 սրբոցն կատարեալ զկանոնն երե-  
 կոյին պաշտամանն, վայելէին սուղ  
 ինչ և դոյզնն ռոճկովն որպէս բալ-  
 մախորակս անուշահոտութեամբ.  
 և անուշակ ընծրեացն ուրախու-  
 թեանն յերկարեալ զուրախու-  
 թիւնն ճաշակմանն, մխիթարու-  
 թեանն շնորհիւ զօրութեամբ Աս-  
 տուծոյ Սուրբ Հոգւոյն. և յա-  
 բուցեալ յընծրեացն, փառաւո-  
 յելով և օրհնելով զԱստուած՝ կա-  
 տարէին զաղօթան: Հրամանն տա-  
 յին սուրբ քահանայապետքն Աս-  
 տուծոյ՝ կապելոյն նախարարայ՝  
 աղօթից և աքնութեան պարա-  
 պելոյ ըստ կարգի իւրաքանչիւր  
 ուրուք զգիշերն զայն, ասելով զա-  
 մենեակսն այսպէս. Զի եթէ զոք

'ի ձէնջ այսր յուզարկեալ էիք՝  
 'ի Հայս, ոչ ապաքէն առ իւրա-  
 քանչիւր սիրելիս թուղթս ող-  
 ջունացոյցս և պատգամս ուրա-  
 խալցոցս յղէիք ինդու թեամբ. նաև  
 յաղագս ճանապարհորդելայ 'ի  
 ձէնջ ուրուք ինդրէիք յԱստու-  
 ծոյ ողջամբ հասանել առ իւրա-  
 քանչիւր ընտանիս, և ղեղեալ ձեզ  
 նմա դրանն կատարել: Եւ արդ ա-  
 ւասիկ յուզարկիմք մեք 'ի ձէնջ  
 առ Աստուած. ինդրեցէք ամե-  
 նեքեան 'ի վրկչէն Քրիստոսէ և 'ի  
 սուրբ նորա Հոգւոյն՝ լինել ան-  
 երկիւղ քաջալերութեամբ ամե-  
 նեցուն մեզ արժանի երկնաթուիջ  
 ցանկալի ուղւոյն, ասնել ձեզ ող-  
 ջոյն և զյանձնարարութիւնս առ  
 բազումսղորմն Քրիստոս և առ  
 սուրբ գունդն առաքելոյ և մար-  
 ցարէից և ամենայն սրբոց: Արոյ  
 միշտ բարեխօսութեամբ թախան-

ձեացի գորովալից Կուլթ. բազում  
 ողորմ արարչին Քրիստոսի, լե-  
 նել ձեզ միտարիչ և փրկիչ. և  
 արձակեսցէ զձեզ յերեւելի կա-  
 սանացո՞ յորում էքդ, և ամա-  
 չեցուցանէ զնախանձորդս ձեր  
 և զթշուամիս: Տացէ՛ ձեզ անսա-  
 նել զաշխարհն Հայոց և զընսա-  
 նիս ձեր. և անդ ամփոփեալ զոս-  
 կերս իւրաքանչիւր ուրուք զձեր  
 առ ոսկերս հարց ձերոց ժողովեա-  
 ցէ, և յաներեւոյթ կասանաց սա-  
 տանայի արձակեալ զողիս ձեր՝  
 պահեսցէ անձնաս յօր անսոն  
 Յիսուսի Քրիստոսի:

Եւ լուեալ զայնպիսի հրաման  
 ՚ի սուրբ քահանայիցն Քրիստոսի՝  
 ամենայն նախարարացն, ետուն  
 սատասխանի և ատեն. Ո՞ւմ ար-  
 գեօք յաղթիցէ քուն յարքայու-  
 թեանն, ուր ոչ գոյ արհուլթիւն  
 և ոչ ծանրութիւն տաղակու-  
 թեան. և կամ ո՞ արդեօք ախտա-  
 ցեալ արամեսցի յանանց բարու-

թեանն , ուստի մերժեալ են ցաւք  
 և արամու թիւնք և հեծ ու թիւնք :  
 Եւ մեղ օրս այս կարապետ է և  
 առ թ աւուրն յայնմիկ , ուր վար-  
 դապետութիւնք սուրբ քահա-  
 նայից Աստուծոյ քարոզեալ լը-  
 սելի լինէր 'ի միջի մերում . և  
 արամութիւն ընդէր իսկ բնաւ  
 ծնանիցի 'ի սիրտս ուրուք , որք  
 արժանի եղաք ցանկ զճնողս մեր  
 և զհոգեւոր վարդապետս 'ի կեն-  
 դանութեան մերում 'ի մարմնի  
 իբրև զհրեշտակս տեսնել , և 'ի  
 վախճանի իբրև զզուարթունս :  
 Բայց որ արաստուէմքս վիճկա-  
 լով , որպէս փրկչին ամենեցուն  
 Քրիստոսի զՆրուսապէմ տեսալ  
 կամ զՎաղար՝ զոր յարոյցն 'ի  
 մեռելոց , թէ ընդէր իսկ անմահ  
 և անսխտ ստեղծուած յարար-  
 չէն՝ դերեալ 'ի խաբէութենէ թըշ-  
 նամւոյն , դարձեալ 'ի հոյ՝ ան-  
 կաւ ընդ ախաիւ և մահուամբ :

Եւ այսպիսի բանս աւետալիցս

լուեալ 'ի նախարարացն սուրբ  
 քահանայիցն Աստուծոյ, մեծաւ  
 սուրախութեամբ սկսան ամենեւ  
 քեան տարածել զձեռս 'ի յերկի  
 նրա, գոհանալ զԱստուծոյ և ասել.  
 Գոհանամք զքէն, Աստուած, որ  
 'ի շնորհէ քարոզութեանս սուրբ  
 աւարելոցն բազումս ծնար աւա  
 քեալս, և 'ի շնորհէ ճգնազգեցիկ  
 մարտիրոսացն անթիւս ծնար նա  
 հատակս. որպէս աւարեալն և  
 խոստովանողն տէրն Գրիգորիոս,  
 արարողն ուղիղ փորձոց և ուսու  
 ցին յատակ և անհեղձ վարդա  
 պետութեան, նախանձեցուցեալ  
 զամենեւեան 'ի բարի նախանձս՝  
 ծնաւ վարդապետս և անթիւս նա  
 հատակս, յուրվ միանձուս, ան  
 չափ դասս կուսանաց, զամենայն  
 անձն բնաւ տաճար բնակութեան  
 Սուրբ Երրորդութեանդ յօրե  
 նեաց: Գոհանամք զքէն, Փրկիչ.  
 որ 'ի հօտէն Սրբոյն Գրիգորիոսի  
 զոչխարան աւաւել քան զհօփիւս

բանաւորս արաբեր, և զաշակեր-  
 արս 'ի ժողովրդէնէն առաւել բան  
 զվարդապետս յօրինեցեր վիսու-  
 նորս: Ահա և մեք այժմ զօրա-  
 ցեալք քաջալերեցաք 'ի բանից  
 շնորհալից հոգեւոր ծննդոցս մեր,  
 հարք յորդուց, վարդապետք յա-  
 շակերտաց, քահանայք 'ի ժողո-  
 վրդոց: Եւ արդ յուղարկիմք 'ի  
 սոցանէ ուրախութեամբ, որոց  
 արկեալ զմեզ յուզի՝ առ քեզ ա-  
 ռաբեն. և ինքեանք մնալով 'ի  
 մարմնի՝ ընդ քեզ են և առ քեզ,  
 և քեւ զօրանան: Պահեա զսոսա  
 ամենապօր աջովդ քո, պարսպեա  
 զսոսա ամրութեամբ Սուրբ Հո-  
 գույդ քո, մխիթարեա զսոսա ու-  
 րախութեամբ բանի քո. վիսալա-  
 զութիւն քո առեր սոցա, և աճե-  
 ցո 'ի սոսա զշնորհսն:

Եւ այսպէս օրհնեալք զերա-  
 նելի կապեալսն, և հզօր Ամենա-  
 կալին յանձնեալ, ասեն. Նա պա-  
 հեսցէ զձեզ ողջս, և Հոգւովն իւ-



րով որքով միմիթարեացէ զձեզ հա-  
 նապաղ, և դուք մի տրամիք, այլ ու-  
 րախուժեամբ ուրախ ընրուք  
 յայն՝ որ ասացն, թէ Ոչ թողից  
 զձեզ որբս, գամ, ասէ, Եւ ձեզ,  
 որ եկեալ իսկ է, և է ՚ի միջի ձե-  
 րում. որ արձակէ զձեզ ՚ի կապա-  
 նացդ յորում էքդ, և պահեսցէ  
 զձեզ յուսով օգնականութեան  
 իւրոյ. և տայ ասել ձեզ համար-  
 ձականայն պարծանօք, թէ, Վասն  
 քո մեռանիմք զօրհանապաղ, հա-  
 մարեցաք որպէս զոչխար ՚ի սը-  
 պանդ: Եւ ամենատէրն խորտակէ  
 զսասանայ ՚ի ներքոյ ռախց ձերոց,  
 երեւելիս և պայծառս յուցցէ ըզ-  
 ձեզ ՚ի մէջ ապդիս ամբարշափ, և  
 դարձուցէ զձեզ ՚ի յերկիր ձեր:  
 Պահեսցէ զտունս ձեր, սնուսցէ  
 զաղայս ձեր, ժառանգեցուսցէ  
 զաւակի ձերում զվիճակ հարց իւ-  
 րեանց: Նմա փառք և այժմ և  
 յամենայն յաւիտեանս. ամէն:

Եւ կատարեալ Սրբոյն Ղեւոնդի

գրանս վարդապետութեան և մը-  
խիթարութեանս այսորիկ՝ ըստ  
հրամանին Սրբոյն Յովսէփայ և  
Սրբոյն Սահակայ, որոց և նոցա  
օրհնեալ զերանելի նախարարան  
և զայլ ժողովեալսն ընդ նոսա,  
յանձնեցին զամենեսեան Սրբոյ  
Նրբորդութեանն, և կատարեցին  
զաղօթս: Եւ եղև ամենայն անձն  
երանելի կապելոցն նախարարայն  
որպէս զանձինս այնոցիկ՝ որք ժո-  
ղովեալ էին ՚ի վերնատունն և բը-  
նակէին ընդ սուրբ առաքեալսն,  
լցեալք Սուրբ Հոգւոյն շնորհիւ,  
քաջալերեալք և ասպարհեալք ՚ի  
յոյսն երկնաւոր:

ԾԲ. Եւ մինչդեռ ուրասխացեալ  
ցնծայր ամենայն իոնհարան ըստ-  
զայն՝ որպէս բազմախորտիկս տ-  
նուշահոս ճաշակօք, հոգեշնորհ  
վարդապետութեամբ առաքելա-  
նման վարդապետացն, գային հա-  
սանէին յանկարծակի բազմու-  
թիւնք դահձայն յամբարապե-

անէն, ջահիւք բազմօք սասակա-  
 պէս լուցելովք. քանզի ըստ ան-  
 անց և անժոփոխ ձայնարձակութե  
 չաստուածային հրամանատու-  
 թեանն՝ թռչնոց, ժամէր այնուհե-  
 անու հաւուն խօսելոյ. ունելով ընդ  
 ինքեանս բազմութիւն դարբնաց  
 գործովք արուեստաւորութեան  
 խրեանց, սալիւք և ուռամբք,  
 կռանօք և խարտոցովք, խարտել  
 և կարել և 'ի բաց հանել գերկաթ-  
 արն 'ի ձեռաց և յոսից և 'ի պա-  
 րանոցէ սրբոցն. և զոր ոչն կա-  
 լասցեն կարել խարտոցօքն, ու-  
 ռամբք ջարդեալ գրեւեա երկա-  
 թոյն, դնելով 'ի վերայ տալիցն  
 լեկեալ հանցեն 'ի բաց: Քանզի  
 ստուարք էին և ծանունք քան  
 զբնութիւն անենայն երկաթոյ,  
 որովք զայլ մահապարտն կա-  
 պէին, զոր 'ի նոցա իսկ անուն ար-  
 եալ էր անել մոգուցն, որպէս  
 յանուն արանց վատախրատից և  
 աշխարհակորուսաց և աստուա-

ծառայանայ, և մանաւանդ շղթայք սրբոյ կաթողիկոսին Յովսէփայ, զոր եւս առաւել քան զսասկու թիւն այլոյ շղթայիցն ստուարագոյնս ասէին զնորայն և անհեղեղս:

Եւ տեսեալ սուրբ քահանայիցն Աստուծոյ զեկեալս 'ի դահլիսցն ընդ Վեհդեռչապէսոյ, և ըզբազմութիւն դարբնացն, գիտացեալ՝ որովեալք խռովէին առ հասարակ. վասն զի ցանկանային երկնահրաւիրակ կոչմանն՝ նոյն զարդու, զոր յաղագս անուանն Աստուծոյ արժանի եղին կրելոյ զայնչափ ժամանակս կամաւ և ցնծութեամբ 'ի մարմնի իւրեանց. թէ և հասեալք նովիմբ 'ի տեղի նահատակութեանն, ուր եղեալք արժանիք յաւիտենից վառացն, անդ ասլա դնելով յետս միանգամայն զշղթայսն և զկապանս երկրային ծանրութեանց այսր աշխարհիս կամէին ախորժելով:

Քանզի զոր օրինակ փառայն ջան  
 կացօղբ արք և կանայք, որք ան  
 յապուծեամբն համակեալք սա  
 կովք և սխառական ակամբք և  
 մարդարատվք կապեն ակործելով  
 զիւրոյնն անձանց զձեռս և զոտս  
 և զպարանոց, զորս թէ ոք 'ի թըշ  
 նամեաց և կամ 'ի բանաւոր իշխա  
 նաց կապէր առ վասնզի և նովխօք  
 տայր կալ և ճհանել 'ի բաց, առա  
 սանայնն վողձկալով, և ճոճեին  
 ժոյժ և առ վայր մի, և արդ ին  
 բեանք զինքեանս կապեն, և ճհամա  
 ըին ծանր և ոչ զդան. այլ և զոր  
 յայլն տեսանեն յայնպիսի նիւ  
 թոյ՝ նախանձին թէ ընդէր ոչ այն  
 եւս 'ի մերու՛մ զարդուս ճ. բայց  
 իբրեւ այլոց կայ, ես իւ երեւիմ  
 քան զոր<sup>1</sup> աւելի. և թէ կուտէր  
 որ զամենայն նիւթս աշխարհիս  
 պատուականութեան 'ի վերայ  
 այնպիսոյն, մինչեւ հեղձամղձուկ

1. Յօր. զոքն:

եղեալ խեղդէր՝ շատու չափը: Բայց  
 և ոչ այնպիսիքն երեւէին պաճու-  
 ճեալք անցաւոր վարդուքն՝ այն-  
 պէս գեղեցիկք և շքեղք և ա-  
 մենայն տեսողաց պատուականք,  
 որպէս երեւէին հայրանման որ-  
 գիք նահատակին Գրիգորի՝ ցան-  
 կալի շղթայիւքն՝ երջանիկք և հը-  
 րեշատականմանք, զոր ունէին պար-  
 ծանօք և խնդուժեամբ՝ ՚ի սուրբ  
 ձեռս իւրեանց և ՚ի պարանոցի:  
 Յորս մատուցեալ դարբինքն և ՚ի  
 բազում ժամս ջանացեալ խարատ-  
 ցօք և այլ ազգի ազգի հնարիւք,  
 և ոչ կարացին կարել զստուարու-  
 թիւն բեւեռացն. յետոյ սալա ե-  
 դեալ ՚ի վերայ սալիցն և ուռամբք  
 շարդեալ, հաղիւ վերծուցեալ հա-  
 նէին զերկաթան ՚ի մարմնոյ սըր-  
 բոցն, շարաչար կոտորելով և վի-  
 բաւորելով զմարմինս նոցա, որք  
 զահագին ցաւս վշտացն առ ոչինչ  
 համարեալ. այլ և ձգտեալ յեր-  
 կարէր գործն մինչեւ յերկորդ

Ժամաւարն, հանդերձ ընդ նոսա  
 կատելովք նախարարօքն Հայոց,  
 աղօթիւք և վառաւորելով պյա-  
 ւապածոյցն զՔրիստոս օրհնէին:  
 ՄԳ. Յայնժամ հրաման տայր  
 Վեհգեղնշապուհ, և որք ընդ նմա  
 օղնականք էին՝ կոչել 'ի ծածուկ  
 'ի գիշերի զականաւոր արս Շա-  
 հաստանին, նոյնպէս և զերեւելիս  
 սմանա 'ի մոգուցն. և պատուի-  
 րէին նոցա հրամանաւ արքունի.  
 Գիւք, սակ, զկեանս 'ի մօի զիւ-  
 րաքսնչիւր սնձին և տան, և յի-  
 շէցէք զերկիւղ թագաւորաց, որք  
 նման առուծոց իշխեն սպանանել  
 և կեցուցանել, պատուել և ա-  
 նարդել. և ըն զոր յօրէս յայս-  
 մանէ մինչեւ զբովանդակել ամե-  
 նայն կարաւանին արքունի և 'ի  
 Վրկան հասանել, զՀայ այր՝ ուս-  
 տի և իցէ, կամ 'ի մանկուոյ կա-  
 տելոց նախարարացն Հայոց՝ որ  
 'ի Շահաստանիս են, և կամ 'ի  
 մանկանց կապելոցս երկցանցս՝

զորոս մէք այսօր 'ի բայ տանիմք,  
 և կամ բնաւ Հայ զոր՝ որ յան-  
 կարծ թէ և այ ռւսա ուստեք ե-  
 կեալ իցէ այսր բնակել, թողու-  
 արտաքս քան զդուռն Շահասա-  
 նիս. և դասնիցիք առանց ամե-  
 նայն թողու թեան ազգաւ հա-  
 թեալք և դառն մահու մեռանի-  
 ցիք 'ի թագաւորէն, և մեր ան-  
 ձինք անպարտ վիցին յայնպիսի  
 չարեաց՝ որ 'ի վերայ ձեր հասա-  
 նիցեն. այլ զդու շացարուք երկիւ-  
 դիւ և հոգալով հասուցանել բա-  
 ըի շնորհակալութիւն 'ի վերայ  
 անձանց և մեր և ձեր հասարա-  
 կաց: Քանզի ըստ հրամանի թա-  
 գաւորին երկնչէին, թէ մի գու-  
 յէ ոք 'ի մանկանց նախարարացն  
 կապելոց՝ գալտ այլակերպեալ  
 հետազօտիցէ. զայն ճանապարհ  
 գնացից նոցա: Զոր փրկիչն Քրիս-  
 տոս ընդ նոսին իսկ աւաքեալ էր  
 զցուցակ և զյայտնի աշխարհի  
 դանձուռն մեծի, և նոքա նման



Հրէիցն՝ Պիլատոսի զօրուն հրա-  
մայէին պահել զգերեզմանն, զոր  
Բանն Աստուծոյ հրեշտակօք բա-  
ցեալ յայտնէր զինքն հաւատա-  
ցելոց յանուն նորա. որ և ասա-  
ցրն և կատարեալ երեւեցուցանէ  
անսուտ զասացեալս իւր հանա-  
սապ. թէ՛ Որ հաւատայ յիս՝ ըզ-  
գործն զոր ես գործեմ՝ նա գոր-  
ծեացէ, և աւաւել եւս գործեա-  
ցէ:

Եւ կատարեալ դահճացն զգոր-  
ծրն ըստ հրամանին Աեհդենշա-  
պրհոյ, խաղացուցանել տնուհե-  
տեւ ՚ի Շահաստանէն զսուրբան  
փութային: Եւ տեսեալ զայն նախ-  
արարացն Հայոց որք անդէն ՚ի  
գղեկի Շահաստանին մնալոց էին  
՚ի կապանս, քաջալերեալք և ա-  
պաւինեալք ՚ի յոյսն երկնաւոր՝  
աներկիւզ համարձակութեամբ ա-  
ւաջի ամենայն բաղմութեանն հը-  
րապարակին Պարսկաց՝ օտարացն  
և որք անդէն ՚ի Շահաստանին,

անկեալք յոսս սուրբ քահանա-  
 յիցն Աստուծոյ խնդալից և ու-  
 բախասիրաք համբուրելին յերկար  
 սղջունիւ զոսս նոցա, ալաջելով  
 և ասելով, թէ յիշեալիք զմեզ ան-  
 մուսաց յուրախութեանն ձերում  
 և յարքայութեանն: Նոյնպէս և  
 սուրբ քահանայքն Աստուծոյ բեր-  
 կրեալք սրաիւք և զուարթալից  
 երեսօք ընկալեալք զամենեւեան  
 'ի դիրկս իւրեանց, ասէին. Աս-  
 տուած զօրութեանց օրհնեսցէ  
 զձեզ, և ասցէ ձեզ սեւոյդութիւն  
 'ի փառս անուան իւրոյ, և զօրա-  
 ցուսցէ զձեզ առաջի ալիպայս հե-  
 թանոսականաց. և արձակեալ  
 զմարմինս ձեր յերեւելի կապա-  
 նացդ՝ յորում էքդ, առաջնոր-  
 դեսցէ ձեզ յաշխարհն ծննդեան  
 ձերոյ, և 'ի դիրս հարցն ձերոց  
 հանգուսցէ զոսկերս ձեր. և  
 յաներեւոյթ կապանացն սասա-  
 նայի արձակեալ զոգիս ձեր,

ածցէ զձեզ 'ի գաւառն՝ ուր զմեզ  
յուզարկեցէք, և բնակեցուցէ  
զմեզ ձեօք հանդերձ յաւխտենից  
յարկան, ուր Քրիստոս է ընդ աջ  
մէ Հօր:

Եւ տեսեալ անօրինացն այնպի-  
սի ուրախակցի հրաժեշտ 'ի մի-  
մեանց սուրբ քահանայիցն և նա-  
խարարացն Հայոց, այսպանէին  
ընդ միսս իւրեանց ծաղրելով,  
հաշուէին զնոսս վնեւ անգէտս  
հրամանի թագաւորին, և տակին  
գալտ ցմխեանս. Զի թէ գիտէին  
երիւյանիս զմահն՝ զոր պատրաս-  
տեալ է նոցա, ունէին արդեօք  
բազում սատարս լալոյ վնքեանս,  
այլ այդպէս ծիծաղել և ուրախա-  
նալ ոչ լինէին կարող: Եւ զայն ոչ  
գիտէին ամբարիշտքն՝ եթէ այն էր  
ցնծու թիւն և նոյն լուր ուրախու-  
թեան, և ընդ այն զուարճանային  
անյապ ինդու թեամբ հրաժարեալ  
քրն և մնացեալքն: Եւ ողջուհեալք  
զմխեանս սուրբ քահանայիցն և

նախարարացն Հայոց, յուղար-  
 կեալք գնային՝ կոչեցեալք ՚ի պատ-  
 կուծն: Եւ երթեալք սուրբ քահա-  
 նայքն Աստուծոյ կազմէին ճեպով,  
 և այլ մանկուղիք ՚ի սպասաւորացն  
 երանելեացն, որք եկեալ էին ընդ  
 նոսա ինքնակամ յօժարութեամբ  
 յաշխարհէն Հայոց, արբանեկել  
 նոցա և սպասաւորել ՚ի կապան-  
 արն. որք և վիճակի բարւոյ մա-  
 սինն լինել արժանիք տենչային:  
 Եւ մանաւանդ առաւել խորէն ե-  
 րէց, որ էր ՚ի գաւառէն Այրա-  
 բատու, ՚ի գեղջէն՝ որում անուն  
 էր Արկովի, և երանելին Աբրա-  
 համ երէց, որ էր ՚ի գաւառէն  
 Տայոց, ՚ի գեղջէն՝ որում անուն  
 էր Զենակս: Զոր տարեալ Վեհ-  
 դենչապհոյ և որք ընդ նմայն էին,  
 և հարցեալ թէ դուք յո՞ կազմիք.  
 և լուեալ ՚ի նոցանէ՝ թէ ուր զհո-  
 դեւոր տեարսդ մեր և զվարդա-  
 պետս տանիք, ընդ դոսս պատ-  
 բասս եմք երթալ ՚ի կեանս կամ

'ի մահ: Եւ սրամտեալ Ահեղէն շապհայ՝ հրաման տայր բռնաբար ունել զնոսա և սրահել անդէն 'ի Շահաստանին, պատուէր տայր ըստ աւաջին հրամանին զգուշանալ նոցա բազում պահպանութեամբ մինչեւ յժամանակ մտանելոյ ամենայն զօրացն արքունի յոստանն, և ապա, ասէն, իշխեացէ ծառայ ոք կապելոց նախարարացն Հայոց ելանել 'ի Շահաստանէն 'ի սէտտ արքանեկութեն, ուր և աւաքեսցեն տեարքն իւրեանց: Զոր իբրեւ տեսեալ երանելեաց քահանայիցն Սարենայ և Աբրահամու զբռնաբար դահճացն արգելուլն զնոսա անդէն 'ի Շահաստանին, մեծապէս խռովեալք արամէին, հաշուելով անարժան զանձինս այնպիսի երկնաւոր սըսակի, զոր և առնլոց են սուրբ վարդապետք նոցա՝ որդիք նահասակին Գրիգորի:

ԾԳ. Զուէր այնուհետեւ ամբա-

բապեան. Անհրեւնչապուհ հան-  
 դերձ քահանայիւքն 'ի Նիւշա-  
 պահոյ՝ 'ի վեցերորդ ժամու աւու-  
 րըն, ընդ ճանապարհն՝ որ ելանէ  
 'ի Վրկանն: Եւ լուեալ զայս առն  
 միոյ վաճառականի, որ էր ազգաւ  
 Խուժիկ, որոյ ըստ օրինի վաճա-  
 րականութեան շատ անգամ ճա-  
 նապարհորդեալ էր 'ի Հայս, որ և  
 զլեզու հայերէն խօսից քաջ աե-  
 դեկարար գիտէր. և էր ինքն այր  
 'ի մանկութենէ իւրմէ կեցեալ ա-  
 րաքինի վարուք, եղեալ որդի քը-  
 ըխատասէր և հաւատացեալ ծը-  
 նոզաց, որ և զերանելի քահանայ-  
 արն Աստուծոյ և զնախարարն  
 Հայոց՝ որ 'ի կապանան էին, յոյժ-  
 ընտանութեամբ գիտէր, աւ որս  
 և բազում ծախս յընչից և սպա-  
 սաւորութիւն արարեալ էր մինչ  
 'ի Վրկանին էին, ուշադրելով զա-  
 մենայն օր և ակն ունելով մասին  
 նշխարաց սրբոցն 'ի կատարումն  
 նոցա լինել արժանի. սորա լը-

ևեալ զհրաման թագաւորին՝ ճե-  
 պով և անյապաղ ոչինչ զգացու-  
 ցեալ ումեք՝ թողոյր և զգրաստ-  
 իւր և զկարասի՝ ի մանկուհս իւր  
 և յընկերս, և իւր աւեալ՝ ի գը-  
 րատուց իւրոց գրաստս տոկու-  
 նրս և ուժեղս, և նմանեալ ամե-  
 կարաւանի՝ գնայր ընդ ճանա-  
 պարհ՝ որ երթայր յԱպար աշ-  
 խարհն, և ուղեկցեալ ճանապար-  
 հորդէր ընդ ամբարակապեալին  
 ընդ Վեհդեհնշապհոյ, ջուլցանելով  
 նմա զճանապարհայնն և յօժե-  
 ւանս ուր հանդէլին՝ բազում արթ-  
 նաւթեամբ շուտութիւնս, և հա-  
 ճոյ եղեալ Վեհդեհնշապհոյ, ամե-  
 նայն գործ հպատակութեան թու-  
 ժըկին՝ սիրէր զնա յոյժ և խնա-  
 մարկելով ողջունէր. վստն զի Աս-  
 տուած էր՝ որ յաշողէր զիրն:

Եւ եղեալ համարձակապէս յըն-  
 գունելութեան մեծի իշխանին՝  
 թուժկին, հարցանէր առ ՚ի սը-  
 թափելոյ ամբարակեան զՍու-

Ժիկն՝ յաղագս գեղջն նորա և ծնա-  
 ղացն, թէ սրախիք էին և սւտի :  
 Եւ խաւժիկն պատճառադրելով  
 խօսէր ընդ նմա այլաբանութիւնս,  
 սուտ պատճառս և դիպողս ըստ  
 առաջարկելոյ իրաց գործոցն : Ար-  
 դի եղեալ էմ ես, ասէ, ծնողաց  
 օրինաւորաց, որք 'ի նախնեաց  
 իւրեանց կրակի և արեգական հա-  
 լատարմապէս եղեալ են ծառայք,  
 որոց զիս 'ի նոսա յանձնեալ է 'ի  
 մանկութենէ իմմէ, և նոցա սահ-  
 պանութեամբն կացեալ էմ 'ի մի-  
 ջի մինչեւ ցայսօր և կամ, ճանա-  
 ջելով յայնմապէս յանձին իմում  
 զաստուածոցն օգնականութիւն :  
 Յիշելով երանելոյ խաւժիկին ըզ-  
 պատճառադրութիւնսն վարդա-  
 պետին հեթանոսաց Պօղոսի, որ  
 երբեմն հաւատոյն վարիսեցի լե-  
 նէր, և դարձեալ այլուր հռոմա-  
 յեցի. որ ոչ էր յայտցանէ 'ի ժա-  
 մուսն և ոչ մի, այլ հաւատովք ա-  
 լեարանին քարոյ էր և վարդա-



պէտ , և ըստաքաւ 'ի Անկէտեցւոց  
 գաւառէն էր , տարածնացի , մանա-  
 լանդ թէ սուրբ և հոգեղէն վե-  
 ըին զօրացն էր դասակից . բայց  
 զմիտս ըստացն առ վայր մի սայ-  
 թաքեցուցանէր . այսր անդր , զի  
 զճմարտութի աճեցուցեալ հաս-  
 տատեացէ . այսպէս և երանելի  
 Սուժիկն սրարողական բանիւք  
 զմիտան Անհղենչապէս խնդացու-  
 ցանէր 'ի ժամուն , որպէս զի զիւր  
 ընթացիցն տենչանա տարեալ 'ի  
 գլուխ՝ կատարեացէ ըստ կամի :

Իսկ ամբարապետն Անհղենչա-  
 պուհ որպէս թէ շատուածոց հա-  
 մարէր զպատահումն իմա Սուժ-  
 կին , տեսանելով զայրն յամենայ-  
 նի յաջողակ , և առաւել վարկա-  
 նէր հաւատարիմ և ըմբոն գործոց  
 իրացն՝ յոր երթայր . վասն որոյ  
 և շտայր թոյլ առն և ոչ ժամ մի  
 հեռանալ յիւրմէ , այլ 'ի տուէ և  
 'ի գիշերի մօտ ունէր առ իւր բա-  
 զում յարգանօք և սիրով . և հա-

ւառայր նմա զխորհուրդ թագա-  
 ւորին և զպէսս գործոյն՝ յոր եր-  
 թայր. վասն զի ըստ յառաջագոյն  
 սասցելոցն, Աստուած էր որ տըն-  
 տեակր զիրան ըստ իւրոյ կամացն  
 'ի քակառւմն և յամօթ անօրինա-  
 ցըն, և յօգուտ և 'ի վառս եկե-  
 ղեցւոյ իւրոյ սրբոյ: Եւ կատա-  
 րէր բան Սուրբ Հոգւոյն՝ որ ա-  
 սէր, թէ՛ Խորհեցան ոչ ինեւ, և  
 դաշինս կռեցին և ոչ իմով բանիւ:  
 Եւ սաղմոսերդն սսէ. Խորհեցան  
 խորհուրդ՝ զոր ոչ կարացին հաս-  
 տատել:

Ապա պատճառէր երանելի Սու-  
 ժիկն պէսս ինչ զիւր տեսանել-  
 այլուր. և ինդրէր աղաչելով հը-  
 բաժեշտ 'ի Վեհդեհնշտպհոյ. որով  
 յամենայն օգտակար իրաց և կար-  
 ծեաց հեռացուցեալ զմիտս ամ-  
 բարակապեաին՝ առաւել հաւա-  
 տարմագոյն ցուշանէր նմա զին-  
 քըն, զիտելով յազդեցութենէ

Սուրբ Հոգւոյն, եթէ չտայ՝ թոյլ  
 Աստուած արձակել զնա նմա :  
 Իսկ Վեհգեհնշապուհ և բնաւ իսկ  
 ոչ ամենայր յանձն՝ լսել բանից  
 Խուժկին, այլ ասէր զնա գալտ.  
 Եթէ, Գու որ օրինօք սնեալ էս և  
 կեաա՝ ի փառս կրակաց, ոչ կաա  
 աւ իս յօժարութեամբ և տեսա  
 նես զկորուստ անօրէն կրակա  
 սպան մահապարտացն, և ուրա  
 իանաա : Եւ երանելոյ Խուժկին  
 լուեալ զայնպիսի բանս յամբա  
 րասեանն, մեծաւ երկրպագու  
 թեամբ շնորհ ունէր սիրոյն Վեհ  
 գեհնշապուհոյ. այլ՝ ի սրաի իւրում  
 փառս տալով օրհներ զամենահօ  
 րըն և զյարգարիչն ամենայնի զԱս  
 տուած, որ տայր խօսել ամբա  
 րակապետին և աղաչել զգուշակ  
 նշխարացն սրբոցն՝ երթալ ընդ  
 նոսա՝ ի տեղի նահատակացն Աս  
 տուծոյ. այն որ լինելոց էր ցրիչ և

խայտառակիչ թողաւորին հրամանի, և ցուցակ և բաշխիչ մեծի և երկնաւոր գանձու սրբոցն:

Իսկ երանելոյ Խուժկին համբարձեալ աւ աէր Աստուած վաղօթս սրտի իւրոյ, խնդրէր 'ի Բարձրելոյն շնորհել նմա ուշ և լայնութիւն սրտի, որով արժանի լիցի գրել հաւաստեալ 'ի տախտակս մտաց իւրոյ՝ որպէս յարձանագրի՝ վամենայն հարցմունս բանաւորացն և զպատասխանիսն և զաղօթան, զոր իւրաքանչիւր որ սրբոցն 'ի ժամ կատարման մատուցանէր Աստուծոյ. որպէս վիպամել ճշմարտապէս կարացէ 'ի կարգի առ 'ի յիշուին ամենայն հաւատացելոյ լսողաց յազգս յաւիտենից: Եւ ընկալեալ 'ի յախորժալուր 'ի առջէն զգլխս մաղթանօք խնդրոյն իւրոյ՝ պամել անդադար ցնծալից՝ սրտիւ աւմենայն ուղղափառ ժողովրդոց, յամենայն տեղիս 'ի վարմացու

մին և 'ի փառս անուանն Քրիստոսի:

ԾԾ . Իսկ Վեհդեհնշապհոյ 'ի սկզբանն ոչ համարէր արժանի պատեղ Սուժկին զսուրբ քահանայիցն, զոր ինչ գործելոց էր ընդ նոսա, այլ ասէր, թէ՛ 'ի Վրկանս ասնխոք և անտի արձակեմք: Աւերթային այն օր 'ի դեօղ մի՛ ուրում անուն էր Ռեւան<sup>1</sup>, հեռի 'ի Նիւշապհոյ որպէս հրասախօք վեցիւք և թէ ասելի եւս, ըստ չափոյ համարուց Պարսկացն, և դադարէին անդ մինչեւ ցառաւօտունս պահն: Յարուցեալ փութով դադար, ոչինչ զգացուցեալ ումեք 'ի դեղջէն, և ոչ ամենեցունց զորս ընդ ինքեանս, բայց միայն երանելի Սուժկան և ա-

1. Ինդրելի է տեղիդ յարեւելից հիւսիսոյ Նիւշապհոյ (որ է իբր ընդ 370 Լայն. 'ի Խորասան), զի յայնմ կողման նշանակին լիրինք և ասապարք:

նօրէն դաճաօքն, սրովք սպանա-  
 նելոց էին զսուրբն, ըստ հրա-  
 մանի թափաւորին. գնացին 'ի  
 գեղջէն լուկեայն: Եւ առեալ ըզ-  
 սուրբն դաճաօցն՝ գնացին զքո-  
 վանդակ մնացեալ մասն 'ի գիշե-  
 րոյն՝ ընդ անկոխ անսպասն հե-  
 ռի 'ի գեղջէն՝ որպէս պարսիկ հը-  
 րասախաւ միով և թէ աւելագոյն.  
 և ընդ ծագել առաւօտուն հասա-  
 նէին 'ի տեղի մի քարուտ, աւա-  
 պարածոր, աւազուտ. 'ի տեղի՝  
 յոր ոչ հասանէր արօտական, և  
 ոչ բնաւ անցանէր ընդ նա ու-  
 ղեւոր, վասն ոչ գիտելոյ երբեք 'ի  
 նմա ճանապարհ:

Եւ արկեալ աթոռա երեցունց  
 իշխանացն՝ նստէին, ամբարապե-  
 տըն Վեհգեներապուհ, և Ջնիկան  
 մայպետն արքունի և Մովան ան-  
 դերձապետն: Իսկ երանելոյ Սուժ-  
 կին համբարձեալ առ արարիչն  
 վեճայնի զուշն:

Եւ կացուցեալ զսուրբ նահա-

տակսն յտոենի՝ ասէ ցնոսա Վէհ  
 գենշապուհ. Բազում և անհամար  
 չարիս գործեալ է ձեր, և բազում  
 Արեացն կոտորածի պարտաւոր  
 էք. զի թէ լոկ միայն երկուց և  
 կամ երկուց անձանց մահու պատ-  
 ճառ էիք, սակայն մեծ էր, և չէ-  
 լիք արժանի կելոյ, թող թէ այն-  
 պիտոյ աշխարհի մեծի, որպէս  
 Հայքն են, և այնչափ բազում ա-  
 րեանց՝ որ անդ հեղան. և ամե-  
 նայնի այնմ գուք էք պարտաւորք,  
 և ձեր տանելով և խրատու գոր-  
 ծեցաւ ամենայն գործն այն: Եւ  
 ՚ի վերայ այդչափ ձերոյ յանցա-  
 նաց և մահապարտութեան՝ ար-  
 քայից արքայ առ ձեզ կարի բա-  
 րերարութիւն արար, զի մեզ հը-  
 րաման ետ և ասէ. Թէ հաւանին  
 արեգական և կրակի երկիր պա-  
 գանել, և զմեր օրէնս յանձն առ-  
 նուն պաշտել, նոցա զմահապար-  
 տութիւն թողում, և զապատ-  
 որեարան որ կապեալ է՝ արձակեմ

'ի Հայս, և զիւրաքանչիւր ուրուք  
 զտանուտէրութիւն տամ և զգահ  
 և զպատիւ: Սրդ դուք յիշեցէք՝  
 և զձեր անձինսդ զմտաւ ածել և  
 զայնչափ կապելոց զողիս, որք 'ի  
 բանախն էին. և զի զհրամանն  
 արքայից արքայի կամաւ և ա-  
 խորժելով յանձն առէք. և որ-  
 պէս եղէք պատճառք բազում  
 արեանց, լերուք այժմ պատ-  
 ճառք բազմաց կենդանութեան.  
 ապա թէ ոչ առնուք յանձն, և  
 սակաւին 'ի նմին ապշութեան  
 յամառեալ կեայք, դուք մեռա-  
 նիք, և զնոսա հրամայէ սպանա-  
 նել. և ամենայն արիւնքն որ յա-  
 ռաջն հեղան և որ այժմ հեզլոց  
 են, 'ի ձեր յողւոց ինդրին  
 յաստուածոց: Եւ զայս ամենայն  
 բանս խօսեցաւ Վեհդենշապուհ  
 հանդերձ ընկերօքն իւրովք ընդ  
 սուրբան:

Հրաման տային երանելոյն Սա-  
 հակայ եպիսկոպոսին՝ թարգմա-



նել Սրբոյն Յովսէփայ և Սրբոյն  
 Ղեւնդի և այլոց ընկերակցացն .  
 քանզի սուրբ եպիսկոպոսն միայն  
 գիտէր պարսկերէն , և այլ ոք 'ի  
 սրբոցն ոչ գիտէր : Արոյ անդրէն  
 պատասխանի արարեալ սրբոյ է  
 պիսկոպոսին Սահակայ , ստէ ցը  
 Ղենշապուհ և ցայլսն որ նստէին  
 ընդ նմա . Մի աայք ինչ , ստէ ,  
 ստել չգոսա բանս , որ ոչ ևն ար  
 ժանի սոցա լսողութեան . վասն  
 զի խօսք՝ որ ինձ ատելի թուին և  
 արժանի ծաղու , զի՞ եւս ատեմ  
 ցնոսա , զոր գիտեմ թէ իբրեւ լը  
 սեն՝ և զձեզ և զյպեւիսն 'ի միա  
 սին անգոսնէն : Արարէք զինչ և  
 կամիք , և մի յերկարեալ խօսիք  
 ըող մեզ բանս անտախ և պատգա  
 մըս ընդունայնս :

Եւ սրտմտեալ Ղենշապուհոյ և  
 այլոցն՝ ասեն ցսուրբն . Իու հար  
 կաւորութեամբ ասա ցգոսա , թող  
 գիտասցուք և զգոցա պիտա և ըզ  
 կամս : Եւ սրբոյ եպիսկոպոսին

կարճառօտիւ զբանան և զպատ-  
 գամս թագաւորին ասացեալ զը-  
 սուրբ ընկերակիցան իւր . և սրբո-  
 ցն լուեալ՝ մեծաձայն ծաղուան-  
 ցոսնեցին զբանիւքն . զոր և ի-  
 մացեալ անօրէն իշխանացն՝ ա-  
 ռաւելապէս զայրացան: Սակայն  
 պատասխանի տուեալ սրբոյ կա-  
 թուղիկոսին Յովսէփայ ասէ, թէ,  
 Եղեւ հարցումդ այդ ատենաւ ՚ի  
 դրան առաջի հազարապետին ա-  
 թեաց Միհրնէրսեհի, և լուեալ ՚ի  
 մէնջ զբանս մեր և զկամս, զոր և  
 թագաւորին գիտել ետ. նոյն էն  
 մեր ամենեցուն կամք և բանք, և  
 ոչ փոփոխեմք զբանս մեր, որպէս  
 երբեմն խօշապեալք իբրեւ զան-  
 իորհուրդս, և այժմ զղջացեալ  
 աստուաւեմք իբրեւ զմիասակարս:

Այս եւեթ իորհուրդ . և խնդիր  
 օր քան զօր աճէ ՚ի սիրտս մեր,  
 թէ ընդէր ոչ այսօր քան զերեկն  
 և զեռանդն ցուցանի գործ յան-  
 ձինս մեր լաւութեան և արա-

բուսած բարւոյ՝ ի հաւաստ՝ յարու  
 եմք, խորհել՝ ի սոյն և կեալ սո-  
 վաւ և ՚ի միասին վախճանել: Այլ  
 յաղագս երկրպագութեան արե-  
 ցանկի, որ ասէք՝ թէ հրաման  
 եա թաղաւորն, զոր թէ յանձն  
 առեալ հաւանիք, ասէ, կեայք  
 դուք և ազատորեարն՝ որ ՚ի կա-  
 պանսն են. և եթէ յամառեալ  
 շկամիք առնուլ յանձն, և դուք  
 մեռանիք և զնոսա հրամայեմք ըս-  
 պանանել. մեզ՝ մի լիցի ուրանալ  
 զճշմարտութիւն և ծառայել սուս-  
 անուանելոյ աստուածոց, որ ոչ  
 են աստուածք. և մերով ուրա-  
 ցութեամբ ումեք ՚ի հաւաստա-  
 ցեալ կապելոցն՝ մի լիցի արձա-  
 կումն և ՚ի յաւիտենից անլոյծ  
 կապանան անկանել. զոր և նոքա  
 այժմ աւաւել եւս քան զմեզ  
 ինդրեն յԱստուծոյ, զմեր վա-  
 սըն Աստուծոյ զվախճանն՝ քան  
 թէ զկեալն մեր ուրացութեամբ:  
 Այլ թէ հնար էր ձեզ այժմ գի-

անլ մարդարեւ թեամբ, թէ որ  
 պէս (վասն) պատգամից այդո-  
 ընկ՝ զոր բերեք առ մեզ հրամա-  
 նաւ թագաւորին, թուիք մեզ<sup>1</sup>  
 անմիտք և կորուսեալք և դուք և  
 որ զձեզն յլեաց, ողորմելի զան-  
 ձինս ձեր և զթագաւորին քան զա-  
 մենայն թշուաւացելոց ՚ի մարդ-  
 կանէ հաշուելք. բայց զոր ինչ  
 կամիք՝ արարեք վաղ, և կամ՝ երբ  
 կամիք:

Եւ ասացեալ զայս սրբոյ կա-  
 թուղիկոսին Յովսէփոյ, սրամը-  
 տեալ զայրացաւ Վեհդենշապուհ  
 և որք ընդ նմա հաւատարիմքն  
 էին, և հրաման եւս սրբոյն Սա-  
 հակայ ասել զնա. Ձի թէպէտ և  
 թուին մեզ ծանր թշնամանիք՝ ու-  
 բով թշնամանեալ ասացեր զմեզ  
 անմիտս և կորուսեալս, սակայն  
 առ համարձակապէսն յանդգնու-  
 թեամբն՝ զոր իշխեցեր յաստուա-

1. Յօր. և Ռու-ի, զմեզ:

ծանձան թագաւորն ասել բանս  
անարժանս, իբրեւ ոչինչ թուին  
'ի մեզ կողմն թշնամանքդ մեր ան-  
ձանց և թեթեւութիւն: Բայց  
դու գիտես, զի քեզն զկորուսա-  
անձինդ խնդրեցիր և ասեր, և  
կեալ քեզ այսուհետեւ անհնար  
է. սակայն սխարա է մեզ և զիւ-  
րաքանջիւր զայլոց գիտել զկամս  
և զընտրողութիւն, վասն զի օ-  
րէնք մեր այսպէս ասեն:

ԾԶ. Աւ հրամայեաց սրբոյն Սա-  
հակայ ասել ցնտա, թէ մի ան-  
սայք անմիտ բանից դորա, և զան-  
ձինս ձեր յայդպիսի խօս խրա-  
տուէ 'ի բայ կալայք, և մարդ-  
կաբար զկեանս ընտրեցէք քան ըլ-  
մահ: Աւ դա որ ինքն այժմ իշ-  
խեաց իտել զայդպիսի բանս մա-  
հապարտութեան, վասն զի մեծա-  
մեզ է և չէ արժանի կելոյ, իւր  
իսկ վաս դարձքն չտան դմա կեալ.  
Իսկ դուք թէսպէտ և էք տակաւին  
ինչ մտասկարք, և զկամս թա-

գաւորին եւեթ առնէք և արե-  
գական երկիր պարանէք, հրամա-  
յեաց զմեան թողուլ ձեզ, և ըզ-  
ձեզ պատուով ողջանդամ 'ի առ-  
նքս ձեր արձակել:

Հրամայէին եւս Վեհդեհու-  
տուհ և այլ հաւատարիւնքն որ  
ընդ նմայն էին՝ սրբոյն Սահակայ,  
ասել ցերանելի այրն Աստուծոյ  
Ղեւոնդ. թէ, Մեր լուեալ է վա-  
սըն քո՝ թէ օրինաց քրիստոնէից  
իրեւ զքեզ որ տեղեակ չէ, և 'ի  
քո խրատուէ աւելի եւս կորեաւ  
աշխարհն Հայոց. արդ՝ այգսլիսի  
մեծ և իմաստուն մտաց պարտ է  
ճանաչել զարքայից արքայի զբա-  
րերարութիւնն, զի զայնչամի վը-  
նասն թողու ձեզ և ձեզ ճշմարիտ  
Աստուած ծանուցանէ: Արդ՝ որ-  
պէս եղեր խրատատու և բազումք  
մեռան 'ի քո առնելոյ, լեր այժմ  
խրատատու կենաց, և թող կեան  
և դորս և այլ բազում անթիւ  
անձինք. ասա ցդոսա զի պաղցեն

արեգականն երկիր և կեցցեն, և  
 դու այնպիսի պատիւս գտանես 'ի  
 թագաւորէն՝ որովք անուանի լի-  
 նիս 'ի քում աշխարհին և յամե-  
 նայն ազգս: Եւ սուրբ եպիսկո-  
 սոսն Սահակ երկայնամուժեամբ  
 և ծաղրելով թարգմանէր առ վայր  
 ւի Սրբոցն՝ զամենայն բանս ամբա-  
 լակապետին և զնորուն անօրէն  
 գործակցացն, որպէս զի ծանու-  
 ցէ անօրինացն պատասխանեօք  
 Սրբոցն՝ զիւրաքանչիւր անձին զե-  
 րանելեացն զկամս և զփափաք և  
 զանշարժ հաստատութիւն նոցա  
 'ի հաւատն:

Եւ սրբոյ ասն Աստուծոյ Ղե-  
 ւանդի սկսեալ խօսել աւանձի-  
 նին ընդ սրբոցն Սահակայ՝ ասէ.  
 Թէ, Մեզ դոցա պատասխանի այն-  
 քան պարտ է ասնել, որչափ ա-  
 ըար պատասխանի Քրկիչն Պիղա-  
 տաի՝ յասենին: Բայց զի ծա-  
 նուայոք աներկիւղ զցանկու-  
 թեանս մերոյ զինդիրն, ասա

ցգոսա, Գուք ասացէք աւաղիկ  
 զոր ինչ լուեալ է ձեր վասն իմ,  
 թէ օրինացն մերոց տեղեակ եմ,  
 և բազմութեան ժողովրդոց ե-  
 ղեալ եմ ուսուցիչ, ցուցանէ  
 ձեզ տիոյ իմոյ մերձաւորութիւն  
 'ի կատարումն: Աւարդ զընարո-  
 զութիւն լաւ գիտութեան իմոյ՝  
 որում գուք իսկ վկայէք՝ զի ու-  
 սեալ եմ Աստուծոյ և ոչ 'ի մար-  
 դոյ, այսօր յաղագս երկիւղի  
 մահկանացու և ապշեալ մարդոյ՝  
 մուսցեալ փոխանակիւնսմ, և կու-  
 թնչիմ. քաւ լիցի. և լուեալ յան-  
 դիմանիցիմ բանիւն, թէ Ար ու-  
 սուցեր զբազումս՝ զանձն քո ոչ  
 ուսուցեր: Աւ վասն սրտուի և  
 փառաց՝ զոր իստասանայք սալ,  
 մեզ մի լիցի առնուլ զպատիւ 'ի  
 հողեղէն և 'ի մահկանացու մար-  
 դոյ, զոր ցեց և ուտիճ ապականէ  
 և գող ական հատանէ և տանի.  
 որ զգեցեալ եմք զփառս և զպա-  
 տիւս յերկնաւոր և յանմահ ա-



ջայն Բարձրելոյ, զոր ոչ երկինք  
 և ոչ երկիր և որ 'ի նոսա պա-  
 առականութիւնք են՝ արժել ոչ  
 կարեն: Մի ինչ պակաս է 'ի մեր  
 երանելի փառաւորութենէս, բա-  
 ժակ մահաւոյ, որում իբրև ըզ-  
 պարեալ ծարուիս փութամք ըմ-  
 պել: Արբուցէք վաղվաղակի, և  
 թող ուրախացեալք զերժանիմք  
 յերեւալից ախարակաց կենցա-  
 ղոցս, և մի եւս յերկարեալ ճրգ-  
 տէք զանմիտ և զփասակար բանս  
 բանդադուշեալ թադաւորին ձե-  
 լոյ:

Եւ արբոյ ասն Աստուծոյ Աե-  
 ւոնդի կատարեալ զիւր պատաս-  
 խանիան, ալաչեցին զսուրբ եպիս-  
 կոպոսն զՍահակ՝ երանելի երէցն  
 Մուշէ և երանելի երէցն Արշէն  
 և երանելի սարկաւադն Քաջաջ՝  
 տել զանօրէն իշխանն և նոցա  
 բանիւ, թէ՛ զոր ինչ սասցին սուրբ  
 վարդապետքն մեր և հոգեւոր  
 հարքս տեր Յովսէփ և տեր Աե-

ւոնդ, դոյն են մեր կամք և խըն-  
դերք. կատարեցէք վաղվաղակի  
յոր եկեալդ էք, և մի յապաղէք.  
և խնդրեմք յԱստուծոյ պար-  
գեւել մեզ և արժանի առնել ըզ-  
մեզ յաւիտենական պատուոյն և  
երկնից արքայութեանն:

Եւ լուեալ զայս Վեհդեհնշա-  
պուհ և անօրէն դործակցացն, և  
'ի սրամտութիւն բարկութեան  
գրգռեալք՝ կամեցան և այլ պատ-  
րողական բանս և իսոսս ընդունայ-  
նրս խօսել ընդ սուրբ Նահապակ-  
սըն. կարծեցեալք թերեւս կա-  
րասցեն ճեղքել զոք 'ի գնդէ ան-  
քակ միաբանութեանն, որում  
անհնար էր լինել. սկսան ստիպել  
և այլ զսուրբ Եպիսկոպոսն Սա-  
հակ, զի թարգմանեացէ նոցա և  
այլ զոր ինչ կամիցին խօսել ընդ  
Սուրբն: Եւ սրբոյ Եպիսկոպոսին  
Սահակայ պատասխանի տուեալ  
ասէ ցՎեհդեհնշապուհ և ցայլ  
դործակիցս նոցա թէ, Ես որ մին-

ջէւ ցայժմս կամակատար ծանու-  
 ցայ ձեզ և զասացեալն 'ի ձէնչ  
 թարգմանեցի Սրբոցս, իբրեւ ոչ  
 էթէ ձեզ և կամ պակշտտեալ բա-  
 նից թարգմտին ձերոյ կամեցայ  
 արբանեկել . քանզի զի՞նչ ար-  
 դեօք հարկ 'ի վերայ կայ մարդոյ  
 որոյ միայ իւր առ իւր են և զգայ  
 խելաց իւրոց, զայդպիսի զձեր  
 բանգադուշանաց բանս՝ իւր խկ  
 լսել, թող թէ յականջս այսպիսի  
 խմատուն և խորհրդական մար-  
 դոց լսելի առնել . բայց այսքան  
 միայն՝ զի առաւել եւս ծանիցի  
 ձեր յիմարութեանդ նշաւականք,  
 և 'ի մեզ զօրացեալ հաստատեացի  
 ճշմարիտ և աստուածուսոց քա-  
 ռողութեանն մերոյ անշարժու-  
 թիւնն :

Յէ. Եւ սրտմտեալ անբէն է-  
 րեցունց իշխանացն, ոչ եւս առ  
 'ի յերկարսն հանդուրժել կարա-  
 ցեալ Սրբոցն, որպէս շնորհ առ-  
 նելով թարգմտին ընդ այնչափ

թշնամանեւոյ զնա , յարուցեալ  
 ինքնին Վեհդեհնշապուհ առաջի  
 դործակցաց իւրոց՝ հարկանէր  
 սուսերաւ զուս սրբոյ եպիսկոպոս  
 սին Սահակայ , և հուսա՛ ի դօտին  
 մերձեցուցանէր զվերան . և սրբ-  
 բոց եպիսկոպոսին՝ ի սաստիկ  
 հարմանէն դրդուեալ՝ ոչ գլո-  
 բեալ անկանէր յերկիր , այլ  
 ՚ի քարի մի յեցեալ հաստատէր .  
 և որպէս ՚ի բերանոյ ամենայն  
 Սրբոցն սկսաւ ասել այսպէս . Գո-  
 հանամք զքէն , Քրիստոս , որ բա-  
 զուսմանդամ՝ կենդանարար դաս-  
 նորդ՝ անմահական զենմամբ մա-  
 տակարարեալ անծախսութեամբ  
 բաշխեցար ՚ի ձեռաց մերոց . իսկ  
 արդ և զմեզ իսկ մարդասիրապէս  
 արարեալ զենուսմն՝ ընկալ զամե-  
 նեսեան արժանաւորապէս զպա-  
 տարադեալսս՝ ՚ի հոտ անուշիկ : Եւ  
 սասցեալ սրբոյ եպիսկոպոսին  
 այսպէս , թէպէտ և յորդեալ հո-  
 սէին վասիկք արեանն ՚ի վերէ Սրբ-

բայն, սակայն կայր զօրացեալ ու-  
ժով շնորհօք հզօրին, որպէս զի  
բնաւ ջիւէ վերաւորեալ:

Նւ ապա հրամայէին և զսուրբ  
կաթուղիկոսն զՅովսէփ գլխաւել  
սրով, և մերկացուցեալ դահճա-  
ցին զՍուրբն՝ ասաց երիցս. Դարձ  
անձն իմ՝ ի հող և ՚ի հանդիսա-  
քս, զի Տէր բարի արար քեզ. և  
այսպէս ընկալաւ սրով զվախճան  
կատարելաւթեանն:

Իսկ յաղագս Սրբոյն Աւետնդի  
հրաման ետուն դահճացն՝ անօ-  
րէն իշխանքն՝ մերկացուցանելը  
սուրբն և քարշել ուժգին ընդ-  
քարաժեռ կոպճուտ տեղիս լան-  
ջակողմանցն: Նւ այնպէս քարշե-  
ցին յերկար ժամս, մինչեւ զա-  
մենայն մարմինս Սրբոյն զլանջացն  
և զթիկանցն քանցեալ քերեցին  
՚ի մորթոյն, մինչեւ ոսկերացն  
մերկանալ ՚ի մորթոյն. իսկ զի  
զերանելի այրն Աստուծոյ զԱւ-  
ւետնդ աւաւելադոյն ասէին ամե-

նայն Պարսիկք իրաաստու և  
 պասաճառ լինել ավենայն իրայն  
 Արդարանայ և Գործոցն՝ որ ՚ի ժա-  
 մանակին յայնմ Գործեցան յաշ-  
 խարհիս Հայոց: Եւ մինչդեռ կեսք  
 ՚ի դահճացն քարշէին դերանելին  
 Աւուսդ, այլքն կարեցին սրով  
 զգլուխ սրբոյ երկցոյն Մուշէի և  
 զսուրբ երկցոյն Արշէնայ և զսրբ-  
 բոյ սարկաւազին Քաջաջայ. որոյ  
 ՚ի ժամ վախճանին կասարմանն  
 ասացեալ, Տէր Յիսուս՝ ընկալ զս-  
 դիս մեր:

Եւ ապա աշխատեալ դահիճքն  
 որ քարշէին զՍուրբն Աւուսդ, ա-  
 ծին ՚ի նայն սեղիս սուղ ինչ ոգով,  
 ուր և այլ Սուրբքն կատարեցան,  
 և անդ հասին զգլուխ Սրբոյն  
 սուսերաւ. որ ՚ի ժամ իւրոյ կա-  
 տարմանն զուարթադին ձայնիւ ա-  
 սաց. Գոհանամ զքէն, Քրիստոս,  
 որ բազում գթութեամբ քո օգ-  
 նեալ սխալեցեր զիս ՚ի մանկութենէ  
 իմմէ, և հասուցեր ՚ի ժամս յայս,

արժանի արարեր մասին Սրբոց  
քոյ. 'ի ձեռս քո, Փրկիչ, յանձն  
առնեմ զհոյ ի իմ:

Եւ սուրբ եպիսկոպոսն Սահակ  
կայր եւս սակաւ ոգով, զորոյ  
յեւ վախճանեւոյն ամենեցուն՝  
կարեցին զգլուխն սուերաւ. ու  
քոյ մատուցեալ նուազ ձայնիւ ա-  
ղօթա, և սասցեալ զամէնն՝ աւան-  
դեաց զոգին:

Եւ այսպէս 'ի վերաասաներոր-  
դում ամի թագաւորութե՛ն Յազ-  
կերտի, որ օր քան և հինգ էր  
ամսոյն հրօտից՝ պսակեցան սուրբ-  
քրն վեցեքեան. սուրբ կաթու-  
ղիկոսն Յովսէփ 'ի Վայոյ ձորոյ,  
սուրբ եպիսկոպոսն Սահակ յՄըշ-  
աունեաց, սուրբ երէցն Արշէն  
'ի Բաղրեւանդաջ, սուրբ այրն  
Աստուծոյ Ղեւանդ երէց 'ի Վա-  
նանդոյ, սուրբ երէցն Մուշէ յԱղ-  
բակայ, սուրբ սարկաւազն Քա-  
ջաջ յՄըշաունեաց, յԱղար աշ-  
խարհի, մերձ 'ի դէօղն մոգուց՝

որ անուանեալ կոչի Ռեւան: Եւ որպէս ստուգիւ ե ջերս խնդրով Կամարականին Արշաւրայ հարցեալ զերանելի Խաւժիկն, ե լլեւեալ ՚ի նմանէ: պատմեաց մեզ ըզխօսս իւրաքանչիւր ուրուք ե ըզվախճան Սրբոցն, դրեցաք հաւատտեալ:

Եւ գնացեալ ՚ի բայ ՚ի տեղւոջէն Վեհգեհնշապհոյ ե այլ իշխանացն որ ընդ նմա էին, ընտրեալ արս ինն թուով թողին ՚ի տեղւոջն կազմ զինու. ընդ որս նախաւաղին ըստ Աստուծոյ ազգեցութեանն՝ զերանելի Խաւժիկն ընտրէր Վեհգեհնշապհու ե թողար զայր արաչելով, որպէս զկարիսեպհականապոյն ե պիտոյ իւրով հրամանին: Արոց հրաման տուեալ ասէին ցապահապանն, թէ մինչեւ ցաւուրս տան ե կամ եւս աւելի պահեսցեն զգաւու թեամբ զգիտկունսդ. որպէս զի գիշատեալք ՚ի թաշնոց՝ ընկեսցի



այսր անդր ոսկրոսին, 'ի գլուխ  
 լերանց և կամ 'ի խորածոր տե-  
 վիա քարանձաւաց, մինչեւ եկեալ  
 անցցէ 'ի բաց կարաւանն արքու-  
 նի. դուցէ, ասէ, եկեալք 'ի գլխ-  
 ատնելոցն իրադգած յուսեքէ ե-  
 ղեալ, գտանելոցն զսկերս գոցա,  
 և առեալ սփռելոցն յամենայն քը-  
 իսատնեայս, և մեք գտանիմք  
 մահապարտք առաջի թաղաւո-  
 ըն:

Եւ մնացեալ անդ պահապանա-  
 ցն ըստ հրամանին Աւհգեւոշա-  
 պըհոյ և Մովսն անդերձապետի  
 և Ջնիկանայ մայպետի, և կա-  
 ցեալք զայն աւուրս, խորհէր 'ի  
 միտս իւր երանելի Սուժիկն, ե-  
 թէ զինչպիսի հնարիւք ցուցանի-  
 ցէ Աստուած ճանապարհ տուն,  
 որով արժանի լիցի գողանալոյ  
 զնշխարս Սրբոցն յայլոց պահա-  
 պանացն: Եւ մինչդեռ երանելին  
 չայնպիսի խոհականութեան վը-  
 տանգի կայր, յանկարծակի 'ի նը-

մին աւուր յերեկորեայ գիշերոյն՝  
 լինէր շարժումն մեծ՝ ի տեղւոջն,  
 բամբիւնք սաստիկք և ձայնք ահա-  
 գինք յանդնոց հնչէին, կու-  
 տեալք բազմութիւնք ամալոց զեր-  
 կիրն ծածկէին, ձայնք որոսմանց  
 և փայլասակունք պերինս գողա-  
 ցուցանէին. և սիւն լուսոյ լաս-  
 օրինակի ծիածանի իջեալ յեր-  
 կնից՝ շուրջ պարուրեալ զնահա-  
 տակաց զմարմինս ծրափակէր. և  
 կործանեալ յերկիր պահապանքն  
 կիսամեռք լինէին, չգիտելով այր  
 զընկեր ընաւ արդեօք թէ ո՞ւր  
 իցէ. որք և գլորեալք յերկիր՝  
 ոչ կարէին կաշ հաստատուն՝ քան  
 զի գողումն մեծի շարժմանն ի  
 վեր ստուգեալ զնոսա ընկենոյր  
 յերկրէ. և այսպէս կբեալ ոսիւք  
 և կարկեալ խօսիւք՝ լինէին խոր-  
 տակեալք ամենեքեան: Իսկ զե-  
 բանելի թուժիկն աջ հզօրին պա-  
 հէր անհողս. ուրախալից մտօք  
 փառաւորէր զՍտաուած, իմա-

ցեալ այնուհետեւ՝ թէ արդ հաս-  
 առա կատարին բազմաժամանա-  
 կեայ յամենայն կամաց իւրոց  
 խնդիրք: Եւ կատարեալ միապէս  
 երկիւղիւ զգիշերն ողջոյն և ըզ-  
 ախն բովանդակ և զերկրորդ եւս  
 գիշերն մինչեւ՝ ի ժամ արեւական  
 ծաղման, և սպա լռէին ձայնք  
 անգնդոցն հնչմանց, և որսամուկք  
 ամպոցն փարատեալ ցածնուին,  
 և դադարէր երկիրն՝ ի շարժելոյ,  
 և ցայտմուկք փայլատակմանցն  
 ամփոփէին յերեւելոյ. և լինէր  
 այս լոկ շուրջ զտեղեաւն իբրեւ  
 ասպարիսօք երկուք: Իսկ սահա-  
 պանքն յահագին ապշուածնէ  
 թմրուածեանն սակաւիկ մի ոգի  
 առեալ՝ աչս ածէին փախչելոյ՝ ի  
 տեղւոջէն. այլ՝ ի յոյժ բեկմանէ  
 սրախցն երկիւղէ՝ ոչ կարէին կանդ-  
 նել՝ ի յերկրէն. լոկ հայէին եւեթ-  
 ընդ միմեանց դէմ, և խօսել ինչ  
 ոչ կարէին:

Բայց զինն ժամու աւուրն եր-

րորդի յարուչեալ երանելի Սու-  
 ժիկն, որպէս թէ կամաւ՝ կապ-  
 'ի կապ հայեւով զկնի իւր՝ վախ-  
 չէր 'ի տեղւոջէն, զի մնասա զօրա-  
 ցուսցէ 'ի կանգնել և զկնի իւր  
 հեռացուցանել 'ի վայրացն: Որոյ  
 տեսեալ զերանելի Սուժիկն զի  
 երթայր իսկիւնկս յընթացի, ու-  
 շարեւեալք առ վտանգի՝ զկնի նո-  
 րա սրանայլն 'ի տեղւոյն, չիշխե-  
 ցեալք բնաւ դառնալ և հայել 'ի  
 տեղիսն առ երկիւղի. և անդեալք  
 զհետ Վեհդենշապհոյ և գործա-  
 կցացն նորա փուժայիս. բայց ե-  
 րանելի Սուժիկն ընդ այլ ճանա-  
 պարհ որոշէր 'ի նոցանէն: Աւ հա-  
 սեալ պահապանացն առ իշխանսն  
 յաւուր վեցերորդի, պատմէին  
 դամենայն անցս ասէտիցն՝ որ ան-  
 ցին ընդ նոսա զախն մի և զգի-  
 շերս երկուս. զորոց զգոյն երե-  
 սացն տեսեալ Քենշապհոյ և ըն-  
 կերացն նորա, և զանցս տհագին  
 իրացն մի ըստ միոջէ լուեալ՝ զար-

հուրէին: Եւ ապշեալք 'ի բա-  
 զում ժամս հիանային. խորհուրդ  
 'ի մէջ աւեալ՝ ոչինչ կարէին ի-  
 մանալ հնարս. բայց զպահապան-  
 արն եւեթ լռեցուցանել ջանային,  
 չյայտնել ումեք ամենեւին, և ոչ  
 բնաւ յիշել ումեք զմահ քահա-  
 նայիցն և կամ զայնպիսի նշանայ  
 երեւմունս: Բայց ինքեանք միայն  
 խոճոճելով առանձինն զարմաց-  
 մամբ որպէս յանդգայուծ իւն ըն-  
 կըղմէին, ասելով Դենշապուհ և  
 Ջնիկան ջմիմեանս, Եթէ, Աչ են  
 իրք քրիստոնէից թեթեւ ինն և  
 դուզնաքեայ. այլ հաստատ մեծ է  
 զօրութիւն օրինայ նոցա և հա-  
 ւասաց. և մեք յանդիտութեան  
 փասեալ կորնչիմք և չզգամք:

Իսկ երանելի Սուժիկն դիտա-  
 ցեալ՝ թէ ցածոյց Աստուած զա-  
 մենայն կասկած յամենայն կող-  
 մանց, այլ և զպատասխանիան իշ-  
 խանայն լուաւ՝ զոր ինչ պահա-  
 պանացս արարին, և թէ ոչ ոք

առնէ փայլթ ասկերայն սրբաց ,  
 առեալ ընդ իւր սասն եւս այլ  
 ընկեր , զորոյ կարի քաջ գիտէր  
 զհաւաստ քրիստոնէութեանն ,  
 առնուին ընդ ինքեանս և գրաս-  
 ալս , և ըսա իւրաքանչիւր անձին  
 Սրբոյն սապատա չորեքկուսիս . և  
 գնացին լռելեայն 'ի գիշերի յեր-  
 սըն <sup>1</sup> . և մերձեալք 'ի վայրն՝ վրի-  
 պէին 'ի տեղոյն՝ ուր մարմինք  
 Սրբոյն կային , քանզի յոյժ ազ-  
 ջամիջին էր գիշերն . և աշխա-  
 տեալք առ վայր մի , սրտակին ,  
 տեսրժանս կարծեցեալ զանձինս  
 դիւտի երկնաւոր գանձուն : Աւ-  
 մինչդեռ նոքա խռովեալք յածե-  
 ին ընդ տեղիսն , և ահա յանկար-  
 ծակի 'ի նմանութիւն լուսաւոր  
 արծուոյ սլացեալ հասանէր յեր-  
 կնից , և իջեալ նստէր 'ի վերայ  
 մարմնոյ սրբոյ առն Աստուծոյ  
 Ղեւանդի . և լուսաւորեալ տեղի

1 . Այսպէս յօրինակին :

քրն աւաւել եւս քան 'ի սուէ՛  
 երեւէին յայտնապէս մարմինք  
 իւրաքանչիւր Սրբոցն: Եւ նոցա  
 ուրախալից սրաիւք զուարճա-  
 ցեալք երկիր պապանէին տեառն  
 Աստուծոյ, և ձեռն 'ի գործ ալ-  
 կեալ՝ ժողովեցին զիւրաքանչիւր  
 ոք յականէ 'ի մի մի սապատ, որ-  
 պէս նշմարեալ երեւիւր իբրեւ  
 գրով երանելի Յուսէին. յորոց  
 բուրեալ հոս անոյշ 'ի մարմնոց  
 սրբոցն՝ լցեալ զուարթացուցանէր  
 զամենեցուն զգայութիւն իտեղացն:

Եւ բարձեալ վաղվաղակի գրաս-  
 աււց՝ փոխէին յայլ տեղի յանա-  
 պատին, հեւի 'ի տեղւոյն իբ-  
 րեւ երիւք պարսիկ հրատիօք.  
 և դադարեալ աւուրս եւթն վա-  
 սրն քաջ ցածնւոյ իրաց երկիւղին,  
 ապա մաքրեցին զոսկերս Սրբոցն  
 յանուշահոս մարմնոցն. զոր և  
 պատեալ արժանաւորապէս կտա-  
 ւօք՝ թողէին պատուով անդէն  
 յանապատին զգուշութեամբ. և

զոսկերան առեալ բերէին 'ի շա-  
 հասանն , և աւուրս բազումն  
 ունէին առ ինքեանս 'ի ծածուկ :  
 Աստ լռելեայն սկսանէին տալ և  
 ոմանց աւաքինի քրիստոնէից՝ որք  
 'ի կարաւանին էին . որք ընդու-  
 նէին՝ հաշուելով գիւտ փրկու-  
 թեանս որոց և մարմնաց : Եւ ըս-  
 տիպով յիւրաքանչիւր աշխարհս  
 տային հասուցանել վաղվաղակի ,  
 յօգուտ երկնաւոր կենդանու-  
 թեան ընտանեաց միանդամնցն և  
 դաւաւին : Բայց գաւաղին պառզ  
 աստուածաշնորհ մեծի քան ձուն՝  
 բերեալ նախ երանելոց Աստուծոյ  
 մատուցանէր կապելոց նախարա-  
 րացն Հայոց . որք իբրեւ արժանի  
 եղեալք ընդունէին զայնպիսի  
 փրկութեան զիւրեանց գիւտն ,  
 անդէն և անդ ճանաչէին թէ այց-  
 էլով թեամբ այց առնէ նոցա Աս-  
 տուած , և երբ և է արձակին 'ի  
 կապանացն , բարեխօսութեամբ  
 օսկերաց Սրբոցն , ըստ բանի սրբ-



բոյ ասն Աստուծոյ Աւանդի .  
 զոր 'ի խրատելն իւրում 'ի  
 գիշերին՝ աւետարեաց զգիտե-  
 լոց նոցա 'ի շնորհէն Աստու-  
 ծոյ , տեսանել զաշխարհ իւ-  
 թեանց . որք կատարելոցն էին  
 ասացեալք Սրբոցն 'ի ժամու իւ-  
 թում :

Սկսեալ այնուհետեւ մի ըստ  
 միոջէ պատմել կապելոց նախա-  
 ըարացն Հայոց երանելի այրն Աս-  
 տուծոյ Սուժիկն , զոր անուա-  
 նել յայսմհետէ Սուժիկ ծանրա-  
 նամ , և զանուան սքանչելոցն ոչ ոք  
 հարացեալ պատմեաց մեզ , այլ ա-  
 մենադէանս գրեալ պահէ յօր մեծ  
 այցելութեանն , և պարդեւէ ա-  
 ռատապէս զվարձս վաստակաց  
 նորա ընդ հաճոյս անուան իւրոյ .  
 ասէր և ոչ լւեր զինամն մեծամե-  
 ծրս և զօգնութիւն հզօրին զոր  
 արարեալ էր նմա . և թէ որպէս  
 'ի Աարդգէս յայտնեալ Քրիստոս  
 սի զխորհուրդ թագաւորին ծա-

նայց նմա , և նայն ուղեկցեալ ա-  
 ռաջնորդեաց նմա յուսով : Մե-  
 ծարոյ , ասէր , և հաւատարիմ ա-  
 ռաջի Դենշապհոյ համբարակա-  
 պեաթի երեւեցոյց զիս , մինչ զի ա-  
 զաջելով զիս և բռնի տանե յով ան-  
 օրինին 'ի ձեռն հզօրին Աստու-  
 ծոյ 'ի տեղի տենչալի նահատա-  
 կութեան Սրբոցն , որում կամաց  
 հնարաւոր է ամենայն . որ եղէ  
 արժանի տեսանել զամենայն , զոր  
 ոչ կարծէի լսել և տեսանել մի  
 ըստ միտջէ , որում ոչ արժանի լը-  
 սելոյ համարէի զանձն իմ . զհար-  
 ցումն բռնաւորայն և զպատաս-  
 իանիան միոյ միոյ Սրբոցն , զաղօ-  
 թըս և զկատարումն զիւրաքան-  
 ջիւր անձին , տեսի կարդաւ և  
 լուայ . ահա արդ և մեծի մասին  
 ձերոյ անձանձրոյթ խնդրելով  
 զիս անարժանս արժանի արար  
 շնորհ Սուրբ Նրբորդութեանն ,  
 մինչեւ երկնաւոր գանձու նշխա-  
 րացն սրբոցն գոայ լինել ձեզ թե-

բօղ. քախոյց ամօթալ զպահա-  
սանան տաղնասելալս, զարհուրե-  
ցոյց զանհաւաստ զվերակացուացն  
զսիրտս, ցրուեաց զանմիտ թա-  
գաւորին զխորհուրդս, և բարձ-  
րացոյց զանուն եկեղեցւոյ իւրոյ  
սրբոյ: Չայսպիսի բանս պարծա-  
նաց և խնդուեցան պատմէր ան-  
ձանձրոյ թ երանելի վաճառակա-  
նըն՝ ամենայն հաւատացելոցն ՚ի  
Քրիստոս. որ էր երբեմն վաճա-  
կան երկրաւոր գանձուն, և եղեւ  
յանկարծ վաճառական բարի գոր-  
ծովք պատուական մեծի երկնա-  
ւոր գանձուն մարտիրոսական նըշ-  
խարաց:

Նոյն խօսք և մի թարու թիւն էր  
յաւէտ կապելոցն նախարարացն  
Հայոց յեւս և ՚ի մուստ իւրեանց,  
՚ի նստել ՚ի տան և յառնել, ՚ի  
տօնս և յամսագլուխս. զոր և  
պատմեալ անյագ ջնձու թեամբ՝  
զուարճացուչանելն նորոգելով  
զամենայն մեղկեալ միտս լսողացն,

և հաստատեին 'ի հաւատս ար-  
 դարութեան: Եւ մանաւանդ տէ-  
 ըն Սրշարունեաց կամսարականն  
 Արշաւիր, որ յամենայն ժամու  
 'ի սուէ և 'ի դիշերի վարդապե-  
 տութիւն Սրբոյն, և մանաւանդ  
 խօսք և հոգեւոր խրատ Սրբոյն  
 Ղեւոնդի, և պատասխանիք իւ-  
 րաքանչիւր ուրուք ըստ հարց-  
 մանն սպանողացն, և աղօթք միոյ  
 միոյ 'ի ժամ կատարմանն եղեալք,  
 այն էր նորա հոգւոյն կերակուր  
 և որոճումն քաղցր, զոր ասէր և  
 ընդ գուրդայս սաղմասին միաբա-  
 նեալ պատմէր անձանձրոյթ հա-  
 նապազ: Զոր և մեր յոչովագոյն  
 լուեալ 'ի հրաշալի կամսարակա-  
 նէն՝ գրեցաք յօժարապէս հոգա-  
 լով, զոր թէպէտ ըստ տկարամտու-  
 թեան մերոյ ոչ եղեաք բաւական  
 յիշել զբովանդակն 'ի կարգի, այլ  
 և ոչ բնաւ դատել անյուշք՝ յա-  
 սպակալ մուտցաք ինչ ծուլանա-  
 լով:

. ՅԸ . Եւ մտեալ թաղաւորին  
 Յապկերտի ըստ կարգելոյ ժամա-  
 նակին յաստանն 'ի Վրկան , եւ  
 միաճամուռ ամենայն աւագանոյն  
 եւ զօրացն՝ որ ընդ նմա էին , համ-  
 արձակութիւն պնուհեաւեւ տա-  
 յին ընակիչք շահաստանին , որք  
 'ի Նիւշապուհն էին ըստ հրա-  
 մանին 'Բենշապհոյ , նախարարա-  
 ցնն Հայոց՝ որք 'ի գղեկին 'ի կա-  
 պանան էին , արձակել զմանկոճուս  
 իւրեանց եւ կամ զայլ ոք որ ընդ  
 նոսա լինէին՝ 'ի պէսս արբանե-  
 կութեանս սւր եւ կամիցին : Զոր  
 իբրեւ լուան երանելի երիցունքն  
 Թորէն եւ Սիրաւհամ , վաղվաղակի  
 փութով 'ի Վրկան հասանէին , եւ  
 անկեալք հրապարակաւ տառի  
 ամբարապետին 'Բենշապհոյ , բո-  
 ղոք բարձեալ ասէին . եթէ Գու-  
 յարժամ զհոգեւոր տեարան մեր  
 եւ զվարդապետս 'ի Նիւշապհոյ  
 ասեր գնացեր , ընդ որս եւ մեք  
 կամեցաք ուղեկից լինել , եւ դու

բունարար հրամայեցեր խիստ  
 պահպանուած թեամբ արդէլուլ ըզ-  
 մեզ անդէն մինչեւ ցայժմ. արդ-  
 էթէ տարեալ ուրեք յերկիր օ-  
 տար և անդարձ անցուցէք զնոսա,  
 աւնելով բարերարութիւնս պատ-  
 մեցէք մեզ՝ երթալ և մեզ և լինել  
 անդարձ ընդ նոսա. այլ կեալ ան-  
 դէն և վախճանիլ պատրաստ եմք.  
 տեսանելով եւեթ զնոսա ցան-  
 կամք արժանի լինել. և էթէ ըս-  
 պանէք զնոսա, կամեցարուք և ՚ի  
 վերայ մեր առ զնոյն հրաման,  
 զոր պատուական և մեծարուց  
 համարէաք զմահն այնպիսի՝ քան  
 զամենայն զփառս և զմեծութիւ-  
 նըս աշխարհիս:

Եւ Վեհդեհնչապուհ լուեալ  
 զայնպիսի բանս ՚ի նոցանէն, և  
 ընդ համարձակութիւնս աներկիւ-  
 դածութեանս արանցն զարմայեալ  
 ինքն և ամենայն բազմութիւնս հը-  
 բոսպարակին, պատասխանի ար-  
 ւեալ սասց ցերանելիսն, թէ ճա-

Դասարհ վարդապետացն ձերոց  
 ոչ ոք ցուցանէ, բայց վասն ձեր  
 հարցանեմք ցարքայից արքայ, Դա  
 խիսէ զոր ինչ հրաման տայ 'ի վե  
 րայ ձեր: Եւ մտեալ 'ի ներքս Դեն  
 շապուհ պատմէր թագաւորին  
 Յազկերտի զամենայն պատնս և  
 զխնդիրս երանելի երկցանցն: Եւ  
 թագաւորն հրամանս տուեալ տ  
 սէ. թէ 'ի նոցա վերայ ինաս ինչ  
 ոք յայտ չաւնէ, և դատախազ ոք  
 չէ գհեա, երկիր պապցեն արե  
 դական և պատուեալ զկրակն յան  
 ձրն աւցեն, և ընկալեալ զպարգե  
 ւրս մեծամեծս 'ի մէնջ՝ արձակեա  
 ցին յաշխարհն իւրեանց. ապա  
 թէ չհաւանեացին յանձն առնուլ  
 զվեր հրաման, պատուհաս կրեա  
 ցեն իւղութեամբ, և երթեալ  
 յԱսորեստան մշակութիւն արաս  
 ցեն ընդ արքունի մշակսն, և 'ի  
 հարկի կայցեն մինչեւ զվախճան  
 իւրեանց: Եւ եկեալ Դենշապուհ  
 ասաց ցերանելի երէցն Խորէն, և

ցերանելի երէցն Աբրահամ՝ ըզ-  
 հրամանն թափաւորին: Եւ լուեալ  
 զայս պատուական քահանայիցն,  
 ետուն պատասխանի որպէս ընդ-  
 մի բերան և տան. Մէք ոչ միայն  
 խեղանաց եւեթ պատրաստ եմք  
 վասն անուանն Քրիստոսի, այլ և  
 քերանաց և մահու: Այլ վասն  
 արեգական երկրպագութեանդ՝  
 որ ասէք, մէք ընդ ձեր մոլորու-  
 թեանդ ապշութիւն արամեալք  
 խառվիմք, և ինդրեմք յԱստուծոյ  
 զգալ ձեր՝ ի թմրութենէ անգի-  
 տութեանդ այդորիկ, թոյ թէ  
 մեզ՝ նմանել ձեզ, և մի լիցի թո-  
 զեալ զարարիչն՝ արարածոյ երկիր  
 պագանել:

Եւ լուեալ զայսպիսի պատաս-  
 խանիս աներկիւզ՝ իշխանացն ՚ի  
 բերանոյ երանելի երիցանցն, կա-  
 տարեցին զհրամայեալն ՚ի թա-  
 գաւորէն: Եւ կարեալ զերկո-  
 չունոց զականջան, ետուն տանել  
 յԱսորեստան՝ ՚ի գաւառն որ ա-



Կուսանեալ կոչի Շաբուլ<sup>1</sup>, կալ  
 անդ Կոստա ՚ի հարկի և սանեւ մշա-  
 կութիւն արքունի : Եւ լուեալ  
 զայս հաւատացելոցն աշխարհին,  
 որք յԱսորեստանին էին, վերթա-  
 երանելեացն անդր, ընդ աւաղ ե-  
 լին Կոստա խնդութեամբ և պա-  
 տուէցին զնոսա որպէս զնշխարս  
 Կահատակելոցն որբոց, որք և ար-  
 ժանի իսկ էին այնպիսի մեծարա-  
 նաց. նա և զկարասի իւրաքան-  
 ճիւր ուրուք զինչ և ունէր՝ բե-  
 լեալ դնէին առ ռաւ երանելեա-  
 ցն, աւնուլ և մատակարարել ՚ի  
 պէսս հոգեւոր մասին ՚ի փրկու-  
 թիւն անձանց իւրեանց և ըն-  
 ասնեաց : Եւ երանելի երկցանցն  
 ընկալեալ յընծայիցն հաւատա-  
 ցելոցն՝ ըստ արժանի մասն ինչ,  
 Կոստին իսկ ապշին տանել յԱպար-  
 աշխարհ՝ կապելոց Կախարարացն

1. Շահուլ զրի առ Եղիշեաց. լատա-  
 գոցն թերևս Շահվուլ :

Հայոց. որք խնդուածեամբ և բա-  
 ղում յօժարուածեամբ իւրաքան-  
 ճիւր ոք աղաչէր զերանելիան՝ առ-  
 նել արժանի այնպիսի հոգեւոր  
 ճանապարհի: Եր՝ զի երանելի ե-  
 րէցն Աբրահամ աւեալ զառաքա-  
 հարաւային կողմանցն Ասորես-  
 տանեացն՝ տարեալ մատակարա-  
 րէր կապելոյ նահատակացն Հա-  
 յոց, ըստ իւրաքանճիւր պիտո-  
 յից. և արարեալ զայս այսպէս  
 բաղում անդամ կարգաւ կարգաւ՝  
 քրիստոնէից աշխարհին. և սպա-  
 իակ ինքն երանելի երէցն Աբրա-  
 համ բաղում ամս՝ ժնչեւ յարձա-  
 կումն կապելոյ նախարարացն  
 Հայոց աշխարհին, անվեհեր լի-  
 նէր նոցա թոշակատար ՚ի հաւա-  
 սացելոց աշխարհին տուողաց:  
 Եւ կեցեալ ամս երանելոյ երի-  
 ցոյն Թորենայ անդէն յԱսորես-  
 տանի վախճանիւր:

Իսկ երանելի երէցն Աբրահամ  
 երաշխաւորուածեամբ հաւատա-

ցելոց աշխարհին , որք զատենա  
 իւրեանց և զարարս փոխանակ  
 ընդ հարկի նորա գրեցին յարքու..  
 նիս՝ ցվախճան նորա , և կատարե-  
 ցին զկարգեալսն անվեհեր յա-  
 զադս նորա , արձակեալ զերանե-  
 լի այրն՝ եկն ՚ի Հաջս . որոյ տեսն  
 իսկ իւր սուսնց ամենայն երկբա-  
 յուլթեան զկերպարանս հրեշտա-  
 կի ցուցեալ ծանուցանէր ամե-  
 նայն տեսողաց զայրն . և ձեռնա-  
 դրեալ յաստիճան եպիսկոպոսու-  
 թեան աշխարհին Բնուենեաց ,  
 բազում ուղղութեանց աշխարհին  
 մարդկան լինէր ուսուցիչ . և վախ-  
 ճանէր ՚ի նմին կարգի ՚ի բարեոք  
 ծերութեան : Արում արժանի ե-  
 զկցուք և մեք ՚ի Քրիստոս Յիսուս  
 ՚ի տէր մեր , և նմա փառք յաւի-  
 տեանս . ամէն :

## ԳՐՈՒԱԿ Գ

ԾԹ. Արդ, դարձեալք անգրէն յառաջին դրուակն՝ գրեացուք ՚ի կարգի: Իսկ յամին Էօթնեւասաներորդի Յաղկերաի արքայի՝ իշխանն Վրաց Աշուշայ աղաջէր զաւագս դրանն արքունի, բազում և անհամար կարասի ծախեալ իւրաքանչիւր ումէք, և մահաւանդ անօրէն հազարասլետին Միհրներսեհի. զոր մեծաւ ջանիւ և սաստիկ աշխատութեամբ հաւանեցուցեալ՝ ապր ասել ցլթագաւորն Յաղկերա, զի շնորհեացեն Դմա զորդիս Էրանելոյ Կահատակին Հմայեկայ՝ ՚ի սոհմէն Մա

միկոնէից, զորս առեալ էր նեն-  
դաւար իշխանին Արևնեաց Վասա-  
կայ 'ի դայեկայ՝ որպէս զորդիւ  
մահապարտաց, և տարեալ 'ի դու-  
ւըն զի մեռչին. որք էին յայժ-  
այայք: Եւ մարդասիրին Աստու-  
ծոյ բարեխօսութեամբ սրբոյ ա-  
րեան հարցնոցս հաւանեցուցեալ  
զմիտս թագաւորին՝ պարգեւեաց  
Աշուշայի որպէս կարի առն սիրե-  
լոյ և վաստակաւորի՝ զանհաւա-  
տալի ամենեցուն զվեճ նորա խըն-  
դիրն:

Եւ Աշուշայի տեսեալ զայն և  
ընկալեալ 'ի թագաւորէն զվեճն  
պարգեւ, յարուցեալ 'ի խորա-  
նին աւաղի ամենեցուն անկեալ  
յերկիր հոլովէր այսր և անոր, և  
ապա հարկանէր զգլուխ 'ի գե-  
տինն. այսպէս կատարէր զերկըր-  
պագութիւնն: Եւ տեսեալ զայս  
թագաւորին և ամենեցուն որ 'ի  
խորանին էին, և զարմացեալք  
վեճապէս՝ թէ զինչ արար այլն,

Հարցանէր զնա թագաւորն , թէ ,  
 Վրաց բռնչիս , զինչ է այդ նոր  
 իմն գործ՝ զոր ցուցեր դու մեզ  
 այսօր : Եւ պատասխանի տուեալ  
 Աշուշայի ասաց , թէ , Բարերար  
 արքայ , դուք ինձ նոր պարտեւ  
 շնորհեցէք՝ զոր այլ ոմն՝ ընկերաց  
 ծառայից՝ ի մէնջ չէր դատեալ , և  
 ինձ արժան է նոր երկրագագու  
 թեամբ երկիր պագանել ձեզ , զոր  
 ձեր յայլ ծառայէ զայնպիսի եր-  
 կրագագութիւն երբեք չէր տե-  
 սեալ : Եւ լուեալ զայնպիսի բա-  
 նաս թագաւորին , Աշուշայէ և ա-  
 մենայն բազմութեան աւագանոյն ,  
 յոյժ գովեցին զայն և մեծապէս  
 զարմացան :

4. Եւ կեցեալ Յաղկերտի թա-  
 գաւորին Պարսից զչափ Ժամանա-  
 կի կենաց իւրաց վախճանէր . ՚ի

1. Յօր . իմն ընկերաց ծառայի :

փառս ո՞ւմ՞: Եւ թագաւորեցին  
 նորա երկու որդիքն հակառակելով  
 ընդ միմեանս. և դիմեալք՝ ի վե-  
 րայ միմեանց պատերազմաւ, յայ-  
 թահարեալ սպան իրսերն զաւա-  
 զըն, և ինքն թագաւորեաց. ու  
 բում՝ անուանն էր Պերոզ: Եւ ՚ի  
 նմին ամի թագաւորութեանն իւ-  
 րոյ աւաքեաց զՅրդատվնասազ զիւր  
 դայեակորդին, զոր կարի յոյժ  
 սիրէր առաւելապէս, և հրաման  
 ետ արձակել զնախարարան Հա-  
 յոյ ՚ի կապանաց, և կարգել նո-  
 ցա ռոճիկ ՚ի Հրեւ. Նայցեն, ասէ,  
 անդէն այրուձիով, և կատարեա-  
 ցեն զդործ որ ինչ և դիցէ նոցա  
 Աշտաս հայրն Յրդատվնասազ:  
 Եւ եկեալ Յրդատվնասայն ետ նո-  
 ցա աւետիա, ասելով. եթէ, Աք-  
 քայլից արքայ զմահապարտութին

2. Յօր. Ի փառս ում: Եթէ ճիշտ  
 ընդ հենդն աստղուած՝ իցէ յատուկ ա-  
 նուն տեղաց:

եթող ձեզ, և 'ի կապանացո հրամայեաց արձակել. և կարգեաց ձեզ և՛ ընդ 'ի Հրեւ, և կանանց ձերոց յաշխարհի իւրեանց: Նւ ձեզ հրաման եա կալ 'ի գործ արքունի, և լսել ամենայն բանի և կատարել՝ զոր հայր իմ Աշտատ հրամայէ ձեզ: Նւ լուեալ նախարարացն Հայոց զայս ամենայն բանն Յրզաովհնապայ, ետուն փառս Աստուծոյ հողողին իւրեանց և բարերարի. յորմէ և կատարելապէս և այլ բարւոյ բարեխօսութեամբ նշխարաց Սրբոցն ըսպասէին երկայնամտութեամբ:

Նւ 'ի տեսանել զնախարարան Հայոց Յրզաովհնապայ, և տեսակաւ տակաւ ընդէնուլ ընդ նոսա, շնորհեցաւ որպէս յատուածային ակնարկութենէն՝ իւր նամարկել. սիրեաց զկամսարականն Արշաւիր ըստ սիրոյն Յովնաթանայ զԲաւթիթ. յազատս և այլոց նախարարացն Հայոց հո-



Կայր թարեխօտութեամբ հանա-  
 պապ: Տարեալ այնուհետեւ զնա-  
 խարարան Հայոց 'ի Հրեւ, և կար-  
 գեալ իւրաքանչիւր ումեք ուձիկ,  
 Գաւմարէին զնոսա 'ի ձեռն Աշտա-  
 տայ՝ ունել զնոսա 'ի Գործ պա-  
 տերապի, զորս մեծարեալ յար-  
 գեաց առաջի զօրապիսի գնդին.  
 յաջողելով նոցա քաջութիւն ե-  
 թեւելապէս, այլ և առաջի ամե-  
 նայն քաղաքացեացն Հրեւայ և  
 դաւառին. շնորհելով աչոյ Բարձ-  
 րելոյն բազում և ապի ապի բը-  
 ժըշկութիւնս ախտաժետաց 'ի  
 նշխարաց Սրբոցն, զոր ունէին քա-  
 հանայքն՝ որ առ նոսա էին՝ գաղա-  
 առ ինքեանս. վասն որոյ հաշա-  
 կեալ անուանեցան 'ի զօրապիսէն  
 և յամենայն գաւառին՝ քաջք. և  
 վարմանալիք: Եւ իշխանն Հրեւայ  
 Հրեւնոմհապուհ սիրէր զկա-  
 պեալն Հայոց յոյժ, և զքաջու-  
 թիւն նոցա և զլաւ բարս և ըզ-  
 մարթշութիւնն՝ բազում սնուամ

գրով ծանուցանէր մեծամեծացն  
'ի դռան, և իւրոց սիրելեացն՝  
որք 'ի հրապարակին էին :

ՎՍ. Եւ վասն զի բազումք իշխեին խուզել զերանելի կապելուցն զտկարանալ ինչ մարմնով, ըզնոցն և հարցանել յանդգնէին . որոց մուսցեալ յիւքեանց տկանն զգերանն, ըստ բանի Փրկչին, անձնահաճ մտապարծու թեամբ մատուցեալ յայլոց տկան զշիւղ կրկտէն : Եւ իմ լուեալ զայս, գողացեալ զարհուրիմ . քանզի հայեցեալ 'ի կամաւոր նոցա յազագս յաւիտենից յուսոյն զանազան տանջանաց մատուցա, և տետեալ զմեծ նոցա զտեւողութիւն համբերութեանն, արհամարհելով զմեծութիւն, առ ոչինչ համարելով զիշխանութիւն, հեռահալով յընչից, տալով աներկիւղ զանձինս 'ի մահ, և բազմաժամանակեայ համբերել կապանաց, տարեալ բանդից և թշնամոնաց,

յանձն տանուլ զանարդութիւն  
 քան զփառս, ասնչիւ 'ի քաղցոյ,  
 հաշիւ 'ի ծարաւոյ, ասել զընչից  
 յզփութիւնս, ախորժեւ զազքա-  
 աութեան վիճակն, անարդեւ ըզ-  
 փափկութիւն, սիրեցեալ զխրս-  
 տամբերութիւն, և զայլ բազում  
 մասունս կարեաց զանհամարս և  
 աստիկս, զոր յիւրեանց մարմի-  
 նըս մարդիկն այն կրեցին ախոր-  
 ժելով. ջիշխեմ բնաւ և ոչ յիշեւ  
 զտկարացեալ մասն ինչ յայնպի-  
 սեաց անձինս. որպէս գերանելի  
 մարգարէիցն և զսուրբ աւարելո-  
 ցն բազում ինչ տեսանելով ուղ-  
 զութիւնս, ջեմք արժանի և ոչ  
 նկատել զմի ինչ մասն մարդկային  
 'ի նոսա, որք լցեալքս էմք բիւր  
 չարեօք. զոր անգամ և ոչ յիշեմք  
 երբեք զմերն, և կամ զմասու ա-  
 ծեալ զղջանամք: Մի միայն է ար-  
 դար և սուրբ, որ ասացն՝ թէ, Յս  
 միայն յազմեցի աշխարհի:

Իսկ ոմանք 'ի կապելոց նախա-

բարայն յայնցանէ, որում ակա-  
 նատես իսկ եղաք, արդարեւ  
 յերկրի երկնաւորք էին և 'ի մար-  
 մրնի հրեշտակք երեւէին. որոց  
 կարգեալ անձամբ անձանց և դըպ-  
 րոց, և ուսեալք. զկտակարանս  
 եկեղեցւոյ, հոգեւոր կրօնիւք զա-  
 նապատական<sup>1</sup> առաքինեաց զվա-  
 ըրս տաւորեալ յանձինս իւ-  
 րեանց, անվեհեր կատարէին կար-  
 գեալ կանոնս գուրդայլոց, և կար-  
 դայմունս ընթերցուածոց. ըն-  
 յայդ և զցերեկ յողովէին 'ի նոյն  
 անդադար 'ի դումարտակի՝ որ-  
 պէս 'ի սան. երբեմն յայտնի  
 և երբեմն ըստ ժամանակին 'ի ծա-  
 ծուկ զնոյն առեցուցանել ոչ յա-  
 պաղէին, վաւեալք զինու ընդ-  
 միտս իւրեանց պաշտէին. յար-  
 ձակեալք 'ի վերայ թշնամեաց՝  
 յաղօթս կային 'ի սիրտս. իւ-  
 րեանց. և յամենայն կռուոյ օգ-

1. Յօր. զանապական:

նականուժեամբ հզօրին ուղան-  
 ցամբ յաղթօղբ և անուանիք դաւ-  
 նային: Աւ որք յաղագս ծերու-  
 թեան և կամ ծանրամտութեան  
 ըստ մարմնոյ բնութեան՝ ուսա-  
 նել ոչ զօրէին, համայն յերկար  
 աղօթիւք և անվաստակ յոտն կա-  
 լով առաւել եւս կամաւոր յօժա-  
 բութեամբ անքաւն և անհան-  
 դիտք լինէին. և էր տեսանել  
 զամենեւեան որդիա լուսոյ և ման-  
 կունս արքայութեան:

Նոյնպէս և կանայք՝ որոց նա-  
 հատակեալ մարտիրոսացան ար-  
 քն, և յայլոցն՝ կանանց՝ որոց  
 էին ՚ի կապանս արքն ՚ի Հրեւ,  
 բազում պարկեշտասէր առաքի-  
 նութեամբ մի զմիով ելեւելս առ-  
 նէին, զօր ամենայն մեռանելով ա-  
 մենայն ախաից. ըստ բանի մար-  
 գարէին կենդանի մարտիրոսք էին,  
 աւ որս յաղթի բան ասել որո-

շարժութեամբ զսասախի վարուցն  
 նոցա ճգնութիւնս, որք անցու-  
 ցին զբարձրամ արամբք. և զքնա-  
 կան տկարութիւն մարմնոց կա-  
 նանց զօրացուցեալ աւաւել քան  
 զարանց՝ քաջայայտութիւնք եղեն :  
 Կանայք փափուկք դասերք նախ-  
 արարացն և կանայք աւագայ՝  
 փիանակ նաշնոյ կորեակ ուաւ-  
 ին, և փոփանակ պարզ գինւոյ՝  
 ջուր չափով ըմպէին. փոփանակ  
 կերպասեայ սակէհուս զգեստու-  
 ցն՝ խոշոր բրդեայս զգենուին.  
 և փոփանակ բարձրադիրսն անկող-  
 նոցն՝ փրիսայիւք՝ ի վերայ երկրի  
 գետնատարածք լինէին. և որք  
 յաւաջագոցն յամբանային, ի  
 քուն, նմանեալք վերնոցն՝ ան-  
 քունք եղեն: Զօծան իւղով, ճար-  
 մարեցին սանտրով զհեր գլխոյ  
 իւրեանց. և որում անհնար է  
 յայտել կանանց՝ շատխօսութիւն  
 և սակայ ընդ քօղով այսր անդր  
 հայեցողութեան զաչս ածելոյ ի

սակս, և զածուցին զԼեզուս իւրեանց յաւելարդ խօսից:

Յորոց ինդրուածս և 'ի վաստակս 'ի միասին արանց և կանանց ամենօրորին Աստուած հայեցեալ՝ յիշեաց զնահատակութիւն սրբոյն Աարդանայ և զամենայն միաբանելոցն ընդ նմա, և զբարեխօսութիւն վկայելոց քահանայիցն Աստուծոյ, շնորհեալ պարդեւեաց դառնալ կապելոցն յաշխարհ Հայոց: Արքեկեալ 'ի տունս իւրաքանչիւր յամի վեցերորդի թագաւորութեն Պերոզի. և կեցեալք իւրաքանչիւրոց ըստ սահմանելոյ 'ի Տեառնէ, վախճանեալք թաղեցան 'ի դիրս հարց իւրեանց խաղաղութեամբ ըստ Աստուծոյ հաճոյիցն, օրհնեալք ամենեքեան 'ի բերանոյ սուրբ կաթուղիկոսին Գիւտայ:

ԿԲ. Քանզի յետ կատարման սուրբ կաթուղիկոսին Յովսէփայ՝ յաջորդեաց զկաթուղիկոսութիւնն

յաշխարհիս Հայոց տէր Մելիսէ,  
 որ էր յազգէն Մանազկերտեցեալ  
 ցրն. և զհետ նորա տէր Սովակս,  
 որ էր և նա 'ի նոյն ազգէ: Եւ  
 ապա ըստ Աստուծոյ տեսչութեն  
 յաջորդեաց զկաթողիկոսութիւն  
 աշխարհիս Հայոց՝ տէր Գիււա, որ  
 էր 'ի գաւառէն Տայոց, 'ի դէզ  
 ջէն Արահեղայ. այր լի գիտու  
 թեամբ հայովս և առաւելեալ  
 յունիւն, յորդասաց բանիւ և  
 աւատարբուիլս վարդապետութիւն.  
 զոր ոչ երբեք արգելոյր անդի  
 տութեանն տկարութիւն. այլ  
 զժամուկս ասացեալ Հոգւոյն՝  
 նոյն Սուրբ Հոգւոյն շնորհ յայա  
 արտեալ նովաւ լուսաւորապէս  
 ուսուցանէր բովանդակ ժողովրդ  
 դոց. որոյ բանք իւր նման յորդ  
 աւատ անձրեւի զամենայն լսո  
 զի ծաղկեցուցեալ պապաբերէր  
 զոգիս:

Եւ զմնացեալ դեռեւս 'ի տղա  
 յաւթեան հասակի զորդիս նա



Հատակեւոցն ընդ սրբոյն Վարդանայ, որք ՚ի նոյն տոհմէ Մամիկոնեիցն էին, և կամ որք ՚ի տոհմէ Կամսարականացն և կամ յայլ ազգաց, կանայք նահատակեւոցն արանց և կապեւոց ՚ի գլխանն՝ թէպէտ և ՚ի նեղութեանն էին, սակայն ուսուչեալ և բազում հոգողութեամբ ուսուցանել տուեալ և խրատեալ, ոչ իբրեւ զանփոյժ և զանպիտան կանայս, այլ իբրեւ դրաջայրս՝ զառաջիկայ զօրտաբեր շքեղաբար հրահանգս մանկանցն հոգացեալ ըսուին: Եւ մանաւանդ կին նահատակին Հմայեկայ մամիկոնեի եղբօր սրբոյն Վարդանայ, որ եղև կին անուանի և առաւելեալ ամենայն լաւ և մտաւոր մտամբք յամենայն կանայս ՚ի Հայաստան աշխարհիս, որ անոյց և խրատեաց զորդիսն իւր յաշխարհին Վրաց՝ ՚ի տան Աշուշայի Վրաց բդեշխի, զորս բդեշխն Վրաց Աշուշայ

խնդրեաց պարգևւս 'ի յարքայէն  
 Պարսից Յարկերատէ, ըստ առա-  
 ջադրելոցն կարգի. և ամեալ եւս  
 ցմայր իւրեանց, որում անունն էր  
 Զուլիկ. վասն զի գրոյրն Զըւկայ  
 ունէր 'ի կնուծեան բդեշին Աբ-  
 ռայ Աշուշայ, որում անունն էր  
 Անուշվւամ: Եւ անուցեալ անդ  
 մանկուսնքն և ուսեալ յառաջա-  
 դէմք էին յամենայնի և հռչակա-  
 ւորք. որք մինչ դեռ եւս 'ի տիւ  
 մանկուծեանն էին՝ ամենայն տե-  
 սանող մասց երեւէին աշուղակք և  
 զարմանալիք. որում անունն էր  
 առաջնոյն Վահան, և երկրորդին  
 Վասակ, և երրորդին Արտաշէս:  
 Իսցց էր նոցա միւս եւս եղբայր  
 կրտեր, անուն Վարդ, որ էր մնա-  
 ցեալ աղայ 'ի դայեակս իւր 'ի  
 Տայս:

49. Զստա տեսանելով՝ որք 'ի  
 ժամանակին իւրաքանչիւր՝ 'ի  
 տունս որպէս գաղտադոյի հա-  
 րանօք: իբրեւ զանպիտանս գտա-

նէին , 'ի Պարսկաց զտանուակ-  
 րու թիւնն դնեալ ուրացութեամբ  
 ըստ անարժանութեանն , և ոչ  
 արացեալք աստուածսլաշու-  
 թեամբ : իբրև զարժանաւորս ,  
 արք անմիտք և նասակարք , ան-  
 պիտանք և ոչ պիտանիք , վատք և  
 ոչ քաջք , որոց ոմանք 'ի լեռնա-  
 խոյզ աւաղակաց 'ի մէջ անցեալ  
 ուրացութեամբ վերտէին , և ո-  
 մանք կատակութեամբ աստուա-  
 ծըս դնէին , և զաստուածս և  
 զանմիտ վաճառականն 'ի միա-  
 սին թշնամանէին . անմարդք 'ի  
 ստոյգ մարդկանէ և անարժանք և  
 անծանօթք յազգէ Խոհմրկաց : Եւ  
 էր այնուհետև տեսանել յաշ-  
 խարհիս Հայոց զլաւութիւն հե-  
 ոացեալ , զիմաստութիւն կորու-  
 սեալ , զքաջութիւն հեոացեալ և  
 մեռեալ , զքրիստոնէութիւն թա-  
 քուցեալ . և որ երբեմն քաջանուն  
 զօրքն Հայոց 'ի մէջ այլ զօրացն  
 ամենայնի երեւէին , և զօրագը-

լուսիք անուանիք և յաղթողք ,  
 ապա ծաղր էին ամենեցուն և կա-  
 տականք . մինչև ինքն իսկ թա-  
 փաւորն Պերոզ յայտնապէս նա-  
 խառելով երբեմն առաջի ամե-  
 նայն ասենին ասէր թէ Այր ան-  
 պիտան և գունդ յետին , որ գամ-  
 մի յիմ իշխանութիւնն է՝ Ասո-  
 րոց է . բայց քան զԱսորի՝ Հայն է  
 այր յետին և անպիտան : Եւ էր  
 լուրն այն արժանի լալոյ և ող-  
 բալոյ :

Եւ այնպիսի անպիտան իշ-  
 խանք ժամանակին իբրև տեսա-  
 նէին որ ըստ օրէ զաճումն յա-  
 ռաջադիմութեան յորդիս ազգի  
 նահատակելոյ Մամիկոնէիցն , զոր  
 ոչ ՚ի անբաւութենէ մարդոյ վստա-  
 հեալ ունէին յանձինս , այլ օղ-  
 նութեամբ վերին ինստիտու-  
 թեան , ՚ի բարեխօսութենէ սուրբ  
 արեան նախնեացն իւրեանց՝ զոր  
 ՚ի վերայ սուրբ եկեղեցւոյն Հա-  
 յոց հեղին յօժարութեամբ , կա-

յին աներկիւղապէս 'ի մէջ ա-  
 նուանեալ իշխանացն Հայոց, որ-  
 պէս 'ի մէջ թշնամեաց: Թէպէս  
 և արհամարհեալք էին առ նա-  
 իանձու, սակայն լաւագոյնք էին  
 և երեւէին յամենայնի, և սկանա-  
 ւորք 'ի խորհրդի, մտաւորք և  
 իմաստնադիւտք. 'ի նետաձգու-  
 թեանն գեղեցկաձիգք և գիպե-  
 ցուցողք, յորս՝ թեթեւաշարժք  
 և նախապանք, յերկոյտունց ձե-  
 ւաց աշողակք, և յամենայն կող-  
 մանս ուղղակիք և շնորհալիցք.  
 զարոց ձանձրացուցանէին բազմա-  
 ծառայքն զանձաւայլիցն զդուրսն,  
 ինդրելով հանապազ զմիս այլ  
 և այլ որսոց, և կամ՝ այլ պատուա-  
 կան և մեծագին գիւտից խնդ-  
 րովք ըստ իւրաքանչիւր աշխար-  
 հաց: Նորօք շքեղանային ընթրիք  
 ամենայն տանուտերանց. Հայոց.  
 նորօք զարդարէին յամենայն  
 տունս օտարք և ընտանիք: Նմա-  
 նեցուցեալ ինքեանց 'ի յաւաջա-

նալ փութային և զորդիս երա-  
նելոյ կամասրականին Արշաւրայ  
տեան Արշարունեաց, որք և ազ-  
գախառն իւրեանց էին ծնունդք  
դասեր մարտիրոսին Վարդանայ,  
խրատել և հրահանդել ըստ իւ-  
րեանց իմաստութեան և արուես-  
տի ջանային:

Եւ զայսպիսի ինչ բարւոյ մա-  
տենս առնել առատ և հոգալ՝ ա-  
ռաւել եւս կամաւոր յօժարու-  
թեամբ յորդորագոյն էր աւագ  
որդին սրբոյն Հմայեկայ, որուն  
անուն էր Վահան: Քանզի էր այր  
մտացի, աւուջախորհուրդ և բա-  
րեակեր, յոր դարձ և ձեռն արկա-  
նէր գործել՝ Տէր յաջողէր՝ ի ձե-  
ռքս նորս և զօրանայր. նա և  
գործակալք Պարսիկք որ գային  
՛ի դրանէ, թէպէտ ոչ կամաւ, այլ  
ըստ Աստուծոյ սաղրելոյ սիրէին  
զնա և պատուէին: Արք և առա-  
ջի թագաւորին Պարսից գովէին  
զաւութիւն առնն, և անմտաց

յիշէին . մինչեւ ինքն իսկ թաղա-  
 ւորն Պերսոյ՝ գլխովին ծանեաւ  
 զնա , և առ լաւս ունէր , և յան-  
 գիման ամենեցուն գովէր , և ար-  
 ժանի պատուոյ հաշուէր : Բայց  
 արժանի լատ նորա իմաստիցն և  
 քաջութեանն թէպէտ և ածէր  
 զմտաւ պատուել զնա , այլ յիշե-  
 լով զհարցն և զնախնեացն նորա  
 զիրա և զգործս , և որպէս հանա-  
 պապ ընդգիտութեամբ և պատե-  
 լալմաւ աշխատ կաշեալ էր ըզ-  
 նոսա , յապաղեալ կասէր . և  
 լռեալ՝ թաղուցանէր զարժան  
 պատիւ ապ իոցա . մանաւանդ  
 իբրեւ հապատեալ լսէր զնախան-  
 ձորդացն զբանարկութիւն , որք  
 առ վասնդի ժամանակի տանու-  
 տեարք Հայոց անուանեալ էին ,  
 զորս կարի առաւելապէս երկե-  
 ցուցանէր յաջողութիւն յառաջա-  
 դիմութեան մամիկոնէին Վահա-  
 նայ , կասկածէր երկիւղիւ առ ՚ի

յառաջիկայսն զանարժան գոռ-  
զացեւոցն բեկանել<sup>1</sup> զսիրտս :

Իսկ լաւ ոչ այր յանկարծ և  
կամ արժանաւոր թէպէտ և էր  
'ի ժամանակին, որպէս լաւ այր  
Քարիկն սիւնի և կամ սքանչելին  
Աւնակն ամատունի և կամ այլ  
ոչ նման նոցին, 'ի հոգեւորանաւ-  
թենէ մոլեկան թագաւորին և 'ի  
կատարութենէ ամպարչաւալ ժա-  
մանակի իշխանացն, որպէս նա-  
սրատակք 'ի սլացմանէ գիշակեր  
արծուեաց 'ի ծերպս վիմաց և  
կամ 'ի մացաւուտ տեղիս մայ-  
րեաց զօրեալք թարչէին. կարե-  
ւոր համարէին համբերութեամբ  
'ի քրիստոնէական կարգի վախ-  
ճանել, քան թէ փառախնդիր  
յաճմամբ պատահել ուրացութե-  
ն և կորնչել: Լաւ համարէին ըստ  
քանի գրոյն զնախատինս վասն  
Քրիստոսի, քան առ ժամանակ մի

1. Յօր. բեկանել :



Թաթաւել ընդ մնառի փառս աշ-  
 խարհիս, և յաւիտենից անջա-  
 նացն լինել արժանաւոր. որք իւ-  
 բեւ դժարելոնի հնոցին բոց տե-  
 ասնէին բարձրացեալ զամբարըշ-  
 տուծեանն կիզոււն, և ոչ ոք էր  
 որ շիջուցանէր: Ժողովեալք նրա-  
 տէին աւ սուրբ քահանայապե-  
 տին Հայոց Գիւտեայ, որ ոչ էր  
 բէք լուր յարաստուելոյ զմտի-  
 րասիրացն զմոլորութիւնս, որ  
 խնդրէր լուելեայն պաճարանս  
 հայթայթանայ հանդերձ նորօր-  
 երբեմն փախչել յօտարութիւն,  
 և երբեմն ՚ի խնդիր լինել օգնա-  
 կանութեան և ապաստմբել: Ա-  
 ռարէին դադա և պատգամաւորս  
 միանգամ և երկիցս աւ թողա-  
 ւորն Յուսայ Աւան. որոյ թէ-  
 պէտեւ յանձն աւեալ կամէր օգ-  
 նել, յերկարէր ժամն և խափա-  
 նէին խորհեալքն:

ԿԳ. Սկսանէր այնուհետեւ նք  
 կաթուղիկոսն Հայոց Գիւտ աւ

'ի չժուժալ սրտին՝ յայսմապէս  
 ոխուժեամբ գրգռել ընդ անօրէն  
 ուրացելոցն, և սիրել և սխառուել  
 զկողմն ասուսպեալ հաւասացե-  
 լոցն: Եւ մանաւանդ առ լատ-  
 թարս ունէր և արհամարհէր ըզ-  
 մախազն Քաղիշոյ, որ զօրսպլու-  
 խըն և քաջաւերիչն էր ամենայն  
 ամբարշտելոցն դասու. որոյ ճկա-  
 րացեալ ասնել արհամարհանայ  
 սրբոյ կաթուղիկոսին Հայոց Քիւ-  
 տայ, զօգեալ բիւր բանս թշնա-  
 մուժեան՝ ամբաստան լինէր ըզ-  
 նմանէ առ թագաւորն Պարսից  
 Պերոյ, ասելով. եթէ, Զմարդիկ՝  
 որ զկամայ քոյ զհրաման կամին  
 կատարել և զքո օրէնս իտրհել  
 յանձն աւնուլ և սիրել, կոչէ առ  
 ինքն, և է՝ որ ինչ տալով, և է զօրս  
 քողցր բանիւք պատրէ, և յե-  
 րացն 'ի բաց դարձուցանէ: Վա-  
 սըն զի բազումք եկեալ են առ իս  
 և՛ յանձն ասեալ ունել զօրէնս  
 քո, և նորս կոչեալ առ ինքն

պատրանօք՝ ՚ի բաց օրէնալ է թո՛ւ  
 զո՛ւ զիրան և արհամարհել. այլ և  
 զմեզ՝ որ զքեզ սիրեմք և արեգական  
 և կրակի երկիր պաղանեմք և կա-  
 մաց քոյ ծառայեմք, ատեայ և  
 թշնամանէ: Եւ ինքն ընդ կայսեր  
 խօսի և պատուական ընծայիւք  
 հպատակէ նմա և մեծամեծաց՝ որ  
 ՚ի գրան նորա են: Եւ այլ բա-  
 զում բանիւք ըստ օրինի թշնա-  
 մայ խօսէր ըստ կամի:

Եւ լուեալ զայսպիսի բանս ամ-  
 բասանու թէ թագաւորին Պար-  
 սից Պերոզի ՚ի մախապէն Գաղի-  
 շոյէ, զայրացեալ սրամտութեամբ  
 հրաման տայր՝ սրբոյ կաթուղի-  
 կոսին Հայոց ՚ի դուռն հասանել,  
 և անդ պատասխանի առնել բա-  
 նից դատասխազին: Իսկ երանելի  
 կաթուղիկոսն Հայոց Գիւտ կա-  
 մաւ և յօժարութեամբ ՚ի դուռն  
 երթայր, և յանդիման լինէր ա-  
 լադաց գրանն: Արոց առաջի շք-  
 քեղացուցեալ զսուրբ այրն զօ-

ըստ թեան Հոգւոյն Արքայ<sup>1</sup>, տե-  
 սանէր ամենայն մարդ. զերեսս նո-  
 ռա իբրեւ զերեսս հրեշտակի .  
 յորմէ և հեթանոսք մեծաւ զգու-  
 շու թեամբ խորշեալ պատկառե-  
 ին 'ի նմանէ: Այլ քրիստոնեայքն  
 և եպիսկոպոսն Տիգրանի և Խու-  
 ժաստանի և Հրեւեայ, և ամե-  
 նայն կողմանցն այնոցիկ երկրունք  
 և սարկաւազունք՝ երկուցեալ  
 դողային 'ի սրբոյն որպէս 'ի մար-  
 գարէէ տեառն Աստուծոյ:

Եւ լուեալ թագաւորին Պերս-  
 զի զերթալ սրբոյն Գիւտեայ,  
 յգէր աւ նա մի լսա միոջէ զա-  
 մենայն բանս ամբաստանութեան  
 Մախազու, զՅրդասպէնասպն զոր-  
 դի Աշտատայ 'ի Միհրան տանէ:  
 Եւ սրբոյ կաթուղիկոսին Գիւ-  
 տայ պատասխանի արարեալ բա-  
 նից թագաւորին՝ ասէր. Ոչ են  
 ամենայն ասացեալքդ Մախազու

1. Յօր. չկայր Հսգւոն սրբոյ:

զինէն առ ձեզ՝ սուտ. այլ են որ  
 արդար են, և են որ ոչ են ստոյգ  
 արդար: Քանզի սիրել զքրիստոս  
 նկուծիւն և որ ոք քրիստոնեայ  
 է, զայդ ոչ այսօր ընտրեալ պա-  
 ճեմ յանձին խնամ, այլ ՚ի ման-  
 կուծենէ խմէ. և զամենայն  
 մարդ՝ որ վրիպեալ է ՚ի ճշմար-  
 տուծէնէն՝ ատեմ. և կամ խմ՝ թէ  
 ամենայն որ ՚ի ճշմարտուծէնէն  
 մոլորիլ կամէր և գնալ զճանա-  
 պարհ որ ոչ է ուղիւ, և գոյր հը-  
 նար բռնուծեամբ և կամ սղա-  
 ջելով, այլ թէ և կարաւով կա-  
 րէի հաւանեցուցանել, ջանայի  
 անվեհեր մտօք և ոչ սայի կորըն-  
 ջել այնպիսոյն զանդիւս կորուս-  
 տըն: Այլ որ ասէնդ, թէ երթ-  
 եւեկք նորա (են) ՚ի Հռոմս, ոչ  
 ըստ դորա կարծեաց և խօսի-  
 ցըն այդպէս են իրքն, քանզի  
 սուտ է. այլ վասն զի զգարու-  
 թիւն գիտուծեանս մերոյ և զի  
 մասս բանաւոր ուսմանց՝ յաշ

խարհին չուռմոց. ուսեալ էմ, և  
էն իմ անդ ծանօթք բազում և  
ուսումնակիցք, այլ և զկերպա-  
րան հանդերձիցս զոր ունինքս  
մէք՝ անտի գնեմք. վասն զի և ոչ  
յայլ աշխարհի գտանի սա ուրեք՝  
բայց անդ, հարկաւորիմք անտի  
գնել զայս ըստ ժամանակին պի-  
տոյից : Այլ զհնազանդութիւն  
ճառայութեան՝ օրէնք իսկ մեր  
պատուիրեն հատուցանել. սե-  
րանց՝ զգիպողսն և զարժանաւորս :  
Եւ տարեալ զայս ամենայն բա-  
նըս պատգամաւորին առ թագա-  
ւորն, իսկոյն ծանեալ թագա-  
ւորն՝ թէ ստոյգ և մտացէբար  
էն խօսք սրբոյն, և սուտ և առ-  
քինաւորութեանն իօսի Մաղ-  
խազ գնմանէն, զոր ինչ և ա-  
ռէ : Վասն զի և Աստուած ըստ  
հաճոյից սրբոյ առնն տայր՝ ընել  
թագաւորին պիօսս նորա. բայց

զի մի թեթեւացուցեալ զկարգ  
 օրինացն իւրոց երեւեցուսցէ քը-  
 ռիստոնէից , լռեալ թողոյր ըզ-  
 խօսս Մաղխապին , և ճարչանէր  
 ինչ ծանուես : Բայց յգէր առ ե-  
 րանելի կաթուղիկոսն Գիւտ , թէ  
 Մինչեւ ցայժմ քո իշխանութիւնդ  
 առանց իմ հրամանի կալեալ է , և  
 ծառայ մարդիկ են՝ որոց քեզ  
 զայդպիսի մեծ գործ տուեալ է ,  
 և ոչ ինչ յինէն ունիս վստահու-  
 թիւն : Բայց այժմ եթէ զիմ կա-  
 մրս առնես , և զիմ օրէնս ունիս ,  
 և արեգական երկիր պագանես , ըզ-  
 գործդ զայդ քեզ և քում սպի-  
 և որում դու կամիս՝ պատըշրաւ<sup>1</sup>  
 տամ մինչեւ յաւիտեանս , և ըզ-  
 քեզ պատուով այնպէս սրճակեմ  
 ՚ի Հայս , զի Հայոյ ուրուք ՚ի մեր  
 դրացս պատիւ և շքեղութիւն  
 այնպիսի ճիցէ գտեալ , որպէս դու

<sup>1</sup> . Թուի երգումն կամ կնիք նշանա-  
 կել :

գաանես: Ապա թէ յամառեալ  
 ճշաւանիս կատարել զկամս իմ,  
 զեպիսկոպոսութիւնդ՝ ի բաց առ-  
 նեմ՝ ի քէն, և ի դարձոցդ՝ ի բաց  
 հանեմ. և դու անարգանօք և  
 թի թեւոլթեամբ երթաս ի առն  
 քո և յաշխարհն:

Եւ երանելի այրն Աստուծոյ  
 կաթուղիկոսն Հայոց Գիւլա Ա-  
 ցեալ զօրութեամբ Սուրբ Հո-  
 դուսն, ասաց յառողամարերն  
 արքունի. Ասեի՝ թէ այդպիսի  
 բանից պատասխանիս ես ինձէն  
 առնելի առաջի թագաւորին. քան-  
 ղի ոչ է հնար քեզ և ոչ իշխես  
 համարձակապէս պատել թա-  
 գաւորին իմզ զամենայն լուեալ  
 սրն՝ ի բերանոյ իմիկ: Եւ պատ-  
 դամաւորին պատասխանի առ-  
 ւեալ ասէ զսուրբն. Համարձակաւ  
 թիւն տուեալ է, ասէ, թագա-  
 ւորաց՝ ասել զարդար լուրն ի  
 մէջ երկուց կողմանց, և լսեն  
 պատգամաւորք, և ճիշխեն եթէ



չասեն: Եւ սուրբ այրն Աստու-  
 ծոյ եւս պատասխանի եւ ասէ. Ա-  
 սա՛ զթագաւորն, թէ յաղագս  
 գործոյս զոր ասես՝ թէ զայժմ  
 քո՛ ի ծառայից եւ ոչ յինէն կա-  
 լեալ գործակալու թիւն, թէ գու-  
 կամ թէ ոք՛ ի ծառայիցն քոց որ  
 ետուն, եւ անուք յինէն, ուրախ  
 եմ եւ կամիմ. վասն զի յաշխար-  
 հասանչ հոգոյ եւ կարեաց ա-  
 պրեալ, անձին պարտաւեմ եւ ազո-  
 թից: Իսկ յաղագս եպիսկոսոս  
 սական ձեռնադրութեանս՝ որ ա-  
 սես թէ՛ ի բաց անուամ՛ ի քէն,  
 դայս երկնուոր ձեռնադրութեան  
 պատիւ՝ անուել յինէն ոչ թա-  
 գաւորք եւ ոչ յիշխանաց ոք-  
 մահ, — ոչ իշխէ, քանզի եւ կարէ  
 իսկ ոչ. եւ ոչ բնաւ երկնցիմ՛ ի  
 մահկանացու մարդոյ՝ սալ զպա-  
 ախա դայս ինձ եւ կամ անուել  
 յինէն: Բայց վասն օրինացդ քոց  
 որ ինձ ունել հրամայես, յաղա-  
 գրս որոյ եւ պատիւս եւ պարգեւս

Խոստանաս սալ ինձ, ոչ ուրուք  
 է. յերկրաւորացս պատիւ. մեծ. և  
 իշխանութիւն հզօր աւաւել քան  
 զքոյդ՝ որ ունիս. բայց վասն ան-  
 պիտան և գարշելի օրինացդ քոյ՝  
 որ ունիսդ, դու ինքնին գլխո-  
 վին որ թագաւորդ ես, և ամենե-  
 քեան որ զայդ օրէնս ունիք, մե-  
 աեալ համարեալ էք. յաչս իմ, և  
 ոչ կենդանիք. և զպատիւս քո և  
 զփառս՝ անարգանս համարիմ և  
 մանկրաւոյ ծաղր և կատականս:

Աւ լուեալ զայսպիսի բանս  
 պատգամաւորին՝ ի սրբոյ կաթու-  
 դիկոսէն Հայոց Գիւտայ, ասէ  
 յերանելին. թէ արդարեւ ՚ի վե-  
 րայ դորին բանից պնդեալ կաս,  
 ապա արդար ասէիր՝ թէ ճիշտեա-  
 տանել զասացեալս իմ առ թա-  
 գաւորն, և իրաւ ասէիր. զի  
 ոչ ուրուք երբեք այդպիսի բանս  
 ստամբակութեամբ յլեալ է առ-  
 այր թագաւոր. բայց տե՛ս, թէ  
 հնար է փոխել զիօսսդ, ուշիմ

լեր: Եւ սրբոյն պատասխանի աւ-  
 րարեալ սաէր. Տեսանէս, զի դու  
 ընդդիմանաս պատուիրանին Աս-  
 տուծոյ, և ճերկնչիս. վասն զի  
 դուք սաէք, թէ որ ոք զհրաման  
 թագաւորին լուծանէ՝ զԱստուած  
 անարդէ. և դու ասացեր՝ թէ  
 թագաւորաց օրէնք են ճիշտել  
 պատգամաւորի նուազեցուցանել  
 բան մի՝ ի բանից աւաքողին և  
 կամ աւաւելու: Արդ երթ աստ  
 զոր լուար յինէն. քանզի ինձ ոչ  
 է հնար խորհել այլ ինչ և կամ ա-  
 սել:

Եւ երթեալ պատգամաւորն ա-  
 ռաջի թագաւորին, սաէ զթագա-  
 ւորն. Աչ իշխեմ ես զխօսեցեալս  
 սան յանդգնաբար երկրորդել  
 առաջի ձեր, բայց եթէ ՚ի ձէնջ  
 հրաման աւուում: Եւ հրամայեալ  
 թագաւորին սաել համարձակա-  
 պէս զամենայն լուեալսն առանց  
 երկիւղի, և պատմել այնուհե-  
 տել մի ըստ միոջէ զամենայն բա-

Իրս առն Աստուծոյ Քրիտայ: Եւ լը-  
 ւեալ թագաւորն զամենայն աներ-  
 կիւղապէս իօսեցեալն Քրիտայ,  
 ՚ի զայրայցումն սրամտութեան  
 գրգռեալ, կամեցաւ տալ հրաման  
 խստութեամբ. յանկարծակի դա-  
 գարեցուցեալ զինքն՝ աւ վայր  
 մի լուեայ, և ապա սկսաւ խօսել  
 և ասէ. Չէ հնար եթէ ոչ կասա-  
 ըին կամք խնդրոյ նորա, զոր նայն  
 կամի, և ոչ տամ համբուրել քրիս-  
 տոնէից զկապանս նորա, և ոչ եր-  
 կիր պագանել ոսկերաց նորա,  
 որպէս սովորութիւնն: Լուեալ  
 է իմ զպաշտամանց նոցա, թէ  
 չառնեն զայն պատիւ կենդանեաց,  
 զոր այդպիսի մեռելոյ առնին:  
 Իայց ասաց նա՝ թէ այդմ սրա-  
 տուոյ չտամ քեզ պատահել, զոր  
 դու ցասուցանելով զիս՝ գտանել  
 կամիս յինէն. կաց ուր և կամիս,  
 բայց ՚ի գործոյ կաթուղիկսու-  
 թեան հեռի ես, և չէ քո:

Եւ լուեալ զայս սրբոյ կաթու-

դիկանին Հայոց Գիւտայ, մասամբ  
 միով ուրախացաւ, և միւսով եւս  
 մասամբ արամեցաւ. մինչեւ 'ի  
 մահ. քանզի լուեալն եթէ 'ի գոր-  
 ծոյն 'ի բաց եղեւ, ուրախացաւ  
 հանդիւլով 'ի դբօսանաց աշխար-  
 հիւս. և լուեալն թէ ոչ կապանաց  
 ել հրաման 'ի թագաւորէն վասն  
 նորա և ոչ մահու՝ որում ցանկա-  
 նայր 'ի բաղում ժամանակաց,  
 տենչայր լինել արժանի, խոռ-  
 վեալ արամէր անմխիթար վասն  
 չպատահելոյ ցանկալի և մեծ խըն-  
 գրոյն՝ որում փափաքէր հասա-  
 նել:

Կացեալ այնուհետեւ 'ի գրան  
 լատ իւրում կամելոյ սուրբ կա-  
 թողիկոսն Հայոց Գիւտ, բա-  
 զում համարիճակութեամբ պա-  
 տուեալ, ոչ միայն 'ի քահանայի-  
 ցն և 'ի քրիստոնէիցն, այլ և ա-  
 ռաւել 'ի հեթանոսացն՝ որ իւ-  
 րաքանչիւր՝ ախտիցն գտանէին բը-  
 ժըշկութիւն յաղօթից սրբոյն.

և այլք 'ի քրիստոնէիցն կողմանցն  
 այնոցիկ ցանկանային 'ի սուրբ  
 աջոյ առն Աստուծոյ գասնել ձեռ-  
 նադրութիւն : Յորոց զոմանս  
 ձեռնադրէր յեպիսկոպոսութիւն,  
 և զայլս բազումս յաստիճան երի-  
 ցութեան կարգէր : Եւ այսպէս  
 պատուեալ յամենեցունց՝ ուրա-  
 խայլից շքեղութեամբ հրաժարէր  
 գնալ յաշխարհն Հայոց . օրհնեալ  
 զամենեսեան յանձն առնէր Աս-  
 տուծոյ, յուղի անկեալ գնայր յաշ-  
 խարհն Հայոց : Եւ կեցեալ աւաւե-  
 լապէս պատուովք քան զառաջիկն  
 'ի Հայս, հանդէր երկայն ծերու-  
 թեամբ, և եղեալ 'ի դիրս հարց  
 իւրոց իսպաղութեամբ՝ 'ի գեօղն  
 որ կոչի Աղմսու գեօղ, 'ի գաւա-  
 ւին Վանանդայ <sup>1</sup>, Եթող օրհնու-

1. Վերագոյն՝ յէջ 376 յԱրաբեգայ  
 Տայոց ասաց . զԳիւս . գուցէ անդ ծը-  
 նեալ էր, բայց նախնիք իւր աստէն 'ի  
 Վանանդայ էին :

Թեամբ զամենայն ժողովուրդն  
սուրբ եկեղեցեացս Հայոց :

ԿԵ . Եկեալ 'ի դրանէ և մաղ-  
խաղն Գաղ-իշոյ , և ժողովեալք սու-  
նա դասք ուրացողացն , որ թէպէտ  
և ուրախանային զաւժամանա-  
կեայ թաղծալից ուրախութիւն  
կենցաղոյս , սակայն իբրև անսանէ-  
ին զմամիկոնեանն Վահան այնպէս  
երևելի յաճմունս բարւոյ համա-  
կեալ , ներկեալք խամբէին և ծըն-  
կեալք թարշամէին : Խնդրէին 'ի  
վերայ նորա հնարս պատճառա-  
նաց , որով զնա և զեղբարս նո-  
րա կորուսանել կարասցեն . սա-  
յին պիտել մեծամեծաց դրանն .  
այլ էր ինչ և որ թաղաւորին ,  
թէ ոչ է հնար սմա առանց ա-  
պրտամբութեան կեալ 'ի Հայս :  
Յիշեցուցանէին Արեաց և զնախ-  
նեացն նորա զմիոյ միոյ , թէ ո՛վ 'ի  
նոցանէ ոչ խափեցոյց զԱրեաց  
աշխարհ , և ոչ արար մեծամեծ վը-  
նասս և մահուս . արդ՝ երբ և է ,

ասեն, սա զնոյն խաղաղութիւնս  
 յարուցանելոց է ՚ի վերայ ձեր :  
 Որոց լուեալ զայս ամենայն բանս  
 քսութեան ՚ի սաէպն բանար-  
 կուաց, կասկածէին ՚ի համբուոյն,  
 և հայելով յառն յաջողակութիւն  
 և յիմաստն, արամէին տա սէրն :

Տեսեալ այնուհետև Վահանայ  
 զայնչափ յարուցմունսն ախանձա-  
 ւորացն ՚ի վերայ նորա, թէ ոչ եր-  
 բէք կասեալ լաին ՚ի չար նախան-  
 ձալից խօսից, ջկարացեալ տա-  
 նել հանապազօրեայ բանարկու-  
 թեանն, երթեալ ՚ի դուռն՝ սկա-  
 րանայր ՚ի հաւատն. և եկեալ ՚ի  
 Հայս, սակայն և այնպէս իննու  
 դրերանս չարախօսացն ոչ կարէր :  
 Ձի որ ոք բան ուղիղ ՚ի հրապարա-  
 կի առաջի իշխանի ջգիտէր խօսել  
 զնա ստեայր. և որ ոք յորս կամ  
 ՚ի թիւրախ նեա ջգիտէր ձգել զնա  
 պարտաւորէր. Նստի, ասէին, և  
 ամենեցուն ունչս առնէ : Եւ որ  
 ոք անմտութեամբ զգործս ար-



քունի ջմարթէր գործել, 'ի նա բե-  
րէր զպատճառն. Նա, ասէին,  
յաւաջէ յամենայն 'ի գործս, և  
չոպ ինչ ումեք գործել կամ օդ-  
տել: Վասն զի էր նորա<sup>1</sup> գործակից՝  
որում անուն էր Վրիւ, անանուն  
լատ ազգի և անփորձ իրի, որդի ան  
Ասորոյ, բայց շատիօսուածեամբ  
և ընդվայրարանուածեամբ առա-  
ւելեալ, նմանէր ազգի Ասորոյ.  
որոյ ջմարթեալ գործել զգործ  
արքունի՝ երթեալ լինէր ամբա-  
ասն զՎահանայ աւաջի թագաւո-  
րին Պերոզի, ասելով. թէ ինձ 'ի  
գործ ոսկէհասին շեռ ինչ<sup>2</sup> մօտ  
երթալ. և իւր խղովեալ զամե-  
նայն ոսկի աշխարհին՝ խորհի եր-  
թալ առ կայսր և կամ յաշխարհն  
Հոնաց, և առեալ զոսկին՝ կամի  
խնդրել դունդ և ապատամբել:

Եւ լուեալ զայս ամենայն բան

1. Յօր. նա:

2. Յօր. ինչ:

ապստամբութեան զինքենէ իմաս-  
 տախորհին Վահանայ, առեալ  
 փութանակի զբազմութիւն ոս-  
 կւոյն և հասանէր 'ի դուռն: Եւ  
 լուեալ թագաւորին Պերոպի ըզ-  
 ճեպով երթալն Վահանայ, զար-  
 մայեալ ասէր. թէ Եկզ Վահա-  
 նայ այդպէս երապ՝ շատ ընդգէմ  
 է բանիցն Վրուայ, մանաւանդ՝  
 թէ բերեալ ևս ինչ է: Եւ ե-  
 ղեալ յանդիման թագաւորին,  
 տեղեկանայր 'ի նմանէ թագաւո-  
 րն Պերոպ՝ թէ արգարեւ բերեալ  
 ինչ է. և լուեալ զՎահանայ զքա-  
 նիօնութիւն բազմութեան ոս-  
 կւոյն զոր բերեալ էր, և ուրախա-  
 նայր յոյժ: Ապա և յանդիման  
 Վահանայ տայր ասել Վրուայ ըզ-  
 բանան՝ զոր ասէր զնմանէ յառաջա-  
 դոյն: Եւ լուեալ Վահանայ զամե-  
 նայն ասացեալն Վրուայ, ետ պա-  
 տասխանի առաջի թագաւորին և  
 ասէ. Գիտեմ և ես զանիմաստու-  
 թիւն անձին իմոյ, լսա ջուջանե-

ԸՅ զիս ձեզ Վրուայ, բայց սակայն  
 այնքան կոյր չեմ՝ թէ զՍրեաց  
 ոյժ և տեսանել անգամ չգիտեմ.  
 որոյ ուժոյ զբազում ազգս ապրս-  
 տամբաց հարեալ է սաստիկ եր-  
 կիւղիւ, և հնազանդեցուցեալ ընդ  
 ձեռամբ իւրեանց ունին: Իսկ ես  
 որ ապստամբելս կամիմ ըստ դու-  
 րա ստեղծոյդ, դոյն իսկ ինք գիտէ՝  
 զի մի ծառայ չգտանի իմ որ ինձ  
 խոհեքրու թիւն առնէ, և ոչ եր-  
 կուց կամ երկց պատանեաց իշ-  
 խեմ տիրաբար, որ ինձ երկիւղիւ  
 սպաս ունին. դնդի իմ ոյժ այդ է:  
 Բայց եթէ նեղ ինչ էր ինձ՝ ի ձէնջ,  
 և ուրեք յօտար երկիր գնալ և  
 կորնչել կամէի, զայդչափ ոսկի  
 այսր զի՞ բերէի, որ մինչև ցմահ  
 իմ, թէև կարի շատ կէի, խնում  
 անձինս այլ և տասանց ևս ընդ իս  
 թոշակ շատ էր և բաւական. և զայլ  
 ոք ոստիկան ձեր յիմ վերայ չեր  
 կացուցեալ, որ թէ ինչ՝ ի հարկէ  
 սայր բերել այսր զայդչափ բազմու-

Թիւն սկւոյ: Բայց թէ վաստակել  
 գիտեմ ձեզ, դուք կարող էք որ  
 զիս թէ կամիք կեցուցանել, վաղ  
 վաղակի և առժամայն մեծացու  
 ցանել, որպէս և կամիք:

Եւ լուեալ զայս թագաւորին  
 Պերողի և այլ աւագանոյն զայն  
 պիտի իմաստութեամբ զիսոս 'ի  
 Վահանայ, ամենեքեան իրաւա  
 ցուցին զիսոս Վահանայ քան ըզ  
 իսոս Վրուայ: Եւ ելանէր Վա  
 հան արդարացեալ յատենէն, և  
 որդի Ասորւոյն Վրիւ ելանէր ա  
 մաչեցեալ և արհամարհեալ: Եւ  
 հրաժարեալ Վահանայ 'ի դրանէ՝  
 մեծարանօք և բազում շքեղութե  
 ամբ, եկեալ հասանէր յաշ  
 խարհս Հայոց:

Եւ քանզի ոչ էր խաղաղութիւն  
 մասց նորա զամենայն օր վասն  
 վաստանուն ուրացութեանն,  
 զոր նման նահատակեալ հարցն  
 իւրոց պատճառանօք և ոչ ճշմար  
 տութեամբ կրէր յինքեան, և ս ա

ւաւելլ 'ի գայն սրայծառու թեամբ  
 'ի դրանէ՝ տարակուսէր յանձն իւր,  
 թէ մի գուցէ պատրեալ 'ի փառս  
 աշխարհիս՝ յառեալ մուանայցէ  
 զերկիւղ հանդերձեւոյ աշխար-  
 հին, և զաստիցի: Եւ այսպէս  
 ցանկ մաշելով 'ի միտս իւր, ծա-  
 նուցանէր առ ջերմ սիրտաց զիւ-  
 րն հոգալ, և հնարս հայցէր. և  
 անդադար ինդրէր 'ի փրկչէն Քր-  
 իստոսէ շնորհել նմա ժամ բա-  
 ըի, ասելով ընդ միտս իւր. թէ  
 Միշտ քեզ՝ անէր Աստուած անե-  
 նայն ինչ հնարաւոր է, և տկարա-  
 նայ քեզ և ոչ ինչ. դու Տէր, ա-  
 պաւէն իմ լեր. շնորհեա ինձ ժա-  
 մանակ դարձի խոստովանու-  
 թեան, և ուստ ինձ անիւղ զկա-  
 մրս քո, զի դու ես Աստուած իմ:

42. Եւ մինչ դեռ Վահան յայս  
 պիտի յազմուենս յմտաց կայր տա-  
 րակուսեալ, լինէր յանկարծակի

խաւովութիւն յուղմանց յաշխարհին Վրաց. Վախթանոյ սպանանէր զբռնչին պանօրէնն Վաղգէն՝ յամի քսաներորդի հինգերորդի Պերոյի արքայի: Զոր լուեալ Հայոց աշխարհիս մարդկան, յորոց բազումք այն ամ Սպուսնա էին՝ յապատամբ ամբականացն կռուի, որոց բովանդակին զօրադուի էր Զարմիհր Հալարաւուխա, և Հայոց աշխարհիս Ատրվշնասպն Յոզմանդեան էր մարդպան. իսկ քրքրիատնեայ մարդիկն Հայոց, որ այն ամ անդ 'ի կռուին էին, հարեալք մաշէին առաւել ևս յարհամարհանաց և 'ի նախանձուէ 'ի յեաին իշխանացն Հայոց, որք ուրացութեամբն գոռուլայեալ ամբարհաւաճէին ի ժամանակին, քան թէ ի բանութենէ պարսիկ զօրադլիսայն գործոց: Արք 'ի ժամանակին իբրև լուսն զապատամբութիւնն Վրաց արքային, ցընծային ուրախալից սրտիւ: Վասն

զի Կայր առ Նոսա համբաւ թէ Վը-  
 րայ արքայ սսէ, թէ՛ Նս միում ու-  
 մեք զկուր շատմ տեսանել, այլ այն  
 չափ հանեմ Հոնս, որում ոչ կարի-  
 ցեն հարկանել ՚ի գիմի զօրքն Պար-  
 սից: Զօրայեալք յայնպիսի համ-  
 բաւոյ քրիստոսասէրքն, և ան-  
 ձանց տկն ունէին օգտի և բարի  
 այցելու թիւն գտանել ՚ի Բարձրե-  
 ւոյն. բայց երկնչէին՝ թէ մի գու-  
 ցէ առեալ զգուճոյն Հայոց զօրա-  
 գլխացն Պարսից՝ ընդ նոյն ՚ի գու-  
 ռն գումարիցեն:

Այլ Քրիստոս յայնպիսի կար-  
 ծեացն զերժուցեալ զնոսա՝ գա-  
 յին ՚ի Հաշա. և եկեալք ՚ի գա-  
 ւառն Շիրակայ, ՚ի գաշտն՝ ուր  
 բնակէր մարգպանն Հայոց Ատրը-  
 վրչնասաղ Յոզմանդեան, և առ նը-  
 մին հաղարապետն Հայոց Վեհ-  
 վեհնամ. սաս խորհուրդ ՚ի մէջ  
 առեալ արանց ոմանց նախարարա-  
 ցն Հայոց, որք զարտմէն և զուա-  
 րակուսելն ՚ի բազում ժամանա-

կայ գիտէին զմամիկոնէին Վահա-  
 նայ՝ յաղագս մոգու թեանն ա-  
 նուան, և ասէին . թէ, Վարի պա-  
 տեհ էր և մեզ և նմա ժամն այս  
 փրկութեան. նմա սպրեչ 'ի իւրը-  
 ճէ մտացն իւրոց, և մեզ զերծա-  
 նել 'ի հանապազորդեայ, կասկա-  
 ծանայս և յարսժամ հարանայս,  
 որոց ծաւայեմքս 'ի հարկէ հեզ-  
 ձամիձուկս նախանձու: Եւ ար-  
 քայդ Վրայ Վախթանգ արեացի-  
 է. ո՛ր գիտէ և բազում ուղորմն Աս-  
 տուած հաչեացի 'ի վտանգս մեր  
 և օգնեացէ մեզ, և հանդերձ Վը-  
 րօք թերևս կարող լինէաք աւ-  
 սակաւ մի աշխատ առնել զՊար-  
 սիկս: Եւ խորհեալ այսպէս սա-  
 կաւ ոմանց 'ի Հայ նախարարացն,  
 լսելի լինէր խորհուրդն և յայլս  
 ոմանս . և որպէս յԱստուծոյ ա-  
 սաջնորդութենէ միաբանէին կա-  
 մաւ և յօժարութեամբ ամենե-  
 քեան որք լսէին զխորհեալսն:

Յայտնէին այնուհետեւ համար-



ճակեալք 'ի գիշերի միտամ զբանս  
 մտածու թեանն իւրեանց մտիկո  
 նէին Վահանայ . որոյ իբրև լուեալ  
 ասէր ցամենեսեան . Գիտենսս  
 մանք թէպէտ և ոչ ամենայնքն՝ որք  
 էք 'ի խորհրդիս յայս , թէ որպէս  
 վտանգեալ տագնապիմ ցամենայն  
 ժամու յաղադս սուտ անուանս՝  
 զոր ասելու թեամբ կրեմ յանձին  
 խնամ . զի մերձեալ յերեկոյն՝  
 կասկածեմ ցառաւօսն , և հա  
 սեալ յառաւօսն՝ երկնչիմ ցերե  
 կոյն , հայելով 'ի փութանակի և  
 անյայտ կենցաղոյս վախճան՝ որ  
 երագահաս է և յանկարծակի ,  
 թէ դուցէ այսպիսի անուամբ գը  
 նալ ճաշխարհէս . ապա կամէի և  
 ընտրելագոյն էր ինձ՝ թէ ընաւ և  
 ծնեալ իսկ չէր զիս մօր խնոյ յայս  
 աշխարհս . և դռանել հնարս և  
 զերծանել ինձ 'ի խղճէս՝ որ նե  
 ղէն զիս , ալաչեմ զԱստուած ան  
 դադար : Բայց միաբանել խորհրդ  
 դոյդ՝ զոր դուքդ խորհրդ , և ա

սել ձեզ՝ թէ լաւ է իմաստդ և ա-  
 րարէք, ոչ կարեմ՝ ասել և ճիշ-  
 խեմ. վասն զի զԱրեայ ուժն և  
 ստամբակութիւնն քաջ գիտեմ,  
 և զՀոռոմոց զթուրութիւնն և  
 զխաբէութիւնն. և զձեր ծանու-  
 ցեալ է փորձիւ իմ, թէ որպէս  
 հարանց մերոց ուխտեցին երդ-  
 մամբ և ստեցին. և վասն Արայ  
 արքայի և Հոնացո՛ւ զորս ասէք,  
 Արքա առանձին թեթե ինձ աշ-  
 իարհ են և այրուձիով սակաւա-  
 ւորք. բայց վասն Հոնաց՝ ո՛ր գի-  
 տաց, հաւանի՞ն գալ թէ ոչ, որք  
 ջենն՝ ի միջի և ջերուին: Բայց քան  
 զամենայն ևս առաւել՝ յանձանց  
 երկերուք, վասն զի մարգիկ սուտք  
 էք և անվստահք: Բայց եթէ զիս  
 հարցէք և զբանն իմ առնէք և  
 հաւանիք, թողէ՛ք ՚ի բայ զբանե-  
 րդ, և զԱստուած աղաչեցէք մի-  
 այն՝ գտանել հնարս իրացո՛ւ, ու-  
 րում գիւրին է առնել զոր ինչ և  
 կամի. այլ յընդունայն և յանպի-

տան խորհուրդս ձեր՝ զիս մի աշխատա տանէք :

Եւ լուեալ զայս ամենայն բարս նախարարացն Հայոց՝ ի մամիկոնենէն Վահանայ, ետուն պատասխանի միաբանութեամբ և տուն, թէ Զամենայն զոր ասացերսդ՝ լի ասացեր որպէս վայելէ քում իմաստութեանդ, ճշմարտաասացեր և արդար. բայց ՎՅՅՅՍ մեր ոչ ՚ի Հոսոմս եղեալ է և ոչ ՚ի Հոնս, բայց նախ յողորմութիւնն Աստուծոյ, բարեխօսութեամբ Սրբոյն Քրիստոսի, և ՚ի մահ նախնեացն՝ որ նահատակութեամբ իւրեանց հաճոյ եղեն փրկչին Քրիստոսի, և ապա ՚ի մահ անձանց մերոց. քանզի լաւ համարիմք մի ժամ մեռանել՝ քան թէ զամենայն օր զեկեղեցւոյ և զքրիստոնէից զարհամարհանս տեսանել և զքակտումն :

Եւ լուեալ զանուն մահուան մամիկոնէին Վահանայ և քաջի

Եղբօր նորա՝ Վասակայ, քաջալե-  
 րեալք զօրացան, և լցեալք Սուրբ  
 Հոգւոյն շնորհիւ յորդորեցան :  
 Սկսաւ իօսել մամիկոնեանն Վա-  
 հան և ասէ, Իսուք գիտէք՝ զի  
 Վարդ իմ եղբայր 'ի գրանն է. և  
 գիտեմ, թէ լուեալ է զխորհուր-  
 դրս մեր Պարսկաց, կապեն զնա և  
 վշտացուցանեն. բայց 'ի մահ յօ-  
 ժար եմ բան թէ այսպէս կեալ  
 ուրացու թեամք. և յայդ բան  
 հաւանիմ ձեզ, որ ոք կարէք առ-  
 նել : Եւ ամենագիտին հայեցեալ  
 'ի դարձս իմ, և ծանուցեալ թէ  
 արդարեւ յամենայն սրտէ է իմ  
 դարձիս կամք, արասցէ յիս նշան  
 բարի և դարձուցէ առ իս զանձ-  
 կալի եղբայրն իմ զՎարդ ողջ, և  
 ասցէ տեսանել զնա աչաց իմոց  
 և ուրախանալ. և ապա կատա-  
 րեացէ 'ի վերայ իմ զհաճոյսն իւր,  
 որ ինչ թուիցի յաչս նորա :

Եւ զայս ասացեալ՝ յառնեն ա-  
 մենեքեան միաբանութեամբ քրիս-

տոնեայքն և ուրացեալքն, և յա-  
 ղօթս կացեալ խնդրեն զաւետա-  
 րանն սուրբ: Եւ մատուցեալ յա-  
 ռաջ քահանային՝ որում անուն  
 Աթիկ, որ էր ընդ նոսա՝ ի բանա-  
 կին, այր բանիբուն բանիւ և խոր-  
 հրդապահ սրտիւ, յերևելի գեղ-  
 ջէն որ կոչի ԲՃնի, և բերեալ  
 սուրբ աւետարան ողջունէին ա-  
 մենեքեան, և եղեալ իւրաքան-  
 ջիւր ուրուք զձեռս՝ ի վերայ՝ ասէ-  
 ին. Թէ Ար ոք խոստովանեացի ըզ-  
 հաւաստ զայս՝ զոր վրկինն ամե-  
 նեցուն և սէր Յիսուս Քրիստոս  
 վարդապետեալ գրեաց ի սմա, և  
 Արդի մարդոյ խոստովանեալ տար-  
 ցի զնա առաջի Հօր իւրոյ, ժա-  
 ոանգեցուցանել նմա զերկնից բա-  
 րութիւնան: Եւ որ ոք խոսորեալ  
 ուրացի ի հաւատոյս յայսմանէ,  
 և նենգեալ ստեպէ աւետարանիս  
 երդման, և Արդի մարդոյ ուրա-  
 ցեալ հանէ զնա ի իաւարն ար-  
 տաքին, ուր լալ աչացն է և կըր-

ձել ատամանցն: Եւ այսպէս եր-  
գուեալք 'ի գիշերին և հաստա-  
տեալք 'ի հաւասան Քրիստոսի և  
հրաժարեալք 'ի միսեանց, յիւ-  
րաքանչիւր վանս գնացին հանդ-  
չել:

Կէ. Մի ոմն անդէն և անդ 'ի  
Նախարարացն Հայոց, որում ա-  
նուն էր Վարազ-շապուհ, 'ի  
առհմէն Ամասուռնեաց, ելեալ 'ի  
խորհրդէնէ միաքանուժեանն, որ-  
պէս մերժեցաւ Յուդա 'ի գնդէն  
սուրբ առաքելոցն, գնաց 'ի նմին  
գիշերի և պատմեաց մարզպանին  
և այլոցն ամենեցուն՝ զխորհուրդ-  
միաքանուժեանն և զերդումն ա-  
ւետարանին, և զիօսս ամենայն  
Նախարարացն Հայոց: Զոր իբրև  
լսէր մարզպանն Ատրվշնասպն և  
այլ պարսիկ մարդիկն և ջոկք ու-  
րացողացն Հայոց, սրտաբեկեալք  
զարհուրէին և անքունք լինէին  
զմնացորդ մասն գիշերոյն յերկիւ-  
ղէ: Հասեալք 'ի ժամ առաւօ-

անուն, չունէին 'ի տեղւոյնս և եր-  
 թեալ բանակէին մօտ 'ի պարխապ  
 բերդին՝ որ անուանուեալ կոչի Ա-  
 նի. և առ ասէալի՝ իրաստառուք  
 խարէսւթեանն և մարզպանն կաս-  
 կածանօք կային զախան զայն ան-  
 դէն, ծանուցանելով այլոցն ըս-  
 տուցիւ թէ և վաղիւն անդէն լի-  
 նին: Եւ 'ի նմին գիշերի հեծեալք  
 յիւրաքանչիւր երիվարս մարզ-  
 պանն և հազարապետն և որք ընդ  
 'նոսս միաբանք էին՝ փախառա-  
 կանք լինէին: Զոր զգացեալ նա-  
 իարարացն Հայոց՝ հետամուտ լի-  
 նէին զկնի փախտէիցն. և վասն  
 զի տեղեակ առաջնորդօք փախէ-  
 ին մարզպանն և հազարապետն,  
 ոչ ընդ ուղղորդ տեղիս ճանապար-  
 հացն, այլ ընդ այլ և այլ տեղիս  
 դերձեալք անկանէին 'ի բերդն  
 Արտաշատու, որոց ոչ կարէին  
 հասնել նախարարքն Հայոց.  
 Բայց զգրաստ ամենայն Պարսկա-  
 ցն կատեալ լսուանէին 'ի ճանա-

պարհին, և զմախաղն Գաղիչայ  
 ձերբակալ արարին, ածէին ընդ  
 ինքեանս. և հասեալք 'ի Գուլին,  
 երթեալ պաշարէին զբերդն Ար-  
 տաշատու: Իսկ մարդպանն և հպ-  
 զարասեան գաղտ 'ի գլշէրի ելեալ  
 'ի բերդէն փախտեայ գնային 'ի  
 կողմանս Ատրպատականի: Եւ սե-  
 պուհ մի ուրծայի, որում անուն  
 էր Վարագներսեհ, որդի Վողթե-  
 կայ իշխանին Ուրծայ, որ էր  
 յերդմանն ընդ նախարարն Հա-  
 յոյ, նենդեալ ուխտին սրբոյ՝ եր-  
 թեալ աւերէր զշահաստանն Բրու-  
 նավիթի. և առեալ զամենայն կա-  
 րասի շահաստանին՝ դիմեալ ամ-  
 րանայր 'ի բերդն որ անուանեալ  
 կոչի Սաղրայ բերդ, որ էր բերդ-  
 ամուր իշխանութեանն իւրեանց:

Իսկ ոմանք 'ի հայ նախարարա-  
 ցն ամբարշտեւոցն խրատ տուեալ  
 մարդպանին Հայոց Ատրվշնասպայ  
 ասէին, թէ թագաւորն Վրաց  
 աստամբեալ է, և Հոն կամի հա-



նել, բայց հանեալ չեւ եւս է. և  
 գարձեալ՝ Հայոց ասկայսր զգըն  
 դէ յիւեալ է, և դեռ չեւ եւս երևի  
 'ի միջի. և ինքեանք չեւ եւս քաջ  
 կազմեալ են, սրպէս արժան է, և  
 դու թէ այժմ՝ փութով հասա  
 նես 'ի վերայ նոցա՝ դիւրով և  
 թեթեւով վճարես զգործ մի կա  
 ռի մեծ, և լաւ անուն յանձն ա  
 լեալ՝ պատիւս և շատ պարգևս  
 դասնեմք յարքայից արքայէ և  
 դու և մեք. սպա թէ ծուլացեալ  
 հեղբաս, երկնչիմք, մի գուցէ զօ  
 րացեալ անձամք և կամ ուստեք  
 օգնականութիւն գտանելով, որ  
 պէս գիտեմք, թէ սրպէս պատա  
 հեալ իրացն աշխատիցիմք և զըզ  
 ջանացցեմք:

Եւ հաճոյ թուեցաւ բանն  
 մարդպանին և ամենեցուն որ ընդ  
 նմայն էին. և վաղվաղակի յԱսոր  
 պատականէ գունդ առեալ և 'ի  
 Կոստանաց<sup>1</sup> մարդպանէն, և<sup>2</sup> զգուն

1. 2. Երկուքին ևս նահանգք յարեւ

դրն Աստուծոյ՝ որ զայն անդօքն  
էին, գայր հասանէր յաշխարհն  
Հայոց՝ ի գեոեղերն Նրասիայ. կա-  
մեցան անցանել ՚ի գեօղն՝ որ կո-  
չի Նախաւան, ՚ի սաՀմանակցու-  
թեանն Սիւնեաց:

ԿՐ. Սղղ եղև առ տէրն Բարսա-  
տունեաց Սահակ, զոր Հայք և  
զօրավարն Հայոց Վահան ՚ի ժա-  
մանակին յայնմ մարդպան կար-  
գէին Հայոց. ասպետն Սահակ ըզ-  
մարդպանութիւնն, և Վահան ըզ-  
տէրութիւն Մամիկոնէից և զըս-  
պարապետութիւն Հայոց, որք  
նախ հաստատապէս ՚ի վերնոյն  
հրամանէ, և ասպա ՚ի Հայոց ըն-  
կալան զգործակալութիւնն. առ  
որս և եկք Պարսից գնդին լսելի  
եղին. և անսեալ գեռ ևս անկազ-  
մադոյն զպատրաստութիւն զօ-  
րուն իւրեանց, իորհէին առ վայր

իւց Սարգատականի առ եզիրք Կաս-  
պիականին են:

մի յամուր տեղիս գաւառին Տա-  
 յոց չուել: Եւ դարձեալ զամե-  
 նայազմ օղնութիւնն Աստուծոյ  
 յիշելով՝ ասէին. Թէ, Ոչ է յադ-  
 թութիւն 'ի բազումս և 'ի սա-  
 կաւ, այլ 'ի վերին կշռողութեան  
 ձեռինն, և մանաւանդ մեր գոր-  
 ծըս, որ ամենւիմբ 'ի նորա յաջո-  
 դութիւնն հայի: Արդ պարտ է  
 այլ ոչինչ խորհել բնաւ, բայց ըս-  
 տիալով ընդդէմ նոցա գնալ, և  
 պօրութիւն յազմութեան 'ի  
 Փրկչէն բոլորեցունց հայցել: Խոր-  
 հէին և զայս ևս Աստուծոյ մտաբ-  
 կութեամբ, մնալ մարդպանին Սա-  
 հակայ և սպարապետին Հայոց  
 Վահանայ մամիկոնեանին և ոմանց  
 յայլ նախարարացն՝ անդէն յոս-  
 տանին, 'ի քաջալերութիւն և 'ի  
 բարի յոյս երթելոցն յառաջ, 'ի  
 զարհուրումն և 'ի բեկումն սրբ-  
 աից կողման անօրինացն: Եւ որք  
 պատրաստաւք այնուհետեւ 'ի  
 պատերազմն կազմեցան, սիւնին

Բարգէն, զոր անուանեցին 'ի ժամուն իշխան տէրութեան Սիւնեաց, և ամենալաւ քաջ սեպուհն մամիկոնէից Վասակ, եղբայր սպարապետին Վահանայ, և Քարջոյն մաղիալ, և երկօքեան որդիքն երանելոյ կամսարականին Արշաւրայ, Ներսէս տէր Շիրակայ և Հրահատ նորին եղբայր, և երկու արք 'ի Գնունեաց տսձմէն՝ Ատոմ իշխանն Գնունեաց և եղբայր նորին Աւսատոմ, և գունդ ընդ նոսա, որ էին թուով ընդ բնուաւ չորեքհարիւր այր:

Եւ մտեալ նոցա յեկեղեցին, երկիր պագանէին տեառն Աստուծոյ և արարչին ամենայնի և զօրացուցչի. և ինդրէին 'ի նմանէ առաքել օգնականս ընդ նոսա զձրգնութիւն սուրբ նահատակին Քրիստոսի և զամենայն սրբոց, և զարդիս նահատակելոց քրիստոսասիրացն Հայոց և զզօրութիւն սուրբ իրացին: Եւ փրկչին Քրիստոսի գը

Թայեալ մարգասիրապէս, և հա-  
յեցեալ յարժանաւոր խնդրուա-  
ծրս նոցա, առաքել ընդ նոսա օգ-  
նականա զոր խնդրեցին 'ի նմանէ,  
և յուղարկէր խաղաղութեամբ:  
Երկիր ստոբանէին նախարարքն և  
ամենայն արք զօրուս որք ընդ նո-  
սայն էին, և հրեշտակակրօն սրբոյ  
կաթուղիկոսին Յոհանայ. որոյ  
նախարակեալ յուղարկեաց զնոսա  
իւր ստոյգ և արդար ողւոյն օրհ-  
նութեամբ՝ ի գործ պատերազ-  
մին:

Եւ ապա հրաժարէին յասպե-  
տէն Սահակայ մարգարանէն և 'ի զօ-  
րավարէն Հայոց Վահանայ մամի-  
կոննէնէ, և յայլ ընկերակցաց իւ-  
րեանց՝ որ անդէն յասանին առ  
նոսա մնալոց էին. և գնացին ստի-  
պով խնդալից յօժարութեամբ:  
Եղեալ 'ի մտի՝ ասէին, թէ Ո՛վ  
գիտէ կարեմք հասանել 'ի հունն՝  
ուր գուհոք Պարսից անցանել կա-  
մին, և գարձեալք յաներևոյթ

տեղւոջ ուրեք սպասեմք. և յոր  
 ժամ գիտեմք՝ եթէ կէս դնգին ան-  
 ցեալ է ընդ գեան, անկանիմք՝ ի  
 վերայ անցելոցն, և թերևս մնա-  
 սել ինչ կարեմք. նոյնպէս և մնա-  
 ցելոցն՝ ի նոցանէ՝ դարձեալ գիւ-  
 րով կարեմք լինել գամադիւտ:

Եւ եկեալք՝ ի գիւղն որ անուա-  
 նի Վարադկերտ, լուան եթէ  
 գունդն Պարսից անցին ընդ գե-  
 արն ամենեքեան, և են թուով  
 եօթն հազար: Եւ քաջ սեպուհն  
 Մամիկոնէից Վասակ, քանզի ա-  
 ւաջապահ էր այն օր, գնայր յա-  
 ռաջ՝ ի գեօղն որ անուանի Ար-  
 աւակք. թերևս լինիցի ինչ հը-  
 նար, սակ, ջանամ առնուլ զգըն-  
 դին Պարսից զհանդամանս՝ թէ են  
 ինչ եթէ ոչ: Եւ երթեալ ի Ար-  
 աւակս յօթ, յանկարծակի յա-  
 ռաւօսուռն ծագել՝ հասեալ ի  
 նոյն գեօղ և մարդաւանն Պարսիկ  
 Աարվշնասալ, լսէր զմամիկոնէնէն  
 Վասակայ՝ թէ անդ է: Եւ քաջ

սեպհին Մամիկոնեից Վասակայ  
 գիտացեալ զԱսորվշնասպայ և ըզ  
 նոցանէն՝ սր անդ էին, հնար փրբ  
 կուժեան ըսղուժեամբ խորհե  
 ցաւ, որով զգունդն իւր ապրե  
 ցուցանել կարասցէ ՚ի ժամուն:  
 Հրաման տայր երկուց երկուց  
 զոյգ, և կամ երկից և կամ ևս յո  
 լովից, ընդ այլ և այլ անչայտ սե  
 վիս և ընդ փողոցս ելանել ՚ի շե  
 նէն, և զատ ՚ի միսեանց փուժալ  
 հասանել ՚ի գեօղն Վարազկերտ՝  
 ուր նախարարք և այրուձի Հայոց  
 էին, և տայր գիտել նոցա: Եւ  
 ինքն ըսղ սեպուհն Մամիկոնեից  
 Վասակ պատրողական բանիւք  
 բանդագուշացուցանէր պատգա  
 մաւ որօք զԱսորվշնասպ, ասելով  
 թէ, Ես պատգամ ունիմ առ Քեզ  
 զՀայոց, զորս լուեալքո և որք  
 ընդ Քեզ են, հաստատ հաճոյ հա  
 մարիք և օգուտ զայնպիսի լուր՝ և  
 Արեաց տեսան և Հայոց աշխար  
 հիս: Եւ Ասորվշնասպայ լուեալ,

Թէպէտ և գալլո 'ի միտս ուրա-  
խանայր, կարծեցեալ՝ թէ հաս-  
տատ 'ի նուաճումնս գան, այլ սա-  
կայն առ նա խստագոյնս յղեալ  
տսէր, թէ Աշխարհ մի ապստամբ՝  
առ իս զի՛նչ պատգամ յղեն:

Եւ քաջի սեպհին Մամիկոնեից  
Վասակայ գիտացեալ զիւրոյ այ-  
րուճիոյն՝ զերծեալք անիւսաք, և  
Թէ չիք ինչ կասկած այնուհետեւ,  
պատասխանի արարեալ եկեղոցն  
յԱտրվչնապայ ասաց. թէ, Մեր  
ցայժմ ոչ վաս ինչ գործեալ է և  
արքունի իրաց փաս արարեալ.  
Քայց դու ինձ հրամայեա ասել  
զպատգամն, և ձեր լուեալ՝ ապա  
հայեցարուք յարժանն, և ծանե-  
լուք զոր ինչ պարտ է առնել: Եւ  
արձակեալ զպատգամաւորն, և  
ինքն հեծեալ յերկվարն՝ ասաց  
ցայլ Պարսիկսն որ կային անդ.  
Թէ Նս ծաղր առնելով ընդ ձեզ  
խօսեցայ զքանն առ պատգամա-  
ւորն. այլ զիս ուրուք առ ձեզ



պատգամ չէ յղեալ. բայց ես տե-  
 սանել ձեզ եկի թէ որպիսի ինչ  
 էք. այլ դուք էք մարդիկ վասք և  
 անպիտան, և եկեալ էք 'ի վասի  
 ինդիր, և պատահէք շարի և կո-  
 բրնչիք: Ասացեալ այսպէս քաջի  
 ան, գնաց ինքն 'ի բայ անհոգու-  
 թեամբ և աներկիւղս: Եւ եկեալ  
 քաջն 'ի գունդն Հայոց, պատ-  
 մեաց նոցա թէ գունդ բազում  
 է, բայց յոլովք 'ի նոսա անպի-  
 տանք են և քերթաքաղ իշափա-  
 լեան<sup>1</sup>:

Եւ լուեալ զայսպիսի բանս 'ի  
 քաջ մամիկանեան սեպուհէն՝ միա-  
 բանութեամբ արք զօրուն Հայոց,  
 խորհուրդ 'ի մէջ առեալ սասայ.  
 թէ պարտ է զի 'ի գաշտէն 'ի լեռ-  
 նակողմն փոխել. խորհելով միա-  
 բան զայս. զի եթէ հարեալք, ա-  
 սէ, 'ի դիմի, օգնականութեամբն  
 Աստուծոյ զօրեմք, այն աջող իսկ

1. Յօր. Կերթաքաղիս զտառքեան:

է և բարի . և եթէ այլազգ ինչ գիւ  
սի , սահպանութիւն է մեր ամ  
բութիւն լեւնակողմանն և օգուտ  
մեզ : Եւ եկեալ չուեալք բանա  
կեցան 'ի գեօղն Մասեաց , որում  
անուն էր Ակուի :

ԳԹ . Եւ լուեալ՝ թէ առ վաղիւ  
դունդն Պարսից քայ 'ի վերայ նո  
ցա 'ի սասերազմ , կանխեցին ըստ  
սովորութեան աւուրցն 'ի պաշ  
տօն գլխերոյն . և կատարեալ զա  
յօթս առաւօտուն , կազմէին և  
նոքա որ անդ էին՝ ընդդէմնոցա  
'ի սասերազմ : Եւ բաժանեալ ըզ  
չորեքհարիւրսն 'ի չորս առաջս ,  
միջին վայրին կարգէին զօրադու  
լորս 'ի ժամուն զիշխանն Սիւնեաց  
Բարպէն և զքաջ սեպուէն Մա  
միկոնէից Ասասկ , և ահեակ կող  
մեանն զԳարշոյլն մաղխազ , և  
կողմանն աջոյ զգնունիսն Երկո  
սին , զիշխանն Գնունեաց Աթով  
և զնորուն զեղբայրն զԱռասատմ .  
և ընդ մէջ Երկոցունց մասանցն՝

դքաջն և զընտիրն զիշխանն Շիրա-  
կայ զՆերսէհն կամտարական և  
զնորուն եղբայրն զՀրահատն՝ սրա-  
տրաստական յօրինէին: Չի որ  
կողմն տկարացի, ասէն, նոցա  
հասեալ փութով զօրացուցեալ  
օգնեացեն, և յամենայն կողմանց  
ոյժ լինելին. քանզի ամենեքեան  
վատահ էին ՚ի յարմն՝ որպէս ՚ի  
լաւն և յարդարսն յաւստա-  
պահան:

Նւ այսպէս յօրինեալ զչորեք-  
հարիւր արմն, և առեալ փառս  
Աստուծոյ, տղաղակէին միարան  
ասելով. Օգնեա մեզ Աստուած  
փրկիչ մեր, վասն փառաց անուանի  
քո. մի երբեք ասացեն ՚ի հեթա-  
նոսս՝ թէ ո՛ր է Աստուած նոցա:  
Նւ ելեալ կային ճակատեալք ՚ի  
վերայ բարձրաւանդակի լանջա-  
կողմանցն յայտնաւորին<sup>1</sup>: Զորոց

1. Թուի անուն բլեր կամ լանջից Մա-  
սեաց:

այնքան զսահաւուծիւնն Հայոց  
 տեսեալ զօրացն Պարսից, ոչինչ  
 այլ կարծեցին, բայց եթէ կամաւ  
 խելացնորեալ 'ի խնդիր մահու են  
 եկեալք: Եւ քաջ 'ի հեռաստանէ  
 այրընտիր 'ի զօրացն Պարսից  
 յարձակեալք 'ի վերայ զօրացն  
 Հայոց, բազումք յետսէին վատա-  
 ձիոցն Պարսից, և քաջաձիքն յա-  
 ռաջեալ հասանէին 'ի սեղի պա-  
 տերազմին: Յորս և 'ի ժամուն  
 մաղխապն Գարշոյլ՝ առեալ զիւրեւ  
 զհարիւրսն՝ նենգեալ ուխտի ա-  
 լետարանին՝ 'ի դունդն Պարսից  
 անկանէր. և մնային ջոկք՝ ըստ  
 հրամանին Աստուծոյ երեքհարիւ-  
 րն Հայոց, ըստ ընտրութեանն  
 երեք հարիւրոցն ընդ Գեղեօնի:  
 Արք դիմեալք 'ի վերայ զօրացն  
 Պարսից, օգնականութեամբ Բար-  
 ձրեւոյն՝ յառաջեալ՝ զընտիր արս  
 պատերազմին անդէն և անդ 'ի

տեղւոջն դիտած աւալ յերկիր կոր  
 ծանկին. և զայլ բազում թիւն  
 գնդին Պարսից՝ ձորոց և առապար  
 տեղեացն զբռւեալ վատնէին:  
 Անդ՝ ի կողմանն քաջին Վասակայ  
 սեպհին Մամիկոնէից և Սիւնոյն  
 Բարգեճայ՝ անկեալ սատակէր Ա  
 արքովնասան մարզպանն, և այլ  
 արք աւաղ և նախարարք յորա  
 շողացն Հայոց, և այլ բազում  
 Պարսիք. նոյնպէս և ի կողմանն  
 Ատոմայ և Աւասատմայ՝ բազումք  
 մեռանէին ի քաջ արանց: Ար և  
 տէրն Սիւնեաց՝ զԳրգիհոն պահե  
 լով միւսում ևս չար ժամու, զեր  
 ծեալ ապրեցուցանէր զթշնամին  
 արդարութեան մազապուրծ ի  
 ձեռացն Ատոմայ և Աւասատմայ:  
 Բայց նախ զյառաջեալ այր ի  
 գնդէն Պարսից՝ Հրահատ որդի է  
 ըանեւոյ կամսարականին Արշաւ  
 ըայ՝ հարեալ նիզակաւ սատակէր:  
 Եւ մինչդեռ նոքա այսպէս քա  
 ջալերեալք աջով հզօրին դործա

մըխեալք էին, առեալ Քարջու-  
 լայն մախապու զգուհոյն Կառչայ՝  
 հանդերձ և այլ ապաստամբօք Հայ  
 որերով և աշուս ևս դնդաւ որ  
 ընդ իւրն էին, և յայլ կողմն կար-  
 թեալ ըստ աներևոյթ ձորոցն  
 խորութեան՝ հասեալ կայր զկնի  
 ղախտապահ զօրացն Հայոց՝ ի կող-  
 մանէ. կարծեցեալ մտադիւր զնո-  
 սա չայնալ պարապութենէ կոտո-  
 լելոյ զթշնամիան Աստուծոյ, կա-  
 մէր ՚ի թիկանց կուսէ անկանել ՚ի  
 վերայ զօրացելոցն ՚ի Քրիստոս, և  
 տանել զչալթութիւնն՝ խաբէու-  
 թեամբ, և անուս մեծ ժառան-  
 գել: Իսկ ուրումն յանկարծակի  
 զձայն խողխողման զՀայ սպանելոյ  
 ՚ի Կառչայն լուեալ, բողոք ար-  
 կանէր առ արս Կամարականս.  
 որոց զասուցեալ առնն՝ կամէին  
 սարանանել զնա, թէ գուհոյ մեր է,  
 և դու խաբէութեամբ զմեծ իրս  
 կորուսանես: Եւ ապա հաստա-  
 տեալ Ներսէհի ՚ի լրտեսելն եղ-

բօրն իւրոյ Հրահատայ, Եթէ  
 գուճոգն թշնամեաց է, դիմեալ  
 յարձակէին՝ ի վերայ այնչափ բող-  
 մուժեան երկոքին եղբարքն սա-  
 կաւ արամբք: Անդ հասեալ հայ-  
 բանման կամարականն Ներսէհ,  
 զգօրադուլին Աատշաց՝ զայր հզօր  
 և զմարտիկ՝ հարեալ նիպակաւ ան-  
 դէն՝ ի տեղուջն սատակէր, և զայլ  
 ամենայն գուճոգն արկեալ առա-  
 ջի, բողոժ արանց դիակուճնս՝ ա-  
 ռաւել քան զայլ մեռեալս պա-  
 տերազմին՝ կործանս՝ յերկիր վա-  
 րէին: Եւ լինէր օրն այն՝ օր նշա-  
 նաւոր ուրախութեան հաւատա-  
 ցելոցն՝ ի Քրիստոս, և օր ամօթոյ  
 և կորանաց ամենայն ուրացելոցն  
 ՝ ի Քրիստոսէ՝ և ճշմարտապէս  
 կատարեալ հաստատէր բան մար-  
 դարէին որ ասէ. Թէ, Որոյ Աս-  
 տուած օգնէ՝ մի զհազարս հալա-  
 ծէ, և երկուս՝ զբիւրս շարժէ:

1 Յօր. Կորնուեց յերկեր վարէին:

Եւ տեսեալ այնպիսի փառաւորապէս Վճարուին գործոյ՝ Թշնամւոյն արդարութեան սասանայի, և ՚ի կոր կործանեալ, խորհեալ թէ կարի անհնարին ամենայն ինչ ընդդէմ իմոց կամացս գործեցան. և արդ յայլ ինչ չեղէ ձեռնհաս և նկուճ գասայ, գոնէ առ վայր մի տրտմեցուցանեմ զսիրտս քաջացրն, որք դեռ ևս ոչ գիտեն զանցրս աղէտիցս իմոց և զկործանման: Եւ գտեալ իւր արս երկուս արքանեկեալս, զմին ՚ի առհմէն Գնթուճեայ՝ որում անուն էր Վառգոշ, և միւսն ՚ի առհմէն Սահառունեայ՝ որում անուն էր Վասակ. և եկեալ արքն երկուքեան ՚ի վաղիւն ձեպով ընդ ծաղել առաւօտուն՝ գոյժ աղաղակի լսելի առնէին յականջս հայրապետին արքոյ Յոհաննու և երկոցունց աւտդ իշխանացն Հայոց՝ մարզպանին Սահակայ և Վահանայ մամիկոնէի: Թառնեցան, ասեն, սաստ



կատէս կողմունք երկոքեան 'ի պատերազմ, - սրոց ընաւ և սեւեւեալ չէր զգործ պատերազմին, - և զօրացաւ կողմն Պարսից, և 'ի պարսութիւն մատնեցաւ գունդն Հայոց. 'ի փախուստ դարձան, և անկեալ զօրաւորքն 'ի սուր թշնամեացն, մեռաւ քաջն մամիկոնեան Վասակ և լաւ սիւնին Յարգէն, և երկոքեան արքն առնուանիք տէրն Շիրակայ Ներսէհ՝ սիրելի եղբարքն իւրով հանդերձ Հրահատաւ: Եւ արքն գնունիք Ասով և Առսասով, և այլ անեւսայն զօրքն Հայոց՝ 'ի լանջակողմանս Ակուայ տապաւստ անկեալ դիակնացան. և մեք միայն մնացաք 'ի դուժկացն Յորայ, և եկեալք պատմել ձեզ:

Եւ չեւ ևս սփռեալ տարածանէր համբաւս այս 'ի Դուլն, զի մի շատագոյն ուրախացի աղմկելով զքաղաքն չոր գին, գայր հասանէր վաղվաղակի հրեշտակ աւե-

տաւոր 'ի տոհմէն Գնուներայ, ու  
 ըստ անուան էր Աւաստոմ, ձայն  
 բարձեալ դռչելով ասէր. Յաղ-  
 թեաց զօրութիւն սուրբ խաչին,  
 և միշտ յաղթէ: Տայր պրոյց և  
 զսքանչելիան Աստուծոյ՝ զոր արար  
 Սրբոյն բարեխօսութեամբ տա-  
 իւր սիրելիան, և զչարաչար բե-  
 կուսին և զամօթն՝ զոր գտեալ ժա-  
 ոանգեցին փաղանդ ուրացողացն:  
 Եւ լուեալ զայս ձայն աւետեաց  
 հայրապետին Հայոց Յոհաննու և  
 աւագ իշխանացն՝ մարտպանին Սա-  
 հակայ և սպարապետին Հայոց  
 Վահանայ, և ամենայն նախարա-  
 րացն Հայոց և ռամկացն, դի-  
 մեալք միաբանութեամբ 'ի տու-  
 նըն Աստուծոյ, որոյ հզօր է զօ-  
 ըրութիւն իւր, գոհանային, էր-  
 կիր պագանէին միայնոյ Ճմարտին  
 Աստուծոյ և անընդդիմակ հրա-  
 մանի կամաց իւրոց: Եւ երանելի  
 կաթողիկոսն Հայոց Յոհան տայր  
 սաղմոսել 'ի սաղմոսէն քանե-

բորդէ իններորդէ. « Լուաւ ինձ  
Տէր և ողորմեցաւ, և աէր եղեւ  
ինձ օգնական. Բարձոյց զսուգ  
իմ յուրախութիւն, զերծ յինէն  
զքուրձ, և ինձ զգեցոյց զուրա-  
խութիւն: Արաւէս սաղմոս սասա-  
ցեն քեզ փառք իմ, և այլ մի ևս  
զլջայցայց, աէր Աստուած իմ, յա-  
ւիտեան խոստովան եղէց քեզ »:  
Եւ կատարեալ զսաշտօնն՝ զասիկ  
ուրախութեան առնէին, նախ  
հողալով զաղքատաց յագուսն  
նկատէին, և ապա ինքեանք ու-  
րախանային ցնծալից ուրախու-  
թեամբ:

Եկեալ հասանէին և զօրքն 'ի  
պատերազմէն, պատմելով զնորոգ  
Աստուծոյ զօրութեանն յալթու-  
թիւն՝ շնորհեալ նոցա զմեծ յալ-  
թութեանն անուն, և զթշնամեա-  
ցնն տալ զխորատկմանն և զամօ-  
թոյ զվիճակն. և փառաւորելով  
զՔրիստոս՝ համբարէին զմիմեա-  
նքս ողջունիւ ուրախութեան, և

անհոգ խաղաղութեան 'ի հանդիսա ձմերանոյն մասնէին. հոգային առ դարձնն զպատրաստութիւն պատերազմին:

Է. Եւ դեսպան ստիպով առ թագաւորն Վրաց Վախթանգ առնէին, տալ նոցա Հոն ըստ բանի խոստմանցն իւրոց: Եւ նա ժամովաճառ բանիւք երկայնէր զասացեալն իւր. և ապա ուտեք ժողովէր Հոնս երեքհարիւր, և աւաքէր 'ի Հայս. և ջեւ եւս անցեալ ամիս մի 'ի ձմերանոյն՝ փոյթ պատճառադրութեամբ անդրէն առ ինքն կոչէր: Եւ մնայր աշխարհիս Հայոց զօրութիւն օգնութեան՝ Քրիստոս, յոր ապաւինեալն էին և յուսացին. այլ 'ի մարդկանէ ոչ ոք էր որ օգնէր նոցա:

Աւաքէր զօրավարն Հայոց մամիկոնեանն Վահան՝ յերևելի և յականաւոր ազգն Արծրունեաց, և յազգս Գաւառին Անձեացեաց

և Մոկաց և առ աղափորեաքն  
 Ռըշտուհեաց, ապք գիտել՝ էթէ  
 իրպէս յառաջնուսնն օգնեաց Աս-  
 առած յուսացելոց իւրոց, և ա-  
 սէր. թէ, Չճշմարիտ և զարդար օ-  
 թինացս մերոց զհաւատ և զքարո-  
 զուծիւն՝ իւրաքանչիւր ոք ՚ի  
 ձէն՝ քաջ գիտէք, և ոչ էք կարօտ  
 յուսեքէ ուսանել, այլ և զտոչո-  
 թուսն իբրև զհնոց մուրուծեան  
 մոգուցն. աեսէք՝ թէ իրպէս ա-  
 ռեալ այրեաց զամենեցունն ոգիս-  
 քաց ՚ի սակաւուց: Արդ աւագիկ  
 էհաս ժամ՝ արդար մշակին Քրիս-  
 տոսի, որոց առեալ զհեծանոց  
 սրբել զկալ իւր, և զցորեանն  
 մաքրեալ՝ յերկնից շտեմարանս  
 ժողովէ, և զյարդն անշէջ յաւի-  
 տենից հրոյն մասնէ յայրուսն:  
 Եւ արդ որ ոք կամի լինել ցորե-  
 նահաս՝ ընծայեացէ զինքն Աս-  
 առծոց և կեցցէ. և որ ոք յետս  
 ընկրկեալ յարդեացի, յաւիտե-  
 նից և անանց գեհեննն եղեալ

լուսկիք՝ այրեացի և մի շիջցի: Եւ  
 ես ոչ զոք բռնաբարելով քարշեմ  
 յօգուտ իւրաքանչիւր անձին, այլ  
 յորդ որելով յիշեցուցանեմ ամե-  
 նեցուն զփրկութիւն և զկորուստ,  
 որ դիպի յայցելութեան աւուրն:  
 Քանզի որ ոք խոստովանի զճշմար-  
 տութիւնն, փրկի 'ի գեհեհէն. և  
 որ ոք սաշխաքեալ մտորի յուզ-  
 զորդ ճանապարհէն, զանպիւտ կո-  
 րուսան կորնչի: Այդ որ ոք հողա-  
 ցեալ խնդրէ զգիւտ անձին և տեղ-  
 չի անմահ կենացն լինել ժառան-  
 դորդ, եկայք խնդրել զվրէժ և  
 կեդեցւոյ թշնամանաց, որով թըշ-  
 նամանեցաւ 'ի բազում ժամանա-  
 կաց և ամաց յարհամարհոյ ուրա-  
 ցողացն: Եւ որք խորհիք զմարմնոյ  
 երկիւղ, և ծառայել ցանկայք մո-  
 լորութեան բարբանջմանցն, բնա-  
 կեցէք 'ի խաւարի՝ չեղեալք արժա-  
 նի հայել յարդարութեան արե-  
 գակն Քրիստոս. այլ ինձ հոգողա-  
 պէս բողոքոյս հատուցէ վարձս  
 վարձահատոյցն Քրիստոս:

Եւ լուեալ զայս պատգամ շո-  
 րեցաւնց դաւառաց նախարարա-  
 ' ցին, կէսքն փափաքեալք աջայ  
 կողմանն՝ գրոհ տուեալ ընթանա-  
 յին 'ի հօտ ոչխարացն ժամանել-  
 և այլք ընդ դասակս այժեաց ձա-  
 խակողմեան հարորդեալք՝ գնա-  
 յին անդարձուլթեամբ 'ի խաւա-  
 րըն արտաքին: Ոմն յԱնձաւացի  
 նախարարացն՝ սեպուհ մի՝ որում  
 անուն էր Յոհան, և միւս ևս Ե-  
 րուանդունի՝ Ներսէհ անուն,   
 միարանեալ 'ի ինդիր բարի ցան-  
 կուլթեան, ընդ որս և հաւանեալ  
 և այլ արք ճշմարտութեան նուի-  
 լիչք, գնային խառնիլ 'ի դունդն  
 զօրավարին Հայոց Վահանայ մա-  
 միկունենի: Եւ մինչդեռ ժողովեալ  
 գնային 'ի ճանտարհի, մերձեալք  
 'ի քաղաքագետն՝ որ կոչի Ա-  
 սեսա, 'ի ժամանակի քառասնոր-  
 դացն պահոց՝ 'ի մեծի շաբաթու-  
 զասկին, ջանկարծակի յանդգաս-  
 տից եկեալ հասանէին 'ի վերայ

Կոչա իշխանն Անձևացեաց Սևուկ  
 անուն և իշխանն Մոկաց Յոհանն  
 անուն, բազում այրուձիով, ընդ  
 առաւօտուն ծագել: Եւ սոցա ըլլ  
 գացեալք՝ կէսքն զինեալք և կէս  
 քն թէպէտ անպարտասար էին,  
 այլ օգնութեամբ Բարձրելոյն  
 քաջալերեալք՝ հարկանէին ՚ի դե  
 մի աներկիւղապէս, և նախ Ներ  
 սեհ երուանդունի յարձակէր ՚ի  
 վերայ իշխանին Մոկաց Յոհանայ,  
 և հարեալ նիզակաւ, օգնելով նը  
 մա և Անձաւացոց սեպհին Յոհա  
 նայ, յերկիր կործանէին: Արց  
 առացեալ էր երբեմն հպարտա  
 բար պարծելով զանձևացի սեպ  
 հէն Յոհանայ, թէ նմա որպէս  
 կովու՝ բայց թէ անուր եւեթ պի  
 աի արկանել, այլ նա ումպիտոյ  
 է յայլ իրս յօգուտ կամ ՚ի զուս:  
 Եւ լուեալ պատասխանի յազգա  
 կըցէն Յոհանայ՝ յիշխանէն Ան  
 ձևացեաց Սևկոյ, թէ, Չանուրն  
 ես բերեմ, բայց արկջիր դու ՚ի



պարանոցն : Որ յաղագոս ամբար-  
 տաւանութեան ընկնցն՝ հարեալ  
 կազմու եղջերքն շարաջար , ըն-  
 կեաց յերկիր յերիվարէն և կո-  
 խեաց : Եւ զայն տեսեալ զօրացն  
 ըստմութեան՝ ՚ի փախուսս դաւ-  
 նային . զորոյ զհետ եղեալ՝ զոմա-  
 նքս սպանանէին և զմնացեալսն  
 փախտականս արարեալ ցրուէին  
 սաս և անդր : Եւ անդէն յայտ-  
 նապէս ճանաչեալ և փառաւո-  
 թեալ զԱստուծոյ զօրութիւնն ,  
 որ անկապի սակաւութն զայնչափ  
 ըստմութիւն զօրացն ցրուեաց ,  
 վեր ՚ի վայր պատմեալ հնչէր լուր  
 անկարծելի գործոցս այսորիկ յա-  
 մենայն աշխարհիս Հայոց , ահ հը-  
 զօրին Աստուծոյ :

Եկեալ այնուհետեւ սեպուհն  
 Անձևացոցն Յոհան և Ներսէհ ե-  
 րուանդաւնի և արքն որ ընդ նո-  
 սա , յորոյ ձեռն արար Աստուած  
 զնշանսն և զզօրութիւնսն , և տե-  
 սեալ զնոսա սրբոյ կաթուղիկո-

սին Յովհաննու, տօն ուրախու-  
 թեան և պատարագս ընդունելիս  
 մատուցանէին տեառն Աստուծոյ,  
 որ շնորհեացն դշալթութիւնն,  
 և բարձրացոյց զպարծանս եկե-  
 ղեցւոյ միոյ՝ սրբոյ, և ուղղունեալ  
 զնոսա ուրախանային 'ի Քրիս-  
 տոս:

ՀԱ. Եւ անցուցեալ զաւուրս  
 դառնաշունչ ձմերայնոյ ցրտոյն,  
 հասանէին գարնանային ժամա-  
 նակի օդոյն բարեխառնութեան.  
 լսէին թէ զօր բազում խաղացեալ  
 քայ 'ի Պարսից, եկեալ հասեալ  
 են 'ի սահմանս Հերայ և Զարա-  
 ւանդ. զաւառի բազում զօրագը-  
 լուիք, որք էին այսոքիկ. Սուրեն  
 պալհաւ, և Ատրնեքսէհ փուշաի-  
 պանացն սաղար, և Ալինի-խո-  
 սեան, և Ատրվշնասպն - իսա-  
 պեան, և Գդիհոն Սիւնեաց տէր.  
 և 'ի սոսա թէպէտ և ըստ դահոյ

էր ոք 'ի վեր, այլ հրամանատու  
 և աւագ զօրուն՝ Փուշտիպան սա-  
 զար էր:

Փութացու և զօրավարն Հայոց  
 Վահան մամիկոնեան, աւեալ ընդ  
 իւր և զսուրբ հայրապետն Հայոց  
 զՏէր Յոհան, յուսալով յաղօթու  
 առնն՝ թէ ամենայն ինչ ըստ նո-  
 թա կամելոյ կատարի յԱստուծոյ,  
 և դաւմարեալ զզօրնն Հայոց ճե-  
 պէր հարկանել 'ի դիմի. և ան-  
 դէն զայն տեղեօք թերևս ոչ, ա-  
 սէր, վիցի անցանել բազմու թեանն  
 Պարսից 'ի միջոց կողմն աշխարհիս  
 Հայոց: Եւ աւեալ ընդ իւր զնախ-  
 արարան և զաղաստ և զայլ ամե-  
 նայն ռամիկն՝ որք կամաւոր իւրն  
 դու թեամբ երթային 'ի գործ պա-  
 տերազմին. և չուեալք 'ի Դունայ  
 զօրքն Հայոց՝ ըստ աւուրս օթեա-  
 նացն երթեալ հասանէին 'ի դա-  
 ւան յԱրտազ, և մօտեալք 'ի  
 Կունդն Պարսից՝ բանակէին 'ի  
 Կիւղ մի՝ որում անուն էր Ներ-  
 սէհապատ:

Եւ սուրբ կաթողիկոսն Յո-  
 հան հրաման տայր ամենայն դըն-  
 դին Հայոց Ջերմեւանդն ինդրով  
 պարտաւել աղօթից զգիշերն ու-  
 ջոյն, և ինդրել 'ի մարդասէր  
 Փրկչէն՝ բարձր առնել զանուն  
 իւր մեծ 'ի մէջ բազմութեան ժո-  
 ղովելոցն հեթանոսաց, տալ բա-  
 ժին պարծանաց ծառայից իւրոց,  
 և զմասն ամօթոյ՝ ուրացողացն  
 դատու: Եւ այնպէս զօրավարին  
 Հայոց Վահանայ մամիկոնենի,  
 սքանչելի ասպետաւն Սահակաւ  
 մարզպանաւ, և ամենայն զօրօքն  
 Հայոց, յորդոր սրտիւ ինդրե-  
 լով յԱստուծոյ օգնութիւն, կա-  
 տարէին զսահմանեալ ժամս գիշե-  
 րոյն. և հասեալք 'ի լոյս առաւօ-  
 տուն, սուրբ կաթողիկոսն Հա-  
 յոց Յոհան օրհներ զամենեւեան,  
 քաջալերեցուցանելով ասէր. Յու-  
 սացեալքն յԱստուած ոչ երբէք  
 ամաչեցին. և ընտիր անօթ Սուրբ  
 Հոգւոյն գոչէ համարձակաձայն

բարբառով և սակ. Յոյս երբեք  
 ոչ ամաչեցուցանէ, յարոյ սիրտ  
 սէրն Աստուծոյ սփռեալ է: Զօ-  
 րացարուք 'ի Տէր և 'ի զօրութիւն  
 բազկի նորա, և կարող լինիք զա-  
 մենայն նետս մութս շարին շիջու-  
 ցանել, զերևելիս և զաներևոյթ:  
 Եւ մի ոք 'ի բազմութիւն զօրու-  
 անօրինացն հայեցեալ զարհուրի-  
 ցի ինչ. վասն զի լինելով ընդ ձեզ  
 Աստուած, բազմագոյնս զձեզ  
 ցուցանէ նոցա. և շարժեալ իբրև  
 զխաբւ 'ի սասաիկ հողմոյ ցրուեալ  
 ընդ երեսս դաշտացդ և բլրոց՝  
 վեր 'ի վայր կորուսանէ: Արդ  
 օրհնեսցէ զձեզ աջ հզօրին և զօ-  
 րացուսցէ զձեզ, աւաշնորդեսցէ  
 և յալթող արասցէ. նմա վառք  
 և Որդւոյ իւրում, և Սուրբ Հոգ-  
 ւոյն, յամենայն յաւիտեանս. ա-  
 մէն:

Եւ սասցեալ ամենեցուն զա-  
 մէնն, պատրաստեցան 'ի սրտե-  
 րագին. և զինեալ գունդք Հայոց

ընդդէմ Թշնամեացն, լինէր և ե-  
 րանելին Յոհան յաղօթս: Սկսա-  
 նէր այնուհետև զօրավարն Հայոց  
 Վահան մամիկոնեան յօրինել ըստ  
 պատշաճի զիւրաքանչիւր կողմն  
 ճակատուն: Զմիջոց կողմն ըս-  
 զում այրուձիտն տայր 'ի ձեռն  
 լաւի առն Սահակայ մարտպանին  
 ասպետի, և 'ի կողման աջոց Թեին  
 կարդէր զԲաշղ վահեւոյնի և ըզ-  
 Բարդէնն սիւնի և զԱտոմն գնու-  
 նի և զՓապակն պալոյնի, իւրա-  
 քանչիւր այրուձիտվ և այլ եւս  
 յաւելուածով, և յաշեկէ կող-  
 մանէ հանդերձ ուխտասէր Վամ-  
 սարահանօքն և իւր սիրելի եղ-  
 բարբքն՝ Վահանաւ, Ներսէհիւ և  
 Հրահատաւ, և ընդ աջմէ՝ իւրա-  
 քանչիւր այրուձիտվ գնդացն՝  
 կազմէր զինքն: Պատրաստէր և  
 զայլ արս աւադս ընտիրս այրու-  
 ձիտվ հանդերձ և Վրեհաւ վա-  
 նանդացով, առ որս և առաքէր  
 զՊապ Արտակունեաց՝ զայր ու-

ասանիկ՝ զորդի Բաբոյի, ասել ցիւ-  
 բաքանչիւր աւագս, թէ, Զնշանս  
 հզօրապոյն արանց՝ զոր յառաջա-  
 քոյն տեղեակ եմք զարանոց Պարս-  
 կաց և զՎասաշայ և զգնդին Սիւ-  
 նեաց, տեսանեմ զի դէպ ՚ի մեզ  
 դիմեալ գտնուարդ գուք մեզմով  
 երթայք, և ուշագրեալ հայեցա-  
 լուք ՚ի մեզ. թող մեզ նստի լինի  
 յարձակել. և եթէ շտրհիւն Քը-  
 ռիստոսի մեք զմեր կողմն շարժեալ  
 փախուցանեմք, ապա այլ կողմանքն  
 մեր և ձեր առաջի ոչ կարեն կալ:  
 Եւ Պապայ ասրեալ զպատ-  
 դամն սպարապետին Հայոց Վա-  
 հանայ մամիկոնէի՝ առ իւրաքան-  
 ճիւր աւագս կողմանցն, թէպէտ  
 և կամէին ըստ հրամանի զօրավա-  
 ըին աւնել, այլ ստիպով հասեալ  
 գուճոյն Պարսից յիւրաքանչիւր  
 թե կողմանցն, ոչ սային պարա-  
 պել, այլ զպրգեալ զկողմն աջոյ՝  
 ուր Բաշոյն վահեռանի էր, փա-  
 խուցանէին: Եւ տէր Սահակ առ-

պէտ յարձակեալ նիւղակաւ 'ի վերայ փուշախաւանայ սաղարի, վրիպեցին 'ի միմեանց զնիւղական երկոքեան. և մտեալ առ միմեաւ նրս երիվարացն՝ բռնն հարեալ զմիմեանց հերաց և կռուէին: Նւտեաւալ զօրավարին Հայոց Վահանայ մամիկոնէնի՝ թէ աղմկեցան զօրքն Հայոց և սկարացան առաջի թշնամեաց, ձայն արարեալ առ Վրէն վանանդացի՝ Յառաջեա, ասէ, 'ի վերայ թշնամեացն, և ձեռն 'ի գործ արա սլառեւրալմել, և նորա զարհուրեալ՝ աւաց, եթէ Աջ եմ կարող, յիս ինչ ապաստան յայսմ ժամու դու միլինիր: Նւ զօրավարին Հայոց Վահանայ մամիկոնէի զօրացեալ սրբաբա, և նշանաւ խաչին կնքեալ զինքն՝ հանդերձ Վանսարականօքն երկոքումբ, յարձակէին 'ի վերայ հասելոց սոցա թշնամեացն. և ոչինչ ընաւ տեւալ կալ առաջի, այլ շարժեալ սաստկապէս ըզ



կողմն իւրեանց՝ ի փախուստ դարձուցանելին . և առեալ զթեւն զայն՝ արկանելին զմիւս ևս թեւովն զմիջոցի կողմանն . և արկեալ առաջի զկողմանցն երկոցունց զգունդան , անթիւ բաղմուժիւն արանց քաջաց՝ ի փոքր լանջակողմանն դիտարեալ յերկիր կործանելին , և սաստիկ արեանց հանելին ճապարիս : Բայց միայն Վինն Խոռեան երկու այլ զօրաւոր նիղակակցօք զօրու՝ դարձեալ ընդդէմ խիզախէր . ուր՝ անդէն առ նմին քաջ զօրաւարն Հայոց Վահան մամիկոնեան՝ սասակէր հզօրեղապէս . և զԱտրվշնասպն Տապեան , տէրն Շիրակայ Ներսէհն կամսարական , և այլքն ամենեքեան իւրաքանչիւր զբազում արս քաջս ընկեցեալ յերկիր կործանելին : Եւ հայեցեալ յայն գունդն՝ Բարշղի և այլ փախստելոցն Հայոց , և տեսեալ

Թէ բեկաւ ոյժ զօրու գնդին Պարսից, և երթան փախտական աւաջի գնդին զօրավարին Հայոց Վահանայ, ոգի աւեալ զօրանային. և դարձեալք անդրէն և զկրնի հալածչացն ելեալք, զբազումս սպանանէին, և զբազումս արկեալ աւաջի՝ հալածականս առնէին: Եւ լինէր առաւելագոյն Թիւ կոտորելոցն ՚ի գնդէն Պարսից, քան Թէ զերծելոցն փախտանէից. վասն զի շատ եւս լինէր համար մեռելոցն ՚ի տեղիս տեղիս վիրաւորացն, քան Թէ կոտորելոցն ՚ի գնդէն Պարսից անդէն ՚ի տեղւոջն պատերազմի:

Եւ դարձեալ գունդն Հայոց բարի անուամբ և բազում փառօք, լաւ աւարաւ և սաստիկ ընչիւք առ պատուական կաթուղիկոսն Հայոց Յոհանն ՚ի բանակն, փառաւորելով և օրհնելով զսուրբն այնպիսի յաղթութեանս զՔրիստոս. որոյ ընդ աւաջ ելեալ յալ

Թող դնդ ինչ ցնծալից սրաիւ օրհ-  
 նէր զնոսա օրհնութեամբ բազ-  
 մաւ, և զուարճացեալ ողորմ զօ-  
 րութեամբ սուրբն, և ասէր ցա-  
 մենեանն. Աւրախ եմ յոյժ, և  
 բանիւ վճարել զինդութիւնս  
 սրաի ոչ կարեմ: Բայց ևս առա-  
 վել զուարճացեալ քերկրիմ տե-  
 սանելով զԱստուած հաշա ընդ  
 ձեզ. քանզի յաղթութիւնս խըն-  
 դացուցանէ զիս, այլ ևս առաւել  
 քերկրիմ՝ զՅրիստոս տեսանելով  
 գործակից ձեզ, որ ետ ձեզ՝ յաղ-  
 թել, և ամաչեցոյց զհակառակոր-  
 դս արդարութեան: Եւ Աս-  
 տուած որ զօրացոյցն զձեզ այժմ,  
 նա գօրացուացէ զձեզ հանապաղ,  
 և եղեալ ընդ ձեզ՝ մի թողցէ ըզ-  
 ձեզ մինչև ՚ի սպառ:

ՀԲ. Եւ մինչդեռ զօրացեալք ցըն-  
 ծալից սրաիւք դարձեալք գային ՚ի  
 գործոյ պատերազմին, զոր վճա-  
 րեալ եհան ՚ի գլուխ արդեցու-  
 թիւն Աերնոյն ըստ կամաց հայ-

բապտիստին սրբոյն Յոհաննուս և ան-  
 մենայն զօրայն Հայոց, երկրորդ  
 ուրախութիւնն մեծ և լուր ան-  
 կարծակի աւետեաց տարածեալ  
 քարոզէր ընդ ամենայն բանակն  
 Հայոց: Եւ եկն Վարդ ողջ գեր-  
 ծեալ 'ի կապանացն զօրութեամբ  
 բն Սատուծոյ՝ եղբայր զօրավարին  
 Հայոց Վահանայ մամիկոնէի. և լը-  
 ցեալ այսպիսի աւետաւոր համբա-  
 ւով ընդհանուր աշխարհս Հայոց,  
 դրոհ տուեալ փութայր ամենայն  
 ոք 'ի մեծ այցելութիւնն՝ զոր ա-  
 ըար Սատուած աշխարհիս Հայոց.  
 յորոց բազումք առ ինդին՝ իբրև  
 տեսանէին զանհաւասարի տեսիլն,  
 յերկուացեալք՝ կերպարան և ոչ  
 ճշմարտութիւն զիրան կարծէին:  
 Բայց յիշելով զՍատուծոյ զօրու-  
 թեանն զանրնդդ իմակայ սքանչե-  
 լիս՝ փառս միայն և երկրպագու-  
 թիւնս մատուցանէին ամենահնա-  
 րին, որոյ կամելութեան և հրա-  
 մունի ամենայն դժուարիւնք և ան-

հընարինքն դիւրինք են և հնարա-  
 ւարք. յիշելով զցօղադարձու-  
 թիւն հնոցին 'ի Բաբելոնի, և ըզ-  
 սաւնաշէն պարիսպն եգիպտական  
 Կարմիր ծովուն, զդառնալն ընդ  
 կրունկն Յորդանանու, և զանկ-  
 մունան Երեքովի պարսպացն ա-  
 զաղակաւ: Այս ամենայն յիշ-  
 մունք հաւատացեալ խորհրդոց  
 դրուատիս միայն գովութեան ըն-  
 դունելի աղօթիւք մատուցանել  
 յօժարեցուշանէին ամենահօրին,  
 սք առաւելագոյնս քան զսուրբ  
 աւաքեալն Աետրոս արար զհօրու-  
 թիւնան: Վասն զի զնա անձամբ  
 միայն հանեալ հրեշտակին՝ ար-  
 ձակեաց զերծանել՝ յաճուին քա-  
 ըողութեան կենաց. իսկ զայրն  
 մամիկոնեան զՎարդ՝ ոչ միայն լոկ  
 անձամբ, այլ և ծառայիւք, զը-  
 լամբ, և կողմածով յամուր տե-  
 ղեաց շահաստանին, և բարձրա-  
 բերձ պարսպացն և յասպարա-  
 փակ բողմութենէ պահապանացն՝

ընկալեալ իբրև զարծուի 'ի թեւ  
 իւր և ընդ բազում անցուցեալ օ-  
 թեանս, ածեալ հասուցանէր խա-  
 զազութեամբ 'ի յերկիրս Հայոց :  
 Յայնժամ ծանուցեալ յիշէին  
 ուխտակիցք՝ արբ աստուածա-  
 սէրք՝ զերդունն մամիկոնէին Վա-  
 հանայ, զընդունելութիւն Աս-  
 տուծոյ դարձին նորա և վկայու-  
 թեանն և հաւասոյ, զոր ասաց  
 յաւուր միաբանութեան աւաջի  
 արբոյ աւետարանին. թէ արդա-  
 լև, ասէ, ծանուցեալ Աստուծոյ  
 զբազմաժամանակեայ զթախանձ  
 և զփղձկունն սրաի իմոյ, զոր հա-  
 ռաչէի յոգոց հանելով 'ի մոլո-  
 րութեանն, և ընկալաւ զպտուղ  
 շրթանց իստոովանութեան իմոյ,  
 և հաճոյ եղև ամենադիտին խոր-  
 հուրդս իմ և ուխտ, ապա ըստ  
 իւրում զօրեղ տէրութեանն ա-  
 ըարեալ յիս. այս նշան բարի՝ սա-  
 ցէ ինձ մերձ ընդ մերձ տեսանել  
 ինձ զեղբայր իմ զՎարդ և ուրա-

խանալ: Եւ էր այնուհետեւ լսել յաւ  
 մենայն եկեղեցիս Հայաստանեայց  
 աշխարհիս, 'ի վկայարանս սրբոց,  
 'ի տօնս 'ի ժողովմունս միաբանու  
 թեան, 'ի բերանոյ քահանայից եւ  
 միաբան ամենայն ժողովրդոց, յա  
 րանց եւ 'ի կանանց սա հասարակ,  
 թէ, Ձերնչ բարի, կամ զերնչ վայե  
 լուչ, այլ բնակել եղբարց 'ի միա  
 սին: Եւ սա սասակապէս բեկու  
 մին թշնամեացն եւ բարձրանալ  
 սրբոյ եկեղեցւոյ՝ ասէին սաղմո  
 սելով. Նոքա խափանեցան եւ ան  
 կան, մեք յարեաք եւ ուղիւք ե  
 ղեաք. եւ ամենայն եղջիւրք մեղա  
 ւորաց փշրեցան, եւ բարձր եղև  
 եղջիւր արդարոյն: Եւ շնորհա  
 կալու թեամբ գովութիւն 'ի մէջ  
 առեալ ասէին. Այլ մեք ժողո  
 վուրդք ի խաշն արօտի քս, խոս  
 տովան եղիցուք սա քեզ յաւի  
 տեան. աղգէ յաղդ պատմեսցուք  
 զօրհնութիւնս քս:

ՀԳ. Իսկ յետ աւուրց ինչ բարդ.

մայ անցելոյ՝ տեսեալ խմաստա-  
 խնդիր մարդոց և հանձարեղ ան-  
 ձանց զպատկումն քաջ սեպհին  
 Մամիկոնէից զսրբոյն Վասակայ,  
 զեղբօր զօրավարին Հայոց Վահա-  
 նայ, անդէն և անդ ծանուան՝ թէ  
 վասն զի մերձ ուրեմն էր կատա-  
 րումն Սրբոյն. որ և խնդրեաց  
 յԱստուծոյ Սուրբն Վասակ տե-  
 սանել ՚ի մարմնի զեկս անձկալի  
 եղբօրն իւրոյ Վարդայ, և ապա  
 զօր ըղձի խնդրոյ իւրոյ ըմբռնել  
 ցնծալով: Եւ ամենահզօրն Աս-  
 տուած եղև փուլթով կատարիչ  
 խնդրոյ Սրբոյն իւրոյ, ոչինչ յեր-  
 կարեալ յապաղեաց զկամս առ-  
 նն. այլ վաղվաղակի և ճեպով  
 ընկալեալ զխնդիրն, և ամեալ  
 զեղբայրն զՎարդ և ցուցեալ նմա  
 և ամենեցուն, եթող ողջամբ առ-  
 մնացեալ կենդանի ծառայան իւր.  
 և զսուրբ վկայն իւր զՎասակ փո-  
 խեալ առ ինքն, պատկեալ ընակե-  
 ցոյց յարբայութեան խորանան,  
 ընդ հրեշտակս յերկինս:



Գային հասանելին այնուհետև  
 'ի Օսպկեոսն. և կամեցեալք առ  
 վայր մի հանդէլ 'ի ջերմրկին՝ որ  
 կոչի Վարշակի, գայր հասանէր  
 դեպքան 'ի Թագաւորէն Վրաց  
 Վախթանկայ, թէ գունդ սաս-  
 ախկ եհաա յերկիրս Վրաց, և իմ  
 տեսեալ թէ ոչ եմ կարող կալ ա-  
 ռաջի, խոյս տուեալ 'ի լերինս  
 Հայոց՝ մօտ 'ի սահմանակցու-  
 թեանն Վրաց՝ մնամ ձեղ: Եւ  
 նամակ ունէր դրեալ 'ի Վախթան-  
 կայ իաբէութեամբ, թէ Հոն  
 փոքի հրաման ետու գալ, և ջև ևս  
 հասին. բայց մինչ գուք գայք՝ հա-  
 սանէն. և այնուհետև գուք և մեք  
 և Հոնք՝ զնոսա կորուսանեմք:  
 Բայց թուի ինձ՝ թէ յորժամ Հոն  
 հասանէ, մեզ բնաւ և աշխատել  
 ինչ ոչ հասանէ, նոքա իսկ վճա-  
 րեն զգործն. զի անչափ բազմու-  
 թեան հրաման ետու գալ:

Եւ զօրավարին Հայոց Վահա-  
 նայ մամիկոնէի և ամենայն աւագ

տանուտերաց և սեպհացն Հայոց ,  
 վասն զի երդումն էր աւետարա-  
 նաւ և իսաչիւ ընդ թագաւորին  
 Վրաց Վախտանգաց , յարուցեալ  
 վաղվաղակի և անյապաղ ամենայն  
 զօրքն Հայոց առ արքայն Վրաց  
 հասանէին . և բանակեալք առ  
 վայր մի՛ի գաւառին Վանդարաց  
 դողարէին : Ուր պատրուական  
 բանիւք իարեւոթեան թարթա-  
 փեցուցանէր թագաւորն Վրաց  
 Վախթանգ զմիտս զօրավարին Վա-  
 հանայ մամիկոնի , և զայլ աւագ  
 տանուտերացն Հայոց . մերթ ա-  
 սելով , թէ Միհրանայ զձեր եկդ  
 լուեալ իոյս ետ ՚ի սահմանաց  
 Վրաց , և յԱղուանո փախեաւ  
 առ երկիւղի , և դարձեալ , թէ ,  
 Չերկուս աւուրս՝ և գունդք Հո-  
 նաց հասանեն . և անցեալ երկու  
 աւուրք ժամադիր իարեւոթեա-  
 նն , ապա յերրորդ և ՚ի չորրորդ  
 օր ձգէր զպատճառագրութիւնն .  
 և յետ այնորիկ յայլ՝ ՚ի վեց և

յեօթն օր: Գարձեալ լրտեսս  
 տայր արձակել արս'ի գնդէն Ալը  
 բայ և Հայոց. որք իջեալ 'ի ան-  
 դիս ինչ դաշտացն, տայր երևե-  
 ցուցանել լոյսս կրակօց բաղմաց  
 և կոճեղս ծառոց զինեալս սյրա-  
 նմանս, ըստ խաբէութեան մա-  
 կեդոնացւոյ Ալէքսանդրի: Գար-  
 ձեալ ասէր. Աջ դայ դունդն Հո-  
 նաց առ մեզ 'ի լերինսս, այլ ա-  
 սէն՝ թէ սաս 'ի դաշտիս ա՛ծ ջոյց  
 մեզ դՀայս, և ամենայն բանից  
 քոց հաւատամք, զոր քո խօտեալ  
 է ընդ մեզ և երդուեալ. և այնու-  
 հետեւ զոր ինչ և հրամայես առ-  
 նել մեզ՝ դամենայն կատարեմք.  
 սպա թէ ոչ՝ հաւատամք թէ  
 Հայք ընդ քեզ միաբան են. բայց  
 թէ արդարև դայս տեսանեմք, այ-  
 նուհետեւ զՊարսիկս 'ի մեզ թո-  
 դէք, և ձեզ փոյթ մի՛ լիցի: Արդ  
 թէ դուք 'ի դաշտն ջիջանէք, և  
 Հոն դունդքն վասն ինձ հաւա-  
 տալոյ՝ 'ի վեր 'ի յաշխարհէն՝ ջը-

շարժին ուրեք, և Միհրան դաւ-  
նայ և զՎիրս աւերէ, ինձ ձեր  
եկք զինչ օգուտ է:

Եւ Հայոց գունդն՝ վասն զի  
ուխտագիր էր ընդ Թագաւորին  
Վրայ, զոր ինչ գամ մի ասէր ըս-  
տոյդ կամ սուտ, ջանային վասն  
աւետարանին երկիւղի՝ գամենայն  
կատարէլ: Ձի Թէպէտ և սօթ էր  
Ժամանակն, հարկաւորեցան իջա-  
նել ՚ի գաշան Ճարմանայնու, և  
յիշխանացն Հայոց ոմանք ոչ յա-  
ջոյ համարէին զէջս գնդին Հայոց  
՚ի Վիրս. զոր Թէպէտ և բազում  
անդամ ասացին, չհաւատացեալ  
բանի՝ ասողացն՝ լռեցին:

Եւ իջեալ գունդն Հայոց ՚ի  
Վիրս, և բանակեալք յաւաջա-  
գրեալ անդիսն, և ջև ևս անցեալ  
աւուրս երեք կամ չորք, դայր  
հասանէր Միհրան և բանակէր  
դէմ յանդիման բանակին Հայոց,

մտա՛ ի բանակն յայնկոյս դէտոյն ,  
 զոր Առաջ դէտն անուանեն . և բա  
 նակն Հայոց չուեալ յայլ տեղի  
 հեռագոյն ՚ի բանակն Պարսից , և  
 առնէին զիւրեանց օթեւանին տե  
 ղին : Եւ բայցայ ՚ի դնդէն Հայոց  
 ՚ի գիշերին յայնմիկ մտայեալ  
 զերկիւղ ուխտին Աստուծոյ , և  
 զահաւոր երդումն անտարանին  
 առ իսն հարեալ , պատգամադրա  
 ցուածեամբ զաղտ խօսեցան ընդ  
 իւրարանցիւր ոք սիրելիս զօրացն  
 Պարսից , թէ , Մէք ՚ի բանութենէ  
 զօրաւարիս Հայոց Ահա՛նայ , և  
 ոչ որտի կամաւ անկեալ եմք յի  
 ըս յայս , արք թուով . բայց միտք  
 մեր և խորհուրդք առ ձեզ են . և  
 գիտեմք եթէ ՚ի ձերմէ ծառայու  
 թենէ չեմք ելանելոց , այլ վաս  
 անձանց մերոց որսայեալ աճե  
 ցուցաք ցայժմ զձսասս ՚ի մեզ :  
 Բայց արդ եթէ չյիշիցէք զայս  
 բանս մեր երբեք , և առնիցէք  
 մեզ թողութիւն , դուք իշխե

ցէք: ԱՅՆ մէք վաղիւն յորժամ  
 'ի կռուոյն տեղին դամք, զմեր  
 անձինս և դբազուսն և այլս ընդ  
 մեզ փախուցանեմք 'ի գնդէս: Եւ  
 ընկալեալ էրզմամբ ուխտի Պարս-  
 կացն՝ հաստատեցին զբանսն:

Եւ հասեալ 'ի վաղիւն 'ի տեղի  
 պատերազմին, խօսէր և յայն ժա-  
 մու արքայն Վրաց ընդ զօրավա-  
 րին Հայոց Վահանայ և ընդ այլ  
 աւագ տանուտեարս և ընդ սե-  
 պուհս Հայոց և ասէ. Նաւ եղև  
 մեզ կռուելս այսօր ընդ զօրս  
 Պարսից. քանզի մէք իսկ բաւա-  
 կան եմք սոցա, և ճկարեն կալ ա-  
 սաջի. բայց թէ այսօր ևս հեղիա-  
 ցեալ էր մեր, դալոց էին Հոնք և  
 զանուն յաղթութեանն և զօգուտ  
 աւարիս նոքա տանելոց էին: Եւ  
 մինչև պայնժամ ևս յերկարեալ  
 խաբէր պատիր բանիւք:

ՀԳ. Ապա սրամտեալ ընդ սուտ  
 և անպիտան խօսս արքային Վրաց՝  
 զօրավարն Հայոց Վահան մամիկո-

նեան, ծանուցեալ և զթուշու-  
 թիւն գնդին Հայոց, զոր տեսա-  
 նէր լքեալս և մեղկեալս, և ոչինչ  
 բնաւ նմանս այլոց ժամանակաց  
 փութոյն և յօժարութեան. սա-  
 կայն զդուենդն զօրացն կազմէր  
 մամիկոնեանն Վահան ըստ օրինի  
 ճակատուն պարասաութեան. և  
 առեալ զկողմն աջոյ 'ի ձեռս  
 Բարշի վահեւունւոյ և Սատոնի  
 գաբեղենի, և զկողմն աջեակ տայր  
 Վախտանգայ արքային Վրաց, և  
 զմիջոյ կողմնն կազմէր զինքն երե-  
 քումքը արամիքն որդովք երանե-  
 լոյն Արշաւրայ, և երանելեաւ տե-  
 ռամբն Գնունեաց. և զերանելին  
 ասպետն Սահակ և զսիւնինն Բար-  
 գէն ընդ մէջ իւր և Բարշի կա-  
 ցուցանէր:

Եւ մինչքե գիտեալք 'ի կռիւն,  
 այլ կային ճակատեալք երկո-  
 քեան կողմունքն դէմ ընդդէմ  
 միմեանց՝ Պարսից և Հայոց, և որ  
 զնահատակութեան սրակն ընդ-

դունելոյ էին յաւուրն՝ եցոյց  
 վերին զօրութիւնն հայեցող աջօք  
 մասնն . և յաւաջ քան զկատա-  
 րումն՝ յայտնապէս անծածուկ  
 զահագնափոխութիւն երեսացն՝ ի  
 մահկանացու բնական տեսչու-  
 թենէս ի լուսափայլութիւն վե-  
 րին զօրութեանցն կերպարանի,  
 և մանաւանդ զքաջութիւն առնն  
 զՎասակայ մամիկոնէի, զեղբօր  
 զօրավարին Հայոց Վահանայ . ո-  
 րոյ փառաւորեալ երեսքն լուսով  
 փառացն Աստուծոյ, մինչև բա-  
 զումք յընկերակցացն որք նկա-  
 կակից սրբոյն էին՝ հայեւցերեան  
 փայլակնացալով՝ ըստ փառաւորե-  
 լոյ երեսացն մեծի մարգարէին  
 Մովսէսի՝ ոչ հանդարտէին : Զոր  
 և իւր իսկ եղբօրն մեծի զօրավա-  
 րի Հայոց Վահանայ տեսեալ, և  
 մեծապէս զարհուրեալ, անդէն և  
 անդ դիտայ, թէ սա յինէն և ի  
 զազրալի կենցաղոյս այսօր առաւ,  
 և փոխեցաւ յայն բանակ զուար-



Թնոցն, որոյ բանակի զօրացն տե-  
սիլ և կերպարան այս է:

Եւ յարձակեալք 'ի վերայ մի-  
մեանց Հայք և Պարսիկք, Թէ-  
պէտ և զօրավարն Հայոց Վահան  
երիւք կամուարական եղբարքք հա-  
րեալ 'ի դիմի իւրոյ Թշնամուոյն  
կողմանն, դիր և տար արարեալ  
դարձուցանէին 'ի փախուսա, մին-  
չեւ տարեալ անցուցանէին զբա-  
զումս 'ի զօրացն Պարսից յայնկոյս  
Վուրն դեառչն, և զբազումս 'ի զօ-  
րացն Պարսից երեւի արանց զօ-  
րուն կոտորէին քաջարար: Անդ  
քաջի սեպուհին Մամիկոնէից  
Վասակայ հարեալ նիպակաւ ու-  
ժեղապէս զայր ոմն հզօր 'ի գնդէն  
Պարսից յերկիր կործանէր. որ և  
բեկանէր նիպակն իւր յանկարծա-  
կի, և քաջին մամիկոնէնի Վասա-  
կայ ելեալ 'ի ինդիր այլում նի-  
ղակի և դտեալ՝ դաւնայր անդրէն  
փութանակի ուրախալից: Եւ  
պատահեալ նմա կամուարականին

Ներսէհի տեառն Շիրակայ, որոյ  
 և նորա բեկեալ նիւզակն՝ ՚ի իւրն  
 դիր էր այլում նիւզակի, և քաջի  
 մամիկոնեհին Վասակայ ձայն ՚ի  
 վերայ եդեալ ասէր. Փռլթա  
 Ներսէհ, գտանել նիւզակ, և գար  
 ձիր էկ արագ. քանզի ոչ երբէք  
 կարեմք գտանել ժամ սքանչելի  
 այսպիսի վաճառու, ուր մահ զան  
 մահու թիւն և աւժամանակեայս  
 զյաւիտեանականն և ապականա  
 ցուս զանապականելի կեանսն.  
 վաղվաղեա, քանզի ջեմք կալոց  
 անմահք. գուցէ վրիպեալ յա  
 նուանի և ՚ի վառաւորեալ կա  
 տարմանէս՝ անանուն և անպի  
 տան մահուամբ ելանիցեմք ՚ի կեն  
 ցաղոյս. Եւ զայս լուր ՚ի սրբոյ  
 առնէն Վասակայ մամիկոնեհէ՝  
 հաւաստի երդմամբ պատմէր մեզ  
 բազում անգամ ինքն ասէրն Շի  
 րակայ Ներսէհ կամնարտականն:

Եւ մինչդեռ զօրավարն Հայոց՝  
 մամիկոնեանն Վահան այսպէս

մրցէր հանդերձ երանելի եղբար-  
 քն Վասակաւ և երկոքումբք որ-  
 դուլքն կամարականին Արշա-  
 րայ, յանկարծակի փախուցեալք  
 առ հասարակ սրանայնն դուռդքն  
 ամենայն Հայոց և Արաց, որոց բա-  
 ցումք՝ ի նենդաւորացն աղաղակե-  
 ին առ միսկանս անհանգիստ, թէ  
 Փախեան Հայք, անձնապուրք լե-  
 րուք: Եւ վասն զի ոչ ըստ փութոյ  
 և յորդոր խնդրոյ շնորհիւր՝ ի ժա-  
 մուն վիճակ մարտիրոսութեան՝ ի  
 վերին դուգակշուղ աշոյ ամենա-  
 դիտին, ըստ ծածուկ և անքնին իւ-  
 րայ կանխատեսութեանն, քաջի  
 զօրավարին Հայոց Վահանայ մա-  
 միկոնելի և այլոց ընդ նմա: ուխ-  
 տապահ ընկերացն, որ ախորժե-  
 լով օտնչայնն բաժակի մարտիրո-  
 սութեան, և չգտան արժանիք,  
 դարձուցեալ այնուհետեւ զե-  
 րասանակա երիվարացն՝ գնայնն և  
 նոքա զհետ փախստելիցն Հայոց:  
 Եւ զօրավարին Հայոց Վահանայ

մամիկոնէի եկեալ պատահէր Յար  
դեհոյ սիւնոյ, անկեղծ ՚ի զօրա-  
ցըն Պարսից կարէվեր. զոր հե-  
ծուցեալ ՚ի վերայ իւրոյ նժուգի  
և հանեալ ՚ի պատերազմէն ա-  
պրեցուցանէր: Եւ այց որք ընտրու-  
թեանն ցանկացողք եղէն և ար-  
ժանիք ընդ արքոյ ասպետին Սա-  
հակայ և ընդ արքոյ քաջին Վա-  
սակայ մամիկոնէնի, և կատարե-  
ցան յաւուրն, և անուանքն էն  
այսոքիկ<sup>1</sup> . . . : Իսկ զօրքն ամենայն  
Հայոց, ընդ որս և անսխառն զօր-  
քըն Վրաց, հանդերձ թաղաւո-  
րաւն իւրեանց Վախթանգաւ՝  
վտանեալք ջրուէին. զորոց զկնի  
հետամուտ եղեալ գունդքն Պար-  
սից՝ զբազումս կոտորէին, և բա-  
ղաւմք յայլ և այլ տեղիս վերծեալ  
տարէին:

1. Ալ միայն անուանքն պակասին,  
այլ և զէտք մահու Սահակայ ասպետի  
և նորին իսկ Վասակայ մամիկոնէնի:

Բայց զՀրահասան կամսարական՝  
 սաստկապէս վազս առեալ երկվա-  
 րին իւրոյ՝ ընկենայր, և հասեալ  
 Պարսկացն՝ մինչդեռ էր հեախոսս,  
 կալեալ ամէնն առ Միհրան. զոր  
 տեսեալ Միհրանայ՝ մեծապէս  
 ուրախացաւ: Պատուհասէր զնա  
 բանիւք խառութեան, և կապեալ  
 սայր պահել զգուշութեամբ. և  
 ուր երթայր յաշխարհիս Հայոց՝  
 ընդ իւր շրջեցուցանէր: Ընդ որս  
 կալան և սեպուհ մի սիւնի, ու-  
 թում անուն էր Յազգ, և զայլս  
 ոմանս՝ ի Վրաց աշխարհէն:

ՀԵ. Իսկ զօրավարն Հայոց Վա-  
 հան մամիկոնեան երթայր առ  
 վայր մի յամրագոյն. տեղիան Տա-  
 յոց. ուր և սինկթորք փախստելի-  
 ցն Հայոց առ նա ժողովէին, և  
 այլք՝ ի նախարարացն Հայոց. այլ  
 կամսարականքն երկոքեան ընդ  
 նմա իսկ էին միշտ, և անքակ ՚ի  
 նմանէ և միարան: Զորոց զհետ ե-  
 կեալ Միհրան գնդաւն իւրով, և

ջանայր կամ սպանանել պատե-  
րապմաւ, և կամ ունել հնարիւք,  
և կամ հաւանեցուցանել և նուա-  
ճել:

Եւ էր բանակ սասակութեան  
զօրուն Արեայ 'ի գեօղն որ ա-  
նուանի Գու, 'ի սահմանակցու-  
թեան Պարսից և Հոռոմոց. և զօ-  
րավարն Հայոց մամիկոնեանն Վա-  
հան մերձ 'ի նա իբրև երկուք հը-  
րասաիօք, 'ի գեօղ մի որ կոչի  
Մկնառինճ, արամիւք որսէս թէ  
հարիւրովք, և թերևս սակաւովք  
և կամ յոլովիւք: Եւ Միհրան  
այնչափ հապարօք աւ նա բանա-  
կեալ էր մօտ, և տեղին ուր զօ-  
րավարն Հայոց Վահան մամիկո-  
նեան էր՝ յիշխանութեանն Պար-  
սից թապաւորին էր. և այնչափ  
սասակապէս գեղեալ էր Աստու-  
ծոյ զմե՛ծ շնորհ զօրութեան իւ-  
րոյ 'ի վերայ քաջի առն Վահանայ  
մամիկոնէի, զի 'ի մէջ այնչափ  
բապմութեան գնդի և 'ի զօրաւոր

քաջորերոյ՝ գողացեալ սարսեալ  
 կայր Միհրան գնդաւն, փակեալ  
 ընդ երկիւղագինն ահիւ Վերնոյն.  
 և ջիշխեր գիմեւ ՚ի վերայ և սպա-  
 նանել զոր կամեր, և հալածել և կո-  
 ռուսանել զմնացեալ փախստեայ-  
 սրն. այլ բանիւ ողորանաց պատ-  
 դամաւորեր ընդ նմա հանապազօր  
 ՚ի իսպաղութիւն, ասելով. թէ,  
 Մի կորնչիր, և յարքայից արքայի  
 ՚ի ծաւայութենէ մի ելաներ, և  
 զարխարհս Հայոց մի տար ՚ի վատ-  
 նուսն. ՚ի հնազանդութիւն եկ  
 թագաւորին, և ես միջնորդ լի-  
 նիմ. քանզի վասն իւրոյ բարերա-  
 ռութեան սիրէ զիս, և բանից ի-  
 մոց լսէ. և ես աղաչեմ զթագաւո-  
 րն, և հաշտեցուցանեմ ընդ քեզ,  
 և ինչ որ արժանէ տալ քեզ՝ ջա-  
 նամ զի տայ:

Եւ սպարապետին Հայոց Վա-  
 հանայ մամիկոնէի՝ պատասխանի  
 արարեալ ասէր ցՄիհրան. եթէ  
 Արեաց տէր որ լինի՝ արդար ա-

ջօք սկիտի նայել յամենայն մարդ-  
 իբրև զթագաւոր, և արդարապէս  
 տեսանել և արդարապէս լսել,  
 ըստ արժանի թագաւորի: Բայց  
 այր թագաւոր՝ որ ուղիւ աջօք ջը-  
 հայի ՚ի ծառայս, և ուղիւ լսողու-  
 թեամբ ջլսէ ուրուք դրանս, այլ  
 համակ ըստ իշխանութեան վարի  
 և ոչ ըստ արժանի իրաւանց քրն-  
 նութեան. այլ աւաւել ևս՝ որ  
 կարի դժնդակագոյն է և աշխարհի  
 կորստեան սրտաճառ, և հանա-  
 պազ դայն առնէ, և կամի տեսա-  
 նել այլոյ աջօք, և լսել այլոյ  
 տկանջօք, ծանր է ծառայու-  
 թիւնն այն և դառն, և վտանգ՝  
 որում ոչ ոք կարէ կալ առա-  
 ջի: Վասն զի տէր որ յիւր ՚ի  
 ծառայից զլաւ և զվատթար ջգի-  
 տէ ընտրել, և ըստ արժանի իւ-  
 ռաքանջիւր ումեք մատակարարել  
 զպիտոյան ոչ կամի, այնպիսին լաւ  
 ծառայի տէր դժուարաւ կարէ  
 լինել: Արդ Հայոց աշխարհս որ



պիտի մեծ և պիտոյի աշխարհ է .  
 և արդ ցոյց լինձ սչր մի յայտալի  
 սի աշխարհի՝ որ թէ ասաւելաւ  
 թագաւորութեամբ արժանաւո-  
 րապէս հասեալ 'ի տանուակերու-  
 թիւն . այլ որեար աւազակ և սն-  
 պիտան , հացկտասակք և վաս-  
 առհմիկ , որ դան զայնպիսի մեծ  
 թագաւորութիւն խաբէն , և ընդ-  
 կրակի՝ փառս դնեն և տէրու-  
 թիւն . և 'ի ձէնչ ըստ կողմն ե-  
 լեալ սակաւ մի՝ միլեն 'ի կրակն ,  
 և յանթեղ զաղբ իւրեանց արկա-  
 նեն , և զվաճաւանն և զվաճա-  
 ւըն 'ի միասին թշնամանեն : Աւ-  
 այլ լաւութիւն և քաջութիւն և  
 միտք և պիտութիւն՝ որով աշ-  
 խարհ շինի և միջի լինի , այն ջը-  
 ինդրի և արհամարհեալ է . այլ  
 անպիտան և վատառհմակ մարդ-  
 կան պատրուութիւնն 'ի մէջ ան-  
 ցեալ յարդի , և դուք սա ճանա-  
 ջող ունիք զձեղ : Լուեալ է քո ,  
 որ Միհրանդեա , և ամենայն Պար-

սից՝ զբանս զայս յԱրեաց տեսաւ,  
 նէն ՚ի Պերտղէ՝ առաջի ամենե-  
 ցունց յատենի. թէ՛ Այր վատ և  
 դունդ տնայիտան Ասորի է, բայց  
 քան զասորի այր՝ Հայ մարդ շատ  
 վատթար է և տնայիտան: Եւ ոչ  
 արդեօք լաւ էր միսէ՛ քան զայն  
 լուր յայնպիսի թագաւորէ: Եւ  
 արդ՝ իմ երկուս կռիւս արարեալ  
 է ընդ արի մարդկան, և երրորդն  
 այս է՝ որ ընդ քեզ արարաք. և  
 ընդ որս զերկուս կռիւան արա-  
 րաք՝ ընդ այնպիսի երեւելի և քաջ  
 մարդկան կռուեցաք, զոր ինքն Ա-  
 րեաց տէրն և ամենայն Արիք ճա-  
 նաչէին՝ թէ որպիսի որեար էին:  
 Եւ օտար մարդոյ մեզ չէր օգ-  
 նեալ, Հոնի կամ Հառմի և կամ  
 այլ ազգի ուստեք մարդոյ, բայց  
 միայն այս Հայոց՝ զոր դուք գի-  
 տէք, սոցա վճարեալ է զայնպի-  
 սի մեծ դործ, զոր դուք ամենայն  
 Արիք լուայք և տեսէք. և ոչ բա-  
 զում այրուծիոյ, այլ հարիւր աշ

րամբ և կամ եւս նուազիւ՝ զհա-  
 զար և զերկուս հազարս այլ փա-  
 խուցեալ է սորօք: Եւ յայսմ կը-  
 ուռի՝ մի զայս զմտաւ ածեալ  
 պարծիս, թէ աւելի ինչ քաջու-  
 թեամբ յայթեցէք մեզ, այլ՝ ի  
 մեր երկպառակութենէ և ի նեն-  
 դելոյ եղեւ մեզ վնաս: Աի թէ էր  
 այս հայ գուհո՞ յորոյ վերայ ահ  
 և երկիւղ էր, որպէս Արեաց  
 տեանս յիւր ծառայի վերայ, և  
 յիմում ձեռինս այսպէս էին՝ որ-  
 պէս ընդ իմ նախնեացն ձեռամբ,  
 և համարձակապէս իշխէի զվա-  
 տայեալսն ի կուռի տամբ և կե-  
 նօք հարցանել, և գլխով պա-  
 տիժ առնել և քաջացելոցն կա-  
 ըի բարի առնել և պատիւ տալ,  
 ցուցանելի Արեաց տեանս և  
 ձեզ ամենեցուն՝ թէ որ կարի  
 գուհո՞ Արիս անուանի էր և լաւ-  
 բայց էթէ լաւադոցնք եւս և քաջք  
 երեւէին. այլ ի խոնարհ սակաւ  
 մի և նուազ շտայի երեւել: Բայց

արդ՝ զոր ձեր 'ի վաստ ատհմէ և  
 յանպիտան 'ի մարդկանէ աշխար-  
 հիս Հայոց իշխան կարգեալ էք,  
 դոքա ըստ իւրեանց յետնութեան  
 կորուսին յաշխարհէս Հայոց ըզ-  
 քաջութիւն և զանուն բարի և  
 զլաւութիւն: Ձի գնդի՝ որոց զօ-  
 րագլուխն վաստ է, գնդին լաւ լի-  
 նել չէ հնար. և աշխարհի՝ որոց  
 իշխանքն յետին են, աշխարհին  
 այնմ անհնար է յառաջագոյժ և  
 անուանի լինել:

Իսկ յազադս իմ գուք ամենե-  
 քեան գիտէք, զի 'ի հարցն իմոց  
 ես արոյ մնացի. ոչ զվաստակս  
 նոցա՝ որ առ Արեաց աշխարհն  
 լեալ է՝ գիտեմ, և ոչ յանցման  
 նոցա հաղորդ ինչ էի: Բայց մինչ  
 ես յանձնու զգացի, և ձեզ Արեաց  
 տեառնն արբանեկութեան ար-  
 ժանի եղէ, 'ի մտի եղի առաջի Աս-  
 տուծոյ և մարդկան՝ արդար մտօք  
 Տեառն և ձեզ ծառայութիւն առ-  
 նել, և արդար վաստակս վաստա-

կել: Եւ որչափ ես զլաւն հողացի  
 և 'ի լաւ վաստակսն յաւելուի, և  
 վաստակսն իշխանիքդ Հայոց  
 զինչպէս բանասարկութիւնս աւ-  
 նէին, և դուք ինքնին մտօք լսէիք,  
 և ընդ իս չհայէիք ուղիւ. ածի  
 զմտաւ թէ զի՞նչ արդեօք այլ հը-  
 նար գոյր, որով ես կարող լինէի  
 զԱրեւոյ տեաւն և զաւարացն ըզ-  
 վաստակսն ուղղել ընդ իս. եթէ գտա-  
 նէի ինչ ոչ պարզես, գոնեա լոկ  
 աչօք ուղիւ հայէին ընդ իս, և  
 շատ էր ինձ: Եւ իբր 'ի վաստակ-  
 սն զոր վաստակէի՝ ըստ իմուժ  
 գիտելոյ՝ թերութիւնս ոչ տեսա-  
 նէի, և աւաւելս ինչ յաւելուլ և  
 վաստակել չգտանէի հնարս, և  
 զթշուաձեացն բերանս 'ի բանասար-  
 կութենէ իմուլ ոչ կարէի, և  
 տեսան և ձեր ականջք 'ի բաց էին  
 'ի լսել զստութիւն և չխորհե-  
 վան իմ ուղղակի. և իբրև ոչինչ  
 գտի պատճառանս ծանր տրտմու-  
 թեանս՝ որ կրէր յանձինս իմուժ

փառաւ, և փախչել յաշխարհէս  
 ճկարէի, խորհուրդ չար ՚ի մտի  
 արկի, և անձամբ զանձն սպանի.  
 և երանի թէ լոկ զմարմինս էր  
 սպանեալ. այլ էս զհոգիս և ըզ-  
 մարմինս ՚ի միասին կորուսի: Քան-  
 զի ուրացայ զճշմարտութիւնն՝  
 զոր գիտէի, թէ ստոյգ Աստուած  
 է արարիչ և տէր ամենայնի. և եր-  
 կիր պագի ստութեան և մոլորու-  
 թեան, զոր այսօր առաջի ձեր և  
 առաջի ամենայն աշխարհիս խոս-  
 տովանիմ, թէ ստութիւն է և  
 աղտեղի խաբէութիւն: Աւ յեա  
 կործանման՝ յորում կործանե-  
 ցայ, մաշէի յերկիւղէ զամենայն  
 օր, թէ գուցէ մեռանիցիմ սովին  
 մեղօք և կորնչիցիմ զյաւիտենա-  
 կան կորուսան. կալեալ ՚ի բռին  
 զոգի իմ՝ ՚ի բաց մերժեցի զեր-  
 կիւղ թագաւորաց, ընկեցեալ  
 յանձնէ կոխեցի զուրացութեա-  
 նըն խիղճ և լուսաւորեցայ: Այ-  
 սուհեաւ ուրախ եմ և պատ-

լաստ հալածանայ, սպառա-  
թեան, վշտի և մահուան. զի ու-  
րում և դիպիմ քրիստոնէու-  
թեամբ՝ ուրախ եմ և անահ:

Բայց դու զոր խօսիսդ՝ և ար-  
դարեւ կարեա տանել, և հաւանի  
թաղաւորն նուաճել զմեզ, և  
նախ քան զամենայն՝ զքրիստոնէ-  
ութիւն շնորհէ աշխարհիս Հայոց,  
և զաղակղի վաճառգ հասանէ  
յաշխարհէս մերմէ, զոր անպի-  
տան և վաս մարդիկ գնեն՝ ի ձէնջ  
խարէութեամբ, և ընկալեալ՝ ծա-  
լար տանեն զձեզ և զմոխիրն. և  
զմարդ ճանաչէք զլան և զանպի-  
տան, և դործ խնդրէք յեւրա-  
քանցիւր ումեքէ, ոչ կատակա-  
բանութիւն, և ՚ի դործ հայլք՝  
ասլ ըստ վաստակոց զհասուցու-  
մըն, ոչ ՚ի լիտերանութեան խա-  
բէութիւն, և կարէք գրել և կըն-  
քել՝ թէ ՚ի մերմէ բանութեանէ ե-  
ղեւ ձեր յանցումնդ և ոչ ՚ի ձեր  
ստահակելոյ և յանդգնութեանէ,

և թողուք, և զտոհմիկն առ սոհմիկս ունիք և զվատտոհմակսն առ անտոհմակս, և թէ այդպէս նուաճէք զմեզ, մեր բնիկ տեարք էք և հարցն մերոց և նախնեաց, և մեք ծառայութիւն տանեմք և հպատակ լինիմք: Ապա եթէ նոյնպէս զյեռինսն առ լաւն ունիք և ըզլաւն յետս տանիք, և աղտոյի մեղաց վաճառէք զիշխանութիւն աշխարհիս, և ոչ ըստ իրաւանց հայել յարժանաւորսն և ՚ի պիտանիսն տայք, մեք՝ որ տպտամբեցաքն՝ ոչ եթէ գիտէաք եթէ մեք Արեաց առաջի ինչ կարեմք կալ, զի և զմեր տառապանացս ոյժ գիտեմք և զԱրեաց այնպիսի մեծ և զանհամար գնդի և ուժոյ զսասակութիւն, բայց միայն զմեռանելն եգաք առաջի, և նմին պատրաստեմք, և առաւել ևս ուրախ եմք զի զանուանի և զլաւ մահ մեռանիմք քրիստոնէութեամբ, քան թէ ուրայութեամբ գնել զան



ցաւոր փառս և դյաւխտենից կո-  
րուսան ժառանգել:

ՀԶ. Եւ մինչդեռ Միհրան և զօ-  
րավարն Հայոց Վահան մամիկո-  
նեան զայսպիսի բանս ընդ միմեա-  
նրս խօսէին, յանկարծակի դեա-  
պան հասանէր 'ի դրանէ և սախ-  
պով զՄիհրան 'ի դուռն կոչէին:  
Եւ նորա շուեալ ամենայն բազ-  
մուժեամբ ճեպով 'ի դուռն, ա-  
ռեալ ընդ իւր զկապեալն Հրահատ  
և գերանելին Յազգ և զայլ կա-  
պեալն. զորոց զհետ երթայր  
արամուժեամբ և բազում փու-  
լով սիրելի եղբայր նորուն՝ տէ-  
րն Շիրակայ Ներսէհ, արամբք  
ընտրելովք. որոց տեսեալ զան-  
հնարին անսպառ ուղբումն Ներսէ-  
հի, սիրով իանդաղատեալ՝ զբա-  
րիս նոցա յիշելով երթային ընդ  
նմա: Որոց յօրէ ունեւոյ զՀրահա-  
տըն Պարսկացն՝ ոչ էր եղբօր նո-  
րա Ներսէհի տեառն. Շիրակայ  
զադարեալ է լալոյ, և ոչ էր

Հանդուպեալ 'ի վերայ անկողնոյ, և  
 ոչ ճաշակեալ հաց առանց արտա-  
 սուսաց. այլ և զոր ճաշակէրն՝ առ-  
 ջարի դառնացեալ լինէր բերան  
 նորա: Եւ երթայր զհետ գնդին  
 Պարսկաց, ամերով զմտաւ թէ՛ ո՞  
 գիտէ լրտեսեալ ուրեք 'ի զա-  
 տագոյն թեւի գնդին՝ անկեալ 'ի  
 վերայ կարասցէ զնա զերծուցա-  
 նել. և կամ թէ ոչ՝ գոնեայ ես  
 գիպեալ մահաւ հանգեացց յան-  
 մխիթար արամու թե՛նէս: Եւ եր-  
 թեալ լազուս՝ անգամ օթս զհետ,  
 և ոչինչ կարացեալ դասնել հնարս  
 և մերձեալք որպէս թէ օթեւանաւ  
 միով 'ի սուրբ տեղի տան նահա-  
 տակին Գրիգորի, և յիշելով ըս-  
 արամակցութիւն Սրբոց ընդ վըշ-  
 տացեալս, և զհամարձակութիւն  
 սրբոց առն Գրիգորի առ Աս-  
 սուած, ձայն սաստիկ բարբառոյ  
 հանգերձ արտասուօք արձակեալ  
 առ այրն Ասուածոյ, ազագակեաց  
 ասելով. Տէր Գրիգոր, որ զատա-

Թիկ մէջ ամբարշտութեանն մե,  
 զայ մերոց մերժեալ փարատեցեր  
 յաշխարհէս Հայոց, փարատեաւ և  
 զիմ սասաիկ մէջս արամութեանս  
 'ի սրտէս, և շնորհեա ինձ զանձ  
 կալի զեղբայրն իմ տեսանել ա  
 ռող առ իս. քանզի հնարաւոր է  
 Աստուծոյ ամենայն. և զքո խըն  
 դիր քաջ ախորժելով կամի լսել  
 և կատարէ: Եւ այսպէս մեծա  
 ձայն բարբառով և ողբալով աղա  
 զակեաց կամսարականն Ներսէհ  
 առ այրն Աստուծոյ Գրիգորիոս.  
 ոչ թէ բերանով բարբառէր, այլ  
 սրտին աղաղակէր: Եւ նորա  
 լուեալ վաղվաղակի տասց ցՔրիս  
 տոս. և փրկչին Աստուծոյ անդ և  
 անդ հանեալ զկապեալն Հրահատ  
 'ի շրջափակ զդուշութեանէ պահա  
 պանայն, արձակէր խաղաղու  
 թեամբ առ սիրելի եղբայրն իւր  
 և յաշխարհ:

Յայնժամ տեսեալ զաներկիւ  
 զպպէս և զքաջարար ելա կամսա

բականին Հրահատայ՝ զօրաբլինն  
 Արեաց Միհրանայ և այլ աւագա-  
 նոյն որ ընդ նմա էին, հրաման  
 տային ածել զերանելի սեպուհն  
 Միւնեաց զՅալդ՝ ՚ի նմին աւուր  
 դառաջեալ իւրեանց: Եւ սկսան  
 խօսել ընդ նմա և պատուհասել.  
 Աչ է, ասեն, հնար կեալ մարդոյ  
 որ բազում փրասս և չարիս աւ  
 իւր իսկ նմանի մարդիկ գործեալ  
 իցէ, թող թէ առ տէրն Արեաց,  
 որ աստուածանման է, և իշխանու  
 թիւն ունի ՚ի վերայ ամենայն  
 մարդոյ սպանանել և կեցուցա-  
 նել: Արդ զփրասակարն Հրահատ  
 և զարժանին բազում մահուց՝ զոր  
 ըստ նորա չար գործոցն պաշա-  
 րեալ մեծ փառացն արքայից ար-  
 քայի՝ ետ ՚ի ձեռս մեր, զոր և մեք  
 թէպէտ և խնայել կամեցաք և  
 ապրեցուցանել, սակայն իւր մա-  
 հապարտութեան գործոցն որսա-  
 ցեալ զայրն՝ չետուն լինել նմա  
 արժանի թողութեան, այլ վաղ և

կամ անապան կորուսանեն զնա .  
 քանզի 'ի մեծ և 'ի հզօր իշխանէ  
 ոք փախուցեալ հաղիւ կարէ զան  
 ձրն թաքուցանել, թող թէ փա  
 խուցեալն յաստուածոցն՝ ո՛ւր  
 կարէ թաքչել և ապրել: Արդ և  
 դու ընկեր նորին չար գործովք  
 մահապարտութեամբ՝ ոչ իւրք  
 կարես դաանել հնարս փրկու  
 թեան անձինդ և ապրել, բայց  
 թէ ապաւինեալ 'ի կրակ՝ պագա  
 նիցես երկիր արեգական, և նո  
 ցա բարեխօսութեամբ դաանիցես  
 թողութիւն 'ի թաղաւորէն և  
 կեցցես, և մեք խնայելով 'ի քեզ  
 առնք զայսպիսի խրատ քեզ. վա  
 արն զի կամիմք զկեանս քո և ոչ  
 մեռանել: Ի սոյն միտս յօժարե  
 ցուցեալ գրգուէր բազում ան  
 դամ պատգամաւորօք և թղթովք  
 էր երբէք և յորժամ ինքն առ ա  
 ւագան Պարսից լինէր 'ի բանակի  
 անօրէն իշխանն սիւնի Գդիհոն,  
 'ի վերայ երանելի Սիւնոյն սեպ

հին Յազգայ, իբրև պշարկամ և  
 գնախանձոտ եղբարց, և ոչ զի ու-  
 րացեալ ապրեացի, այլ զի ուրա-  
 ցութեամբ մեռցի վատանուէն:

Եւ լուեալ զայս ամենայն բանս  
 երանելոյն Յազգայ՝ ՚ի Միհրանայ  
 և յայլ ամենայն աւագանոյն  
 Պարսից, ծանուցեալ զկամս և  
 ղխորհուրդս զանօրէն զեղբարց՝  
 նոյն իւրոյ Գդիհոնի, պատասխա-  
 նի տուեալ ասաց. թէ, Չժամա-  
 նակաւոր զմարմնոյ կեանսս թէ  
 վաճառէր ոք և հասանէր ինձ զը-  
 նեւ և կեալ, յազգոս ցաւոյ մար-  
 մնոյ և սիրոյ կենցաղոյս, ապի-  
 արդեօք զամենայն ինչ ըստ աղ-  
 քատութեան խնոյ գիւտի և գը-  
 նէի. բայց պաշտօնից պատու-  
 հասն և զանչէջ գեհենին սպաւ-  
 նալիսն գնել ընդ կարասւոյ՝ յոյժ  
 անմտութիւն է. մանաւանդ զի  
 անցայտ է երեւումն վաճառուէն.  
 քանզի ոչ որ գիտէ զկեանն իւր՝  
 զհեռին և զմօտեալն՝ ՚ի դուրս. գու-

ցէ գնեալ խնդայցէ, և 'ի վաղիւն  
վախճանեալ յուղարկելցի 'ի խա-  
ւարն արտաքին: Այլ զացապիսի  
աղտեղի և կորսասական վաճառ,  
թէ ուրացեալ էր իմ, ընդէր այ-  
ժըմ՝ գնէի զգա վասն կելոյ, այլ  
վաղ իսկ առնուի հանդերձ փա-  
ւօք և մեծամեծ պատուովք. այլ  
զայս ընարեցի յորում եմս, և  
զայն համարեալ լաւ պատուա-  
կան, ստէ, ուրախ եմ և խնդամ  
վախճանել քրիստոնէութեամբ,  
քան թէ զհազար հազարս անոց  
կեալ ուրացութեամբ, և յաւի-  
տենից անվախճան պատուհասին  
լինել ժաւանդաւոր:

Եւ լուեալ զայսպիսի բանս անօ-  
րէն դատաւորացն 'ի Սրբոյն Յազ-  
գայ, սրով կարել զգլուխ երանե-  
լոյն հրամայեցին, մերձ 'ի տեղի  
սուրբ մատրանն առաքելանման  
նահատակին Սրբոյն Գրիգորի, 'ի  
գեօղն որ կոչի Բաղաւան, 'ի  
նահանգին Բաղրևանդայ, 'ի լան-

Զակոդման լերինն՝ որ անուա-  
 նի Նալառ, մօտ 'ի սուրբ տեղի  
 մատրանն՝ որպէս երկու քարըն-  
 կեցօք: Եւ կատարեալ սրբոյ սիւ-  
 նի սեպհին Յազդայ պրնթացս նա-  
 հատակութեան իւրոյ, յամենա-  
 նրն հուսի, որ օր վեշտասան էր  
 ամսոյն, և ամփոփեալ նշխարք  
 նորա եղան անդէն՝ ի սուրբ մատ-  
 րանն Գրիգորի:

25. Եւ զօրավարն Հայոց Վա-  
 հան մամիկոնեան չուեալ գայր  
 հասանէր յԱյրարատ գաւառ, և  
 կատարեալ զուխոս պատարագաց  
 'ի Վաղարշապատ քաղաքին, հան-  
 դերձ ընդ իւր ուխտապահ նախա-  
 րարօքն և այլ զօրօքն Հայոց՝ 'ի  
 տանն Աստուծոյ և 'ի վկայարանս  
 նահատակեալ կուսանայն, զուխ-  
 առա պատարագաց և զսոփորական  
 նուէրս ընծայիցն իւր, և նախ հո-  
 գայեալ զաղքատաց գարմանս,  
 ապա մեծաւ ցնծութեամբ ուրա-  
 խանային և ինքեանք փառաւորե-



լով զԱստուած : Եւ չուեալք  
 անտի երթեալք հանգչելն 'ի բը-  
 նական ոստանին Հայոց 'ի Դենի,  
 մինչ զաւուրս ցրաաշունչ ձը-  
 մերայնոյն սաւնամանեացն ան-  
 ջուցանելն :

Եւ մինչդեռ կամէին հանգչել  
 առ սակաւ մի և ոգի աւնուլ յաշ-  
 խասութենէն, դային յանկար-  
 ծակի 'ի կողմանց Արաց արք  
 դիւազդեցիկք և խելաշուրջք,  
 խօսելով բանս սուսս և տեսիլս  
 խարէութեան, զոր ոչ էր տե-  
 սեալ, 'ի կործանումն և յերկարա-  
 ռակութիւն զօրաց նորին՝ առ զօ-  
 րաւարին Հայոց Ասհանայ՝ յոս-  
 տանին. և ասէին ջամենեւեան,  
 Թէ Ողջ են և կենդանի սքանչելի  
 ասպետն Սահակ և քաջ սեպու-  
 հըն մամիկոնեան Ասսակ. և ըզ-  
 մեզ յլեցին առ ձեզ, Թէ 'ի վախ-  
 չելն ձեր 'ի կռուոյն Արաց՝ մնա-  
 ցաք մեք 'ի կռուատեղն, խոցեալք  
 կարէվերք. և ըստ Աստուծոյ ազ-

դեցուածեանն՝ ՚ի սասկուածեանէ  
 և ՚ի կարեւոր վիրացն զոր ունեաց  
 ՚ի մարմնի մերում, մերթ ՚ի սող և  
 մերթ ՚ի յանձն քարշուածեամբ  
 հասաք առ միմեանս, և հուովեալ  
 անկաք ՚ի խիստ թաւուա թու-  
 վրս՝ դժնըկաց. և կացեալ ՚ի վե-  
 րայ մեր ըստ Աստուծոյ ցուցա-  
 կուածեանն առն միոյ քահանայի  
 հոգևորի ՚ի Տեղացն անապատէ,  
 և ՚ի նմին ժամու բարձեալ ՚ի  
 մէնջ զմի մի ըստ անձին՝ տարա-  
 հեւի որպէս պարսկաւ միով հրա-  
 սախաչափու. զև ևս դիտելով թէ  
 ով ոք խցեմք և կամ յորմէ գաւա-  
 ակ, այլ ըստ աւայրինուածեան իւ-  
 րոյ՝ իբրև զարս յալադս Աստու-  
 ծոյ վիրաւորեալս՝ տարեցու ցանել  
 զմեզ կամեցեալ, և կամ դիպեա-  
 լըս վախճանի՝ ամփոփել զսակերս  
 մեր յօգուա հոգւոյ իւրոյ տէն-  
 ջացեալ, և ապա որպէս յանկաս-

կամ տեղի հեռացուցեալ զմեզ 'ի  
 տեղւոյն ան' և լինէր անհոգա-  
 ցեալ: Նրթեալ այնուհետեւ 'ի  
 վանկուան իւր, բերէր մեզ կե-  
 րակուր ինչ գուղնաքեայ և ջուր,  
 ածեալ ընդ իւր և մանուկ մի միւս  
 եւս այլ, և մատուցեալ մեզ աղա-  
 ճէր ճաշակել, և մեր ընկալեալ  
 ըստ կարի զկերակուրն 'ի ձեռա-  
 նէ սրբոյն ջամբելով՝ զօրացաք սա-  
 կաւ մի: Նւ նորա գիտացեալ թէ  
 տակաւ մի բերեալ ողի՝ բացաք  
 զաչս, սկսաւ նա այնուհետեւ հար-  
 ցանել զմեզ՝ թէ ուստի էք և կամ  
 յորմէ դաւառէ, քանզի ձեւ ձեր  
 և կերպարանս աղատս կարծեցու-  
 ցանէ զձեզ: Նւ մեր զաւարինու-  
 թ իւն զառն տեսեալ, զատոյդ իսկ  
 ինչ պատմեալ ասացաք նմա զմէնջ  
 յանուանէ, և նորա լուեալ եւս  
 փառս Աստուծոյ, և թողեալ առ  
 մեզ զմանուկն գնայր 'ի մէնջ 'ի  
 վանկուան իւր: Նւ 'ի միւսուան  
 եւս գիշերին ածեալ գրաստ միւս

եւս այլ մանկամբ՝ հանէին զմեզ  
 ի գրաստն, և օժանդակելով զմեզ  
 երեքեան տանէին յանապատն՝  
 ուր ինքեանք բնակեալ էին. և  
 թաքուցեալ զմեզ առ իւր աւու-  
 ըրս բազումս, բժշկեալ ողջացաք  
 զօրութեամբն Աստուծոյ: Եւ որ-  
 պէս սովորութիւն է հակառա-  
 կորդ դիւին շնչել յականջս ոմանց,  
 աստուածատեաց մարդոց՝ որսալ  
 զմեզ սկսեալ են անձանձրոցթ և  
 կամին սպանանել, և անձանց փա-  
 ւրս դտանել ՚ի Պարսկաց և պա-  
 տիւս: Եւ սուրբ վանականս ընդ  
 բազում անապատ տեղիս և ընդ  
 բազում խորածորս քարանձաւաց  
 շրջեցուցանէ զմեզ ՚ի ծածուկ,  
 բայց ածել այդր առ ձեզ երկնչի,  
 դուցէ, ասէ, քննեալ ուրուք ըզ-  
 հեաս՝ դասնիցէ զմեզ և սպանա-  
 նիցէ: Բայց արդ փութացարուք  
 արձակել այդի դունդ սաստիկ և  
 զօրադուրի հաւատարիմ, և տա-  
 նել զմեզ առ ձեզ, որպէս զի հա-

սեպէք առ ձեզ՝ լիցոսք 'ի միասին  
վրէժինդիրք հաւատոցն ճշմար-  
տութեան:

Եւ լուեալ զայսպիսի սատանա-  
յական իօսս արանց անմտաց, իս-  
կոյն հաւատապետալ ասէին, թէ  
Արդ փութալ եւեթ պիտի. զի  
յորժամ նոքա ողջամք 'ի Հայս-  
դան, և Պարսիկք զայն լսեն՝ թէ  
արդարեւ նոքա ողջ են, խորսա-  
կին ամենայն զօրութիւնք նոցա և  
լքանին: Այլ մանաւանդ. յոր-  
ժամ յականջս կանանց եւս եհաս-  
լան արանցն իւրեանց, և լուան  
թէ ողջ են. - քանզի և զիօսս ան-  
գամ 'ի գիշերի զառնն և զկնոջ իօ-  
սէին նշանաւ դիւտղգեցիկ արքն  
և հաւատալի տանէին, - շանէին  
այնուհետեւ դուր կանայքն 'ի  
տուէ և 'ի գիշերի, ըստ սայթաք  
և անհաստատ բութեան կանանց,  
այլ գրգռէին զսիրելիս իւրեանց  
և զսղգականս, զդայեակս նոցա  
և զծառայս, փութալ ճեպել

հասանել վաղվազակի և ածել ըզ-  
նոսս :

Եւ զայս ամենայն բանս դիւա-  
ղիցիկ արանցն եկելոց 'ի Վրաց,  
և զկամս և զհաւանութիւնս բա-  
ղում արանցն 'ի Հայ մարդկանէ,  
ևս առաւել զանդրութիւնս կա-  
նանց և զճեղս և զանժուժկաչու-  
թիւնս, որ նման բոցոյ սաչորէին  
'ի խորհուրդս նոցա, և ոչ ոք զօ-  
րէր շածուցանել, լուեալ ամեն  
խմաստի և զգայուն մտաց մամի-  
կանեանն Վահանայ զօրավարին  
Հայոց, ասէր. Այդ բանք և խոր-  
հուրդք՝ արանց վաստխորհրդաց  
են, և որք չարաչար են խմաստիւք:  
Քանզի դիտացեալ զեկս պարսիկ  
դումարտակի գարնանի՝ յերկիրս  
Հայոց, խորհեալ խմացան զայլ  
թէ քայքայել կարեմք և պառակ-  
տել զժողովուժն զօրացն Հայոց՝  
որ յոստանին էին, և այսր և ան-

ԿԸՄ ՅՐԱԷԼ, ապա թէ կարի  
 ապաւ գաւնոյ գայ՝ ի Պարսից, թէ  
 պէտ և ձերբակալ արարեալ՝ կո-  
 ռուսանեն զնոսա: Այլ թէ ընդ-  
 դէմ՝ ոմանց բանքս իմ թուին, ևս  
 աշխարհակարուստ արանցն ողջ ոչ  
 ապի գնալ յաշխարհէս Հայոց:  
 Վասն զի գերանելի գեղբօրն իմոյ  
 գնահատակու թիւն յաւուր կա-  
 տարման իւրոյ, և յաւաջ քան  
 զպատկիլն նորա տեսի զպատկն, և  
 նախ քան զվախճանն՝ ցուցաւ ինձ  
 գոյնն և կերպարան բանակի այնր  
 և զօրու, զոր բանակ նախագնե-  
 լոց և վերանալոց էր. քանզի վա-  
 զագոյն քան զյարձակելն մեր և  
 հասանելն առ միմեանս, լուսաւո-  
 ըեցան երեսք նորա լուսով, զորոյ  
 գնանու թիւն լուսոյն ոչ կարեմ-  
 աւել, և զարմացեալ ընդ նորա  
 տեսիլն, կամեցայ միւսանդամ  
 հայել ընդ նա, և յեւս աւաւել  
 ճառագայ թարձակ լուսոյ երեսա-  
 ցն զարհուրեալ՝ ոչ ևս կարացի

հայել: Աւ թուի թէ և այլոց է-  
 րեւեցաւ նոյն տեսիլ սքանչելու-  
 թեան գումոյ նորա 'ի ժամուն.  
 և ևս անդէն և անդ գիտացի թէ  
 նա աւառ յինէն, և յայլ զօրս  
 խառնեցաւ, որոյ զօրաց այն կեր-  
 պարան է և լուսաւորութիւն:  
 Եւ ևս ասեմ թէ դնա մի խնդրէք.  
 և վասն ասպետի մի աշխատիք: Ա-  
 պա թէ որպէս զորդիս մարդարէի  
 ցնն կամիք թարթափել յընդ աւ-  
 նայնս, որք զԵղիայն խնդրէին աս-  
 շեալք, որոյ բողոքէր Նվշայ՝ չաշ-  
 խատել, և շուէին, դաւնայք ա-  
 մօթով նոյնպէս և դուք, որպէս  
 և նորա դարձան ամօթալից և ու-  
 նայնք: Բայց մի երեւեցայց ռակք  
 բարեխառնձ, աւաջի ձեր են արք  
 զօրուդ Հայոց և նախարարքդ. և  
 ուր ոք կամի երթալ չարդեւում.  
 Եայց յիշեաջիք, և դիտաաջիք, թէ  
 որքան կորուստ յանօրոսս երթի-  
 ցըդ յայդոցիկ հասանէ աշխար-  
 հիս Հայոց:



Յայնժամ հաւանեցուցեալ ան-  
խորհուրդ և թեթեամիտ մար-  
դոց, և մանաւանդ կանանց նա-  
հասակելոցն և նոցաւոց ընտա-  
նեաց և դայեկաց, զտեսուհի Սա-  
մկոնէից զՄուշեղ՝ բաղում այր-  
ընախք գնդաւ արձակէին ընդ-  
արմն շաղաւաշուրթս և խաբէ-  
բայս յիրս անօգուտս և ՚ի ճանա-  
պարհս՝ զոր ոչ գիտէին: Արոց  
տարեալ զնոսա ՚ի սահմանս Ալը-  
րայ, յածեցուցանէին զկնի սա-  
տանայի, սրոյ և ինքեանք արբա-  
նեկեալք՝ իսկ էին. և բաղում  
պատրողական կարկատելով պատ-  
ճառս՝ սակին զնոսա. Փախու-  
ցեալք ՚ի սպանողացն՝ ՚ի թաքու-  
տոց էին, փոփոխելով յայլ և  
այլ խորածորս քարանձաւաց և  
՚ի ծառախիտ կատարս բարձր լե-  
րանց: Եւ այսպէս ՚ի բաղում ա-  
ւուրբս խելացնորեցուցեալ յա-

ծեցուցանէին գտեպուհն Մամիկո-  
նէից զՄուշեղ և զգաւնոյն որ ընդ  
նմա, մինչև ցվախաճանել ցրտա-  
շունչ հոլմոց ձկերայնոյն սաւ-  
նամանեաց:

ՀԸ. Եւ եկեալ ժամանակ ծաղ-  
կոցաց դարնանւոյն օգոյն շինչ-  
մանց, աւետաւոր ջերմաւթեանց  
մերկոցն շքաւորաց, եկեալ հա-  
սանէր յանկարծակի յերկիրս  
Զառմիհր Հաղարաւուխա, սաւ-  
աիկ և բազում այրընտիր զօրօք,  
դիմեալ անցանէր ստիպով ընդ  
կամուրջ գետոյն Արատիաց, և 'ի  
գիւղաքաղաքին որ կոչի Արատա-  
շառ՝ բանակէր այն օր: Քանզի ըզ-  
գացուցեալ էր նմա քաջ տեղե-  
կաւթեամբ ուխտանենդացն յաշ-  
խարհէս Հայոց՝ դերթն կիսոյ գլն.  
դին Հայոց 'ի Վիրս, և թի սպա-  
րապետն Հայոց Վահան մամիկո-  
նէան լոկ թուով նախարարօք և  
սակաւ այրուձիով 'ի յոտանիդ.  
յորոյ վերայ հասեալ քս այսչափ

ընտիր բաղնու-թեամբ, թեպէս և  
 եղեալ նոցա զանձինս 'ի մահ՝ չը-  
 կարիցես աւել ձերբակալս այդ-  
 չափ բաղնու-թեամբ: այսուձից,  
 այլ երեքինակի և չորեքինակի  
 պատեալ պաշարեալ զնոսա՝ հա-  
 նէս ընդ սուր զամենեւեան, և կա-  
 տարեալ տանիս 'ի դուռի վերս  
 գործոցս աշխատութեան, և դու  
 պատուեալ փառաւորիս 'ի թա-  
 վաւորէն, և մեր հանդիմք յերե-  
 բաղին աշխատութենէս յայտնա-  
 նէ: Եւ լսեալ զայսպիսի բանս  
 Հաղարաւուխոսոյ և այլ աւագա-  
 ցնն որ ընդ նմայն էին, աւաւել  
 ևս ուրախանային. և ճեպով 'ի  
 վաղիւն դիմէր 'ի վերայ զօրավա-  
 ըին Հայոց Ասհանայ մամիկոնէի,  
 և զօրացն որ ընդ նմայն էին 'ի  
 ժամուն: Եւ հասեալք մօտ 'ի  
 քաղաքն Գուին, յօրինէր Հաղա-  
 ռաւուխս զճակատն ըստ օրինի  
 գործոյ պատերապղմին. և կար-  
 դեալ զաւագնն՝ 'ի միջոցէ մայրւոյն.

որում Խոսարովակերան ստեն, ան-  
ցուցանէր 'ի վերայ դասակեր-  
անն, մինչեւ 'ի լեւնակապմուն՝ զոր  
Զրվէժն կոչեն:

Եւ անտալ սպարապետին Հա-  
յոց Վահանոյ զայսչափ բազմու-  
թիւն զօրացն Պարսից, և այլ նախ-  
արարացն Հայոց՝ որ ընդ նմա-  
էին, և այլ առնիկ այրուձիւոյն Հա-  
յոց, թէպէտ և զանրնդդիմակայ  
չափաւորութիւն իւրեանց գի-  
տէին, անսանելով ծովացեալ գըն-  
դան Պարսից զամենայն գաշան-  
աւհասարակ, այլ սակայն և սչ  
կարի զարհուրեալք փախել փու-  
թային. այլ ըստ բաւականի զօ-  
րան իւրեանց բաժանեալ 'ի մի  
մի և յերկուս նախարարս՝ յար-  
ձակէին 'ի վերայ: Եւ անտալ բա-  
ջարտարար մասն 'ի գնդէն Պար-  
սից՝ ըստում արս ընտիրս գիա-  
թաւալ յերկիր կործանէին, և  
իւրեանց դարձուցեալ վերասա-  
նակս երթարացն՝ գնացին 'ի բոց

բաշարար: Վասն զի և բաշարար  
 փախուլսն ասն հզօրի՝ սասանիկ  
 ահ երկիւղի գուշակէ առ միւսան  
 քամ գործ թշնամեացն զնոյի. որ  
 եղեալ առ յապա երեւցաւ բաշ  
 մայ, և ճաշակեալ ասին զհամ և  
 զարմացան. մանաւանդ առաւել  
 էր քան զայլն<sup>1</sup>. զոր և գիտաց  
 բաշարոյն՝ սնարարծ իշխանն Սիւ  
 նեաց Բդիհան:

Բայց անդ էն ՚ի տեղւոջն որք  
 ընտրեցին կամաւոր յօժարու  
 թեամբ զմահ տնձանց և նահա  
 տակեցան՝ երկուք արք ՚ի նախա  
 րարացն Հայոց կռուեալք լաւա  
 րար, և զբաշու թիւն գործոյ ցու  
 ջեալ. երանելին Որդի ՚ի առհմէն  
 Գիմարտեհից, և երանելին Քա  
 ջաջ ՚ի առհմէն Սահառուեհաց,  
 եղեալ զանձինս ՚ի վերայ ուխտին  
 որքոյ՝ պատկեցան: Անդ չարաչար

1. Այսպէս յօրինակին. թուի հա  
 տուած ինչ բանի պակաս:

խոյտախնի վախճին լօրքն Պարսից<sup>1</sup> :  
 Եւ գաւարք հայրապետն Հայոց տէր  
 Յոհանն ընկեցեալ 'ի ձիոյն , թօղին  
 կիսամահ : Վասն զի այնպէս ճե-  
 պով հասուցին սաղմիչք անօրէ-  
 նու թեանն զՀողարաւուխտ 'ի վե-  
 րայ Հայոց , զի և ոչ աւարք միով  
 յաւաջ ժամանեցին խոյս սալ 'ի  
 քաղաքէն և անձին հողալ , և ոչ  
 ինքն կաթուղիկոսն Յոհանն . այլ  
 ամենապօր գլծուծ իւն Փրկչին  
 Քրիստոսի՝ ողորմեալ խնայեաց  
 յաւիտանէր հօսն իւր , և անեալ  
 սղջ գհայրն սաւրբ՝ եցոյց խաղա-  
 վաւ թեամբ ժողովրդեան իւրում  
 և սերախոյոյց :

Եւ 'ի նմին աւար , յեա վճարե-  
 լայ դործոյ սրտերաղմին , գայր  
 հասանէր սեպուհն Մամիկոնեից  
 Մաշեղ հանդերձ այրուձիամիւսր  
 էին ընդ նոնա . և իբրև ոչինչ ժա-  
 մանեալ յանբաւկ դործոյ պա-

1 . Այսպէս անյարիր զնի աստ սուսն  
 այս :

տերապևն պիտոցից, դարձեալ  
ընդ այլ փախտակցն գնային 'ի  
բայ:

ՀԹ. Եւ զբռեալ այսր և անոր  
զօրքն Հայոց իւրաքանչիւր սփակ-  
ին. և գնայր զօրավարն Հայոց  
Վահան մամիկոնեան ինքն և 'նախ-  
արարքն Հայոց՝ որք ընդ 'նան է-  
ին, հանդերձ իւրաքանչիւր ու-  
րուք գայեկօք և սիրելի ծառա-  
ցիւք, ուշ եղեալ երթալ դողա-  
րել առ վայր մի յամուր տեղիս  
ասհմանացն Սաղաեաց, ողի առ-  
'ուս և հանդչել առ վայր մի, և  
մնալ յուսով և սպասել փրկու-  
թեան Տեառն: Զորոց զկնի հե-  
տամուտալ ձեարով անհանդիսան Հա-  
ղարաւուխա, երթայր գիտեալ ա-  
մենայն զօրօքն հանդերձ. և զբա-  
ղում տեղիս ամրացայն Հայոց ընդ  
երթանն աւեալ հարկանէր քա-  
կեր աւերէր և անցանէր. և զբա-  
ղումն կոտորեալ հանէր արեանց  
ճապարիս. խնդրէր հնարս, փը-

քաղով մեծամեծս, կամ տանել  
ձերբակալս զքաջ մամիկանեանն  
Վահան, և կամ սպանանել սրա-  
տերապետս, և սպա հանդէսէ:

Եւ երթեալ յԱքաղն՝ բանակէր  
մօտ ՚ի գէօղն, որում անունն էր  
միտուն Նիւղիկ, և միւսունն Վար-  
դաշէն. և բանակեալ անդ զօրն  
զայն, լսէր ՚ի վայիւն թէ մամիկա-  
նեանն Վահան մօտ է ՚ի նա Վար-  
այրվարայն ՚ի Հոռոմ տան <sup>1</sup>, ՚ի  
գաւաւիսն՝ որ կօջի Շաղաղոմ: Եւ  
կարծեցեալ անդ լինել զխմտտա-  
խորհուրդ մամիկանեանն յան-  
հոգս՝ որպէս ՚ի Հոռոմ տան անկեալ,  
պնդեալ յանկաակածս զցայս ՚ի  
տեղին տեղեակ աւաջնորդօք հա-  
տանէր ընդ առաւօտուն ծաղել:  
Եւ գտեալ անդ բազմութիւնս այլ  
մարդկան, ընդ որս զխալեցան և  
կանայք երկուց Վամարականայն՝

<sup>1</sup> Այսինքն ՚ի բաժնին Յունաց. բայց  
անցայտ է տեղին և կոչումն Վարայրնա-  
րայն իմ Վարայրնայրէ:



տեսանին Շիրակայ, Ներսէհի և  
 Հրահատայ, յարայ վերայ անկեալ  
 յանդգատա զօրացն Պարսից՝ զբա-  
 զուսն ՚ի սամիկ մարդկանէն Հա-  
 յայ սպանանէին. և զկանայս Եր-  
 կուց Վանաորականայն Եղբարց՝  
 ԿՆերսէհի և ԿՀրահատայ՝ ըմբու-  
 նեալ տանէին ՚ի բանակն Պարսից:

Բայց զօրավարին Հայոց Վահանայ  
 մամիկոնէնի և այլ սակաք ՚ի նախ-  
 արարայն՝ որք ընդ նմացն էին՝ ոչ  
 պատահեալ, գտանայր ոչ ևս քաջ  
 ԿԵրասրտուծեանք, յազադս ոչ  
 կատարելոյ խնդրոյն՝ որում հասա-  
 նէն զանկայր և վրիպեցաւ: Սաու-  
 գեալ վասն կանանցն Վանաորակա-  
 նայն, թէ արգարե նոցա կանայքն  
 են, զուարճացեալ սերտամայր  
 ընդ միսս իւր՝ խորհելով այսպէս,  
 թէ արդ նորօք հաստա կարեմ որ-  
 սալ և ըմբունեմ զՎահան. բանցի  
 նորա են նորա սիրտ, և հաւաստա-  
 պէս միանձնապէս միուծիւն. և  
 թէ քակտեալ նորա ՚ի նմանէ լինին

գամ մի, և նա միայն մնայ ստանց  
 այն արանց, կամ նուաճեալ հնա-  
 զանդի մեղ որպէս և կամիմք, և  
 կամ փախուցեալ յօտար երկիր՝  
 կորնչի միայն աւանձին: Բայց  
 զկանայս նոցա երկուց Կամարա-  
 կանայն, հրամայէր ըստ օրինացն  
 բրիսանէից, որպէս լուեալ էր  
 հաստատապէս, պահել սրբու-  
 թեամբ և ամենայն զգուշութեամբ:

Եւ ինքն չաւեալ յԱբողայ իշա-  
 նէր ՚ի գաւառն Բասեան, և բա-  
 նակէր մօտ ՚ի գեօղն՝ որ անուանի  
 Բու, ՚ի գաշտին Ալբերականայ՝  
 զոր Արժաթաղբերան կոչեն: Եւ  
 կայեալ անդ օր մի, դեսպան ՚ի  
 դրանէ հասանէր առ նա հրովար-  
 տակաւ յօրում գրեալ էր թագա-  
 ւորին Աերողի, ապա գիտել նոցա  
 զիւր ամենայն Արեայ ուժով ՚ի  
 վերայ Հեփթաղին զգ իմեցումն, և  
 նմա հրամայէր երթալ ՚ի Վիրս, և  
 զթագաւորն Վրայ զՎախտանկ  
 կամ ունել և կամ սպանանել, և

կամ՝ ի բաց փախուցանել յաշխարհէն. և զՇապուհն ՚ի Սիհրան տոհմէն՝ անդէն յաշխարհէն Հայոց թողուչ գնդաւ՝ մարդպան:

2. Եւ Հազարաւուխտոյ ընկալեալ զՏրամարտակն, և լռեալ ըզհրաման թաքաւորին, թողոյր առակն զՇապուհն պարսիկ այրուձիով, այլ ընտիր գնդաւ, զակրն Սիւնեաց զՔղիզոն առ Նուա աննայն գաւառին Սիւնեաց գնդաւ, և ինքն փութով գնայր ՚ի Վիրա: Եւ երթեալ անդ ժողովէր առ ինքն զուխտանեւոցսց դասն, որոց նենդեալ թաքաւորին Վախտանգոյ և երդման աւետարանին ստեալ՝ առ Հազարաւուխտ գոյն. ժողովէին առ Նա և այնք ևս՝ որք ընդ արքայից արքայի միաբանութեամբ էին: Եւ Նա ունեմն թագաւորաւ թիւն խոտանայր, և ունեմն գահ և պատիւ և պարդեբարում, և այլոց բազմաց զպէտուրաբանչիւր, և միաբանեցուցի սլ

դշատս յաշխարհէն Վրաց՝ գոռուկ  
կաղմէր: Եւ զայն անսեալ թագաւ  
ւորին Վախաանդայ, թէ իւրոցն  
ստեալ՝ թողին զնա և գնացին աւ  
Հաղարաւուխա, և Հայք գեւ  
ևս ինքեանք անձեռնհաս են և  
վասնդեալք, խոյս տուեալ յաշ  
խարհէն Վրաց՝ ՚ի կողմանս Եդեր  
աշխարհին հասանէր աւ վայր մի:

Իսկ Շապհոյ սարեալ զկանայս  
Կամարականայն յամուր բերդն  
Քասեոյ, զոր Քաղբերդն կոչեն,  
անդ թողոյր. և յանձն արարեալ  
Յրզաս-Վշնասպայ բերդակալի ըզ  
կանայս Կամարականայ, պատուի  
բէր նմա բազում զգուշութեամբ  
պահել ըստ օրինացն քրիստոնէից  
զնոսա՝ սրբութեամբ: Քանզի կա  
նայքն իսկ Կամարականայն զնայն  
սակին բազում անդամ համարձա  
կապէս բողոքով. թէ զարան մեր  
արդարեւ կամիք նուաճել, զայդ եւ  
եթ տուք լսել նոցա՝ թէ մէք իսա  
ղաղութեամբ եմք, ապա զոր ինչ

հրամայեք՝ ուցա՛ լսեն և կատարեն :  
 Քանզի ամենայն Հայոց գիտեցով  
 ասեմք զայս , և վկայեն որ աստ աս  
 ձեզ հայ մարդիկ են , զի քան զմեզ  
 զայլ կին նորա ոչ գիտեն . ասա  
 թէ այլ ինչ լսեն վասն մեր , 'ի  
 նախատանայ իսկ և յամօթոյ ,  
 թող 'ի մեզայ և 'ի դարչուածենէ՛  
 քստ մերոյ օրինացն , առաւել դնեն  
 զանձինս 'ի մահ , կորնչին : Քանզի  
 և ինքն իսկ Նապուհ ոչ միայն 'ի  
 լրոյ և թ գիտէր զնոցա սնդու  
 թիւն յաղագս քրիստոնէութեան ,  
 այլ ինքն իսկ սրպէս իսկ ձեռնասու  
 որդւոյ՝ տեղեակ էր՝ ուցա ամենայն  
 էրայ , և քրիստոնէութեան սըն  
 դութեան , և յայլ ամենայն 'ի  
 հրահանգս և 'ի միաս : Ար վասն  
 առաւել սուրբ պահելոյ զկա  
 նայան՝ բաղումն ինդամ ջանձն առ  
 նէր բերդակալին , և զնայն համբաւ  
 և պատուէր ստէպ տայր Ամնա  
 թականացն . առ որս յզէր հանա  
 պալ , թէ Մի կորնչեք , և արքա

յից արքայի 'ի ծառայութենէ  
 մ' ելանէք. այլ եկայք 'ուսանեցա-  
 րուք, և զկանայս ձեր առ ձեզ  
 առէք, և խնով միջնորդութեամբ  
 զվտար թողուլ տամ արքայից  
 արքայի. զոր ինչ արժանի է՝ շնոր-  
 հել տամ ձեզ, և զքրիստոնէս  
 թիւնդ զոր սիրէքդ, որպէս յայժմ  
 կալեալ էք հաստատութեամբ, ևս  
 առաւել յայսմ հետէ կալարուք,  
 և մի երկնցիք. և ես վասն զի սիրեմ  
 զձեզ իբրև զորդիս, զաւակաբար  
 խրատ տամ ձեզ՝ որով կեալ կարէք  
 և 'ի միջի լինել: Ապա թէ խորհել  
 կամիր և կարէք ինչ լաւ սպաս զու-  
 ցանել արքայից արքայի, և հոս-  
 րէք զՎահան սպանանել, գտա-  
 նիցէք 'ի թագաւորէն պարպեա և  
 պատիւս, զոր ոչ է գտեալ ձեր  
 սրտք 'ի 'նախնեաց 'ի թագաւո-  
 րաց. յորում վայելեալ ուրախա-  
 նայք խողաղութեամբ, դուք և  
 ձեր որդիք մինչև յաւիտեան:

Եւ լուեալ զայսովիսի պատգամս

երկուցուհայ Կատարապետացն՝ ՚ի  
 Կորսուղիսէն Պարսկց Դասակոյ, թէ  
 պէտ ալ և ալ պատասխանիս առ  
 նէին լսելոյ՝ խաբէլով Կատար  
 ՚ի լալուս աւարս, ապա Կըսի  
 հաստատակէս պատգամին Դաս  
 կոյ, երկուցեան տնչարժ հաստա  
 տեալք ՚ի հաւաստ, տէրն Եկրակոյ  
 Ներսէս և Հրահատ, զաչս յնէին  
 թէ, Սեր գործ և աշխատութիւն  
 չէ վասն երկրաւոր ինչ վայելոյ, և  
 ոչ վասն կնոջ և որդւոյ, որ ձեզ  
 ծանր թուի և կարեւոր. բայց խոր  
 հարգ է հաւատոյս մերոյ մեծ և  
 պատուական: Մեզ՝ առ ահաւոր  
 այնպիսի խորհրդոյն սիրով՝ ամե  
 նայն ինչ կենցաղոյս վայելչու  
 թիւնք փոքր թուին և ոչինչ,  
 աշխարհ և կին և ստացուածք և  
 մեծութիւն: Չի էթէ ոչ հաւաս  
 տեաւ տեսնեալք, էթէ երկինք և  
 երկիր և ամենայն որ ՚ի նոսա է՝ չէ  
 համեմատ այնմ պատուականու  
 թեան՝ որում մէք ցանկածք, չէաք

այնքան անողայք՝ թէ ոչ կարէաք  
 խաբել զձեզ, որպէս և այլ հասցեա  
 ասկեանդ. որ առ ձեզ են, և առ  
 նաւ կապի՞ճ մի մտիւիք և տալ ցա  
 զախին մի մեր, որպէս նա զայն  
 կամէր, արժել. և մեք անտախ փա  
 աօր՝ ի ձէնջ առ վայր մի վայելէաք  
 և պայծառք երեւէաք, և ապա  
 զյաւխտենից կորուսան կորնչէաք  
 չարաչար: Այլ վասն կանանցդ  
 մերոց տամք ձեզ նշան ինչ, և ձեր  
 փորձեալ բաջ քննեցէք. զի եթէ  
 արդարեւ մեք յաղաղս հաւատոյն՝  
 զոր սիրեմք և ունիմք հաստա  
 տապէս, և վասն այնք աննշալի  
 յուսոյն և փառացն կրեմք զայս  
 վիշտս, և հաճոյ է դործս մեր ճշշ  
 մարտին Ասաուծոյ և ընդունելի,  
 զմեզ փրկէ ՚ի նեղութենէս, և զկա  
 նայսդ մեր պահէ անենայն սրբու  
 թեամբ և ապ ցմեզ. ապա թէ  
 ոչ այդպէս լինի, մերում թերա  
 հաւատութեան մեղադրեսցուք,  
 և մի ինչ ձերում բռնութեանդ և  
 սատախ:



Եւ զայս բանս սշտակս յլեալ էր  
 կոցունց Վանաքահան եղբարցն  
 առ Հաղարաւուխա, ինքեանք եւ  
 առաւել բան զաւաջինն անձամբ  
 եւ զայլս յորդորելով՝ փոյթք եւ սա-  
 տրասաք էին արբանեկութեան զօ-  
 բաւարին Հայոց Վահանայ մամի-  
 կոնեհի՝ զամենայն գործ որ եւ հրա-  
 մայէր նոցա :

ԶՍ. Եւ զհետ գնացիցն Հաղա-  
 րաւուխասոյ ՚ի Վիրս՝ մնայր Շա-  
 պուհ յԱբաղս, եւ ջանայր կատարել  
 զհրամանն Հաղարաւուխասոյ, եւ  
 որասայր զմամիկոնեանն Վահան,   
 գտանել զնա ՚ի զեղծի եւ սպանա-  
 նել. ու ոչինչ լինէր ձեռնհաս.  
 քանզի ամբութիւն Վերնայն շուրջ  
 զնովաւ սարսալեալ պահէր զնա :  
 Բայց մամիկոնեանն Վահան զա-  
 մենայն օր ոչ մայր դուր աւնուլ  
 զօրօք իւրովք Պարսկոս ՚ի զակշին,  
 այլ զյայդ զամենայն նեւաձիդ լի-  
 նելով ՚ի ներքս՝ էր զոր ինքեանց  
 Հայոցն խոցոտեալ սպանանէին, եւ

էր զոր ինքեանք Պարսիկքն զինքեանս 'ի վերայ միտեանց կուտակելով հեղձամիճուկս առնէին: Եւ երթեալ զօրավարն Հայոց Վահան մամիկոնեանն հանդերձ արամբքն որ ընդ նմա էին, բանակէր 'ի գիւղ մի մերձ, որ էր ընդ իշխանսու թեամբն Մամիկոնէից, որում անուն էր Ծաղիկ. կամեցեալ անցանել 'ի կողմն սահմանակցութեանն Հաշտենից, յաղագս դասնելոյ 'ի նոցանէ օգնութիւն:

Ազդ եղև Շապուհայ զօրավարին Պարսից, եթէ ահաւասիկ մամիկոնեանն Վահան բանակեալ է 'ի գիւղ մի, և արք են ընդ նմա թըւով յոյժ սակաւք: Եւ կանխեալ վաղագոյն ընդ աւաւօտն զօրագլուխն Պարսից Շապուհ աւեհուայն բաղմութեամբն որ ընդ նմա, յանկարծակի 'ի վերայ ելանէր գնդին Հայոց: Եւ գուրդն Հայոց իբրև հանապաղապօղջս՝ վասն ցանգանձոյն յօրինելոյ զնոսա զօրավար

րին Հայոց Վահանայ մամիկոնեանի ,  
 լինելով պատրաստք գնային 'ի  
 անդու,ն անմիտար . սակայն գու՛ն  
 դէք զօրացն Պարսից ոչինչ փոյթ  
 աւնէին այլոցն , զկնի զօրավարին  
 Հայոց Վահանայ անցանէին . քան  
 զի սակին , թէ նմա միայն գտա  
 նեմք հնարս՝ ամենայն իրք մեր  
 վճարեալ են և յանդ : Եւ զօրավա  
 րն Հայոց Վահան մամիկոնեան եր  
 թայր ընդ կողմն արեւելից ծովուն  
 կարնոյ , և գունդք զօրաւորացն  
 Պարսից զկնի նորա երթային ան  
 հասութեամբ : Եւ Մուշեղ 'ի սահ  
 մէն Մամիկոնէից և Ներսէհ կամ  
 սարական աէրն Շիրակայ՝ ընդ  
 կողմանն հիւսիսոյ ծովուն , վրի  
 պեալք առ փոյթ ժամուն . 'ի զօ  
 րավարէն Հայոց Վահանայ մամի  
 կոնեանէ , սակաւ արամբք երթային  
 խաովեալք . և մերձեալք 'ի գիւղ մի  
 կարնոյ՝ որում անուն էր Ալիծա  
 թի , և հասեալք 'ի հեղեղառ մի  
 որ մերձ էր 'ի գիւղ մի , և կամե

ցեալք յեղեր հեղեղասին առ վայր  
մի հանդէլ, ուր և հնձողք ար-  
տարայոցն շուրջ զանդօքն Գոր-  
ծէին: Եւ իբրև գիտացին Պար-  
սիկքն՝ թէ ոչ եղին նոցա հասու,  
կամեցան մշակացն տեղեացն մնա-  
սել, թէ ընդէր բնաւ ծառայեց  
արքայեց արքայի ապք շրջել յաշ-  
խարհի ձերում:

Եւ տեսեալ Խաւրոս, որ էր ՚ի  
գաւառէն Արշամուհեաց ՚ի գեղջէն  
Շիրմաց, գայեակորդ ի տեսան Շի-  
րակայ Կամարականին, զանն ՚ի  
Պարսից զօրացն՝ զի կամէր սպա-  
նանել զայր մի կարնայի ՚ի մշա-  
կացն, և մշակն շուրջ գալով զբար-  
դիւ միով խաւափէր ՚ի սպա-  
նողէն. և տեսեալ զայն Խաւրոս  
գայեակորդայն Կամարականին  
Ներսէհի, զայրաջեալ ընդ սեպհին  
մամիկոնէից Մուշեղի և ընդ կամ-  
արականին Ներսէհի՝ ասէ՜ աներ-

կիւղապէս . Աջ ապաքէն մահ պլ  
 աշխարհաց , թէ մեռանի 'ի Պարս  
 կէն , 'ի մէնջ պահանջէ վրէժ  
 խնդիրն Աստուած : Աւ չարձակեալ  
 նիպակաւ Խաւրան 'ի վերայ Պարս  
 կին , անդէն 'ի տեղւոջն սասակէր .  
 և վերժ ուցեալ ապրեցուցանէր ըս  
 կարնացին 'ի սարանդէն : Աւ դար  
 դրուեալք ընդ բանն Խաւրաց սե  
 աուհն Մամիկոնէ ից Մուշեղ և կամ  
 սարականն տէրն Շիրակայ Ներ  
 սէհ , և ընդ գործն հայեցեալ ընդ  
 Խաւրաց՝ զոր գործեաց քա  
 ջարքար , տեսեալ և զհետամուտան  
 զկնի'նոցա՝ թէ շէն կարի բազումք ,  
 չարձակեցան 'ի վերայ Պարսկայն  
 սակաւ արամբք որ ընդ 'նոսա էին ,  
 և զօրացեալ օգնականաւ թեամբն  
 Աստուծոյ՝ բազում արեանց ճա  
 պապիս 'ի տեղւոջն հանէին , և զայլ  
 արն փախտականս արարեալ՝ զար  
 ձուցանէին ընդ կրունկն անժող :  
 Աւ եղև թիւ մեռելոց 'ի տեղւոջն  
 եօթանասուն և երկուց արանց :

Եւ լուեալ զայսպիսի յաշտու-  
թեանս դարձ զօրավարին Հայոց  
Վահանայ մամիկոնէի, եւս փառս  
Աստուծոյ. որ եւ առանց նորա կու-  
րացուցեալ խորտակէր Աստուած  
զգորութիւն թշնամւոյն: Եւ ին-  
քըն գնայր 'ի սահմանս Հաշտենից  
լսա յաւաջագրեալ խորհրդոյն  
իւրոյ, եւ հասեալ բանակէր 'ի գա-  
ւառին Արշամուկեաց, 'ի գիւղն  
որ կոչի Երէզ. կամեցաւ հանդէլ  
աւուրս երկուս:

ՁԲ. Եւ զօրավարն Սիւնեաց Գը  
գիհոյն փութացուցանէր սախ-  
աով զգորագլուխն Պարսից գնդին  
զՇապուհն, ասելով. թէ Ամն  
Վահանայ Մամիկոնէից փորձ քա-  
ջութեանն եւ գու առեր եւ ամենայն  
աշխարհն Արեաց. եւ ես իրաց եւ  
դարձսց առնն խնանալ ինչ եւս ոչ կա-  
րեմ. զի թերեւս գունդն ամենայն  
'ի Գունի աւ նմա միաբանեալ էր  
նա մեզ անդէն իւր քաջութեանն  
դարձ ջուլցանէր. բայց արքայից

արբայի թագն և Արեայ փառքն  
 մեզ այնպէս յաշտեցին, զի նորա  
 իրք այնպէս գիտեցան՝ որպէս տե-  
 սաքն, և մեզ բարի վճարուին եղև :  
 Եւ արդ տեսաք, այդչափ սակաւ  
 արամբ զինչ գործ գործէ այրն, և  
 օրքան զօրնուպէջուցեալ զգուն  
 դրս մեր և վասնէ : Արդ՝ թէ ուս-  
 տեք եւս այլուսս կարէ դատնել  
 օգնական, տեսչիք՝ զի նա ամօթով  
 զմեզ դարձուցէ և սակաւաւորս-  
 այլ և դաւնալոյ խի մեզ ան-  
 դէն անվասան եմ շատ : Բայց  
 փութա և մի տար անն հանդիսս  
 ամուսլ, դուցէ թէ մեք ծուրա-  
 նամք, և նա անխցէ զմեզ աշխա-  
 տել՝ ամոչիցեմք : Եւ եթէ յիս  
 միայն թողուք զնա՝ ցուցանեմ  
 ձեզ յաւուրս հինգ խնովս խի դրն  
 դաւս, թէ որպիսի մատնեալ վա-  
 տի կորուսանեմ զնա և որք ընդ  
 նմայն են :

Եւ վասն զի ոչ էին գործք անն  
 Գդ իհոնի մարտը հողւոյ արժա-

'նի, այլ այն պիպժ որ էր 'ի նմա՝  
 դաշակէր նմին զանձնէ իւրմէ,  
 թէ յեա հինգ աւուր ջար մա-  
 հաւաւր սատակելոցեա 'ի յարանցն՝  
 սրբ էն ընդ մամիկոնեհին Վահա-  
 նայ. քանզի թափուր գտեալ ամե-  
 նեւիմբ գիւնն՝ յԱստուծոյ ինա-  
 մոցն զայնն, այնուհետե նման Վա-  
 ւաղայ ուր կամէր սպանանէր  
 զնա: Եւ լուեալ զայս ամենայն  
 բանս զօրագլխին Պարսից Շապհայ՝  
 ոչ տայր դուռ անձինն և ոչ  
 զօրացն՝ որ ընդ նմայն էին, այլ  
 փութով զհեա սամն երթայր  
 սրամտեալ, և հասեալ 'ի տեղիս՝  
 բանակէր. կարծէր 'ի տեղիսն ու-  
 թէք անյայտս գետաւաւին թաքչել:

Եւ զօրավարին Հայոց Վահա-  
 նայ մամիկոնէի և իւր ևս զօրուն  
 որ ընդ նմա՝ գտնեա զայն գիշեր  
 հանդասիւ յադեալ քնով, և հա-  
 ւանեցուցեալ զարանն 'ի դեղջ Ե-



ընդայն ժամերի ամենայն անձն երկ-  
 կեպիւն և կամուս ըսէր զհրաման  
 նորա, իբրև թագաւորի որ կար-  
 վեալ իցէ յԱստուծոյ 'ի վերայ  
 երկրի. և ինքն Աստուած ընդ նմա  
 էր յամենայն 'ի գործ ուր և ուղղէր  
 զկամս իւր: Եւ անպա ընդ իւր  
 զարս զօրումն իւրոյ և զշինականան  
 զՆրիւղացիան, գայր հասանէր 'ի  
 վերայ զսկշին 'ի գիշերի. և սպա-  
 ռափակ արարեալ Նրիւղացոքն ըզ-  
 անդի կռուոյն իւրեանց, և ին-  
 ղեանք ըստ նմանութեան տեղա-  
 տարափ շաւաչման՝ նեասձիգ  
 սաստկութեամբ զգունդս Պարս-  
 կացն սհարեկէին: Եւ իստեւալ  
 ընդ միմեանս զամբոխն զօրացն՝ որ  
 'ի զսկշին էին, այլ ևս սուսեւ  
 ինքեանք զինքեանս Պարսիկք սուս-  
 թուր հարեալ կոտորէին. և լինէր  
 ձայն լալոյ և ձայն դուժի 'ի բա-  
 նակէ անօրինացն: Բայց 'ի Հայոց  
 գնդէն Գաբաղ միայն սեպուհն  
 գարեղեան՝ կամաւորութեամբ կը

առեալ և մեծ արուժիւնն ցուցեալ խոցեցաւ. յորոյ վերայ և կատարելութեան սրակի յեռասկաւ ինչ աւուրց արժանի եղև ընդունել յԱստուծոյ :

29. Եւ զօրավարն Հայոց Վահան մամիկոնեան դարձեալ ՚ի կատարածէ թշնամեացն, երթեալ հանդէր զմնացեալ մասն ՚ի գիշերոցն յԱղին գեղջն, զոր Շահայ աւսուանէն, ՚ի դոմս տեղեացն, մինչև յառաւօտուն ծագել. և ՚ի ծագել լուսոյն՝ երթեալ բնակէր ՚ի գիւղն Շոէոյ : Եւ մինչ կամեցեալ հանդէլ աւ վայր մի զօրացն Հայոց Վահանայ մամիկոնէի՝ ՚ի ծանրութենէ գիշերոցն աշխատութեանց, զաչս ՚ի վեր առեալ տեսանէին, և ահա հասեալ կայր ՚ի վերայ նոցա զօրապետին Պարսից Շապուհ, զայրագնեալ սրտիւ մռմնայր իբրև զգազան : Վասն զի առաւել քան զամենայն աւուրց՝ այն գիշերոցն ինասք շարութեան առաւել թը-

Էր նմա և կարեւոր . որ Էղեն իսկ  
 արդարեւ այնպէս , այլ ոչ ինչ նման  
 առաջիկայ մեծ բեկմանն , զոր առ  
 ժամայն էր տեսնուելոյ և խաղա  
 բեկանելոյ : Եւ տեսեալ զօրովա  
 ըին Հայոց Վահանայ մամիկոնէի  
 զյանկարծահաս գիւտեցմունս զօ  
 լապլիսին Պարսկայ Շապհայ՝ ամե  
 նայն բազմութեամբ զօրուն ՚ի վե  
 րայ նոցա , թէպէտ և անպատ  
 րաստ տեսնէր զիւր գունդն ՚ի  
 ժամուն և կամ ՚ի նուազս՝ առ  
 սաստկութիւն թշնամեաց զօրուն ,  
 սակայն զանգիտէր և բնաւ իսկ ոչ .  
 այլ հրաման առեալ փութանակի  
 կապմէր որքան իսկ էին . ձայն բար  
 ձեալ գոչէր առիւծարար , ասե  
 լով . թէ Մարդոյ հաւատացելոյ  
 միւսմ յերկուց վրիպել անհրար  
 է՛ , և գիպմունք երկոքեան մեծ  
 արդոյ էն և պատուական . այլ  
 սակայն մինն յերկուտեան առաւել

ևս մեծ՝ ՚ի վեր է և բաղձալի քան  
 զմիւսն. և ոչ անյօժարք և անխոր  
 հաւրդ. դիտմունք, որում և սա  
 տահեմք յերկոցունց. և որ ցան  
 կացայք կեալ ժուժկալութեամբ  
 և մեռանել չուսով. այլ կեանի և  
 մեռանելն մասն է սարժանաց. և  
 մեռանել ՚ի վերայ ուխտի սրբոյ՝  
 վիճակ է մարտիրոսութեան: Ազգ  
 յայլթութեան մտամբն բալում  
 անդամ սարժաւացոյց զմեզ Աս  
 տուած, և գոհ եմք. իսկ որ աւա  
 լել մեծն է և քան զամենայն ՚ի  
 վեր, զայն ևս պարգևեալ շնորհեա  
 ցէ մեզ հղօրն և սրտկեսցէ: Բայց  
 և այժմ մի զանդիտեալ ոք զար  
 հուրեացի թերահաւատութեամբ.  
 վասն զի Սուրբ Հոգին որ ա  
 սաց, թէ Զորս տէր Աստուած  
 հարկանէ և ՚ի ձեռս իւրոց սիրե  
 լեացն ցուցանէ, մինն զհալարս  
 հալածէ և երկուս զբիւրս շարժէ.  
 արդ և մեք Աստուծոյ, և Աստուած  
 հայի ՚ի մեզ օգնել: Եմք մեք

Թուով սակաւ, բազում հարիւր  
 աւաւել թէ ևս յալովք և կամ նը  
 ւալք <sup>1</sup>. և եթէ խոստմունս ասա  
 ցելոցն կատարել ՚ի մեզ կամի հզօրն,  
 սարսնոցս յերեքհարիւր հազարս  
 զօրուցն շատ մարդկան բազմու  
 թիւնք պիտին <sup>2</sup>. քանզի ոչ գոյ ՚ի  
 նոսա ըստ կշուելոյ ական աւելի  
 քան զչարս հազար արանց. բայց  
 մեք Աստուծով պարծեսցուք զօր  
 հանապաղ, և անուան նորա խոս  
 տման եղևցուք յաւիտեան:

Նւ ասացեալ զայս ակննայն բանս  
 զօրավարին Հայոց Աահանայ մա  
 միկանէի, բաժանեալ որքան իսկ  
 էին արք զօրուն ընդ նմա, սայ իւ  
 բարանչիւր զօրավարացն՝ զօրոյ  
 կարծէր եթէ ՚ի զէս է և պատ  
 շանս: Նւ մինչ գեւ նա կազմէր  
 յարձակմանն, և զօրքն Պարսից  
 ճակատալք կարգմամբ գային  
 սաստկապէս ՚ի պատերազմ, հայե-

1 • 2 • Շփով և պակաս երեւի ի բանաղ. 2

ցեալ տեսանէ զի գոճուդն ամենայն  
 Հայոց դարձուցեալ զերեսս յաւի-  
 տէն երդմանն աւետարանին և  
 'ի խրատուէ զօրավարին Հայոց  
 Վահանայ մամիկոնէի՝ երթային  
 փախտեայք ամենեքեան: Եւ մնաց  
 ինքն և յաւատապահայն Մուշեղ  
 'ի տոհմէն Մամիկոնէից և երե-  
 քեան Վամսարականքն որդիք ե-  
 րանեւոյն Արշաւրայ, ինքեանց եր-  
 կուք կամ երեք դայեկօք, և այլ  
 թուով արք՝ որք 'ի յազաասց և  
 ար իւր խի 'ի Մամիկոնէից աս-  
 նէն, ընդ բնաւ որսէս թէ քա-  
 ռանիւք կամ նաւաղիւք ևս: Արոյ  
 եւս տեսեալ զփախուսան ամենայն  
 գնդին Հայոց առ հասարակ և զար-  
 հուրեալք՝ ասէր ամն ցլօրավարն  
 Հայոց Վահան մամիկոնեան, թէ  
 Յուշ, ասէր, յուշ. այսինքն թէ  
 հնար ինչ է 'ի ժամուս տեղի տալ  
 և անձին գգուշանալ: Եւ զօրավա-  
 րին Հայոց Վահանայ մամիկոնէի  
 տեսանազրեալ զինքն՝ բարձր ձայ-

Դիւ ասէր . թէ Յիս արդ որ յու  
 մի ասէր . զի ինչ յուսուլ 'ի մարդ  
 և կամ պարծել մարդով՝ քաւ լիցի ,  
 բայց միայն 'ի խաչն տեսանն մերոյ  
 Յիսուսի Քրիստոսի :

Եւ քաջարար 'ի մէջ անհնայն  
 զօրայն Պարսից յարձակէր հոն .  
 դերձ լաւ սեխապահ սրամբբ  
 սակաւուք , որ մնային առ Դմա :  
 Եւ ապշեալ ընդ ահաւոր աներկիւ ,  
 զած ուժին զօրավարին Հայոց  
 Վահանայ , և ընդ այլ սակաւ այն  
 քան արանցն՝ որ ընդ Դմա , զհետ  
 զօրաբիւրն Պարսից Շասհոյ , ճե-  
 պով ցիշխանն Սիւնեաց առ Գդի-  
 հոն յղէր , ասէ . Չէան սուր յիս  
 կողմն , վասն զի իրս անպատուան  
 ինն Դորոգս ցուցաւ . զի թէ ար-  
 քարեւ զօրութիւն ինն աներեւոյթ  
 այլ է՝ որ օգնէ Դոցա և մեզ չերեւի ,  
 զայն ես ոչ գիտեմ . բայց էթէ ան-  
 մտութեամբ ցանկան անձնամահ  
 լինել , ապա 'ի մէջ արարեալ զա-  
 մենեսեան զնոսա այսօր ձերբա-

կալս առնեմք: Եւ իշխանն Սիւ-  
 նեաց Գդիհոնն խնդալից եղևալ  
 ընդ կոչն Շապհոյ, նշկահելով փու-  
 թանակի 'ի անդին արշաւէր. և  
 զօրավարն Հայոց Վահան մամիկո-  
 նեան հանդերձ ընդ իւր միասիրտ  
 սակաւ արամբք՝ օգնութեամբ աջոյ  
 հզօրին յարձակեալ՝ հերձանէր  
 զբովանդակ գունդն Պարսից, որ-  
 սէս յորդահոսանք բազմութեան  
 ջրաց՝ որ հեղեղասան զերկիր և  
 անցանէն: Եւ ինքն հզօրաբար  
 քաջ ուխտակցօքն նման աւիւծոյ  
 ընդ մէջ ամենեցուն յայնկոյս  
 ելանէր. և սպանեալ իւր և ա-  
 րանցն որ ընդ նմա՝ բազում արս  
 հզօրս սրտերազմողս 'ի զօրացն  
 Պարսից, հարեալ խոցէին նիւա-  
 կաւ ընդ անութ կարէվէր և զհը-  
 պարտ իշխանն Սիւնեաց զԳդի-  
 հոն, և զահաւորալուր ամբու-  
 թիւնն զինուոն՝ յոր պանծացեալ  
 յուսայր անօրէնն՝ ցեւեալ վեր 'ի  
 վայր թափ ընդ լեարդն զնիզակա-



տէգն հասուցանէին: Արոյ դաւ-  
 նակոսչ չարալըլուկ հեծմամբ  
 յաւուրս սակաւս վճարեալ զողին՝  
 սատակէր անխոստովան. որ սար-  
 ծէնն անբարասաւանութեամբ և  
 սակր. թէ Նս ընդ Վահանայ և  
 այլ Հայերդ՝ ոչ եթէ նեախ կը-  
 աւում, այլ գղզբկով պողեալ զբա-  
 լարս ցնդեմ, ճն և անդր ցիր և ցան-  
 արկից ձորացդ և դաշտացդ: Նւ  
 եղև բան հպարտութեան նորա  
 բեկումն նմին. զոր մասնեալ Աս-  
 սուծոյ ՚ի ձեռս արանց զօրուն  
 Վահանայ մամիկոնէի միանգամ  
 և երկիցս զիշխանն Սիւնեաց զՔղի-  
 հան, և դարձեալ երկայնամը-  
 տեալ ՚ի նա Ասսուծոյ իբրև ըզ-  
 մարդասէր՝ ներէր խնայելով, զի  
 թերևս զղջացեալ՝ դացէ ժամ դար-  
 ձի և սաշխարհութեան և կեցցէ:  
 Նւ իբրև ոչ զգաստացաւ, այլ բնաւ  
 ամենեւեմբ արհամարհեալ զճշմար-  
 տութիւն և եղեալ անպատաս-  
 խանի յաստուածային հարցմանն,

ընկալաւ զառաւելումն ամօթոյ  
 իւրոյ զառախա և զհանդերձելոյ :  
 Եւ զօրքն Պարսից զկնի փախըս-  
 ակնցն Հայոց անցեալ երթային ,  
 յորոց և արս բազումս սպանին  
 'ի թուլացեալ մեղկացելոցն :

Բայց զօրավարին Հայոց Վա-  
 հանայ մամիկոնենի հանդերձ իւ-  
 րօք գործակցօքն զգործ քաջու-  
 թեան վճարեալ Աստուծոյ զօրու-  
 թեամբն , երթայր այնուհետև ան-  
 հոգս որպէս թեակից զօրուն Պար-  
 սից , և գունդք ամենայն զօրայն  
 Շապհոյ և հայել 'ի նոսա լոկ ոչ  
 իշխէին : Քանզի այնպէս արկեալ  
 էր Աստուծոյ զահ և զերկիւղ զօ-  
 րավարին Հայոց Վահանայ մամի-  
 կոնէի 'ի վերայ զօրացն Պարսից ,  
 զի կարծէին թէ 'ի հայեցուածէ  
 լոկ առն մամիկոնենի և յարանցն  
 որ ընդ նմայն էին՝ չկերժանիցին  
 սուանոց վաանդի : Բայց ուխտա-  
 պահ զօրացելոց արանցն որք ընդ  
 զօրավարին Հայոց Վահանայ՝ յար-

ձակեալք նահապտակեցան 'ի ժա-  
մուն, Քոնիժ առաւելեան, և ե-  
րանելին Ներս յովսեպեան, և ե-  
րանելին Աստէն սեպուհն վանան-  
դացի, և երանելին Ղերապարգոս,  
որ էր ազգաւ յոյն:

ՁԳ. Իսկ Սիւնեաց զօրուն թա-  
փեալ գփորոտի իշխանին իւրեանց  
յերկիր, վասն կարի զազրապէս  
հասելոյն, և պատեալ եղեգամբ՝  
առեալ գնացին ազգականք իւր և  
ծառայք յաշխարհն Սիւնեաց: Եւ  
զայն տեսեալ Սիւնեաց այրու-  
ձիոյն բովանդակի, քամակակոտոր  
խորտակեամբ ցրուեալք և քայ-  
քայեալք ընդ այլ և այլ խանա-  
պարհս գնացին յիւրաքանչիւր  
տեղիս:

Եւ Շապուհ պարսիկ գնդին զօ-  
րազուլին իբրև տեսանէր զքա-  
կունն սիւնի գնդին և զահաւոր  
զօրութիւն հակառակորդին Աա-  
հանայ մամիկանէի, զմտաւ ածեալ  
յիշէր զանընդ-դ իմակայ զօրութիւն

նրն , սրտմտեալ զարհուրէր . եթէ  
 զինչ տանիցէ ճխտնայր . Ձի , ասէր ,  
 թէ 'ի կենդանութեանն այնպիսի  
 տան՝ որպէս Քղիզոն էր , և այր-  
 ընտիր գնդաւ յաղթեալ ցաաւ  
 նա և որ ընդ նմայն էին՝ յաւելուա-  
 ծով և այսոցիկ ևս որ ասա են  
 աւ իս , և համարեալ առ ոչինչ  
 Վահանայ՝ երեսուն միայն արամբք  
 'ի վերայ երկից և չորից հազարաց  
 յարձակեալ՝ խորտակեաց զամե-  
 նեցունց զսիրաս , և պատառեալ  
 վեր և ի վայր զայնչափ զօրաց բազ-  
 մութիւն , զայնպիսի մեծամեծս  
 գործեաց վնաս , իսկ այժմ՝ որ  
 պիտի վատահուժեամբ կարացուք  
 զայնպիսի քաջորերոյ ունել զդէմ  
 սակաւացեալքս : Այլ և զայս զմը-  
 սաւ ամեալ երկնչիմ , մի գուցէ  
 ըստ բազմահնար իւրոյ իմաստու-  
 թեանն՝ առաքեալ 'ի մերձակայ  
 սահմանակից տեղեացս , առ հայ  
 մարդիկ գաւառին Անձասայ և Յու-  
 փայ և Հաշտենից , և առեալ 'ի նո-

ցանկ օգնականս որպէս յիւրոց  
 արդականաց, շխարհիցեմք և զասլ  
 րուսնն անձանց՝ որ մնացեալքս  
 եմք՝ գտանել այնուհետև: Այլե  
 կայք փութացուք երթալ յոս  
 տանին Հայոց՝ ի տեղիս, և ձեպաւ  
 դեպանօք զգացուսցուք արքայից  
 արքայի: Վասն զի և նորա՝ թէ  
 սասուածոց օգնութեամբն վճա  
 րեալ է զիւր գործն՝ ժամ է յոս  
 տանն դառնալոյ: Եւ այնուհետև  
 թէ բուռն գնդաւ, և կամ իւր իսկ  
 գլխով, նա իշխէ որպէս և գտանէ  
 ասնել գլուխ Հայոց գործոցս:  
 Այլես գեւանդի գործոյն տեսու  
 թիւնն իբրև զմտաւ ամեալ յիշեմ,  
 ոչ զօրեմ ընաւ իտրհել ինչ և կամ  
 իմանալ. զի թէպէտ և ոչինչ աւագ  
 եմ ժամանակաւ, սակայն և ոչ  
 երբէք յԱրեաց լուայ՝ ի զօրագլու  
 խաց, և կամ ես այժմու ժամանա  
 կաւս և կամ յանցեալ դարս նախ  
 ՚ի պատերազմողաց, եթէ տանն  
 արամք ոք՝ ի վերայ երից հազա

րաց այրընտիր արանց յարձա-  
կեալ և զայնպիսի գործեալ գործ՝  
գնաց ինքն զերծեալ անվնաս:

ՁԵ. Եւ զայս ամենայն զմասւ  
ածեալ այսպէս Շապհոյ, չուէր  
վայելն ՚ի գաւառն Բասենոյ, և  
եկեալ ՚ի գիւղն՝ զոր Ալվարն  
կոչեն. և մինչդեռ ասրակուսեալ  
տանջէին խորհուրդք զնա յեր-  
կիւղէ զօրավարին Հայոց Վահա-  
նայ մամիկոնենի, եկեալ հասանէր  
յանկարծակի գեապան ՚ի Պարսից,  
ունելով գոյժ չարաչար և նամա-  
կանի բազում անողջոյն, զոր գրէր  
աւ Շապուհ ՚ի Պարսից աւագ-  
արերոյ, և Հայ՝ իւրաքանչիւր ազ-  
գականաց և սիրելեաց, որք յան-  
թիւ սաստիկ կոտորածէ Հեփ-  
թալին զերծեալք էին: Եւ ընկա-  
լեալ Շապհոյ զնամականին, և հա-  
սեալ ՚ի վերայ ծանր և կարեւոր  
չարեաց, և զայնպիսի ահաւոր  
գրեկուճն զաշխարհին Արեաց ծա-  
նուցեալ ՚ի գրեւոյն, ՚ի մեծ տըրա-

մութիւնն ասշուժեանն ընկղկեալ  
 զարհուրէր: Աւ կայեալ ժամա-  
 նակս ինչ անխօս՝ իբրև թաշկա-  
 ցեալ, ոչինչ բան կարէր հարցանել  
 զայրն թղթաբեր, և ոչ անձին  
 զդաւ: Աւ զգայեալ յետ բազում  
 ժամուց որպէս յասշուժեանէ և  
 'ի թմրութեանց, և կոչեցեալ զայ-  
 րն առանձին՝ հարցանէր, թէ ո՞ր-  
 պէս և կամ զի՞նք սպաւսպոււ-  
 եհաս այնպիսի վախճան և կործա-  
 նութիւն Արեաց աշխարհին, և կամ  
 ՚կարացեալ զերծանել և երբը ըզ-  
 համբաւ կոտորածից զայնչափ ան-  
 թիւ բազմութեան զօրացն բովան-  
 դակի, և կամ թէ զի՞նք արդեօք  
 մեռաւ աստուածանման անքն  
 Պերոզ, և կամ որպիսի մահու:

Աւ դեռպանին պատասխանի ա-  
 լարեալ սակեր, թէ՛ Քո հարցանելզ  
 պատշաճ և 'ի դէպ է, որպէս ա-  
 մենայն մարդ որ կամի լսել 'ի  
 պատգամաւորացն զիրս պիտոյլցն  
 և զտեղեկութիւնն. բայց ինձ

կարի ծանր է խօսել զվատ բանս ,  
 և առ զբոլոր զայնպիսի չար աղէ-  
 տից 'ի գերժեշտց փախստէիցն . և  
 մանաւանդ յարուստ ոք այնչափ  
 վնասուց և բեկման չէ պատճառ ,  
 բայց ինքն սաստաճանման տէրն  
 Արեաց Պերոզ . և իբրև ոչինչ առն  
 ծառայի՝ զսաստաճոց ստել վատ  
 ինչ՝ մահ է և կորուստ : Բայց վասն  
 զի 'ի ժամուս յաստաճոցն ցաւ  
 մանէ վատ պատահումն եղև տեա  
 ւրն Արեաց և բնաւի աշխարհին ,  
 և պատճառ ոչ ոք եղև այլ , բայց  
 ինքն տէրն իւրուստ անձինն և Ա  
 րեաց , ստել զանտեալս և զլուեալն՝  
 հարկ է , և չվճարի առանց ա  
 սելոյ : Նախ մինչդեռ այդքէն իսկ  
 էր 'ի Վրկանի Պերոզ , և զօրաժո  
 զով արարեալ յամենայն կողմանս  
 կամեր իսողալ 'ի վերայ Հեփ  
 թաղին , խորհեալ առանձին միայն  
 և ոչ զոք հարցանէր 'ի մարդկանէ՝  
 զարժանն և զանարժանն , բայց  
 զայս եւեթ գիտէր ամենայն գնդին



մարդ, եթէ ընդ Հեփթաղին կամի  
 կռուել: Աքեալ և սրտաբեկեալ  
 ամենայն մարդ՝ տեսանել լոկ սի-  
 րով ճկարէր զայնն Հեփթաղ, և  
 կամ զանուանն լոկ լսել, թող թէ  
 կռուով ընդդէմ Հեփթաղի երթալ  
 և կամ յայտնի ելանել, յիշելով  
 զահ և զպաշարուսն՝ զոր անցին ընդ  
 տէրն Արեայ և ընդ Պարսիկս: Եւ  
 յայտնի աղաղակէր ամենայն բե-  
 րան, Նթէ մահապարտ եմք, և  
 արքայից արքայ զմեզ սպանանել  
 կամի, ինքն իսկ անտէն սուր ՚ի  
 վերայ եղեալ հրամայեացէ սպանու-  
 նել, բան եթէ սրով Հեփթաղին տայ  
 կորուսանել զԱրիս, որ դորձ մինչև  
 ցլաւիտեանս զանձն և զԱրեայ  
 աշխարհ վատանուս առնէ: Զսոյն  
 բանս և ամենայն աւագանի դրանն  
 խօսէին աւ միտեանս համապալ, և  
 մանաւանդ սպարապետն Արեայ  
 Վահրամ. զոր և համարձակապէս  
 յականչս Պերոզի բազում անգամ  
 հասուցեալ, և հրապարակաւ բո-

զոքեր . և նա ոչ լսէր ռամբք , և  
 ոչ Կայր և ոչ յիշէր բնաւ զառա-  
 ջին թշնամանս խայտառականաց  
 իւրաց , զոր եղիա անձամբ և ամե-  
 նայն Արեօք 'ի Հեփթաղէ : Դի-  
 մեալ 'ի վերայ այնչափ բազմու-  
 թեամբ Արեօք և Անարեօք՝ գնաց ,  
 որք իբրև զմահապարտ 'ի մահ , և  
 ոչ իբրև զպատերազմողս 'ի կռուել  
 երթային : Տային զրոջց սպրեալքն  
 անտի և զայս ևս , թէ յորժամ մօտ  
 հասար անդր՝ առաքեաց առ Պե-  
 րոյ Հեփթաղն , թէ Քո ընդ իս-  
 ուխտ է երդմամբ գրով և կնքով ,  
 թէ ճկոււիմ ընդ բեզ . և սահմանս  
 կարգեցաք , զորովք ճշխեացուք  
 թշնամութեամբ անցանել առ մի-  
 մեանս . արդ յիշեա զուխտն և  
 զնեղութեան պաշարումնն՝ յոր-  
 մանէ ողորմեալ իմ արձակեցի  
 զբեզ , և ոչ սպանի . և 'ի բաց դար-  
 ձիր խաղաղութեամբ , և մի մե-  
 ռանիր . ապա թէ ոչ լսես բանից  
 իմոց , արդ գիտեա զի կորուսանեմ

զքեզ և զամենայն զանախտան  
 բազմութիւնդ՝ յոր դու յուսա  
 ցեալ ես: Քանցի ես և արդարու  
 թիւնուխապահութեն, ի միասին  
 կուսիմք, և դու և ուխտազան  
 ցութեանն ստութիւն ՚ի միասին  
 էք. և արդ դու ինձ զիօրդ կարեա  
 յազմել: Եւ լուեալ Արեայ զբանս  
 Հեփթալին, ստէին ցՊերող, թէ  
 նա արդար է, և մեք սուս կուսիմք:  
 Եւ Պերողի սասկումէս զայրա  
 ցեալ Արեայ աւագանոցն, պատա  
 խանի արար հարսութեամբ  
 Հեփթալին և ստէ. թէ Չայս բազ  
 մութիւն դուին զոր դուք տեսա  
 նէք, կիտալս ընդ ձեզ կուսիմ և  
 կորուսանեմ, և կիտալս զհոյ տե  
 ղեացդ՝ ուր դու լինիս, կրել սամ,  
 որ ՚ի ծովն որ ՚ի փոսն զոր հասին՝  
 ընում: Եւ սա անդգայութեան  
 սրաին ոչ իմանայր՝ թէ գիակամբ  
 ծառայից իւրոց ընդ է զփոսն  
 զոր փորեաց ՚ի կորուստ անձին  
 իւրոց և ամենայն Արեայ աշխար

հին: Եւ հասեալք առ միսեանս եւ հարեալք 'ի դիմի, կորեաւ ինքն ամենայն որդովք իւրովք եւ աշխարհաւ: Եւ զերծեալք 'ի կործանմանէն արք սակաւ, եւ հասեալք 'ի Վրկան՝ պատմեցին ամենեցուն զամենայն անցս շարեացս այսոցիկ. եւ զամենայն արս աւտգս եւ զայլ մարդիկն որ 'ի Վրկանիս էին, փախուցին յԱսորեստան: Դեռպան արարին 'ի Վիրս առ Հալարաւուստ, եւ զիս այսր առ ձեզ արձակեցին, փութալ ժողովել զձեզ առ միսեանս, եւ գտանել զհնարս, որով լինիցին 'ի միջի եւ ձեր անձինք եւ Արեաց աշխարհ:

22. Եւ լուեալ զայս ամենայն բանս՝ Շապհոյ 'ի դեռպանէն, ստատասխանի տուեալ ասաց. թէ իմ եւ զգունդս զոր այժմ դու ընդ իստեսանես, թէպէտ եւ այդ լուր շարեաց չէր հասեալ, ինդրեաք պատճառս զերծանելոյ 'ի գործոյս յորում եմքս: Վասն զի այնպէս զար

հուրեցուցեալ ապշեցոյց և վատ-  
 նեղեալ աշխատեաց զմեզ ապրա-  
 սամբն Վահան, որոյ իւր իւրք և ա-  
 ռարածք՝ չեն որպէս զայսր ժամա-  
 նակի մարդկան՝ զոր մեր տեսեալ  
 և դիտեմք, այլ իբրև զառաջին  
 քաջացն՝ զոր ՚ի վէպսն պատմեն և  
 լսեմք: Քանզի թող զայլ ժամա-  
 նակաց զնորս և զարանցն որ ընդ  
 նմա են՝ յիշել զդործս և զաներկիւ-  
 զութիւն, զոր իմ և կամ այլ աւագ-  
 որերոյ որ տեսեալ է, այլ յառաջ  
 քան զաւուրս տասն թուով երե-  
 սուն արամբ՝ ոչ միայն ՚ի վերայ  
 այսր բազմութեան որ այժմ աստ  
 են և տեսանես՝ յարձակեալ կը  
 ռուեցաւ, այլ աւելի ևս գնդաւ  
 իշխանն Սիւնեաց Գդիհովն՝ իւր  
 գաւառին այրընտիր ձիով աստ  
 էր, և Վահան գէմ յանդիման  
 այն երեսուն արամբ յարձակեալ  
 ՚ի վերայ, և նման արծւոյ յորում  
 ժամու ՚ի կաքաւուց երամ սլա-  
 նայցէ, իցէ զոր սպանանիցէ և

զայլ զամենեւեան ընդ ծերպս և  
 ընդ սորս վիմաց տեղեաց ցրուիցէ,  
 ըստ նմին օրինակի այսր անդր  
 զայնչափ բազմութիւն զօրացն ար-  
 կեալ զեր 'ի վայր ցրուեցին. սպա-  
 նին և զսկայանման զայրն զԳդի-  
 հոնն, և այլ բազումս կոտորեալ  
 'ի գնդէն, գնային ինքեանք ան-  
 մասք՝ չերկուցեալք բնաւ յաւ-  
 մեքէ: Եւ արդ իջ անճանաչոյ և  
 արհամարհոս հպարտութեն Աե-  
 րոզի հանեալ զայնպիսի որեար և  
 զայսպիսի մեծ և զօգտակար զաշ-  
 խարհ ՅԱրեաց 'ի ծառայութենէ.  
 զոր թէ այժմ զայնպիսի այր, որպէս  
 և յառաջագոյն գիտէի և այժմ  
 քաջագոյն ևս գիտացի, և զնորուն  
 զընկերս՝ որ առ նմա են, և մա-  
 նաւանդ զերիս եղբարսն՝ որ 'ի  
 կամսարականն տոհմէն են, և  
 հնարէի նուաճել և մեր առնել,  
 որպէս մեծ մասն մի թարու-  
 թեան համարէի հասելոյ ծանր  
 բեկման 'ի վերայ Արեաց աշխարհին:

Եւ խօսեցեալ զայս միհրանեանն  
 Շապհոյ և գեապանին ընդ մի-  
 մեանս, հրաման տային զօրոսն, և  
 ըստ կարի օր ըստ օրէ չուցն ձե-  
 պեալք՝ հասանէին յաշխարհն  
 Պարսից: Բայց զկանոսյս Վանաւ  
 րահանացն թողեալ Շապհոյ անդէն  
 'ի Բողբերդի, յանձն առնէր  
 թերգակալին՝ սոէս պատուիրե-  
 լով, բայտւմ զգուշութեամբ պա-  
 հել և առաւելապէս սրբութեամբ,  
 ըստ օրինի բրիտանէից կարգի:  
 Եւ զօրավարին Հայոց Վահանայ  
 մամիկոնենի լուեալ զայս ամենայն  
 բանս և զհամբաւս, յԱստուծոյ  
 այցելութիւն ընկենոյր, և զիրս  
 համբաւոյն և զիր զաշխարհիս  
 Հայոց զպէսս և զհոգսլութիւն,  
 որ գիտէն զիւրաքանչիւր ուրուք  
 զպատշաճ և զօգուտ, և մատակա-  
 րարէ սլորմութեամբ իւրով ըստ  
 ողջախոհութեան ինդրոպացն: Եւ  
 եկեալ հասանէր այնուհետեւ 'ի  
 Վաղարշապատ քաղաք հանդերձ

ողջախորհուրդ և աննենդ ուխ-  
 տապահ նախարարօքն Հայոց. կա-  
 տարէր զսովորական ուխտս և  
 զարատարագս՝ ի սուրբ եկեղեցւոջն  
 կաթողիկէի, զոր հիմնարկեալ նա-  
 րոպեաց մեծապայծառ շքեղութե-  
 թեամբ, զհնացեալ քործ նախ-  
 նեացն իւրոց, քաջ զօրավարն  
 Հայոց մամիկոնեանն Վահան: Եւ  
 ՚ի տեղիս վկայարանացն, նախ  
 հատուցանելով զաղքատացն ըզ-  
 պէտս, և ապա ինքեանք ուրախա-  
 ցեալք զուարճանայիս խնդութիւն:  
 Եւ անտի ջուեալ յոտանն ՚ի  
 Բուսին մտանէին, և դադարեալ  
 անդ աւուրս՝ սպասէին և ակն ու-  
 նէին հրամանի աւաջնորդութե-  
 թեանն Քրիստոսի:

ԶԵ. Եւ լուեալ Հաղարուուխ-  
 տոյ յաշխարհին Վրաց զսպանումն  
 Պերոպի և զանթիւ կոտորած բազմ-  
 մութեանն Վարսից, զարհուրեալ  
 տարակուսէր յանձն իւր, գնալ  
 վաղվաղակի երթալ հասանել յեր-



կիրն Պարսից: Եւ հասեալ 'ի դու  
 ւրն՝ ժողովէին առ նմա մնացորդք  
 Արեայ աւագանոյն, ուրումն  
 որդի և այլայ եղբայր ըստ գիւտից  
 սպրեւոյ 'ի ժամուն: Խորհուրդ  
 'ի մէջ առեալ թէ զո՞ւր ժամն  
 թագաւորութեան նմանեցուցա  
 նել կարասցեն, և խորհեալ զայս  
 'ի բազում աւուրս՝ հաստատէին  
 միաբանութեամբ զիրան 'ի վերայ  
 Վաղարշու, որ էր եղբայր թագա  
 ւորին Արտաշի, որպէս 'ի վերայ առն  
 բարերարի և հեղոյ: Ժողովեալք  
 ամենեքեան առ Վաղարշ, սկսանէր  
 խօսել Հաղարաւուխտ և յայտնել  
 նմա զանձնահաճութիւն և կա  
 մակորութիւն զթագաւորին Ար  
 տաշի. Ար բանութեամբ միայն,  
 առէր, ըստ կամի, և թէ բնաւ հա  
 մարեւով ինչ զոր և կամ խորհելով  
 ընդ ումեք առնէր, զոր ինչ և կա  
 մէր առնէր, և բնաւոր կամաւո  
 րութեամբ գործէր զինչ և կամէր:  
 Արայ էլք անհարց զոր նորա և

մաստիցն՝ ոչ միայն նորա անձինն ,  
 այլ ընդհանուր աշխարհիս Արեայ  
 բերին զկործանումն և զբեկումն :  
 Եւ արդ՝ կամաւ յօժարեալ ամե-  
 նեքեան մեք ընարեցաք զքեզ ,  
 որպէս զայր քաղցր և աշխար-  
 հաշէն , կանգնել քե և հաստատել  
 զգահ թագաւորութեան աշխար-  
 հիս Արեայ , ունել քե շէն զմասն  
 մնացեալ Արեայ աշխարհիս , և  
 զայլ ևս աշխարհս՝ որ ընդ թագա-  
 ւորութեամբս այսուիկ հնազան-  
 դեալ են . քաղցրաբանութեամբ  
 և սիրով ածել ՚ի հաւան զազգս՝ որ  
 ընդդէմ և ապաստմբ , ճանաչել  
 զիւրաքանչիւր ոք Արեայ և Ան-  
 արեայ ըստ իւրում արժանաւո-  
 թութեան , գիտել ընարել զպիտո-  
 նին և զանպիտանն , խորհել ընդ  
 իմաստունս , սիրել զընկերասէրս ,  
 ասել և կորուսանել զնախանձոսս  
 և զբանասրկուս . հայել յամենե-  
 սեան , ճանաչել զբարեգործս , հա-  
 տուցանել վաստակաւորաց զար-

Ժամնի հասուցումն վաստակոց իւրեանց: Զայս ամենայն և զսոցին նման խրատս խօսեցեալ ընդ նմա, և եղեալ վկայութիւնս, բազմեցուցանելին զնա՝ ի դա՛հու թագաւորութեանն Պարսից:

ՁԸ. Խորհուրդ ՚ի մէջ ասեալ այնուհետև Հազարաւորաց միաբանութեամբ Եւազանուոյն յերկրորդումն Եւոբ թագաւորութեանն Վաղարշու, խօսէր Եւաջի թագաւորին Վաղարշու և ասէր՝. Պերոյ արքայից արքայ ձեր եղբայր, որպէս և դուք իսկ գիտէք, զերուն և անձնակամ և անհաւան, և բազումք յարհամարհոտ նորակամակորութենէն փախուցեալք են յԱրեայ թագաւորութենէ, որք շատ և ոչ սակաւ մասամբ վընասեցին Արեայ աշխարհին: Եւ նախ Եւաջին, որպէս մեծ աշխարհս Հայոց, որ և այսօր ՚ի ձեր

ծառայութենէ 'ի բայ կայեալ  
 են. և այն ուր զաշխարհն 'ի բայ  
 ունի 'ի ձեռք, 'ի ջանաջելոյ  
 զայր և զպիտանութիւն նորա,  
 Աերաց կորուսեալ է հան ՝ Արեաց  
 ծառայութենէ զայր լաւ և զայն-  
 պիտի աշխարհ. և թէ որքան ինչ  
 յայնմ աւել յնասք և հարուճն  
 Արեաց աշխարհիս եղև, գիտեն և  
 մենեքեան. բայց թուի թէ և ձեր  
 լուեալ է զամենայն և տեղեակ  
 էք: Բայց աւելի Շապուհ-Միհ-  
 րան՝ զոր գուք կարգեցէք՝ առ  
 զնորա քաշութեան փորձ և զիւր-  
 ըստու. և թէ հարցանէք և լսել  
 կամիր՝ դոյն իսկ սակ ձեզ:

Եւ թաղաւորին Վաղարշու հար-  
 ցեալ զՄիհրան-Շապուհ զգործոյն  
 Հայոց, թէ զինչ կարացեր գործել  
 գործ յաշխարհին Հայոց, և Վա-  
 հանայ զինչ մտաք են և ոյժ, և  
 որակն կարաց այսքան ամս զգէմ  
 ունել Արեացս՝ աստուծոյ՝ զօ-

րուծքն: Եւ Միհրանայ սրտա-  
 խանի տաւալ ապայ. թէ Արանց  
 քաջ, զկախն զոր Հաղարաւուխա  
 մեօք հանդերձ ընդ Վահանայ ա-  
 րար, և թէ Վահանայ իւր զօրքն  
 բովանդակ անդ եղեալ էին, թուի  
 թէ տանէր դյայլթուծիւնն. այլ  
 թէպէտ և յայլթէպք մէք, զայս  
 գիտեմ զի անթիւ բազմութեան 'ի  
 մէնչ կոտորած տանէին: Այլ ձեր  
 թագ այնպէս արարին, զի գնդին  
 Հայոց կէս այրընալիս որեարն այլ  
 ուր գիտէցան 'ի դործ. սակայն  
 սակաւ արամբք սրտիսի ինչ վաս-  
 արար՝ գիտէ ինքն Հաղարաւուխա  
 և այլ պարսիկ որեար, որ անդ էին  
 աւաղք: Իսկ յարժամ Հաղարա-  
 ւուխա 'ի Վիրս գնաց և զիս անդէն  
 զօրագլուխ եթող գնդին, և յայնմ  
 հետէ զինչ Վահան գնեց աշխատ  
 կալաւ՝ կարի սակաւ արամբք, զոր  
 երբեմն թէ հարիւրօք ստեմ՝ ջը-  
 տեմ, և վկայեն ինձ գնդիս մերոյ  
 աւաղորեար, որ անդ էին և այժմ

աստ էն, - կարի ծանր է ասել և  
 անհաւաստալի՞ բանք, թէ այնքան  
 սակաւուք դէմ յանդիման կուռել  
 աներկիւղութեամբ, և զոր ամե-  
 նայն 'ի վակշի վերայ գալ և մե-  
 ծամեծ մնաս առնել: Բայց զմիոյ  
 աւուր գործն ես իսկ յիշեմ որ  
 անդ էի. սակայն նոր համարիմ և  
 'ի վեր քան զմարդկան իրս, թող  
 թէ որ լսէ զիս՝ զկարէ հաւաստալ:  
 Քանզի թուով երեսուն արամբք  
 'ի վերայ երկոց հազարաց ասն յան-  
 երկիւղս յարձակեալ, և զայն  
 պիսի գործ վճարեալ, զոր ամե-  
 նայն որ անդէն էին տեսողքն՝  
 այսօր յիշեն. թուի թէ երկիւղ  
 գործոյն չեղանէ 'ի մտաց. զի և  
 ոչինչ այլ լիմք նման չէին այն նո-  
 ռոք իրք, բայց եթէ յորժամ ժիր  
 մշակք քաջ սուր մանդաղաւ և դե-  
 րանդեաւ զխոտ հարկանիցէն, և  
 բազում որայս մօտ 'ի մօտ առ մի-  
 վեանս կուտեալ թողուցուն, և  
 ինքեանք ուրախալից ցնծութեամբ

անհոգ յիւրաքանչիւր տունս գը  
նայցեն. սասոյգ ըստ այնմ օրինակի  
յարձակեալք 'ի վերայ Միհրանայ  
այնքան արամբք՝ հերձին վեր 'ի  
վայր պատվանդակ գունդն, և շատ  
լաւ որեար կոտորեցին: Եւ զա-  
հաւոր այրն զԳրիհոն զԱիւնեայ  
տէրն սպանին. զոր յիմ միտս  
այսպէս ասէի, թէ լոկ Գրիհոն  
միայն ինքն տան արամբ յիւր  
գնդէն պատահէր այնչափ ասն,  
այն միայն առնէր. և զայնպիսի  
այր և զայլ տկանաւոր և քաջ արս  
'ի պարսիկ մարդկանէ հանին ընդ  
սուր. և ինքեանք ոչինչ խոյս  
տուեալ 'ի բաց վարեցին զձիանս  
իւրեանց, այլ մօտ 'ի մեզ թեակից  
երթային յանհոգս 'ի բազում  
ժամս: Եւ 'ի մեր գնդէն ոչ ուրուք  
իշխեցեալ հայել 'ի նոսա. վասն զի  
աստուածք և ոչ մարդիկ կարծե-  
ցեալ ամենեցուն թուէին մեզ:  
Վասն որոյ և թէպէտ առաջի ձեր  
յանդդնութիւն բանքս իմ, սա-

Կայն յազատս կարծեաց ժամուս  
 համարձակիմ տակ, զի զաշխարհին  
 Հայոց զվեճուածիւնն և զօրուան՝  
 զայն դուք իսկ քաջ դիտէք. բայց  
 այրն Վահան և այլ որեարն որ  
 ընդ նմա են, և այսօր խաղաղու-  
 թեամբ 'ի ձեր ծառայութեան  
 էին, մեծ մասն բարւոյ և միմիթա-  
 րութեան կարեւոր հասելոյ արքա-  
 մութեանս մերոյ՝ համարէի զիրան  
 զայն: Զի յորժամ Հայք այնպիսի  
 որեարով մեր էին, Վերք և Ա-  
 դուանք ճիշտէին բնաւ թիւրեւ  
 զանձինս և այլազգայնս ինչ  
 խորհել:

Եւ լուեալ զայսպիսի կարգեալ  
 բանս թագաւորին Վաղարշու՝ 'ի  
 Միհրանայ և Հաղարուսեխասոյ,  
 և այլ ամենայն Արեայ աւագա-  
 նոյն, միաբան ամենեքեան զասա-  
 ջեալսն 'ի Միհրանայ գովէին, թէ  
 արդարև որպէս են իսկ՝ նոյնպէս  
 ասացեր լաւարար իմաստութեամբ  
 զարդարն: Եւ վաղվաղակի և



փութով զՆերսար<sup>1</sup> զՎչնասարդաս  
 զայր հեղ և մուսյի և աշխար-  
 հաշէն՝ բաղում այրընտիր արամբք  
 'ի Հայս արձակէին: Պատուիրէր  
 նմա ինքն իսկ թագաւորն, այլ ևս  
 աւաւել հոգարարձու թեամբ: Հա-  
 զարաւախա և այլ գրանն աւա-  
 գանին, թէ Արթ 'ի Հայս, և որ  
 ինչ օրինակաւ և է՝ ամենայն  
 քաղցրութեամբ և սիրով ըստ  
 կամայն Վահանայ և նորուն ըն-  
 կերակցայն՝ նուաճեալ զորեարն  
 և յԱրեայ ծաւայութիւն ան:  
 Բայց զգոյշ լեր նախ ժողովել աւ-  
 քեղ զայրուձին Ասրայասականի,  
 որ մօտ 'ի Հայս իցէն, և զայրուձին  
 Հեր և Չարաւանդ դաւառի. մի  
 գուցէ յլեալ քս առ Վահան՝ և  
 նա պատճառանօք քաղցր խօսելով  
 ընդ քեզ՝ խաբիցէ զքեզ և մնա  
 ինչ առնիցէ: Վասն զի այրն ինքն  
 քաջ է և բողմամիտ է. քանզի և

1. Յօր. Է-Ներսար զՎչնասարդաս:

ցայժմ ոչ այնքան այնպիսի գործեան վճարեաց նա և որք ընդ նմա էին՝ լոկ քաջութեամբ. այլ դու քաջ պատրաստեալիր: Բայց թուի թէ արդ Վահան չխորհի այդպիսի ինչ, զի զայդ գործ՝ զսր համարձակեցաւ Վահան գործել և որք ընդ նմայն էին, յանձանաչողութենէ Պերոյի զմարդկութիւնն՝ ըստ հպարտ և անձնակամ բարուցն իւրոց. և չկարացեալ Վահանայ և մարդկանն՝ որ միաբանեցան ընդ նմա՝ տանել արհամարհանայ, դնելով զանձինս ՚ի մահ՝ դիմեցին առնել զայսպիսի իրս սուհարկի: Եւ խօսեալ զայս ամենայն բանս տեառն Արեաց Վաղարշու և ամենայն աւագանոյն ընդ Վրշնասարգոսայ Նիխորոյ, և հրաժարեալ զնա՝ արձակեցին ՚ի Հայս:

28. Եւ եկեալ Նիխոր յաշխարհքն Հայոց՝ ՚չ իշխեաց միջամխել ՚ի Հայոց տեղիսս, այլ դադարեալ ՚ի գաւառին որ կոչէր Հեր, ՚ի

գեօղն՝ որում անուն էր Նըւար-  
 սակ, առաքեաց նա պատգամա-  
 ւորս առ մամիկոնեանն Վահան  
 զՇապուհ խորհրդեան դպիր, և  
 զՄիհրվշնասպ ճուարչայի, որովք  
 ապր գիտել նմա զիրս՝ գալոյն  
 իւրոյ՝ ի Հայս, և թէ հրովարտակ  
 ունիմ առ ձեզ՝ ի թագաւորէն  
 Վաղարշու՝ նուաճել զձեզ խաղա-  
 զութեամբ. և զամենայն աւագ-  
 որերոյ՝ որ յԱրիս են՝ պատգամ  
 ունիմ առ ձեզ. արդ արեք եկայք  
 և լուարուք. և սրպէս է ձեզ  
 հաճոյ և խորհիք, ընտրեցէք որ  
 բարին է:

Եւ տեսեալ Վահանայ մամիկո-  
 նէ ի զպատգամաւորս Նիխորոյ, և  
 լուեալ զայս ամենայն բանս պատ-  
 գամին՝ ի նոցանէն, ժողովէր առ  
 ինքն զամենայն հաւատարիմ ուխ-  
 տապահացն դունդ՝ զնախարարս և  
 զազատս և զամենայն այրեւծիոյ. և

հրամայէր մամիկոնեանն Վահան  
 եկեղոցն 'ի Նիխորոյ՝ սսել առաջի  
 ամենեցուն զբանս թաղաւորին  
 Վաղարշու և զբանս ամենայն Ա-  
 րեաց աւագանոյն : Եւ առեալ  
 լսել մամիկոնենին Վահանայ ա-  
 մենայն Հայորեքոյն միահամուռ  
 զպատգամն Նիխորոյ, սսէր զպատ-  
 գամաւորսն Պարսից՝ առ վաղիւն  
 առնել նոցա պատասխանի :

Եւ ժողովեալ 'ի վաղիւն ամե-  
 նայն Հայորեքոյն առ մամիկո-  
 նեանն Վահան, և խորհեալ նախ  
 ընդ միմեանս զվայնջուց զպէսս և  
 զինդիր իրացն, եկեալ և պատգա-  
 մաւորացն Նիխորոյ յատեանն,  
 սկսաւ խօսել մամիկոնեանն և  
 առնել պատասխանի բանիցն Նիխո-  
 րոյ . Եւ մեր սպստամբու թեան  
 իրացն, և յայսպիսի կարեւոր և մա-  
 հաբերգործ տալ զանձինս, բազում  
 են բանք և կարեւոր . և չէ հնար  
 գրով վճարել և կամ սխառտմաւ,  
 բայց եթէ յանդիման խօսել ընդ

նմա՛ որ Արեաց տէրն է, և ընդ  
 ձեզ՝ որ գրանն աւագանի էք: Բայց  
 երիս բանս ասեմ՝ ձեզ, որ թէ այս  
 երկց բանիցս պատասխանի առնէ  
 ինձ՝ որպէս ես կամիմ և ամենեւ:  
 քեան սոքա՛ որ աստէն իսկ են, և  
 կարէ զայս երիս խնդիրս առ մեզ  
 գրով և կնքով թագաւորին, զա-  
 մենայն զոր ինչ ասէք՝ զպատէհն  
 և զարժանն առնեմք, և բանի ձե-  
 լոյ լսեմք որպէս և նախնիքն մեր  
 լուան: Քանզի ոչ իմ բանքս՝ զոր  
 խօսիսն ես ընդ ձեզ այժմս, այլ  
 նոցա ամենեցուն՝ աւագի և կրտսե-  
 լոյ, որ այժմ՝ ձեր աւաջի են, և ոչ  
 էթէ այսօր ինչ խորհեալ կամ իմա-  
 ցեալ է մեր զբանս զայս, այլ յա-  
 լուր՝ յորում տուաք զանձինս՝ ի  
 մահ, նախ զայս երիս ընտրու-  
 թիւնս խորհեալ եղաք այր ամե-  
 նայն առաջի: Եթէ յանձն առցեն  
 Պարսիկք թողացուցանել մեզ զայս  
 երիս իրս, ծառայեացուք նոցա  
 որպէս զբնիկ և զհաւատարիմ ծա-

ապա . և եթէ ոչ հաւանին յանձն  
առնուլ և խստանան , ելցուք ըստ  
աշխարհ և կորիցուք , և խնդու  
թեամբ մեռցուք . այլ Պարսկի  
տան երկիր ոչ սրագցուք :

Եւ է մին յերկնս՝ Դախ և առա  
ջին խնդիրս այս կարեւոր և պատա  
հի . եթէ պհայրենի և պքնիկ օրէնս  
մեր՝ ի մեզ թողուք , և պհայ այր  
զոր մի՛ մոգ ոչ աւնէք , և ումէք  
յաղագս մոգու թեանս դահ և պա  
տիւ չտայք , և վկրակարանն յաշ  
խարհէս Հայոց ՚ի բաց տանիք՝ և  
զեկեղեցւոյ թշնամանս՝ յաղտեղի  
և յանպիտան մարդկանէ՝ որ  
ցայժմ լինէր՝ յայսմհետէ մեզ ջը  
տայք տեսանել , և քրիստոնեայ  
մարդկան և քահանայից վկարոգ և  
զպաշտօն քրիստոնէս թեան հա  
մարձակու թեամբ և սներկիւղ  
տայք պաշտել՝ ուր և կամին . սպա  
բարի է . և առաջին խնդիր մեր  
այդ է :

Եւ երկրորդ խնդիրն այս է , թէ

զմարդ ոչ իշխանաբար ճանաչէք,  
 այլ իրաւաբար գիտել զլաւն և ըզ-  
 վատթարն, ընտրել զպիտանին և  
 զանպիտանն, խմանալ զոռհմիկն և  
 զանառհմիկն, ունել առ լաւան ըզ-  
 պատուականն և զքայն և զօգտա-  
 կարն, արհամարհել և առ ոչինչ հա-  
 մարել զվասն և զանպիտանն, սի-  
 րել զվատապաւորսն և ատել զան-  
 վատակն, ունել 'ի մօտ զխմա-  
 տունս և խորհուրդս ատնել, և  
 զանմիտն ոչ մօտեցուցանել, այլ  
 և 'ի հրապարակէ եւս հաշածել:  
 Եւ յորժամ այս ամենայն այսպէս  
 լինի, ամենայն իրք Արեւոյ աշխար-  
 հիս աջող լինի և անսխալ. ապա  
 եթէ զլնդդէմն սիրէք՝ որպէս և  
 ցայժմ՝ և ոչ զդէպան, և գործքն  
 այդպէս ընդդէմն լինին, որպէս և  
 եղենդ իսկ և անսխալ:

Եւ երբորդ խնդիր մեր այս է.  
 որ տէրն է Արեւոյ աշխարհի  
 Թագաւոր՝ կամիմք զի ինքն տեսցէ  
 իւրովք աջօք, և ինքն լուիցէ իւ-

բովիք ականջօք, և ինքն գիտասցէ ըզ-  
 վարդ լաւ և վանլաւ, և ոչ՝ այլոյ բե-  
 րանով խօսեսցի զպէտան: Յաղագս  
 որոյ շինի ուղիղ հայեցուածն և  
 ոչ արդար լսողութիւնն, այլ յո-  
 լով սուտ խօսքն ճանաչին և հրա-  
 մանքն ընդունայնք, և բնաւ այլ  
 ընդ այլոյ չինի իմաստն ամենայն:  
 Եւ յարժամ այս ամենայն սյսպէս  
 չինի, կործանեալ ամենայն վաս-  
 տակք՝ և ծառայիւքն կորնչին, և ոչ  
 կարէ կալ աշխարհ և ՚ի նմա բնա-  
 կեալք անշարժ և հաստատուն:  
 Բայց թագաւոր՝ որ իւրովք առողջ  
 աչօքն հայի և աննախանձ շտղու-  
 թեամբ լսէ և արգար բանիւ խօսի  
 ընդ իւր ծառայս, կենդանացեալ  
 ծառայքն՝ չյագին վաստակով, այլ  
 յաւելեալ ՚ի վաստակն՝ օրքան զօր  
 աճեցուցանել ջանան զբարին •  
 այսպէս աշխարհ շինի, և տէրն



չքեղացեալ պայծառանայ հա-  
նասրադ:

Արդ՝ եթէ զայդ այդպէս կարէք  
խոտանալ, զխոտացեալն գրով  
և կնքով հաստատեալ տայք ցմեզ,  
ապա կոչեա և գամք կամաւ և  
լսեմք բանից ձերոց, և հրամանի  
Թագաւորին հաւանիմք զոր ինչ  
ասէ: Ապա եթէ զայս երիս խնդիրս  
ոչ կարէք տալ մեզ, և գիտէք թէ  
չէ հնար, որպէս եգեալ մեզ  
մահ աւաշի՝ պատրաստ եմք մե-  
ռանել, այլ ծառայութիւն առ-  
նել Արեաց տեառն չկարեմք: Եւ  
այլ բանք՝ որ ինչ են, թէ ինչ լինի  
գալ՝ ինչէն իսկ խօսիմ ընդ նմա,  
ապա թէ ոչ լինի գէպ գալ՝ մնասցէ  
բանն և իրքն:

Ղ. Եւ խօսեցեալ զայս ամե-  
նայն բանս մամիկոնեանին Վահանայ  
ընդ Շապհոյ խորհրդեան գպրի և  
ընդ Միհրն Վշնասպայ ճուարշա-  
ցւոյ՝ ուղարկեաց զնոսս. առա-  
քեաց և մամիկոնեանն Վահան ընդ

պատգամաւորսն Նխորոյ և յիւր  
 ուխտակցացն զՅաշկուր արծրունի  
 և զՍահակ կամարականն՝ զերա-  
 նելայ զԱրշաւրայ զորդի, և զՎա-  
 սափուրա Հարքային<sup>1</sup>, և զԱռա-  
 ւան արբերկացի և զՊաճոկ 'ի  
 Մարդպետական գնդէն: Եւ հը-  
 րաժարեալ զամենեւեան զնոսա մա-  
 միկոնեան Վահանայ՝ արձակեալ  
 խաղաղութեամբ առ Նխոր:

Եւ երթեալ նոցա առ Նխոր  
 'ի գաւառն 'ի Հեր, և տեսեալ Նե-  
 խորոյ զՀայերն՝ որ շորան առ նա  
 'ի մամիկոնեան Վահանայ, ամե-  
 նայօժար որաիւ ինդութեամբ  
 ուրախացաւ: Եւ հրաման ար-  
 ւեալ ընթրեացն՝ ընկալաւ զնոսա  
 բաղում գոհութեամբ և յոյժ սի-  
 բով, յիշելով հանապազ ըստ ամե-  
 նայն բաժակի՝ զքաջ մամիկոնեանն  
 Վահան. և կատարեալ զուրախա-  
 լից ընթրիան, գային յիւրաքան-

1. Յօր. կարգային:

ջիւր վանս : Եւ ընդ առաւօտն  
 ժողովեցան ամենայն ատեանն  
 Պարսկաց առաջի Նիխորոյ , և առ  
 առածուրաց մարդիկն որ անդ  
 էին եկեալ , և պատգամաւորքն որ  
 'ի Նիխորոյ . որ առ մամիկոնեանն  
 Վահան երթեալ էին՝ Շապուհ և  
 Միհր-Վշնասպն , և հայ նախա-  
 րարքն և այլ արքն 'ի մամիկոնենէն  
 Վահանայ՝ որ ընդ նոսա էին : Եւ  
 առեալ զպատգամն մամիկոնեանն  
 Վահանայ՝ Շապուհ և Միհր-Վշն-  
 սպայ՝ առաջի ամենայն ատենին  
 յայտնապէս : Եւ լուեալ Նիխորոյ  
 զամենայն զբանն և զխօսս մամի-  
 կոնենին Վահանայ , և խնդալից  
 եղեալ սապ առաջի ամենեցուն ,  
 թէ Սմենայն բանքդ այդ և պատ-  
 գամդ զոր յլեալ է Վահանայ ,  
 արդարեւ աստուածոց արժանի .  
 քանզի որպէս անմեղ են մարդիկն  
 այն՝ զորս բռնի տարաւ Պերոյն և  
 Հեփթաղին կոտորել ետ , և զամե-  
 նայն զարիւնն զայն աստուածքն՝

'ի Պերոզի գլխոյն խնդրեցայ էն,  
 նոյնպէս անվրաս է Վահանն յա-  
 մենայն իւր իւրս՝ զոր խորհեցաւ  
 և գործեաց, զի 'ի բնութենէ  
 չարութենէն Պերոզի գործեաց,  
 և ոչ իւրով կամաւ: Եւ էս մինչև  
 ցայսօր չէի մխիթարեալ 'ի մեծ  
 բեկմանէն՝ որ եհաս Արեաց աշ-  
 խարհին, բայց այդ լուր ուրախա-  
 ցուցեալ մխիթարեաց զիս այսօր.  
 Բայց տայեն աստուածքն և զօրն  
 տեսանել, որ Վահան յիմ՝ ձեռն  
 նուաճեալ՝ Արեաց 'ի ծառայութի  
 Հնազանդի:

Եւ խօսեցեալ զայս այսպէս Նի-  
 խորոյ առաջի ամենայն ատենին.  
 և լուեալ զայս՝ ուխտապահ նախ-  
 արարացն Հայոց և այլ արանց՝  
 որ եկեալ էին 'ի Վահանայ մամի-  
 կոնենէ, տային փառս Աստուծոյ,  
 յորոյ ձեռս են սիրաք իշխանաց,  
 և որպէս ինքն կամի տայ բարբա-  
 ւել նոցա: Աոչէր այնուհետև  
 վաղվաղակի Նիխոր զնոյն պատ-

գամաւորս՝ զՇապուհ իօրհըր,  
դեանս դպիր և զՄիհր-Վշնաստ  
ճուարշացի, և գրէր նամակ առ  
մամիկոնեանն Վահան օրինակ զայս.

Լուայ, ասէ, զամենայն սիօսե-  
ցեալսն քո՝ պատգամաւորացն՝ զոր  
ես առաքեցի առ քեզ. և գրեցի  
բովանդակ զնայն բանս քո՝ ի նա-  
մակիդ. ծանուցանել քեզ, թէ ար-  
գարե խօսեցան ընդ իս զամե-  
նայն և լուայ: Արդ արի եկ առ  
իս վաստահու թեամբ, և զամենայն  
ինդիրս քո՝ որ ի ձեռնդ ոցայդեցեր  
առ իս, և այլ ինչ զոր դու ասես,  
ուխտեալ է Արեաց տեառնն և ա-  
մենայն Արեաց աւագանւոյն՝ ապլ  
լիով և կատարել. և զքեզ և որ  
ընդ քեզ են, որպէս քո կամք են,  
Արեաց տէրն շքեզ առնէ և ար-  
ձակէ ի Հայս:

Եւ զնախարարսն որ եկեալ էին  
՝ ի մամիկոնեանէն Վահանայ՝ սիրով  
ընկալեալ Նիխորայ և պատուեալ  
արձակէր ընդ պատգամաւորս իւր

առ մամիկոնեանն Վահան, մեծաւ  
 պատուիրելով յանձնէր նոցա՝  
 վաղվաղակի և անյարաղ ածել ըզ-  
 մամիկոնեանն Վահան, և հրաժա-  
 րեալ զնոսա Նիխորոյ արձակէր  
 սիրով: Եւ տեսեալ զայն սասուած-  
 ուրաց խաբէբայիցն, ուրք ՚ի  
 միաբանութեան Պարսկացն էին՝  
 յապտաւբայն եկեալ Հայք, թէ  
 որպէս ՚ի Նիխորոյ սասուեալք և  
 մեծարեցան ՚ի Պարսկացն, և ին-  
 քեանք արհամարհեալք են իբրև  
 զանպիտանս, դարձեալք լի ամօ-  
 թով յերկիր կործանէին: Եւ տե-  
 սեալ զայն ուխապահ նախարա-  
 րացն Հայոց, և այլոցն որ ընդ  
 նոսա էին, ակն արկեալ ցուցանէին  
 միմեանց զկորանս նոցա: Իսկ մի-  
 ոմն ՚ի յուխապահացն ասէ ցը-  
 նոսա. Ձի էթէ լոկ ՚ի բանիցն խօ-  
 սելոյ ընդ մեզ սիրով Նիխորոյ՝  
 զձեօք այդպէս ամպ մթազին և  
 շափառուկ անկաւ, և չեբեւիք ՚ի  
 գեանայդ, իսկ յորժամ շնոր-  
 հեացէ Քրիստոս և սեսանիցէք

փառաւորեալ զմամիկոնեանն Վա-  
 հան և զայլ ուխտապահան՝ որ ընդ  
 նմա են՝ փառօք : զոր սաղոց է Քը-  
 ռիստոս, խորտակիցիք իսկ արդեօք  
 և հեղձանիցիք : այլ ՚ի մեծի աւուր  
 յանշէջ դեհենին, զինչ արդեօք  
 դործիցէք հէքքդ և թշուառա-  
 կանքդ :

Եւ զայս ասացեալ ասն՝ գնային  
 ընդ պատգամաւորսն Նիխորոյ առ  
 մամիկոնեանն Վահան : Եւ հա-  
 սեալ պատգամաւորացն Նիխորոյ  
 առ մամիկոնեանն Վահան և մա-  
 տուցեալ զնամակն Նիխորոյ, և  
 յայնմանէ գիտաց ՚ի գրեւոցն՝ թէ  
 լուեալ տեղեկացաւ Նիխոր ՚ի  
 պատգամաւորացն զամենայն յը-  
 դեալն իւր առ նա, և ոչ էր բան  
 յամենայն իօսիցն մամիկոնենին  
 Վահանայ՝ զոր թէ չէր լուեալ  
 Նիխորոյ ՚ի պատգամաւորացն :  
 Տեղեկացեալ ծանուաւ և զայն՝ թէ  
 որպէս ինդ ութեամբ և սիրով ըն-  
 կալեալ զնախարարսն մեծարեաց

Նիխոր. պատմեցին և զչարացար  
կորանս ուրացողացն ջոկոյ, և թէ  
նրպէս կարի և փութով զերթս  
քո խնդրէ փափարեւով, զոր և  
պատգամաւորացն Նիխորոյ ստի-  
պով հաւանեցուցանէին նմա եր-  
թալ:

Ան. Եւ չուեալ այնուհետեւ զօ-  
րավարին Հայոց Վահանայ մամի-  
կոնենի ամենայն ուխտապահ նախ-  
արարօք հանդերձ, և այլ բազում  
և կազմ գնդաւ, որոց լուեալ ուխ-  
տիւք զխնդիրն 'ի Նիխորոյ մա-  
միկոնեանն Վահանայ՝ կամու և  
ցնծալից սրտիւ երթային առ նմա:  
Եւ եկեալ մամիկոնեանն Վահան  
'ի գաւառն որ կոչի Արապ, 'ի  
գեօղն որ անուանեն Նղինդ, գա-  
գարէր անդ ինքն և ամենայն  
գունդքն որ էին ընդ նմա. և ա-  
ռաքէր առ Նիխոր, և զիւր եկն  
տայր գիտել նմա: Եւ ասէր ցնի-  
խոր մամիկոնեանն Վահան. Արդ  
եթէ թուի քեզ գալ իմ և տեսա-



նել զքեզ, տուր ածել առ իս արս  
 աւագս Արիս և յականաւոր տոհ-  
 մաց, որ եկեալ կացցեն աստ առ  
 իմ որեար, մինչև եկեալ ես տեսից  
 զքեզ, և խօսեցեալ իմ և թո ընդ  
 միմեանս՝ լուսիցուք՝ ի միմեանց զոր  
 ինչ՝ ի դէպն թուի մեզ ասնել: Եւ  
 Նիխորոյ լուեալ զեկն և զկամս  
 իննդրոյն մամիկոնենին Վահանայ,  
 վազվազակի տայր տանել ցկամսա-  
 լականն տէրն Շիրակայ Ներսէհն՝  
 զԲազէ զԱտրպայական շահապ և  
 զՎեհնամ՝ զՀայոց հազարապետ,  
 և զՆերս - շապուհ զՄիհրանայ  
 զեղբայր, և զհինգ ևս այր այլ ա-  
 ւագ Պարսիկս: Եւ մամիկոնենին  
 Վահանայ տեսեալ զաւագորեարն  
 զոր աւաքեալ էր Նիխորոյ, ընդ-  
 ունէր զնոսա իննդութեամբ. և  
 ՚ի միասին ուրախացեալք այն օր,  
 ՚ի վաղիւն թողոյր զութեսին ըզ-  
 նոսա առ իւր հաւասարիմ արս,  
 որոց հրաման տայր պատուել ըզ-  
 նոսա արժանաւորապէս և զգու-

չանալ . և ինքն ջուեալ գնդաւ և  
կապուածեամբ գնայր առ Նիխոր :  
Մերձեալք 'ի գիւղն ուր Նիխոր  
էր , հրամայէր զօրուն որ ընդ նմա  
էին՝ վառել ըստ օրինի պատրաս-  
տութեան պատերազմի . որք ընդ  
լսել 'ի մամիկոնեանէն Վահանայ  
զհրամանն , պատրաստեալք յամե-  
նայնի կազմ՝ ջուցանէին նմա զան-  
ձինս : Տայր հրաման մամիկո-  
նեանն Վահան հնչեցուցանել ըզ-  
փողս պատերազմականս . և 'ի  
սաստկութենէ փողոցն ձայնից  
հնչեալ երկիրն թնդէր . յորմանէ  
զարհուրեալք արք զօրուն Նիխո-  
րոյ , կարծէին խաբէութեամբ 'ի  
մտասել զնոսա եկն մամիկոնեանն  
Վահան , և ոչ սիրով 'ի նուաճումն  
խաղաղութեան :

Եւ Նիխոր առաքեալ ընդ առաջ  
նորա արս աւագս , տայր ասել  
ցմամիկոնեանն Վահան . եթէ , Աջ  
ըստ կարգի Արեաց ամուս գու-  
զայդ , այլ նորոգ իրօք այլ իմն

ձեւանաւ . յորում յայտմ հետե  
 քեզ կարի զԱրեայ զկարգն պարտ  
 է ունել և հաւանել . քանզի 'ի  
 չուի՝ փողով յԱրեայ բանակ՝ ըս  
 պարտպետն միայն Արեայ իշխե  
 մտանել , և այ՛ ոք զայդ համարձա  
 կու թիւն 'ի Պարսիկս ոչ ոք իշխե  
 անել : Եւ մամիկոնենին Վահա  
 նայ պատասխանի տուեալ Նիխո  
 րոյ՝ ասէր . Նախ արա զիս Արեայ  
 տեսան ծառայ , ապա և առանց  
 'ի քէն իսկ ուսանելոյ՝ թուի թէ  
 և ես իսկ գիտեմ զԱրեայ աշխարհի  
 զկարգ և զարժանն . մի թուեսցի  
 քեզ հաշտել զիս կարի մտապ  
 կոս . քանզի և ոչ բազում ինչ  
 ամօք գնացեալ եմ 'ի ձէնչ :

Եւ զայս բանս այսպէս 'ի ձեռն  
 պատգամաւորի խօսեցեալ մամի  
 կոնենին Վահանայ ընդ Նիխորոյ ,  
 ապա ինքն իսկ եկեալ տեսանէր  
 զնա յատենի ժամու . վասն զի  
 ընդ ծագել արևուն եկն մամիկո  
 նեանն առ Նիխոր : Եւ Նիխորոյ

տեսեալ զմամիկոնեանն Վահան և  
 զայլ նախարարն զուխասկիցն  
 ընդ նմա, ցնծալից ուրախու-  
 թեամբ բազում ժամս ընկալեալ  
 'ի գիրկս իւր՝ ողջունէր զնա. ապր  
 և զողջոյն զԱրեաց տեառնն Վա-  
 զարշու և զամենայն աւագանոյն.  
 մի ըստ միոջէ յանուանէ ողջունէր  
 և զեկեալ նախարարն մամիկո-  
 նենին Վահանայ՝ յոյժ սիրով,  
 նոյնպէս զամենայն արս գնդին՝  
 զաւագս և զկրտերս: Եւ լուեալ  
 մամիկոնենին Վահանայ զողջոյն  
 Արեաց տեառնն և զողջոյն ամե-  
 նեցունց դրանն աւագանոյն, շք-  
 նորհակալութեամբ գոհանայր եր-  
 կրրապետով, և խնդալից ուրա-  
 խութեամբ ընդունէր: Եւ հրա-  
 ման տուեալ Նիսորոյ զամենայն  
 արս զօրուն Վահանայ մամիկո-  
 նենի 'ի ներքս թողուլ, նոյնպէս և  
 աւագ պարսիկ որերոյ 'ի ներքս  
 կալ յատենին հրամայէր: Եւ կա-  
 տարեալ զամենայն ասացեալք Նի

խորոյ, և լցեալ ամենայն տեանն  
արամբք՝ ու ընդ մամիկոնեանն Վա-  
հանայ էին՝ և այլ պարսիկ որերով,  
սկսանէր իօսել Նիխոր ընդ մամի-  
կոնեանն Վահանայ և ասէր .

Թէպէտ և աշխարհակցութեան  
ընութեամբ չես կեցեալ ընդ իս,  
այլ ըստ բազում անգամ տեսանե-  
լայ վքեղ՝ ի դրան և լսելոյ յաշխար-  
հի մարդկանէ՝ ի Հայոց և ՚ի Պարս-  
կէ, ոչ յանձանաչոյ և ոչ յան-  
պիտան մարդկանէ, այլ ՚ի լաւ և  
՚ի հայեցոյ և յիմաստուն որերոյ,  
զոր այժմ՝ յայսնապէս փորձիւ  
՚ի միտ առեալ գիտացաք ամենե-  
քեան, զի գործ պատերազմի ունի  
քաջութեամբ, նոյնպէս ևս առա-  
ւել իսհականութեամբ և իմաս-  
տիւք վճարի. որպէս և դու վեր-  
կոսեանն զայդ ՚ի քում անձին  
լիով ետուր տեսանել ամենայն Ա-  
րեաց աշխարհի և ճանաչել: Քան-  
զի վքաջութիւն ցուցեր սակաւ  
արամբք. քանզի ցանկաս կուտելով

սակաւութիւն ընդ բազումս , և մեծա-  
 մեծ պայդակիսի վնասանի տանելով  
 և աշխատ ունելով : Աւ զիմաս-  
 տութիւն յայտարարութիւն գիտելով  
 զժամ կուտոյն և զտեղի տալոյ , և  
 անվնաս զգուշոյն 'ի միջի ունելոյ  
 և միւսում ևս ժամու գործոյ  
 պարտաստ լինել և շերկնել : Ձի-  
 եթէ ոչ երկու այդ իւրք 'ի քեզ լի-  
 եպեալ էին , զիմքոզ հնար լինէր  
 քեզ այդչափ կարի սակաւ և թը-  
 ւով արամբք կալ ընդդէմ այնչափ  
 անթիւ բազմութեան պատերազ-  
 մոյ որերոյ , և երբեմն մեծապէս  
 յաղթել , և երբեմն զարհուրե-  
 ցուցանել և աշխատել : Յաղագս  
 որոյ զմասու ստեալ իմ՝ զքս այդ-  
 պիսի արարուած և զմտաւորու-  
 թի , կարի քաջ ճանաչեմ զամե-  
 նայն պատասխանիս՝ զոր տանելոց  
 էս դու մեզ ամենայն բանի , զոր  
 լսես 'ի մէնջ : Ասան զի թէ զապրա-  
 տամբութեանէդ քումմէ հարցա-  
 նեմք , թէ զիմքոզ իշխեցեր խոր-

հել՝ թող թէ առնել, պատասխանի  
 առեալ ասես, թէ չճանաչողու  
 թիւնն Պերոզի և 'ի յետսա  
 հարու թիւն՝ ՝ բռնագաստեաց զիս՝  
 մեռանել, որ զժառայու թիւնն և  
 զվաստակ որպէս զաստուած խըն  
 դրէր, և զվաստակոյն զհատու  
 ցումն առնել՝ և ոչ իբրև զմի յան  
 միտ մարդկանէ խորհէր հատու  
 ցանել: Չի քաջի առն քան զբա  
 զում ժամս հարանօք կեցեալ՝ շատ  
 լաւ է մի օր ծանուցանել զլաւու  
 թիւն անձին և մեռանել: Սւ ոչ  
 ոք յԱրեաց կարէ քեզ մեղազիր  
 վնել՝ խորհել քեզ այդպէս խոր  
 հուրդ և առնել, ոչ որ այժմ՝ Ա  
 րեաց տէրն է և ոչ աւագանի դը  
 րանն, որ գամ մի 'ի միջի են, և  
 դու՛ գիտես: Վասն զի Պերոզ ար  
 քայից արքայ իբրև իւրում անձինն  
 և որդւոց չմարթաց հոգ տանել,  
 բարի ծառայի առ 'նա՝ լաւ ինչ

1. Յօր. 'ի յետ սահաւարու թիւն:

գիտորդ կարէր խորհել և առնել :  
 Ձի զայդ գործ զոր գուգործեցեր ,  
 բայց զի չկարէր ՝ ոք և զի չիշխէր  
 գործել յայնժամ , այլ ամենայն  
 ծառայ այր տեսանելով զնորա  
 ստամբակութեանն զանչափու-  
 թիւն , զամենայն օր խորհէր առնել  
 և չկարացեալ՝ մեռանէր կասէր :

Բայց քո և արանց որ ընդ քեզ  
 եղեն միաբան , առ ոչինչ համա-  
 բեալ զմահ անձին՝ դիմեցին յիրոգ  
 քաջաբար , և որ մեռան 'ի ձէնջ ,  
 'ի Պերոզի ամբարտաւանութենէն  
 խնդրեն աստուածք զարիւնն զայն .  
 և որք ապրելդ կարացայք և 'ի  
 միջի լինել , անպարտ էք և անմիտ  
 էք : Վասն զի որ այժմ Արեաց տէրն  
 է և ամենայն աւագանին՝ զայդ  
 և եթ խօսին հանապազ , և անմի-  
 թար ողբան և արտմին յիշելով  
 զՊերոզի զանհաւան և զանբար-  
 հաւաճ զբարսն , զոր ոչ ունէր



նման մարդոյ, այլ նման չար և  
 վայրենի գազանի: Ար կորոյսս զինքն  
 և զամենայն Արեայ աշխարհի զոյժ  
 և զզօրութիւն, և զթագաւորու-  
 թիւն մի մեծ և զսպաս՝ ՚ի ծա-  
 ռայութիւն եւո շեփթաղին. յար-  
 մէ ՚ի դառն ծառայութենէ՝ մինչ  
 կենդանի է՝ Արեայ աշխարհն զեր-  
 ծանել ոչ կարէ: Բայց դու թէ  
 հաւանեալ նուաճիս, և բնիկ քո  
 նախնեաց տեառն ծառայութիւն  
 առնես, և որ ինչ վասթարն եղև  
 ՚ի մէնջ և ՚ի ձէնջ՝ մոռանաս և ՚ի  
 բայ թողուս, զայս առնես իմով  
 միջնորդութեամբ, դու աստէն ՚ի  
 շայս կաս մինչև թագաւորն կնքէ  
 և սայ բերել առ բեզ. և եկեալ  
 բարեաւ առ տէրն Արեայ, զամե-  
 նայն որ ինչ բարի և արժան է և  
 քում անձինդ և որում դու կա-  
 միս, սայ սիրով և կամու և կա-  
 սարէ:

ՂԲ. Եւ խօսեցեալ զայս ամե-  
 նայն բանս Նիխորոյ յաստենին ընդ

մամիկոնեհին Վահանայ և ընդ  
 ուխտակից նախարարսն Հայոց՝  
 որ ընդ նմա էին, և լուեալ մամի-  
 կոնեհին Վահանայ՝ տայր պա-  
 տասխանի բանիցն Նիխորոյ և  
 ասէր. Աստուծոյ հաշտութիւն  
 յորժամ է ընդ աշխարհի, յառա-  
 ջահայեաց և իմացոյ մտաց գիւրին  
 է անաշխատ ճանաչել: Յորժամ  
 գիշխանս բարեպէրս տայ և լաւա-  
 ծանօթս և աշխարհաշէնս, անդէն  
 և անդ արժան է նուազամասին գի-  
 տել զբարերարութեանն Աստու-  
 ծոյ այցելութիւն, զոր սփռելոց  
 է յաշխարհ և նորոգելոց, որպէս  
 և այժմս ինձ երևի և ամենեցուն:  
 Ձի զատէրն Արեաց իմ ջև ևս է տե-  
 սեալ. բայց կամ իմ տեսանել՝ էթէ  
 տայ ինձ Աստուած միջնորդութեամբ  
 բո, տեսանել այնպէս՝ որ-  
 պէս ամենայն քրիստոնեայ կամի  
 և ախարժայ: Սակայն զքեզ տե-  
 սանելով, զոր նոր խաղաղարար և  
 առիթ բարւոյ այնպիսւոյ աշխար-

հի միոյ առաքեալ է, որպիսի  
 Հայքն, և մեզ՝ որ աշխարհին մար-  
 դիկ եմք, կարի հայեցող ազամբ  
 տեսանել, և ամենեցուն զինամին  
 և զբարիսն՝ զոր սալոց է աշխար-  
 հին և մարդկան որ յաշխարհին  
 են. քանզի տեսանեմք զքեզ կա-  
 մաւոր բարւոյ և սիրիչ՝ անձին  
 համարելով զբարի գիւտն և զաշ-  
 խարհին: Իսկ վասն Պերոպի արքա-  
 յից արքային բարուցն և անձնա-  
 հաճութեանն՝ զոր ասացեր, ան-  
 ընարող մտք ունեւով զծառայս,  
 ջընտրել զլաւն՝ ի վատթարէն, ըզ-  
 քաջն ի վատէն, զիմաստունն  
 յանմաւն, զվաստակաւորն յան-  
 վաստակէն, շատ խիկ և բաւա-  
 կան լիցի քո տեաւն բանն և լիով  
 ասացածն: Եւ ես դռհանամ զԱս-  
 տուծոյ, զի զիս անաշխատ պա-  
 հեցեք՝ յաւնելոյ զլստ հարցման  
 քո զպատասխանիսն: Բայց իմ  
 թէպէտ էր սյդ ամենայն տրտունջ  
 զՊերոպէ, որպէս հանապաղ խաբէ-

ին պնա և զամենայն Արիս արք  
 անպիտանք, ասեցեալք յամենայն  
 սրբասէր մարդկանէ, փախաա-  
 կանք յաշխարհէն ըստ ազտեղի  
 գործոց իւրեանց, լեռնախոցք,  
 աւաղակապէտք, արիւնապարտք,  
 հացկատակք, բանորսողք, խաբէ-  
 բայք, շողակրատք, անյարուզք,  
 վատատհմակք, ճանաչելով զան-  
 ձինս թէ ոչինչ են, և կալ իւրք շկա-  
 լեն, կատաւք յիրէ, ւքեալք յոր-  
 սոյ, գային անկանէին ՚ի մոխիրն. և  
 ձեր տուեալ գինգիրն՝ ինդալով  
 ուղարկէիք, պարգևելով գահ և  
 պատիւ, և այլոց գոտենս և զկեանս  
 և զմեծութիւնս. և նոցա սակաւ  
 մի խոցս եղեալ ՚ի ձէնջ, լւեցից  
 դայլ մեծամեծ թշնամանսն՝ որով  
 թշնամանէին զկրակն յիւրաքան-  
 ճիւր ՚ի տունս, այլ դատս և նա-  
 խատինս աւելորդ աղատց իւրեանց  
 զկրակն առնէին: Եւ վասն զի զայս

գիտէ ամենայն ոք և յայտնի է  
 զի ամենայն արուեստաւոր ոք<sup>1</sup>  
 զիւր արուեստն՝ ինքն գիտէ և  
 օգտեալ է յարուեստէն, զնոյն և  
 որդւոց իւրոց կամի ուսուցանել,  
 զի կեցցեն. և այնպիսի խաբէրաց  
 մարդկան ծանուցեալ թէ ոչ ի  
 մասով և քաջութիւն կեցեալ և  
 մեծացեալ, այլ սուս վաճառա  
 կանութեանն մտխրով, զնոյն փութ  
 թային և որդւոցն իւրեանց ուսու  
 ցանել: Վասն որոց բարձեալ էր  
 յաշխարհէն Հայոց և կորուսեալ  
 վաստակք և միտք, քաջութիւն,  
 տոհմականութիւնն՝ և արդարու  
 թիւն. և ՚ի մէջ անցեալ փերկեր  
 աին դէմքն այդր ամենայնի. և ձեր  
 Արեաց տեսանելով զայն ամենայն,  
 և չծանուցեալ՝ թէ մեր զայն հրա  
 հանգ եղեալ նոցա, և թէ չեն ու  
 սեալ ինչ՝ չգիտեն, չեն մեղադրելի  
 այլ և յատենի ևս այսպանելով՝ ա

1. Յօր. արամիսգրատորք 1

մենայն վատաց և 'ի կռուոյ յեռ-  
 նելոց զՀայս ամէլք օրինակ, նախ  
 Ասորոց, ապա Լքելոց, ապա լու-  
 ծելոց, ապա անդամալուծաց: Ա-  
 բայց թէ ապա և որ նոցա իսկ  
 նման մարդ էր, որ ձեր խարող<sup>1</sup>  
 հացկատակաց շոկն էր, և ոչ  
 կորացեալ մտանէր ընդ գետին.  
 Վասն նոցա և խնդու թիւն եւս  
 թուէր այնպիսի լուրն: Այլ որ  
 մարդ էր և ամօթ կայր 'ի սրտի,  
 և զայնպիսի բանս յԱրեաց տեառ  
 նէն լսէր, ոչ միայն միանգամ և  
 երկիցս և եթ 'ի դէպ էր մեռանել,  
 այլ թէ և տասն անգամ կեայր և  
 հանապազ զնոյն լսէր, տասն ան-  
 գամ արժանի էր մեռանել:

Վասն որոյ և մեք իբրև զխոր-  
 հուրդս զայս 'ի միտ արկեալ իշխե-  
 ցաք խորհել, և զայդպիսի ձազա-  
 նաց բանս՝ որ 'ի վերայ աշխարհիս  
 եղեալ էր Արեաց տեառնն, և կայր

1. Գուցէ խորոզ կամ խոբոզ:

'ի նմին հաստատեալ, և թէպէտ  
 ածաք զմտաւ երթալ ըստ սշխարհ  
 ելանել և կորնչել՝ ճանաչելով զԱ-  
 րեաց ոյժ և ՝ զբազմութիւն, բան-  
 զի չէաք այնքան յիմարք և ին-  
 լացնորք, թէ մեր Արեաց տաշի՝  
 թուով տառապեալ մարդիկ՝ այն-  
 չափ անթիւ բազմութեան զօրաց՝  
 ոչ կարեմք կալ ընդդէմ և կորնչ-  
 չիմք. քաջ տեղեկութք գիտեաք.  
 բայց ապա զայս ածաք զմտաւ, թէ  
 գալտ բնաւ յանպգաստուց զար-  
 հուրեալ գնամք՝ առաւել եւս ըս-  
 տուգասէս հաստատեալ ժառան-  
 դեմք զանուն վատութեանն՝ որ  
 կայր 'ի վերայ մեր. թէ մարդիկ  
 որ այնպէս յետին և անպիտան  
 էին, յիլաւի կորեան, և անհետ  
 եղեալ չերևին ուրիք. արդ նոցա  
 լինել 'ի միջի, ասէիք, և ջլինել ըզ-  
 նոյն վճարէ: Ապա ընտրեցաք նախ  
 ծանուցանել զանձինս, և ապա  
 կամ մեռանել և կամ կորնչել: Եւ  
 եթէ էաք կացեալ միաբանք և

ջէաք պառակտեալք և զայքա-  
 յեալք, ծանուցանէաք եկեղոյն 'ի  
 վերայ մեր, թէ արդարև որպէս  
 զարի՛ այր եմք, և կամ թէ որպէս  
 զԱսորի: Բայց զայս նշան մի տամ  
 ձեզ, և փորձեցէք. զի զորեարն  
 զայն՝ որ գամ մի Պերողի յիւրում  
 թագաւորութեանն մոգութեամբ  
 տէր է արարեալ, և այժմ՝ դահ  
 ունին և պատիւ, և յիւրաքան-  
 ջիւր դաւաւի խիտն են, և ձիոյ  
 տէր են և զինու և գնդի, հրաման  
 տուք՝ զի ժողովեացին միաբան ա-  
 մենայն իւրեանց այրուձիով. և  
 մեք այս ոտն արք թուով՝ զոր դուք  
 գիտէք, որոց ոչ գոյ՝ ոչ տուն և  
 ոչ ծառայ, ոչ գունդ և ոչ տա-  
 նուտերութիւն. և դուք որ Արիք  
 էք՝ զձեր օգնութիւն վայր մի 'ի  
 բաց կալայք, և զաշխարհս Հայոց  
 'ի մեզ և 'ի նոսա թողէք. և որ ոք  
 կարասցէ 'ի միւսմէն հանել՝ նմա  
 տաշիք, և ձեզ ծառայութիւն  
 արասցէ:



Եւ արդ զի մի բազմաբանութիւն  
 վերադառուի ձեր միտս ձանձրա-  
 ցուցից. այլ լռել զօգուանի բազ-  
 մաց, և չասել անհնար է. և քանզի  
 յաղագս մեծ ի աշխարհի էն բանքս  
 իմ գիւտի և կամ կորստեան, և  
 հարկ է լիով ասել. զի մեք որ զան-  
 ձինս ՚ի մահ եգաք, և յԱրեւոյ  
 տեառնէն ՚ի բաց կացաք, զայդ ե-  
 լիս ինչ ՚ի ձեռն պատգամաւորացն  
 գրեցի առ թեզ, և գու նոյնպէս  
 գրով երկրորդեալ ՚ի թագաւորէն.  
 մեզ այդ ինգիրք միայն պիտին, և  
 շնորհեցէք մեզ գրով և կնքով ՚ի  
 թագաւորէն: Զայլ ինչ պարգևի  
 չքեղութիւն, որ ոք վաստակել  
 մարթացէ՝ և տեսանիցէք, հայեա-  
 ջիք՝ և ըստ իւրաքանչիւր արժա-  
 նաւորութեան հատուաջիք. և մեր  
 բնիկ տարք էք, և մեք ձեր բնիկ  
 ծառայք եմք. ընկալայք զմեզ սի-  
 րով, և ծառայեցուցէք ինայելով.  
 և զյանցումն զոր ՚ի բանութեանէ  
 յանցանել ետուք՝ թողութիւն ա-  
 ըարեալ շնորհեցէք մեզ:

29. Եւ Նիխորոյ լուեալ զայս  
 պիսի կարգուին բանիցն 'ի մամի-  
 կոնեւէն Վազանայ, մեծապէս  
 խնդալից սրտիւ ուրախացեալ  
 ասաց առաջի ասեւին. [Թէ Զարրու-  
 մուծիւն մեծ բեկման Արեաց աշ-  
 խարհին որ եհաս, և զթանձրա-  
 մած իսուարն որ եհաս և մտծեալ  
 նստէր 'ի վերայ սրտիս իմոյ, համ-  
 արձակապէս և արդար խօսք Վա-  
 ճանայ և նուաճմանս աւետիք՝  
 փարատեալ զամենայն՝ միսիծա-  
 րեալ ուրախացուցին զիս: Հրա-  
 մայէր արձակել զատեանն. և Որ-  
 ինչ, ասէ, պէար են ինձ և Վաճա-  
 նայ այլ ևս բանից, խօսիմք օր ըստ  
 օրէ, և յաւուրս քանի մի ուրա-  
 խանամք առ միմեանս: Եւ այն օր  
 հրամայէր Նիխոր Վաճանայ, առ-  
 նմա ուրախանալ ամենայն նախա-  
 րարօքն ուխտակցօքն և բովանդակ  
 գնդաւն որ ընդ նմա էին. բայց  
 զուխտանեհան 'ի Հայոց և զու-  
 րացողն հանին արտաքոյ ընթ-

րեացն ամօթալիցս: Եւ ուրախա-  
ցեալք այն օր ըստ օրինի մեծապէս  
ընթրեաց, և հրաժարեալք 'ի Նի-  
խորոյ՝ գնացին հանդէլ 'ի վանս  
Իւրաքանչիւր:

Եւ 'ի վաղիւն ժողովեալ ամե-  
նայն բազմութիւն մարդկան 'ի  
հրապարակն, հրաման տայր Նի-  
խոր մինչդեռ ինքն աւանձինն էր,  
զմամիկոնեանն Վահան տանել 'ի  
ներքս 'ի սենեակ: Եւ խօսեցեալ  
ըստ ժամուն ընդ նմա միայն ընդ  
միայն զբազում ժամս՝ զպէտս կա-  
րևոր իրաց աշխարհի ըստ իշխա-  
նաց հոգսլութեան, գային երկո-  
քեան 'ի միասին 'ի սուն ստենին:  
Հրաման տայր Նիխոր ամենայն  
եկեղոցն ընդ մամիկոնեանն Վահա-  
նայ, նախարարաց և ռամկաց՝ մը-  
տանել յատեանն առ Նոսա, և ա-  
րանց Պարսիկ աւագաց գալ առ  
Նոսա յատեանն: Բայց զարսն՝ որ  
զինքեանս հաւատարիմս Պարս-  
կացն կայուցանէին, հրաման ա.

և ետալ նուիրակացն՝ և ոչ ՚ի Կուրան  
 մօտել տային, ասելով թէ Գործոյ  
 ինչ դուք չէք իմաստուն բանից, և  
 լսել իսկ չգիտէք, արդ՞ զտեղի ա-  
 տենին յարժանաւոր ասնէ ընդէր  
 խափանէք. զի թող նստի անդ  
 մարդ այն՝ որ զխօսս աւարացն և  
 սրանս իմաստնոցն լսել գիտէ և  
 օգտել:

Եւ էր այնուհետեւ տեսանել  
 յայտնի Աստուծոյ արդարաքնին  
 հասուցումն, սիրելի ուխտակա-  
 տարացն իւրոց աալ զպարծանս և  
 զհամարձակութիւն, և խաբէբայ  
 ուրացողացն դասու զգեցուցանել  
 զամօթ և զանարդանս. և գայր ՚ի  
 յաակութիւն բան գրոյն ճշմար-  
 տապէս՝ թէ Աստուծ լոյս է:  
 Վասն որոյ ըստ նմին լուսաւորեալ  
 ծաղէին և երեսք աստուածաւեր  
 պաշտօնէիցն իւրոց ըստ նմանու-  
 թեան լուսոյն՝ զոր ընարեցին ին-  
 քեանք և լուսաւորեցան: Իսկ ՚ի  
 վերայ երեսայ մոխրապաշտացն

նոյն կերպարան մոխրոյն իջեալ  
 նստէր ՚ի վերայ ամբարշտայն, ու  
 ընդ մերկացեալ գլխօք՝ պատրուա-  
 կան հաշկատակացն երեւեցան կեր-  
 պարանք, ցուցակ ստոյդ լի ամօ-  
 թալից ձողանօք: Եւ էին գոյն ա-  
 մենեցուն արդարեւ ըստ ասացածի  
 եկեղեցական հստորին, <sup>1</sup> ծիւ-  
 թեալք, ծնկեալք, երիթացեալք,  
 պատկերի նմանեալք. զորս ար-  
 գարեւ յայտ յանդիման առաջի  
 երբեմն գերջացն խայտառակեալ  
 նշաւակեաց խաչելութիւնն Քրիս-  
 տոսի: Եւ կատարեալ առ նոսա  
 ելանէր ՚ի գլուխ ընտազմութեան,  
 Աջ աջակէս են ամբարիշտք և ոչ այն-  
 պէս. որպէս էին թշուաւացեալք  
 և ուղորակի մարդիկն, որոց՝ աս-  
 թաւանն շնորհ չունէր, և յեկե-  
 վեցւոյ սրբոյ անձամբ մերժեալ  
 արտաքս ընկեցան: Ժողովեալ նրա

1. Եւսեբիոս, յեկեղ. Պատմ. զուրացո-  
 վաց ոմանց:

ատէին առ միմեանս ապշեալք , քա-  
 մակարեկք , զարթուցեալք որպէս  
 յերազոյ ցնորից գիշերոյ : Եւ ընդ  
 Աստուծոյ զօրութեան գործ զար-  
 հուրեալ ապշէին , փութանակի և  
 յանկարծ առնել զնոսա այնպէս  
 դժմիտս և ճաղադէմս առաջի սի-  
 րելեացն իւրեանց . ցանկային բա-  
 զում գնոց առնուլ՝ թէ գոյր հնար՝  
 զապստամբութեն անուան , և ոչ  
 ոք տայր նոցա : Վասն զի որ ոք  
 յայնպիսի անժանօթիցն կամեր  
 երբէք մտանել յատեանն , 'ի բազ-  
 մութեան ասէր ցնուիրակսն՝ թէ  
 յապստամբացն գնդէն եմ , և վազ-  
 վաղակի թողուին 'ի ներքս . այլ  
 ոչ ոք տայր մօտել 'ի դուրս տուե-  
 նին , և ոչ լսել զխօսս իշխանացն՝  
 որ զինչ խօսէին : Յայնժամ յայտնի  
 տեսանէր յատակ ակն խորհրդոյ  
 ճշմարտասիրացն զպայծառարար  
 յաջողութեան ճախրումն Սրբոյն  
 Գրիգորի ամենայն ճգնազգեցիկ  
 ընկերովքն իւրովք՝ 'ի վերայ յեր-

կարահամբեր ուխտապահայն բա-  
 նակին, որ զամենայն երեսս պար-  
 սիկ մարդկանն և զայլն՝ ահիւ և  
 խնդուածք հայեցուցանէր 'ի մա-  
 միկոնեանն Վահան. որով ասցր  
 Քրիստոս խնամ շնորհալից պատ-  
 րաստքան աջողակ 'ի գիւտ խո-  
 հականութեան, ճայնարձակու-  
 թիւն պատուեալ խօսիւք. և կա-  
 տարեալ ելանէր 'ի գլուխ բան  
 փրկչին Քրիստոսի, գրեալն յաւե-  
 տարանն. Աջ եթէ դուք իցէք որ  
 խօսիցիք, այլ Հոգին Հօր ձերոյ,  
 որ խօսիցի 'ի ձեզ:

Եւ երկրորդեալ յատենին զնոյն  
 բանս մամիկոնեանն Վահանայ, սկը-  
 անէր միւսանգամ խօսել ընդ Նի-  
 խորոյ, և ասէր. Յաղաքս իւրա-  
 քանչիւր ուրուք խնդրոյ և օգտի՝  
 որ այժմ աստ են աւաջի ձեր նախ-  
 արարք և սղատք և այլք յոտա-  
 նիկ մարդկանէ և յայրուծիւյ որե-  
 րոյ, ճանաչող էք և կարող, և գի-  
 տէք հատուցանել զարժանն. բայց

Էս և որ ընդ իս ուխտասպահ նախ  
 արարքն են, զոր ինչ ինդրեցաք  
 'ի քէն պատգամաւորօք և գրե-  
 լովքն, զոր և երէկ և այսօր դէմ  
 յանդիման խօսեցայ ընդ քեզ, և  
 դու հրամանաւ Ասեաց տեառնն  
 և հրամանաւ ամենայն աւագանոյ  
 դրանն գրով և կնքով խոստացար  
 տալ մեզ, առանց որոյ անհնար է  
 կեալ մեզ՝ և ծառայութիւն առնել  
 ձեզ, - հաւատոյ քրիստոնէու-  
 թեան հաստատութիւն, մոգու-  
 թեան և ասրուշանաց յաշխարհէս  
 Հայոց բարձունն, զեկեղեցւոյ  
 ըստ մեր կամաց զպայծառութիւն  
 և զպաշտօն, - այդ որ կարևոր է  
 մեզ և հարկաւորապէս պիտոյի,  
 կնքով թագաւորին հաստատեա-  
 մեզ. և այլ զոր ինչ գրեալ է 'ի նա-  
 մակին, գիտես զամենայն, և ոչինչ  
 է պիտո՝ բաղմամբանել առաջի քո:  
 Բայց յազազս գահու և պատուոյ  
 և շքեղութեան, հայելով յիւրա-  
 քանչիւր ուրուք վաստակս՝ առջև  
 անհոգութեամբ և մի՛ զրկեցէք:



27. Եւ զայս ամենայն խօսե-  
 ցեալ մամիկոնեւին Վահանայ, սի-  
 րովչսէր զամենայն Նիխոր, և ա-  
 խորժեղով յանձն առնայրա Յնդրէր  
 Նիխոր 'ի Վահանայ զբնիկ Հայոց  
 զայրու ձին. Ասղմեա, ասէ, փու-  
 թով և արձակեա 'ի Գուռն. քանզի  
 Չարեհ որդի Պերոզի ընդդիմացեալ  
 Արեաց արարուածի՝ գուռդ դեա-  
 կաղմէր 'ի կորուստ անձին իւրոյ  
 և հաւանելոյ ընդ իւր. և դու  
 փութա արձակել զՀայ այրեւ ձի,  
 որ նախ քան զքո երթալն 'ի Գու-  
 ալն՝ և սպաս մի քո մեծ ծանու-  
 ցանի արարուածքդ աւաղի թագա-  
 ւորին և ամենայն Արեաց: Վասն  
 զի և ինձ հրաման ետ թագաւորն  
 վաղվաղակի մտանել 'ի Գուռն.  
 վասն զի աստուածք զայս իրս  
 յաջող և բարերարութեամբ վճա-  
 րեցին, զի եւս աւաւել վաղագոյն  
 երթամ անդր՝ 'ի դէպ է և պատ-  
 շած: Աւրախացեալ Նիխորոյ և

մամիկոնեանն Վահանայ առ մի-  
մեանս ոչ բաղում ինչ աւարս,  
կապէր<sup>1</sup> ստիպով գործոյն պի-  
տոյից: Հրաժարեալք ՚ի միմեանց՝  
չուէին խաղաղութեամբ, Նիխոր  
առ թաղաւորն ՚ի Գուան, և զօ-  
րավարն Հայոց մամիկոնեանն Վա-  
հան ՚ի Գուան:

<sup>1</sup> \* Նւ հասեալք յեզր գեոտյն  
սասակապէս ըստ ժամանակի իւրոյ  
պղտորութեանն, և գիամուրջն  
Արտաշատու գաին աւերեալ. և  
էր ինչ՝ որ ՚ի տեղեացն բնակչացն,  
և էր ինչ՝ որ ՚ի սասակութենէն  
ջուրցն գիմեցմանց, և տարակու-  
սեալ զօրքն՝ խնդրէին տեղիս անցի,  
և ոչ դաանէին. և փորձելով ոմանց  
զբաղում տեղիս՝ ընկղմեալք ՚ի  
ջուրան, և հապիւ գտեալ անդրէն

1. Յօր. կաճեր:

1. Այս հաստուած որ ընդ մէջ\* — \*  
նշանացս՝ յօրինակին յետոյ. գտեալ  
էր քան զմիւսն՝ որ ընդ մէջ\*\* — \*\*  
նշանաց:

ելա՝ ասրէին: Իսկ քաջ զօրավարն  
 Հայոց Վահան մամիկոնեան մեր-  
 ձեալ՝ ի տեղի մի յեզր գետոյն, և  
 տեսանապրեալ զինքն նշանաւ խա-  
 ճին սրբոյ կենսատուի՝ լիւանէր ի  
 գետն, և որպէս ընդ յոյժ տեղի  
 ծանծաղ՝ անցանէր խաղաղու-  
 թեամբ ընդ ջուրսն, որ և տեղին՝  
 ամենայն գնդին լինէր ճանապարհ  
 անցից անհողութեամբ: Եւ լինէր  
 այս նշան մեծ յայտնի, որ և առ  
 ոյժ ՝ կայսածի արանց լինէր ան-  
 ցանել դիւրաւ ըստ կամի, և ամե-  
 նայն այրեւ ձիոյն. ի ճշմարիտ հիմ-  
 նայեալ հաւատոյն քաջ զօրավա-  
 րին Հայոց Վահանայ՝ լինէր նշան,  
 որպէս խրայէլեան ժողովրդոյն  
 յանցանելն իւրեանց ընդ Յորդա-  
 նան: Եւ ապա մտեալ յասանն ի  
 Գուսին, և զնորհակալութեւ զպա-  
 տարադն մատուցեալ Աստուծոյ  
 արժանաւորապէս, և նախ զապքա-  
 տացն ողորմածութեամբ ըստ սո,

վորութեն կատարեալ զտուրս ,  
 աւրախանային և ինքեանք ըստ  
 Աստուծոյ հաճոյլոցն խնդալից «ըր-  
 ախ» \* :

\*\* Եւ կազմեալ մամիկոնեհին Աս-  
 հանայ զայրեւձին Հայոց՝ արձակէր  
 ՚ի Գուռն , կարգեալ զգուռնդն ՚ի  
 ձեռն Արեհայ վանանդացւոյ . ընդ  
 որս կազմեալ արձակէր և զխւր-  
 եղբօրորդի մի , զորդին նահատա-  
 կին Աստակայ գ՛րբիգոր : Արոց  
 հասեալ ՚ի Գուռն ժամանք՝ եր-  
 թային պատրաստութեան գործոյ  
 պատերազմին . և հարեալք ՚ի գիմի  
 միմեանց գուռնդն երկօքեան , և  
 մասնեալ ՚ի պարտութիւն գուռնդն  
 Չարեհի՝ փախտապան լինէին , և  
 բազում վիրաւորք անկեալ յերկիր  
 կործանէին : Անդ քաջացեալ հայ-  
 բանման սեպուհն մամիկոնէից Գը-  
 բիգոր , զուցեալ մեծ քաջութիւն ,  
 յայտնի լինէր զօրավարին և զօրացն  
 ամենեցուն , և հաշակեալ նորա լա-  
 ւութե անուն հասանէր մինչ ՚ի

Թագաւորն Վաղարշ: Լաւացեալ  
 և սեպուհն վանանդացի Վրէն,  
 գործ երևեցուցեալ քաջանայր:  
 Իսկ Չարեհն փախուցեալ ՚ի լեառ-  
 նակոյնն տեղիս ամրանայր. զոր  
 ձերբակալ արարին և ածին ՚ի հրաւ-  
 սարակն արքունի, և սնդ նման  
 անասնոյ փողոտէին յանինայ \* \* :

ՂԵ. Եւ յետ սակաւ աւուրց  
 սախով ժողովեալ մամիկոնեհն  
 Վահանայ զայրեզձին Հայոց, և  
 ինքն և ամենայն ուխտակից նախա-  
 րարքն ընդ նմա, չուեալ գնայր  
 առ Թագաւորն Վաղարշ. և գնա-  
 ցեալ ք ըստ պատեհի աւուրց օթե-  
 ւանայ ճանապարհին՝ երթեալ  
 հասանէր ՚ի Գուռն: Եւ չուեալ  
 Թագաւորին և ամենայն Արեաց  
 աւագանոյն զերթոն Վահանայ ՚ի  
 Գուռն, վաղվաղակի և ճեպով  
 ժամ արարեալ յանդիման լինէր  
 Թագաւորին և ամենայն Արեաց  
 աւագանոյն: Եւ ածեալ զմտաւ  
 զճանապարհորդութեանն աշխա-

ԹԻՒՆ ԹԱԳԱԼՈՐԻՆ ՎԱՊԱՐՂԱԸ  
 ՂԱՄԻԿՈՆԵՆԻՆ ՎԱՀԱՆԱՅ, միայն  
 սակայ սիրով հարցեալ զտղջոյն՝ ու  
 լախանայր. այլ ոչ ինչ աւելի քան  
 զայն հարցանէր զնա՝ այն օր. Եւ  
 վաղիւն ժողովեալ ամենայն աւա  
 Կանի գրանն արքունի և այլ ամե  
 նայն բազմութիւն Արեւոյն, և լի  
 նէր խորան մեծ լցեալ սաստիկ  
 որերով:

Սկսանէր խօսել Թագաւորն Վա  
 վարչ ընդ մամիկոնեանին Վահա  
 նայ. Լուսք, սակ, լիով զամենայն  
 խօսեցեալսն քո ընդ Նիխորոյ. զոր  
 ինչ պատգամաւորօք էիր ստա  
 ցեալ, և զոր ինչ նամակաւ, և զոր  
 ինչ դէմ յանդիման քո և նորա խօ  
 սեցեալ էր ընդ միմեանս՝ պատ  
 մեաց մեզ, և ոչ էր քո ստեալ ՚ի  
 բանիցն զոր խօսեցեալ էր՝ և ոչ  
 բան մի: Վասն զի Աերտղի խմ  
 եղբօրն անձնահաճութիւն կա  
 մայն և անհաւանութիւն խորհրդ  
 դոյն, և անլսողութիւն ումէք և

սմբարտաւանութի, եթէ զքեզ  
 միայն էր կորսուեալ յԱրեւոյ,  
 թեթե ինչ էր միտան. ծառայ մի  
 կորնչէիր, որում թերեւս փոխա-  
 նակ գտանէր. բայց նա իւրով հը-  
 պարտութեամբն այնչափ անթիւ  
 բազմութիւն լաւ որերոյ կորոյս,  
 որոյ այսօր փոխանակ չիք. յետոյ  
 ապա և վինքն կորոյս և զորդիս և  
 զկանայս: Արդ եթէ դու եղեալ  
 ես պատճառ քո կորսուեանդ և  
 այնչափ բազմութեանն՝ որ կո-  
 րեան ընդ քո ձեռն, դու այսօր  
 հարցման արժանի էիր, և պատու-  
 հասի և շարաչար մահու. բայց իբ-  
 րև այլ է. պատճառ ամենայն դոր-  
 ծայդ<sup>1</sup>. այդմ և կորսուեան՝ զոր  
 դու գործեցեր, զքեզ ընդ այլոյ  
 բռնութեան և միտսու պատու-  
 հասել՝ կարի ծանր է, և օրէնք մեր  
 չհրամայեն: Քանզի զայդ գործ՝  
 զոր դուդ կարացեր գործել, առ  
 Պերոյի արհամարհոս և կամակոր

բարուցն՝ բազումք խորհելն յԱ-  
 թիս դործել, բայց չեղեն ձեռն-  
 հաս. զի չկարացին զանձինս 'ի  
 մահ առաջ այդպէս աներկիւղ  
 որպէս դուքդ ետուք, քաղցր հա-  
 մարելով զկենցադոյս տեսիլ. բայց  
 դուք բնաւ առ ոչինչ համարելով  
 զայս աշխարհ, քաջաբար մեռան՝  
 որք մեռանն. և ևս առաւել քաջա-  
 բար կեցայք, որ ապրեցայքդ և 'ի  
 միջի էք: Այլ երանի՛ թէ և այլ  
 որերոյն՝ զորս 'ի զուրն տարաւ  
 կորոյս Պերող, կարացեալ էր առ-  
 նել զայդպիսի քաջասրտութիւն՝  
 զորս դուք արարէք. և թերևս  
 այսօր կենդանի էին իբրև զձեզդ  
 և 'ի միջի և առ մեզ:

Եւ պատասխանի տուեալ մա-  
 միկոնենին Վահանայ՝ թագաւո-  
 ըին Վազարշու, առաջի ամենայն  
 բազմութեանն, ասէ. Խօսել ա-  
 ռաջի Աստուծոյ և առաջի ձեր  
 թագաւորաց երկայն բանիւք՝ չէ  
 արժան: Քանզի ես զամենայն



զխօսս մեր և զխնդիր և զհամար-  
 ձակութիւնս Կորնթոյն, դնել զան-  
 ձինս 'ի մահ, ջուշի ձեզ և ամե-  
 նայն զբանն աւարտանոյ՝ 'ի ձեռն  
 Նիսորոյ Կրով և կնքով. զնոյն բա-  
 ջրում անդամասել՝ յերկարումն է  
 խօսից և ձանձրութիւն: Ասան զի  
 զկամս և զանհաւան բնութիւն՝  
 զոր ասացէք դուք զեղբօրէն ձերմէ  
 զՊերոսէ, շատ էր և սուն թաղա-  
 ւորի անպատշաճ: Բայց 'ի յայլ ոք  
 արդեօք՝ յոր լինէր 'ի նմանէ բըւ-  
 նութիւնս, սամբ էր արդեօք և  
 կամ կենօք և կամ պատուհասիւ-  
 ինչ այլով. իսկ զմեզ հոգւովք  
 հարկանէիք. որում կարեաց և  
 վատնդի՝ ոչ մեր նախնիքն և ոչ մեք  
 աւաշի ճկարացաք կալ: Եւ հանա-  
 պաղ բողոքեալք և բողոքեմք, եթէ  
 սուս թուին մեզ օրէնքդ ձեր, և  
 մարդոց անմտաց բարբանջմունք  
 են. և մի բանադասաէք զմեզ թըշ-  
 նամանել՝ զոր կամաւ խորհրդով  
 պատուել ոչ կարեմք, և ոչ սիրել,

զի ծայր թուին մեզ և ճաւա-  
 րամբ. և իշխանաբար և ըստ բըւ-  
 նութեան չսեալ բողոքոյն մերոյ,  
 և կամէիք կորուսանել զմեզ, և  
 կորուսաք: Քանզի օրէնք մեր զսըր-  
 բութիւն խնդրեն, և զամենայն  
 աղտեղութիւն՝ որով հողիք մար-  
 դոյ կորնչին, ջառնուն յանձն և  
 ճկամին. և տերանց՝ հրամայեն ծա-  
 ւայել և հնազանդ լինել որպէս  
 Աստուծոյ: Եւ արդ ալէ ցուցէք  
 այր մի՝ որ Աերսի արքայից ար-  
 քայի, որ զձեր օրէնս կատարեալ է  
 և սրտուեալ են, թէ վասն և պի-  
 տոյութեան և կամ՝ ՚ի կուռի վաս-  
 տակ և գործ ցուցանելոյ՝ գտեալ է:  
 Վասն զի ձեր Արեաց զօրագլուխք  
 բազում եղեալ ՚ի տեղիս տեղիս,  
 ասասցեն զմիոյ ուրուք ՚ի դոցանէ  
 զերևելի գործ ինչ՝ զոր նոցա արա-  
 րեալ է և ձեր զօրագլխաց տեսեալ,  
 և վասն այնպիսի վաստակոյ նոցա՝  
 ձեր հասուցումն արարեալ է: Իսկ  
 զաղտեղի գործս նոցա և զմահա-

պարտութիւն՝ յայննուպէս գիտեն  
 Կաւառակիցք նոյա և այլ մարդիկ  
 աշխարհին Հայոց, թէ որպիսի  
 մարդիկ են, լի ամենայն աղտո-  
 ղութք, սուտք, անպիտանք, աղ-  
 տեղադործք, դադառաշուրջք, գողք,  
 լեւնախոյսք, գերեզմանակրկիտք,  
 խաբէբայք. և ընդ որս կրսեր  
 շինականք մարդիկ աշխարհին  
 Հայոց՝ հայ գարշէին ուտել ընդ  
 նոսա, և կամ ընաւ ՚ի մօտ խակ եր-  
 թալ աւ նոսա, զի մի պղծիցին  
 Կուցէ ըստ հրամանի օրինաց մե-  
 ռոց, գային ՚ի ձէնջ խաբէութեամբ  
 զձեր օրէնսդ ունէին, և ըստ կամի  
 աղտեղեալ զկրակն՝ զձեզ աւ սն-  
 միտս ունէին:

Յազադս որոյ համարձակապէս  
 ձայնիւ բարբաւով աւաջի ձեր ա-  
 սեմ այսօր, ՚ի բաց բարձէք զխա-  
 բէութեան զվաճառդ զայդ յաշ-  
 խարհէն Հայոց, զոր չունինք աւ  
 արդարս, և չպատուէ սք իբրև  
 Աստուած: ԱՅԼ յեափնն զաւա-

ջինն, վասքն պաւն, և անպիտանն  
 զպիտանին, և որդի ստամբակ ըզ-  
 հայր, և ծառայ չարագործ զսէր  
 իւր, յորժամ 'ի յետս տանել կամ  
 կորուսանել, և զձեր սուս օրէնսդ  
 'ի ձեռն առեալ զամենայն չարիս  
 զոր և կամի գործել՝ գովաւ վճարէ:  
 Բայց այլ՝ գուք 'ի մէնջ որպէս  
 'ի ծառայից զձեր տերանց զպա-  
 ախն խնդրէք, զգործ և զվաստակ  
 և զհարատակութիւն, զօգուս, զարդարմտութիւն, և աստու-  
 ծարար անպիտան մտք զիւրա-  
 քանջիւր մարդոյ ըստ իւրաքան-  
 ջիւր վաստակոյ զարժանն հա-  
 տուցէք: Մեր ամենեցուն այդ  
 բանք են, և այդ խնդիր. եթէ  
 շնորհեալ հաստատեալ զխնդիրդ  
 զայդ մեզ, և 'ի ծառայութենէ  
 ձերմէ զմեզ 'ի բաց չկամիր հանել,  
 որպէս օրէնքն են թաղաւորաց  
 գրով և կնքով՝ զայդ մեզ հաստա-  
 տուն արարէք, և 'ի մէնջ որպէս 'ի  
 ծառայ որերոյ գործ խնդրեցէք և

հայաստակութիւնս . և ձեր մտացի և  
ամենահայեաց ակամբ հայեցա-  
րուք յայր և 'ի գործ նորուն , և  
հատուցէք պարժանն :

Եւ խօսեցեալ զայս ամենայն  
բանս մամիկոնեանիս Վահանայ՝ ա-  
ռաջի թագաւորին Վաղարշու և  
առաջի ամենայն աւագանոց դրանն ,  
և բարձր ձայնիւ գովեցին ամենե-  
քեան և առ լաւս կալան , զարմա-  
ցեալ ամենեքեան ընդ իմաստու-  
թիւնն Մամիկոնեանիս և ընդ շնորհ  
աջողութեանն բանիցն՝ որ ելանէին  
'ի բերանոց նորա : Քանզի ոչ միայն  
հաւատացելոցն , այլ և անհաւա-  
տիցն երևէր բլիսումն պարզեալ  
՝ Աստուծոց բանիցն առն Մամիկո-  
նեանի , որ ախորժակ քաղցրու-  
թեամբ լսելի վնէր յականջս ամե-  
նեցուն :

Որում պատասխանի տուեալ  
թագաւորին Վաղարշու՝ ասէր  
ցմամիկոնեանն Վահան և ցամե-  
նայն հայ նախարարան ուխտակիցս

Մամիկոնեանին . Նւ զամենայն զոր  
ինչ խորհեալ է ձեր և խնայեալ , և  
խօսեցաւ առաջի մեր՝ ձեր Վա-  
հանն , առեալ եղիցի ձեզ մեր  
գրով և կնքով զամենայն խնդիրդ  
ձեր այսօր մինչև յյաւիտեանս :  
Նւ զգործս ապստամբութեանդ  
զոր 'ի բռնութենէն Պերողի և ոչ  
'ի ձեր կամաց գործեցէք՝ թողեալ  
իցէ ձեզ այսօր , և մի՛ ոք իշխեսցէ  
'ի թագաւորաց՝ որ զայս գահ  
ունին , և կամ՝ Արի այր՝ յիշէ՛ւ  
զայդ կամ՝ առանձինն յիւրեանց  
խօսս և կամ՝ առաջի առն Հայոց ,  
չայամհետէ մինչև յաւիտեանս :  
Բայց դուք հպատակութիւն զոր  
արժանի է ծառայից առ տեարս  
առնել՝ հասուցէք առ մեզ լիով և  
կատարեցէք : Նւ զայս ասացեալ  
թագաւորին՝ արձակեցին զա-  
տեանն :

ՂԶ . Իսկ 'ի վաղիւն խորհեալ ա-

ւադանոց դրանն թաղաւորին Վա-  
 դարշու, զոր գիտէին թէ և նա  
 ինքն կարի սիրով ախորժէ և կամի  
 լսել և աւնել, առ ճամիկոնեանն  
 Վահանայ զտէրուծիւն Մամիկո-  
 նեանց և զսպարապետուծիւն Հա-  
 յոց. և թագաւորն կամաւ և սիրով  
 յանձն առեալ՝ ծանուցանէին մա-  
 միկոնեանն Վահանայ զկամս թա-  
 գաւորին Վադարշու, միաբանու-  
 թեամբ դրանն աւադանոց: Եւ  
 մամիկոնեանն Վահանայ պատաս-  
 իանի արարեալ սատր. Ընդգիմա-  
 նալ կամայն ձերոց և հրամանին՝  
 չունիմ իշխանուծիւն. և յիս կողմն  
 կամք ձեր և արարուած կարի մեծ  
 է և առաւել: Բայց կամէի այսպէս՝  
 թէ սակաւ մի գործ ցուցանէի և  
 սպաս, որով ձեզ ըստ արժանի  
 հաճոյ եղեալ՝ հայէիք՝ ի վերայ, և  
 ապա որ ինչ թուէր ձեզ և կամէիք  
 աւնել՝ աւնէիք. բայց առ այս  
 նուազ կամէի թէ ներէիք ինձ:

Եւ թագաւորին և ամենայն Ա-

րեաց աւագանոյն լռեցուցեալ ըզ-  
 բանս մամիկոնենին Վահանայ ,  
 բաղմեցուցանէին զնա 'ի գահու  
 տէրութեան Մամիկոնենից , տը-  
 լեալ զնա ըստ օրինի նախնեաց իւ-  
 ռոց և զսպարապետութիւն Հայոց  
 աշխարհին : Շնորհէին և այլոց  
 ուխտագահ նախարարացն Հայոց ,  
 որք 'ի միաբանութեանն էին ընդ-  
 տեան Մամիկոնենից և սպարա-  
 պետին Հայոց Վահանայ , իւրա-  
 քանչիւր ումեք 'ի ժամուն որ ինչ  
 պէտք էին պատշաճ ըստ անձին  
 արժանաւորութեան : Եւ ընկա-  
 լեալ զամենեւին թագաւորին Վա-  
 զարշու և ամենայն աւագանոյն՝  
 լի սիրով և կամաւոր պատուով ,  
 'ի հրաժեշտի կացուցանէին եր-  
 թալ իաղապութեամբ յաշխարհն  
 Հայոց : Եւ եկեալ տէրն Մամիկո-  
 նենից և սպարապետն Հայոց Վա-  
 հան՝ հրաժարեալ 'ի թագաւորէն  
 Արեաց Վաղարշու և յամենայն  
 զբանն աւագանոյն , հարցանէր



թափաւորն Վաղարշ զնա և ասէր .  
 Վահան սպարապետ Հայոց , գիճ  
 ես զմէնջ . քանչ կալաք՝ թէ պիտի  
 և այլ ևս ինչ , սաս : Եւ զօրավա  
 ըին Հայոց տեասն Մամիկոնեանից  
 Վահանայ՝ պատասխանի տուեալ  
 ասէր զթափաւորն Վաղարշ . Զոր  
 ինչ ձեր բարերարութիւնդ առ  
 մեզ արար , բայց Աստուածն որ  
 ամենեցուն արարիչն է և զամե  
 նայն մարդոյ կամի զբարի և  
 զօգուտ , նմա միայն հնար և վայե  
 լուչ էր ամուել զայդ առ մարդ ,  
 զոր և դուք առ մեզ անարժան ծա  
 ւայլիցս արարէք . այլ մարդոյ մահ  
 կանաչուի անհնար էր : Քանզի  
 զմեան թողէք , գահ և պաախ  
 տուեալ մեծարեցէք , մեռելու  
 թիւն յարուցիչ եղայք , զզուրեալ  
 և զկորուսեալ աշխարհ մի գտեալ  
 կանգնեցէք : Բայց որովհետև հար  
 ցէք և համարձակեցուցէք զար  
 դարն ասել , որպէս եղէք աստուա  
 ծաբար կենդանացուցիչ մեռելու

Թեանս իմոյ, և յարուցեալ իմ՝  
 'ի միջի արարեք, կամէի թէ զբո-  
 վանդակ անձնս յարուցեալ էր և  
 ոչ զկէսս. վասն զի զկէսս մեռեալ  
 տեսանեմ դեռ: Եւ Թագաւորին  
 Վաղարշու հարցեալ ասէր. Այլ՝  
 յայտնապէս ծանո մեզ զպէսս բա-  
 նիդ, զի գիտասցուք: Եւ սպարա-  
 պետին Հայոց տեառն Վահանայ  
 Մամիկոնեից ասացեալ. Զի թէ  
 էր և հնար էր շնորհել ձեզ զաա-  
 նուաէրու թիւնն Վամսարականին,  
 ապա բովանդակապէս շնորհեալ  
 'ի ձէնջ տեսանէի զմեռելու թիւն  
 սմենայն անդամոցս կենդանա-  
 ցեալ:

Եւ Թագաւորին Վաղարշու սլա-  
 տասխանի արարեալ սպարապետին  
 Հայոց տեառն Մամիկոնեից՝ ա-  
 սէր. Յաղագս ոչ կարի տրամեցու-  
 ցանելոյ զքեզ 'ի ժամուս, և դար-  
 ձեալ՝ վասն զինասիս և առաջին զայդ  
 սարգև ինդրեցեր 'ի մէնջ, եղևցի  
 վասն քո տպեալ զաէրու թիւն

Կամնարականին : Իսկ յաղագս  
 տէրութեանն Արծրունեայն , թող  
 վայր մի՛ զի գիտասցեն մարդիկն  
 թէ որ 'ի տոհմէն են , սպաս ինչ  
 արժանաւորապէս ցուցանել առ  
 մեզ , և վաստակս ինչ յօգուտ Ա  
 թեաց աշխարհիս վաստակել . հա  
 յեացուք սպաս և մեք յարժանն :  
 Իսցյց դու այժմու 'ի մէնջ պար  
 դելից դոհ լեր , և ջանա ամենայն  
 ուժով տիրաներ լինել յայսմհետէ  
 և արդարամիտ և աշխարհաշէն . և  
 էրթ բարեաւ 'ի քո ընտանիս և  
 յաշխարհն . և հասելոյ երբէք 'ի  
 մէնջ հրամանի կազմ՝ կաց և պատ  
 ըսաս :

Ահ . Եւ հրաժարեալ թաղաւ  
 ըին Վաղարշու զսպարապետն Հա  
 յոյ՝ զտէրն Մամիկոնէից զՎա  
 հան , և զամենայն նախարարս  
 Հայոց՝ արձակէր խաղաղութեամբ :  
 Եւ եկեալ զօրավարն Հայոց տէրն  
 Մամիկոնէից Վահան յաշխարհս  
 Հայոց , ամենայն ուխտապահ նախ

արարօքն Հայոց, որում ընդ ա-  
 ռաղեղանէր սուրբ այրն Աստուծոյ  
 կաթուղիկոսն Հայոց Յոհան, պա-  
 տուական նշանաւ խաչին և սուրբ  
 նշխարօք ճգնադպեաց նահատակին  
 Գրիգորի, որովք և յուղարկեացն  
 խի 'ի դուռն զամենեան: Եւ  
 պատահեալ սրբոյն Յոհաննու կա-  
 թուղիկոսին՝ զօրավարին Հայոց  
 տեան Մամիկոնենից Վահանայ  
 և այլ նախարարացն Հայոց որ ընդ  
 նմա և ամենայն զօրուն բազմու-  
 թեանն, ողջունէր զնոսա օրհնու-  
 թեան համբուրիւ, և ասէր ու-  
 թախալից սրաիւ. Յնծասցէ անձն  
 խմ 'ի Տէր, զի զճգնեալ սրդւոյ  
 եկեղեցւոյ իւրոյ շնչեաց զքիրտն՝  
 որ վասն անուանն Քրիստոսի քրթա-  
 նեցան, հանդոյց զաշխատութիւնն,  
 մաքրեաց զաղտ զինուցն, լուաց  
 զոգիսն հաւասարմաց ուխտապա-  
 հութեան ջրովն, և զգեցոյց ամե-  
 նեցուն հանդերձ վերկութեան և  
 պատմուճան ուրախութեան, և

որպէս փեռայից եղ. պատկա, և  
 որպէս հարան արքայութեան իւրոյ  
 վարդարեաց զձեզ վարդու: Նոր  
 հեսցէ բարեխօսութեամբ սրբոց  
 իւրոց՝ վարդարել զձեզ և այնու  
 վարդու՝ որով վարդարին առա  
 թեալքն և մարդարէքն յաւուրն  
 Քրիստոսի. զորոյ վարդու պայծա  
 ւութեան տեսչութիւն, զոր ան  
 ոչ ետես և ունին ոչ լուաւ և ՚ի  
 սիրտ մարդոց ոչ անկաւ, զոր պատ  
 րաստեաց Աստուած իրելեաց իւ  
 րոց:

Եւ ասացեալ զայս ամենայն  
 սրբոյ կաթողիկոսին, և օրհնեալ  
 զամենեւեան, նախ դային ՚ի բա  
 ղաքն Վարդաշապատ, որ այժմ ա  
 նուանի Նոր բաղաք: Եւ ըստ սովո  
 րութեան իւրում սպարապետն  
 Հայոց Վահան յառաջից նախա  
 րարօքն Հայոց՝ որ ընդ նմա էին,  
 կային անդ աւուրս, և կատարէին  
 զուխտս և զնուէրս ՚ի սուրբ եկե  
 ղեցւոյն Վաթուղիկէի, և ապա

յիւրաքանչիւր տեղիս նախատա-  
 կելոց կուսանաց . և հողացեալ  
 նախ զպէտս դարձանոց ալքա-  
 տացն՝ լցեալք կատարէին : Քայլն  
 միաբան ամենայն նախարարքն  
 Հայոց և այլ բազմութիւն՝ զամե-  
 նայն օր մեծապէս ցնծութեամբ  
 սաղմոսիւք և ճառիւք հոգևոր վարդ-  
 դասպետաց եկեղեցւոց սրբոց , ու-  
 թախ լինէին զուարճացեալք առ  
 զօրավարին Հայոց տեսանն Մամի-  
 կոնէից Վահանայ , և առ միմեանս :  
 Եւ կացեալ անդ աւուրս , ապա  
 չուեալ զօրավարին Հայոց տեսանն  
 Մամիկոնէից Վահանայ՝ գայր մտա-  
 նէր ամենայն Հայոց բազմու-  
 թեամբն՝ ի բուն ստանն Հայոց ՚ի  
 Դուին , օրհնելով և փառաւորե-  
 լով զՍուրբ Երրորդութեանն զօ-  
 լութիւն :

Ա. Յայնժամ գայ յերկիրս Հա-  
 յոց մարզպան , որում անուն էր  
 Անդեկան , այր իւրացի , մտադիր ,

իմաստահայեաց, որ գիտէր ճանա-  
 ջողութեամբ որոշել զիմաստունն  
 յանմըտէն և զլաւն 'ի վատթարէն :  
 Արոյ տեսեալ օր ըստ օրէ զօրավա-  
 ըին Հայոց զտեառնն Մամիկոնեանից  
 Վահանայ զիմաստից զառաջատե-  
 սութիւն, զարդարախոհութիւն,  
 զաշխարհահոգութիւն, զքաջու-  
 թիւն սրաի, զգիտողութիւն պատ-  
 շաճ յամենայն իրս, 'ի բնաւի զյա-  
 ռաշադիմութիւն. տեսանէր և  
 զայն՝ թէ յոր գործ և յօժարեցու-  
 ցանէր զինքն, թէպէտ և կարի 'ի  
 դժուարինսն, Տէր յաջողէր 'ի  
 ձեռն նորս, և ամենայն դիւրաւ  
 վճարի և անաշխատութեամբ : Եւ  
 ընդ այսչափ աստուածատուր ի-  
 մաստուն աջողութիւնս, որ բնա-  
 կեալ էին 'ի զօրավարին Հայոց  
 տեսուն Մամիկոնեանից Վահանայ,  
 զամենայն օր ըստ օրէ տեսանելով  
 Անդեկանն և զմտաւ ածելով, զար-  
 մանայր 'ի միտս իւր 'ի ծածուկ,  
 և ըստ բարեսէր մտաց իւրոց ու-  
 բախանայր :

Սիրէր զնոյն Անդեկանն, և ՚ի  
 դուռն ամենայն աւագանոյն դրանն  
 ստէպ և իւրոց սիրելեաց զխնաս-  
 տալից միտան աւնն ծանուցանէր :  
 Տա, ր գիտել և թագաւորին Վա-  
 զարշու լիով զամենայն, ճանա-  
 պարհորդեալ յաշխարհէս Հայոց  
 և ինքն Անդեկանն ՚ի դուռնն, զա-  
 մենայն աշողութիւնս զօրավարին  
 Հայոց տեառնն Մամիկոնէից Վա-  
 հանայ, ընդ թագաւորին Վա-  
 զարշու՝ առաջի ամենայն դրանն  
 աւագանոյն յոյժ զարմանալով,  
 թէ եւ յամենայն այգ-պիտի լաւ  
 իմաստունս՝ զոր իմ առ ձեզ բա-  
 զում անգամ դրեալ էր և այժմ  
 ինձէն սասցի, առաւելապէս և օր-  
 քան զոր լինէր տեսանել աճեցեալ,  
 և ոչ փոքր ինչ երբէք նուազեալ ՚ի  
 նմանէ ՚ի սոյն յառաջադիմու-  
 թիւն : Յաղաղս որո, համարձա-  
 կիմ առաջի ձեր ասել յայտնա-  
 պէս, թէ աւելի ձեզ և անդէպ՝  
 անլ մարգարան կայսուցանել : Քանզի



այլ մարդկան որ երթայ 'ի յաշն  
խարհն Հայոց, նախ և առաջի-  
զայն խրատ չունի՝ զոր այրն այն  
ունի. զի յճում անձին այնչափ  
չնորհ և աջողակ խորհրդականու-  
թիւն բնակեալ, բայց 'ի ձէնջ՝ որ  
աստուածանմանդ էք և քան զմարդ-  
կայն բնութիւնս 'ի վեր. այլ ոք  
'ի մարդկանէ համարձակապէս ա-  
սեմ, թէ տակաւ ոք է՝ որ համե-  
մաս է նմա:

Նւ դարձեալ. օտար մարդկանն  
որ երթայ յաշխարհն Հայոց, աշ-  
խարհն մեծ է, յանս երկուս և  
երիս հազիւ կարէ ճանաչել նախ  
զիրս աշխարհին՝ զգիւրն և զգը-  
ծուարն, ապա զմարդիկ աշխարհին  
զլաւն և զվատթարսն, զապի-  
րտասն և զպիտանիսն. և վարելով  
լսա անգիտութեան խառն 'ի  
խուռն՝ ոգւոց շատ ծանր լինի:  
Իսկ նա զի բնիկ 'ի յաշխարհէն է,  
զամենեւեան 'ի յականէ ճանաչէ,  
և զլաւն առ լաւն ունի և զանպի-

տանա առ յեռինս: Աւաւել ևս որ  
 լինի յիրացն, զոր ևս ասեմ ձեզ.  
 մարդկանն պարսիկ՝ որ երթայ  
 յաշխարհն, կնաւ երթայ և որդ-  
 ւովք, գրամբ և սիրելովք, ծա-  
 ւայիւք և աղախնեօք. և այնք ասե-  
 նեքեան թէ Արեաց աստուծ զուճիկ  
 ուտեն, չէ սակաւ ծախան. և թէ  
 զաշխարհին ուտեն, շատ վտանգ-  
 հասանէ աշխարհին մարդկան: Իսկ  
 նա թէ լինի՝ զիւր տանն համբար  
 դատէ, և ամենայն յարքունի գանձ  
 համարի, և արքունի իրաց օգուտ  
 լինի: Եւ յանս Աստուծոց ՚ի լա-  
 ւութիւն հայելով և յաշտակու-  
 թիւն՝ ՚ի բազում ժամուց խոր-  
 հելով՝ ՚ի միաս իմ և լաւ համա-  
 րելով աշխարհին իրաց և արքունի,  
 համարձակեցայ ասել. խորհել  
 զարժանն և ասնել՝ դուք գիտէք,  
 եղբարք:

Եւ լուեալ զայս ամենայն բանս  
 յԱնդեկանայ թագաւորն Վաղարշ  
 և ամենայն զբանն աւագանւոյն,

հաճեալ ընդ բանն ամենայն Ան-  
դեկանայ՝ զարմացան ամենեքեան  
որք լուսնն, և մեծաւ գովու-  
թեամբ առ լուսն կալան զԱնդե-  
կան, որպէս զայր տիրասէր և  
աշխարհաշէն:

ՉԹ. Վաղլաղակի հրամայէր թա-  
գաւորն Վաղարշ, միաբանութեամբ  
ամենայն աւագանոց գրանն և Ա-  
րեաց՝ հրովարտակ առնել՝ ի Հայս,  
և զսէրն Մամիկոնեանից և զգորա-  
վարն Հայոց Վահան՝ մարդսան ՚ի  
վերայ աշխարհին Հայոց կարգել:  
Նւ բերեալ զհրովարտակ մարդսա-  
նութեանն՝ տային զգորավարն Հա-  
յոց զսէրն Մամիկոնեանից Վահան,  
և աջով հղօրին Աստուծոյ մարդ-  
սան ՚ի վերայ աշխարհին Հայոց  
կարգեալ հաստատէին:

Իսկ սէրն Մամիկոնեանից Վահան  
զօրավարն Հայոց և մարդսան՝ ըն-  
կալեալ զհրովարտակն մարդսա-  
նութեան ՚ի ձեռաց դեսպանին,  
թէպէտ և զխանսածութիւն հայ

մարդկան ճանաչելով ծանրանայր  
ընդ իրս, այլ սակայն և ոչ ընդդի-  
մանալ հրամանի թագաւորին իշ-  
խէր և անհնազանդ լինել: Առեալ  
զհրովարտակն՝ ինգրէր վազվա-  
զակի անդրուվար՝ երթալ՝ ի սուրն  
Աստուծոյ: Եւ լուեալ զայս մարդ-  
կանն՝ որ՝ ի քաղաքին, դրոհ ար-  
ւեալ առ հասարակ ամենայն  
մարդոյ՝ նախարարաց և ազատաց,  
սատանկաց և ռամկաց, արանց և  
կանանց, ծերոց և տղայոց, այլ և  
հարսուհիք անգամ յառագաստաց  
մտապեալ առ վայր մի առ ինդին  
զամօթ հարմուլթեան, գլխեալ  
ընթանային յեկեղեցին: Եւ ոչ բա-  
ւեալ ընդունել զամենեւեան սանն  
Աստուծոյ, լնուին արտաքոյ սրահք  
եկեղեցւոյն և փողոցք և ամենայն  
տեղիք հրապարակայն շուրջանա-  
կի: Եւ էր այն օր անյագ ինդու-  
թիւն և անպառ ուրախութիւն  
աստուածասէր բարեսիրացն և ող-  
ջախորհուրդ մտաց լաւահայեցաց,

և սուղ թախանձալից և արամու-  
թիւնն անմխիթար՝ խօթամասացն և  
խարդախաց :

Նւ սրբոյ կաթուղիկոսին Հայոց  
Յովհաննու աւետալ զանկար-  
ծելի աւետաւորութիւնն շնոր-  
հեալ յԱստուծոյ 'ի ժամանակս  
Երանելոյն , բերկրեալ ցեծալից  
սրաիւ՝ տայր սաղմոսել 'ի ժամունն ,  
Յեկեղեցիս օրհնեցէք զԱստուած ,  
և զՏէր յաղբերացն Նորայելի . և  
կարդացմունս հրամայէր զտեղի  
ելիցն Նորայելի 'ի ծառայութենէն  
Փարաւոնի , և 'ի Թագաւորութեանէն  
զընթերցուածն՝ ուր թա-  
գաւորեցոյց Դաւիթ զորդին իւր  
զՍողոմոն : Նւ եկեալ ինքն 'ի  
տեղի լսողութեանն աստիճանին ,  
և սուեալ զխաղաղութեանն ող-  
ջոյնն և ասէր <sup>1</sup> .

1 . Գուցէ ըստ հեղինակոյ և յան-  
պատրաստից խօսից հայրապետին գրեալ  
է ճառի . յորում ընդ բաղում վայելուչ  
և պատշաճ իմաստից՝ են և անյարմար  
բանք , լաւագոյն օրինակօք ստուգելիք :

Յ. Բազում կերպարանօք և ազ-  
 գի ազգի ցուցակութեամբք փր-  
 կիչն մեր և տէր Յիսուս Քրիստոս  
 զիւրոյ դաշտեանն և մարդանա-  
 լոյն 'ի սուրբ և յաստուածածին  
 կուսէն ծրագրեալ՝ յայտաբերէր  
 մեզ զօրինակն 'ի սկզբանէ: Մորե-  
 նեաւն՝ զերանելի կոյսն, եգիպ-  
 տական նշանագործութեամբք՝  
 զանազատութիւն հրէական օրի-  
 նայն, զենամբք գառնին՝ զազատա-  
 բերութիւնն Խորայէլի. որոյ ճրշ-  
 մարիտ գառնինն զենամբք՝ փրկելոյ  
 էին ամենայն արարածք. ծովուն  
 ճանապարհորդութեամբն՝ զաւա-  
 զանին զնորածնութիւն, հեղձ-  
 մունս Ագիտապուոյն՝ զհնոյ մար-  
 դոյն մեռելութիւն. 'ի Յորդա-  
 նան ճանապարհորդելոյ ժողո-  
 վրրդեանն պատահումն, ըսադրելոյ  
 'ի կարգին, երկօտաւան ըլխեցե-  
 լոյն ալբերցն, և եօթանասուն  
 արմաւենեաց ծառոցն, Ընտրեաց,  
 ասէ, Փրկիչն այլ ևս եօթանա-

սունա, զորս և աւաքեաց 'ի բժշկ-  
 կուածիւն հիւանդաց. որոց թէ-  
 պէտ և սաղոց ճաշակմունք զհամն  
 քաղցրութեան ունէին յինքեանս,  
 այլ անդէն անկապորձեալ 'ի տեղ-  
 ւոջն՝ ցուցան աղբերս ։ Իսկ եւթ  
 երկուստան աղբերայն յորդա-  
 բուղի սկանց 'ի բացարձակ տե-  
 դիս ծաւալեալ՝ զբաղուսն ծաւա-  
 լեալ անդաստանս ցուցանեն ծաղ-  
 կալիցս և սաղալիցս և սաղաբերս .  
 որք զերանելի երկուստանից աւա-  
 քելոցն ունէին զկերպարանս, զս-  
 բոց և այսօր սաղմոսերոցն յայս-  
 նեաց զճշմարտութիւն, ըստ ստե-  
 լոցն. Յեկեղեցիս օրհնեցէք զԱս-  
 տուած, և զսէր յաղբերայն Իս-  
 րայէլի : Այս յորդաբուղիս աղբե-  
 րաց շնորհ, նման եղեմեան գրախ-  
 տին աղբեր, զորմանէ ստէ, ելանէր  
 յերկրէ և ուռդանէր զամենայն

1. ԱՆՍՈՒՂ ԻՆՆ ՎԵՍԻ :

Էրեա երկրի. ծծեալ սուրբ առա-  
 քելոցն 'ի կուսածին աղբերէ Բա-  
 նին, լցեալ յուսթեցին զամենայն  
 Էրեա երկրի: Ի սոցա քարոզու-  
 թեան ծովուս՝ մեղք մեռանին,  
 արարածք կենդանանան, Փարաւոն  
 ընկղմի, Խարայէլ ապրի, ծառայու-  
 թիւնն սպառի, ազատութիւնն  
 Հաստատի, գառն բաշխի, ազինք  
 անմահանան, ճաշակողք դաւինն՝  
 Էրկնաճանապարհորդք լինին, ան-  
 ճաշակողք՝ ծովասոյզք կորնչին,  
 Հեթանոսք խարայէլանան, սատա-  
 նայ փարաւոնակերպ 'ի Յորդա-  
 նանու յորձանան սուզեալ կիզու:

Ո՛րոր և անպատուին սքանչե-  
 լեաց դործ: Երեք անարատ ման-  
 կունքն զքոց Հնոցին ցողացուցին,  
 և վաակք երկոսասան՝ աղբերցս  
 քարոզութեան՝ զՂուրսն մկրտու-  
 թեան աւաղանին հրացուցին. այլ  
 մի և նոյն բարեձև Բաբելոնի Հնոցն  
 և բաբելայի անօրինացն բոցա-  
 նայր: Եւ սատ զոմանց՝ աւաղանին



Ջուրք լուսայեալ զալա զոգւաց  
 մկրտելոցն՝ լուսազարդեալ նո-  
 րոգեն, և զարդարութեան թըշ-  
 նամին հանդերձ գործովք հին մար-  
 դոյն յայլիչ հուր անանցական  
 փոխեալ կիզուն:

Նկեղեցւոյ սիրիչք, առաքելոցն  
 որդիք, Քրիստոսի արեանն գինք,  
 մի ծառայեցուցանէք զոգիւ ձեր  
 երկիւլի մարդկան. աւելք զկայ-  
 սերն՝ կայսեր, և զԱստուծոյն՝  
 Աստուծոյ: Յեկեղեցիս օրհնեցէք  
 զԱստուած, և զՏէր յաղբերացն  
 խորայելի: Ահա սիրեցէք զեկե-  
 ղեցիս, և սիրեցաք յեկեղեցւոյ,  
 զթագաւորս՝ քաղցրացոյց եկե-  
 ղեցի, զգալանս՝ ընդելացոյց,  
 զգայլս՝ գաւինս արար, զձեզ սրայ-  
 ծառայոյց, զթշնամիս ճշմարտու-  
 թեան ամաչեցոյց:

Այլէս այսօր առ ցնծալ սրաիս  
 և ուրախանալ մտացս՝ համբար-  
 ձեալ զձեռս ՚ի յերկինս ընդ ձե-  
 րոյն Դաւթայ աղաղակեմ առ Աս

տուած , զոր ինչ գրուածաց Գո-  
 չութեամբ նա յաղագս որդւոյն  
 իւրոյ Մողմանի մատուցանէր Աս-  
 տուծոյ բարձրելոյ՝ բան . Օրհնեալ  
 տէր Աստուած Խորայելի , որ էտ  
 ինձ ՚ի դաւակէ իմմէ նստել յաթոռ  
 իմ , և աչք իմ տեսանեն : Չայնա-  
 կցելով ընդ մարդարէ ին ասեմ զնոյն  
 և էս . Օրհնեալ տէր Աստուած  
 Խորայելի , որ էտ ինձ տեսանել  
 զորդիս եկեղեցւոյս , որ ինձ հա-  
 լաասացաւ , պատուով շքեղու-  
 թեամբ պայծառացեալ ՚ի Քրիս-  
 տոսէ : Հրէայքն պապանձեացին ,  
 ուրացողք ամաչեացեն : Փախեաւ  
 Ագոնիա , որ առանց Աստուծոյ  
 կարծէր թագաւորել . օգնակա-  
 նացն զգեցեալ զամօթ՝ սալարեալք  
 ընդ սեղանոմն թափչին . թագա-  
 ւորեցին , ասէ , և ոչ ինե . դաշինս  
 կռեցին՝ և ոչ իմով կամաւ : Ո՛ւր  
 են առանց Աստուծոյ գոռոզա-  
 ցեալքն . ո՛ւր են առանց Աստուծոյ  
 իշխանացեալքն . ո՛ւր են արիւնա-

Հեղքն, մըր էն սրունկասէրքն :  
 Տուր ինձ, ապէ, զԱբխասկ սոմնացի  
 և զԱսասուած ոչ խնդրեցին, և զՏէր  
 զօրութեանց ոչ ճանաչէին : Ա՞ր էն  
 եկեղեցւոյ թշնամանիչքն, առոտն  
 հարուք օրինացն, սրբութեանն  
 սղծիչք, շինիչք մոխրատանցն,  
 մուսցողք ճշմարտութեանն, հայ-  
 հայողք արդարութեան . - փա-  
 խեան, կարացան <sup>1</sup>, ամաչեցին :

Ա՞ սայր զգլուխս իմ 'ի ջուր, և  
 զաչս՝ յաղբերս արասուաց, և  
 նստեալ լայի զհիգացելացն կո-  
 ռուստ : Ահա տեսէք, ահա մեռանի  
 իգատենչն . այլ մի՛ սայք մեռանել :  
 Սասակի առաջի սեղանայն՝ արիւ-  
 նահեղն . այլ օգնել փութացա-  
 թուք : Գլխասի Սիմէի, այլ ձեռն  
 առք զթալով . չէ՛ աստ, ասացէք  
 Սողոմոնի . և ոչ՛ի քարեղէն սալս  
 դրեալ անթողութիւնք օրինացն :

1 . Յօր . երացան :

Քրիստոս է սաս. ծափս հարէք  
 ամենայն հեթանոսք. որ սուէ, թէ  
 Նկայք առ իս ամենայն աշխատեալք,  
 և ոչք ունիք զբեռինս ծանուես,  
 և ես հանդուցանեմ զձեզ: Ն  
 դարձեալ, թէ, Ոչ եկի կոչել  
 զարդարս, այլ զմեղաւորս յապաշ-  
 խարութիւն:

Այլ և ձեզ պատուիրեաց հզօ-  
 րաբունիցդ և կարողացդ, թէ  
 'Իսկ որ կարող էք՝ զսկարու-  
 թիւն սկարացն բարձէք. կոչե-  
 ցեալք դուք՝ ի Քրիստոսէ և բազ-  
 մեալք, պատրաստեալք ուտել  
 զհացն երկնաւոր, կոչեցէք և ընդ  
 ձեզ զկազմն և զկայրան և զհիւանդս.  
 և մի տայք թոյլ նոցա ընդ Ադա-  
 նեայ և ընդ Յովաբայ՝ զեղբերաց  
 սեղանոյն բուռն հարկանել<sup>1</sup>. որ  
 է անդամ մարմին անբեղուն ըստ  
 բուսոյ, և անհամ ըստ ճաշակոյ,

1. Աստանօր պակաս թուի բան, և  
 յետագայի՝ խառնակ լին:

յաւներէն: Աիւլ կաթն յօժարե-  
 ցաւցէք զարեանն ՚ի սննդականու-  
 թիւն. և յուրախարար բաժակէն  
 ըմպել ուտուցէք՝ յանուշարար  
 ուրախութիւնն ոգւոցն փրկու-  
 թեանն: յայնմ կաթնէ և ՚ի գինւոյ՝  
 զոր յաւաջաձայնեալ խնամաբա-  
 նն Սողոմոն շնորհօք Տուրբ Հող-  
 ւոցն յԱրդս երգոցն ասաց. Քանզի  
 գեղեցկացան սաինք քո, քոյր իմ  
 հարան, քանզի գեղեցկացան սաինք  
 քո ՚ի գինւոյ: Բայց ՚ի թմբրական  
 գինւոյն հրաժարեցուցէք զախելիձ-  
 արն և զհիւանդացեալն ոգւով  
 զընկերան, զոր ՚ի հրեական ժա-  
 ղովրդոցն արբեալ անառակու-  
 թեամբ. Արարած գիրք՝ մեծ մար-  
 գարէին՝ յանդիմանեալ յիշա-  
 տակէ այժմ և մինչ ՚ի վախճանն.  
 «Նստաւ, ասէ, ժողովուրդն յու-  
 տել և յըմպել, և յարեան ՚ի խա-

1. Այսինքն Գիրք Մանգոց, բայց ոչ  
 ՚ի նմա՝ այլ յԵւեթ գիրս (ԼԲ, 6) գրեալ  
 է քանզի:

զալ » : Եւ մի դարձեալ 'ի գինւոյն  
 յայնմանէ, զոր 'Ասլա եւ Նոյ ար-  
 բին : Եւ մի ընդ Սիմէի ելանել  
 սայք արաարս քան զՆրուսաղէմ,  
 եւ մանաւանդ յածել 'ի խնդիրս  
 սրբաց Հաղարու : ԶԾառհակայ  
 սո՛ւք սերել զլուակ, եւ 'ի նորս  
 խնդրել 'ի գուակէ զմարգացեալն  
 Աստուած : Քանզի զհարձորդէցիրն  
 'ի քարեղէն գրեալ սալսն՝ համակ  
 խառւթիւն քարոյէ քարասր-  
 տացն եւ չարաց . զոր եւ Պողոս ըստ  
 այլարանու թեանն առակաւիտեալ  
 սաց . Քանզի Հաղար, սակ, լեանն  
 Սինեա է յԱքաբիա, հաւասար է  
 այսմ Նրուսաղէմի, եւ ծառայէ  
 սրբուքն իւրովք հանդերձ . այլ  
 վերին Նրուսաղէմ ազատ է . եւ  
 թողու թեանն Քրիստոսի վարդա-  
 պեառ թիւնն գրեալ յընդունու-  
 զացն, եւ միացեալ ոչ 'ի քարեղէն  
 սալսն, այլ 'ի սախաակս սրտի  
 մարմնեղէնս :

Բայցում են եկեղեցւոյ սրբոյ բը

Ժիշկք . եկայք այսր ամենայն աշխա-  
 տեալք , և ոյք ունկք ըստ յառա-  
 ջադոյն ասացելոցն՝ բեւինս ծա-  
 նուան , և աստ ՚ի բաց ընկեցեալ  
 հանդերսւք : Իսկ դուք որ այժմդ  
 ՚ի ներքսդ էք , լերուք կոչնականք  
 և հրաւիրակք արտաքոյ անցաւո-  
 բայն , ելէք ՚ի հրապարակս և ՚ի  
 փողոցս , ժողովեալ զամենայն ախ-  
 տացեալն ուլովք և զբեկեալս  
 մեզք՝ ամէք այսր , և բժշկին ամե-  
 նեքեան՝ բերելով ընդ ինքեան ,  
 զխոստովանուածիւն և զարտասուս  
 պահանջէ : Եւ ըստ իւրաքանչիւր  
 ախտից՝ բժիշկքն յայտնի են և  
 պատրաստ : Զմտքաւորն առ Մաս-  
 թէոս աւետարանիչ ամէք , և Զա-  
 բէոս . զպոռնիկս առ կինն պոռնիկ՝  
 որ այսօր դուսար է Քրիստոսի ,  
 զաւազակս՝ առ աւազակն գրախ-  
 տարաց . զտւրացոյս՝ առ արքա-  
 յուածեան դանապանն և փակակալ  
 Պետրոս : Եւ գին աւելի ինչ ոք  
 քան զաղօթս և զարտասուս ոչ

պահանջէ : Քայց միայն 'ի գոյաւո-  
րացն՝ հայցի ողորմած ու թիւնն առ  
դատասանաւն :

Եւ արդ ո՞վ ոք քան զայնպիսին  
կայցէ հէք և թշուառական, որ  
վան խուն արաստուայ՝ յերկնից  
արքայութենէն վրիպեալ գտանի-  
ցին . և կամ՝ քան զմիւսն ևս հրա-  
շալի և երջանիկ, որ ընդ սակաւ  
օր ըստ օրէ արաստուայ՝ զյաւի-  
տենից բարութիւնսն ժառանգի-  
ցէ : Քանզի եթէ զկին սիրելի և  
կամ՝ զայլ ոք՝ 'ի կարևոր բարեկա-  
մաց տեսանէիր մեռեալ, ոչ ա-  
պաքէն լայիր չարաչար, և ընել  
երբէք և ոգի առնուլ ոչ կամէիր :  
Եւ արդ՝ զքոյին իսկ զողիդ տե-  
տանես հանապաղ մեռեալ առա-  
ջիդ . և անշէջ հրոյն երկիւղ և  
գեհենի սպառնալեացն յիշումն  
միշտ զխորհուրդսդ խոցուակ, և  
գու յորսայս անկեալ հեղգաս .  
զիմոր հանգարտել իսկ և կամ՝  
առ վայր մի կարիցես ընել և ոգի  
առնուլ :



Հաւատացէք, զի ես ընդ բանաս  
 խակ զարհուրեալ դուրամ: Վասն  
 սրոյ զձեզ աղաչեմ զՅոկա հաւ  
 առանոցդ դեռես և անդայթիցդ,  
 մի նմանեցաւցանէք զաղօթս ձեր  
 Փարիսեցւոյն. թէպէտև բիւր բա  
 րեաց զանձինս դռանիցէք եղեալ  
 պատճառ, այլ ասացէք, եթէ Յա  
 ւայք անպիտանք եմք, և մի առանց  
 իւր բառնալոյ՝ ընդ անմիտ կու  
 սաննն ճանապարհորդիցէք՝ ի հար  
 սանիսն. գուցէ փակ իցէ դուռնն,  
 և մնացէք ամօթալից արտաքոյ:  
 Եւ մանաւանդ դուք՝ որ զամե  
 նայն ցերեկութեանն աշխատու  
 թիւն՝ զաօթոյ և զքրտան, զլաս  
 սակոյ և զանողութեան յաստուա  
 ծային այդէգործութեան արն  
 կելոյ յագւոջ ուրուք, յամենայնէ  
 վրիպիցիք, և զմեան կորուսանի  
 ցէք:

Արդ եղևցի ձեզ ընդ այդպիսի  
 զարդու՝ և զերկնից փափաքելի  
 զգենուլ զզարդն. և անդ այսպիսի

ուրախարար պատկի, որ թուով  
 աւուրս պայծառացուցանէ, զատա-  
 ցալս իւր, զլուսաանտիկ և զերկ-  
 նաւոր պատկն, զանապակասն և  
 զմշանջեհաւոր ընդունել՝ յաջոյ  
 փրկչէն մերոյ և սեռան Յիսուսի  
 Քրիստոսի: Լսել զփառաւորեալ և  
 զերանելի բարբառն, թէ, Նկայք  
 օրհնեալք Հօր իմոյ, ժառանգեցէք  
 զպատրաստեալ ձեզ արքայու-  
 թիւնն՝ ի սկզբանէ աշխարհի:

Արու՛մ լիցի մեզ արժանի լինել  
 և ամենեցուն, շնորհօք և մարդա-  
 սիրութեամբն Տեառն մերոյ, և  
 փրկչին Յիսուսի Քրիստոսի, ընդ  
 որում Հօր միանդամայն և Հոգ-  
 ւոյն սրբոյ, վայելէ փառք, իշխա-  
 նութիւն և պատիւ, այժմ՝ և միշտ  
 և յաւիտեանս յաւիտենից, ամէն:

2

,

1

.

Թ Ո Ւ Ղ, Թ

# ՂՍ.ՁՍ.ՐՍ.Յ ՓՍ.ՐՊԵՑԻՈՅ




ՄԵՂԱԴՐՈՒԹԻՒՆ

Ս Տ Ա Խ Օ Ս Ա Ր Ե Ղ Ա Յ Ի Յ



## ՅԱՌԱՋԱԲԱՆ ԹՂԹՈՅՍ

ԱՌԱՔԵԱԼ ՅԱՄԻԹ ՔԱՂԱՔԷ



Լուսաւորէ միշտ շնորհ աստուածային՝ զսիրտը արդարութեան . և մանաւանդ զայնուսիկ՝ որ աստուածային բանին պարսպեցին թնուածեան . թանդի ուսան՝ ի Քրիստոսէ , որ ասէ . Քննեցէք զգիրս : Զի շահ մեծ անձանց համարելով զերկնաւոր բանն՝ միշտ կիրթ ունեւոր զնոյնն , զի թեւաւորեացեն զոգիս իւրեանց և զլսողացն՝ այնպիսի մատանց առաքինութեան . թանդի պատճառ զօրութեան և

խմաստութեան, ընկալան, ուսեալ  
 'ի մարդարէէն. « Ար հանէ զաւ-  
 տուականն յանարդէ՛ բերան իմ  
 եղևցի » : Վանդի բան ճշմարիտ՝  
 արդար և օրինաւոր 'ի խրատաբա-  
 նութիւն ժողովրդոց՝ ծաղկեալ  
 պաղաքերէ, զոգիս լսողացն երկնա-  
 ւոր լուսովն : Սոքա զօրէն վաճա-  
 ւականաց ընդ ծով և ընդ ցամաք  
 աշխատասիրեալք՝ վասն յալովաւ-  
 նեւայ զխորհուրդս մասցն անա-  
 պական երկնաւոր գանձուն, տալ  
 որոց խնդրէ 'ի նոցանէ զբանն աւ-  
 տուածացին 'ի դիւտս փրկութեան  
 անձին :

Յորոց մի յայսպիսի աչս երանե-  
 լին Ղազար՝ նախանձաւոր և աշ-  
 խատասէր այսպիսի երկնաւոր ա-  
 լուեասի, անդստին 'ի մանկական  
 սխոյն սկիզբն արարեալ բանական  
 դիտութեան՝ Յունաց յաշխարհն

Ճանապարհորդէր . և անդ քաջաց  
 և աւաքինի մարդոց պարապեալ  
 լիով զմարդարիան՝ զբանն սա-  
 տուածային՝ ընկալեալ յինքեան ,  
 եկեալ հասանէր յիւր աշխարհն :

Եւ քանզի սովորեաց մարդկա-  
 յինս ընտեթիւն՝ զի խմաստուէքն  
 և մեծամեծքն գնեին ՚ի վաճառա-  
 կանաց զմարդարիան և զսրատուա-  
 կանս հանդերձիցն , զի երևե-  
 լիք և պայծաւք երևեսցին ամե-  
 նայն մարդկան յերևելիսս . սոյն-  
 պէս և սորա գիտութիւն բանի .  
 լուեալ խմաստուն և գիտուն մար-  
 դոց ընթերցուածոց պատուիրա-  
 նացն Աստուծոյ՝ գովեցին , և խըն-  
 դացին նովաւ յամենայն ժամ  
 եկեղեցիք և վկայարանք Սրբոց և  
 տեղիք վարդապետարանք . ծաղ-  
 կեալք վնէին հոգիք լսողացն ՚ի  
 շնորհացն որ ելանէին ՚ի բերանոց



Նորա • և 'ի մէջ հայրապետացն և  
 եպիսկոպոսացն իբրև զարուսեակ  
 պայծառացեալ Երևէր բանական  
 դիտութեամբն:

Կամեցեալ մեծ ի խնաստութեա  
 նըն Վահանայ մարդպանին՝ զօրա  
 վարին Հայոց՝ Տեան Մամիկո  
 նէից, զնա իւր առաւել մերձաւոր  
 և սիրելի աւել, շնորհէր նմա  
 զհոյակապ և զականաւոր սեպին 'ի  
 Նոր քաղաքի, որում անուն էր  
 Սաւր կաթողիկէ եկեղեցի, վա  
 նօքն և Նորա ընկալեալ գրանն  
 մարդպանին՝ ինամածէր զսեպին:

Պատահեաց նմա կրել արամու  
 թիւն 'ի վայրապար մարդկանց,  
 զի 'ի հրոյ մնասեալ փայտակերան  
 եկեղեցւոյն: Վասն որոյ ածեալ  
 զմասւ և յիշելով զբանն Պօղոսի,  
 զի յամենայն ժամ աստուածա  
 սերքն առանց խղճի մտաց կեցցեն,

որպէս աղօթիս ատենէր ասելով .  
 « Խնդրեմք յԱստուծոյ, զի մի  
 չար ինչ պատահեացէ ձեզ » . յայս-  
 մանէ կամ եղև նմա գնաց 'ի կող-  
 մանս Յուդայ . հասանէր յԱմիթ-  
 քաղաք, և անդ առ ժամանակ մի  
 զտեղի աւնայր : Տեսանելով զայն  
 շարանախանձ մարդկան՝ յաւե-  
 լուին բանս սուսա զտեղւոյն և  
 զուամանէն ևս զնորս, զի զբարձր  
 անուան խոնարհեցուցանել կա-  
 րացեն :

Լուեալ զայս ամենայն Ղազարու՝  
 իբրև զքաջ պատերազմող զինեալ  
 զինքն, զի բանիւ զօրութեան զիւր  
 ուղւոյն և զքաջալերութեան և  
 զպատկեր կերպարանայ՝ 'ի ձեռն  
 գրայ թղթոյս այսորիկ ծանուայէ  
 նոցա, զվաստակ բանի իւրոյ որ առ  
 նոսա յառաջագոյն լուսափայ-  
 լեալ, զի կարճեացին բերանք շա-

բախտասցն զնմանէ. զի այսպէս,  
 ասէ, 'ի ձեռն անխնայաւ և վայրա-  
 պար մարդոց՝ եհաս հալածութիւն  
 լաւաց և պիտանի մարդկան աշ-  
 խարհիս Հայոց: Եւ մտնաւանդ զի  
 վատահ եղեալ յամենխնայա մարդ-  
 պանն, եթէ գիտէ ճարտարու-  
 թեան բանի լինել ջրօղ, և գի-  
 տել զիրաւունս, զի անմեղադրելի  
 զինքն արասցէ 'ի ձեռն գրոյս:

Եւ առեալ 'ի ձեռն զզէն գի-  
 տութեան, զի յաղթող երևեացի.  
 և առաքէ զգրեալս 'ի ձեռն բա-  
 րեակը մեծի և պատուական նա-  
 խարարին՝ Մամիկոնէին Համա-  
 զատայ, որ և պատճառ իսկ եղև  
 նմա այսրէն դարձին. զի յաղթե-  
 րէն գիտութեան նորա արբշն  
 միւսանդամ՝ մարդիկ և պաղարէրք  
 լիցին Աստուծոյ զարգարութիւն:

Վասն որոյ և զերբորդ պատ-

մութիւնս Հայոց՝ երանելի իմ  
 Ղազար պատմագրեաց: Ընդ նմին  
 գրեցաք և զժողովքս, զի ընթեր-  
 ցասէրքն զպատմութիւնս կար-  
 դաւով՝ ընդ նմին և զժողովքս ըն-  
 թերցեալ, զփորձ աւելն նորս  
 լաւութեան բանին:



Փրկիչն մեր և ասէր Յիսուս  
Քրիստոս՝ քաջ զգուշացուցանե-  
լով սրտուկերէր Առաքելոցն. թէ,  
Յորժամ զամենայն արդարու-  
թիւնս կատարիցէք՝ աստուիք,  
և թէ ծառայք սնակաւորս եմք:  
Իսկ ընդէր և հոգևոր մշակն Աս-  
տուծոյ՝ Սուրբն Պօղոս, զկէսալ իմն  
երբէմն վասն արանց խանդացելոց  
ընդ մեծ շնորհն որ էր ՚ի նմա, և  
բանս անհանձարս խօսելոց ընդ  
նորադարձ աշակերտեալսն՝ ՚ի կոր-  
ծանումն լսողացն, զորս անուա-  
նադրեալ սուս մշակս կոչէ, և  
չկարացեալ ասնել դայթակղու-  
թեանն՝ արտաքոյ Քրիստոսի կա-  
նոնին վարեցաւ, և անձամբ զան-  
ձին լաւութիւնս և զճգունս մե-  
ծակեծ պարծանօք գրեալ մի ըստ

միօջէ կարգեաց. և ոչ իմն ըստ  
գտեալ խոսեցաւ. այլ կաց մնաց  
'ի նմին առաքելութեան պայծա  
ռապէս: Աւ եթէ ընդէր այս այս  
պէս լինէր՝ ծանխցէ քննօղն, թէ  
կարասցէ. ապա թէ ոչ լռեսցէ:

Այդ դու, Տէր, այր քաղցր ես և  
խոնարհամիտ և արգարահայեաց  
և կշռաքնին, և հաւատոց Աստու  
ծոյ առաւել ընդանի՝ որպէս և  
ամենայն նախնիքն քո: Աւ ես ան  
պիտանս և ամենեցուն կղկղանք՝  
թէպէտ և երեխիմ առաջի Տեա  
պն՝ առն եղեալ որդի, իբրև զան  
զգամ՝ որպէս մեծ առաքեալն Պօ  
ղոս. այլ քո Տեան՝ քրիստոսա  
նմանութեամբ տարեալ՝ ներելով  
անզգամութեանս խնամ, ընկալ  
ղիս իբրև զանզգամ:

Չկեալ զիմ՝ 'ի աղայութեանն՝  
զայն Տէր իսկ ինքնին քաշ դիտէ:  
Տարեալ զիս ըստ վարդապետաց  
խնոց հրամանի՝ 'ի Հոռոմս, ժամա  
նակեցի անդ. և եկեալ անախի կեցի

առ Կամսարականոց՝ յամենայն  
 ամբոխան, մինչև յամս նուաճման  
 ձերոյ: Եւ զհետ այնորիկ որպէս  
 թէ ձանձրացեալ յաշխատութե-  
 նէ շփութիցն՝ կամեցայ պարապիլ  
 աղօթից և հանդչել: Եւ երթեալ  
 ՚ի Սիւնիս՝ կեցի անդ ամս երկուս.  
 զձմեռն ՚ի քարայրի առ առն միում  
 հաշակելոյ ՚ի բնակչաց դաւառին  
 յամենայն կրօնաւորութիւնս, ու  
 թում անուն էր Մովսէս, և ան-  
 զին՝ անձուկ. և զամառն յաղագս  
 ասթոյ տեղւոյն՝ քահանայապետ  
 աշխարհին՝ տէր Մուշէ, ասնէր  
 զիս առ ինքն, ուր և լինէր ՚ի  
 հովու:

Արդ՝ զառաջինն կելոյն իմոյ ըզ-  
 վարս՝ տէր Ներսէհ և Հրահատ  
 կամսարական՝ գիտեն. զՍիւնեացն՝  
 յառաջագրեալ եպիսկոպոսն աշ-  
 խարհին: Եւ գու յայց ելեալ ինքն  
 դրել զիս, և գտեալ յաշխարհին

յայնմ՝ ամեր ՚ի տուն, ոչ իբրև  
 զարքառ զոք ՚ի կազմածէն և ՚ի  
 մանկաւոյն, և ոչ իբրև օտար զոք  
 ՚ի քէն և կամ զծառայ ուրուք.  
 քանզի պարեգօտաւորք աղատեալ  
 են ՚ի Քրիստոս: Իսկ որ զատոյցն  
 զիս պարեգօտիւք ՚ի ծառայու-  
 թեհէ աշխարհիս և աղատու-  
 թեան եղև մեզ աւելի՛ Տէր Ազան՝  
 քո Տեան քեռի էր: Ըստ այդմ՝  
 մասին ՚ի Հայս քեզ Տեան անկ էի:

Գարձեալ, երանելի մայրն քո  
 յորժամ առ թղչիսն ամ զձեզ<sup>1</sup>,  
 յորում գրան և զմեղ ուսուչա-  
 նէին, – սակայն թէպէտ և ըստ  
 ախոյ աւարտոյնք քան զձեզ  
 էաք, այլ սննդակիցք էաք ձեզ և  
 խաղակիցք, կրելով ՚ի խաղու զար-  
 կանելիս ձեր զկնի ձեր, – սնու-  
 ցանէ մայրն ձեր օրհնեալ և Անուշ  
 – Վաամ<sup>2</sup> ըստ իւրեանոյ հողեալի-

1. Տեա յէջ 377 :

2. Տեա յէջ 378 :



բուժեանն և զվեց ընդ ձեզ՝ որպէս  
 զձեզ: Այլ ըստ այնմ ամենայնի  
 քեզ Տեառն անկ էի: Իսկ ըստ  
 առաւելեալ շնորհիս, զոր ետ ինձ  
 Քրիստոս, եթէ արժանաւորի կամ  
 անարժանի, զայն առ ինչ քաջ դի-  
 տայ: Ապա արդարեւ քեզ իսկ և  
 արժանի:

Ասան զի ՚ի դարուս յայսմ զքո  
 զքաջութիւնդ զօրացուցեալ սրայ-  
 ծառայոց զերին ինամակալու-  
 թիւնն քան զամենեցունց, որք էին  
 և կամ որ այժմ են ՚ի Հայս. և  
 զիմ շնորհս՝ քան զբաղումս պա-  
 ռեգօթաւորաց: Ահա անպգամեցայ  
 և ճառեմ. ներեա, աղաչեմ,  
 փոքր մի անողգամութեանս իմոյ:  
 Ապա ստոյգ՝ առաւել քեզ իսկ էի  
 արժանի:

Եւ եմ ես այն Ղազար՝ ըստ առ  
 ՚ի քէն և այլոց բազմաց սասցա-  
 ծի, որում ոչ ոք դոյ փոխանակ:  
 Իսկ այժմ առ նախանձաւ աղէտի՝  
 բաղումք նկրտելին լինել իմ փո-  
 խանակ. բայց եթէ խցեն:

Քանզի 'ի սկզբանէ արարածոց  
 բազում օճիրս գործեաց նախանձ  
 յաշխարհի: Անդէն և անդ 'ի սկզբ  
 բանն զնախաստեղծն ընկճեալ՝ նա  
 խանձու բանարկուլին՝ դարձոյց  
 զնա 'ի հող, և վկայէ գիր 'ի Աս  
 թուղիկէան, թէ՛ նախանձու բանա  
 րկուլին եմուտ մահ յաշխարհ:  
 Երկուցն միայնոյ դեռ ևս յԱդա  
 մայ ծնելոյ՝ յաշխարհ, Աայէնի և  
 Հաբելի, որպէս 'ի փոքրիկ և 'ի  
 նեղ՝ յանբաւ բնակութիւն արե  
 վերաց հայեցուցեալ, զԱայէն նա  
 խանձարկու գիւլին՝ եղբայրասպա  
 նութեամբ զաւակաց: Ի ձեռն նա  
 խանձու գրգռեալ Եսաւ 'ի վերայ  
 Յակովբայ՝ մահ խորհէր: Ի ձեռն  
 նախանձու զանմեղն Յովսէփ՝ մու  
 լեգնութեամբ եղբարքն 'ի սարկու  
 թիւն վաճառեցին: Եւ 'ի ձեռն նա  
 խանձու զերկուս հագեշնորհ ան  
 ձինս՝ զԱհարոն և զՄարիամ, յան  
 արժան խորհուրդ յանդգնեցու  
 ցեալ՝ բորոտեցուցանէր զմարդարե

կինն: Ի ձեռն նախանձու զա-  
խայեանաբեկ և զժողովրդակեցոյց  
զայրն զՆաւիթ՝ անհանգիստ որ-  
այր Սաւուղ՝ ի կորուսանել:

Եւ արդ զի՞նչ ևս ասեմ. զարա-  
րիչն և զսէր Յիսուս Քրիստոս՝ առ  
նախանձու ժողովուրդք Հրէիցն  
և քահանայապետք՝ նախ ժամա-  
նակօք ձաղեալ այսպանէին, կոչե-  
լով զնա երբեմն կախարդ, յասելն,  
թէ Տեղդերուզաւ իշխանաւն դի-  
ւայ հանէ դա զդեւս. և դարձեալ  
դինեմոլ անուանէին և դեխասէր,  
ասելով ցաշակերտան, թէ Ընդէր  
վարդապետն ձեր խառն ընդ մե-  
զաւորս ուսէ և ըմպէ: Այլ և  
չպահեցողութեամբ և անժամա-  
կերութեամբ եսկերէին. ասեն,  
Ընդէր աշակերտքն Յովհաննու  
և Փարիսեցեքն պահեն, և քո  
աշակերտքդ խառն ուտեն: Կո-  
չեցին զնա և դիւահար. Ո՞չ,  
ասեն, ասեմք, թէ Սամարացի ես  
դու, և դե դոյ՛ ի քեզ: Եւ ժողո-  
վեալ սուս վկայս՝ առ մոլեգնու-

թեան քինուան՝ զինչ պէտս տային  
 խօսել, և քրքուէին խրատացեալք  
 առաջի դատողացն. ուր ծանու-  
 ցեալ Պիլատոսի ըստ վկայու թեան  
 Աւետարանչին, թէ առնախանձու  
 մատնեցին զնա, լուացեալ զձեռն  
 ասէ. Անպարտ եմ ես յարեւել-  
 անդ, զի ոչ ինչ գտի 'ի դմա  
 մասս արժանի մահու. դուք ասէք  
 և ըստ ձեր օրինաց դատեցարուք:  
 Եւ ընկեցեալ զնա յօրէնան և 'ի  
 ժողովաւրդս, սրբ էին երկուքեան  
 մահապարտք՝ և ժողովաւրդք Հը-  
 րէիցն և օրէնքն: Արոյ չհանդուր-  
 ժեալ զիւանոց նախանձուան՝ վի-  
 ճակեցին մահու, և ոչ ուղղաց այլ  
 անիծ ից, իբրև զչարսպօրծ և մար-  
 դասպան, աշխիւքն՝ խաչի, զարա-  
 ըին և զնորոգիչն, զկենսատուն և  
 զմահատպան, զերախտաւորն առ  
 ամենեւեան, զքաղցրն և զբազմ-  
 ողորմն:

Եւ զայս ամենայն կարիս կրեալ  
 յանձն իւր յաղապս մեր՝ զնայն և

իւրոց աշակերտացն ստեպ զդուշա-  
 ջուցանէր, թէ և ձեզ գիտեցոյ է  
 այս ամենայն. յորում մի իբրև  
 զանկազմն և զանպատրաստ գը-  
 տեալք՝ հասեցոյ ՚ի վերայ ձեր  
 վշտացն՝ զանգիտեցէք: Աթէ զիս  
 սիրեցին՝ տալա և զձեզ սիրեցեն.  
 Եթէ զիս ընկալան, և զձեզ ընդու-  
 նին. տալա թէ զիս հալածեցին՝ և  
 զձեզ հալածեն. Եթէ զիս ասե-  
 ցին և զձեզ ատեն. և Եթէ զիս՝ որ  
 ամուսնէր էի՝ Բէկոյցերուց կար-  
 դացին, սրջափ ևս ասաւել զձեզ  
 և զընտանիս իմ:

Գորին նմանեօք ըստ ժամանակի  
 սրտացեալ աւ նախանձու կու-  
 տէին ՚ի վերայ իմ բազում բանա-  
 արկուժիւնս՝ ասելով. Եթէ «Վա-  
 զար ասէ, թէ պոռնկուժիւն մեզք  
 չեն. զայն և մարդպանին սողութե՞ն»  
 Աւ Եթէ ընդէր այդ այգուէս, դու  
 Տէր, քաջ գիտես քան զսուտ

† . Տպագիրն «= Գրէ:

կարծողսն: Եւ ընդունէին զեղիս  
 և անսուրբ անձինք քաղցր ակտը  
 ժելով զլուր այգալիսի բանից՝ 'ի  
 սասարութիւն բունեւոց յնմբեա  
 նրա շար Կործոցն:

Արդ ո՞ր ոք յանօրինաց՝ Թող թէ  
 'ի քրիստոնէից՝ 'ի միսս իւր խոր  
 հել զայսպիսի ինչ բան, Թող թէ  
 և առ այլում զայսպիսի շննել  
 բան, ո՞ր անմիտ, ո՞ր ազէտ, ո՞ր  
 Հրեայ, ո՞ր այլազանդ: Եւ Ղազար  
 զայդ քարոզէր. ո՞ւմ և կամ ո՞ւր,  
 և կամ է՞րբ. – որ ազէտն է դրոց,  
 որ անհրազանգն է յուամուս, որ  
 մոլսիսական օրինացն օտար է և  
 քրիստոսաաուր շնորհին անտե  
 ղեակ: Եւ ճիցնն արդեօք աբե  
 ղեանս Հայոց արժանի ողբոց ար  
 սասուաց և բազում սգոյ, համ  
 բուել զանպիտանս, իսուել աւնա  
 իանձու զանարժանս:

Քանզի ո՞ արդեօք զերկայնամիտն  
 և զանցասուսն Աստուած դըր  
 դուեալ՝ յայնպիսի ահաւոր շար

ժեայ 'ի բարկութիւն, ածել  
 զչրհեղեղն 'ի վերայ ամենայն ե-  
 րեսայ երկրի, մինչև զամենայն  
 ծածկել զլերինս . ոչ ապաքէն  
 բորբոքեալն 'ի պոռնկութիւն :  
 « Տեսաւ, ասէ, որդւոցն Աստու-  
 ծոյ զդասերս մարդկան՝ խառնա-  
 կեցան ընդ նոսա » : Յաղագս որոյ  
 իրիք համարեցաւ այնպէս մեծ ար-  
 դարութիւն Ահարոնեան Փենե-  
 հիլի՝ ապգէ յազգ մինչև յաւի-  
 տեան, եթէ ոչ յաղագս հարկա-  
 նելոյ գեղարդեամբն և ցցելոյ ընդ  
 գետինն զԶամբրի՝ հանդերձ Մա-  
 դիանայի բողիւն, և ցածուցանե-  
 լոյ զբարկութիւն Աստուծոյ :  
 Յորում պատուհասի քսան և չորք  
 հազարք արանց 'ի միում պատե-  
 ռազմի անկան 'ի ժողովրդենէն  
 Տեառն : Ամոն ոչ ապաքէն վասն  
 անհանձար խօսիցն՝ բազմաժամա-  
 նակեայ քինակալութեամբ սպա-  
 նաւ յեղբօրէն :

Աամիլիս զսոցուն անդստին 'ի

մովսիսագիր պատմութենէն և  
 յայլոց մարգարէից լսել զհակա-  
 ոական. հայեացին ընդ առաջին  
 ճանապարհ հարցն ապաշխարու-  
 թեան: — Այրն Աստուծոյ՝ Յնովք,  
 ընդ ամուսնացեալն օրինաւորու-  
 թեամբ և գտեալ հաճոյ Աստուծոյ՝  
 յանմահական փոխեցաւ վիճակն:  
 Նոյ՝ բազմաժամանակեայ պահելով  
 զկուսութիւնս մինչև՛ ի հինգ հարիւր  
 ամ և վինի այսորիկ յաղագս որդե-  
 ծնութեան ամուսնացեալ սրբու-  
 թեամբ՝ երկրորդ աշխարհիս սերե-  
 լոյ գտաւ պառճառս: Ըստ սմին  
 և մեծն՝ ի մարգարէս Մովսէս.  
 սոյնպէս և պաշտօնեայ նորին  
 պարկեշտասէր կուսութեամբ պա-  
 տուեալ Յեսու: Իսկ զարմանալի  
 զամեն զՆդիայէ՝ ո՞ ոք բուական  
 իցէ ասել բանիւ զգովութիւն, որ  
 ՚ի մարմնի պանմարմնոցն բերելով  
 զքաղաքավարութիւն՝ հրեպէն կա-  
 ոօք ՚ի հոգեպէնան վերացաւ ՚ի  
 կեանս: Իսկ եթէ ՚ի քրիստոսա-



տուր շնորհէն զսոցունց բաղձայ-  
ցեն զնմանս, զխսաագոյնս գտցեն և  
զպարհուրելիս, որ զբնաւ գործե-  
լոցն մեկուսի ընկեցեալ մեզան-  
չականութիւնս, և զլոկ զպաս-  
ճառս տենչից հայեցմունսն՝ ընդ  
կատարեալ շնութեանն լծեաց  
Փրկիչն, ասելով. թէ « Որ հայի 'ի  
կին մարդ՝ 'ի պատճառս ցանկու-  
թեան՝ անդէն շնացաւ ընդ նմա 'ի  
սրտի իւրում » :

Այլ և պէթանոսաց զվարդա-  
պետին յաւելեալ 'ի սոյնս զբա-  
րողութիւն՝ լուեալ լռեսցեն իբրբ-  
քըն և անամօթքն, որ այլոց բա-  
նիւ զիւրեանց կամաց խօսին զա-  
խորժս. և չսոսկան արամբն՝ որով  
Քրիստոս խօսէր ընդ աշխարհի, որ  
զմնացորդս չարչարանաց Փրկչին  
յիւրում 'ի ճգնափորձալից 'ի  
մարմնի կրէր, Տարսոնացի սերով-  
բէն Պօղոս: Սա զոր ինչ յաղագս  
պոռնկացելոցն չժառանգելոյ պար-  
քայութիւն գրեաց՝ յամենայն յիւր

'ի թուլութան՝ յոյժ բազում են,  
 և գրեւ զբնաւն մի ըստ միոջէ շատ  
 աշխատութիւն համարիմ և աւել  
 լորդս. քանզի ընդ գիտնոյ օրինաց  
 են խօսքս: Այլ սակաւ բանիւք զոր  
 յերկրորդումն թղթին գրէ 'ի  
 Կորնթացւոցն՝ ճանաչի և այլն ա-  
 մենայն. թէ, « Ընդէր իսկ բնաւ և  
 անսւանի 'ի միջի ձերում պոռնը-  
 կութիւն »: Եւ առ Եփեսացիսն,  
 թէ, « Պոռնկութիւն և ամենայն  
 պղծութիւն և կամ ագահութիւն  
 մի անսւանեացի 'ի միջի ձերում »:  
 Եւ անդէն առ Դմին. թէ « Զայս  
 գիտաւջիք, զի ամենայն պոռնիկ,  
 կամ պիղծ, կամ ագահ, որ է կռա-  
 պարիշա, ոչ ունի ժառանգու-  
 թիւն յարքայութեանն Քրիս-  
 տոսի:

Արդ, ալէ ասասցեն հէքք և  
 թշուաւահանք, ընդէր առ Դա-  
 խանձ արկանիցեն զանձինս ընդ ան-  
 ապաշխար մեղօք. զորոց և յիշէ՞

1. Պակասէ անուն յիշողին, որ է  
 Յովնանէ:

ասելով, թէ « Են մեզք որ մա-  
հուչափ են » . զոր և յԱւետարան-  
չայն կարգան ցանդ և զանց  
առնեն իբրև զարհամարհոտս, թէ,  
որ « Հայհոցեսցէ զՀոգին Սուրբ՝  
մի թողցինմա , մի չայսմ աշխարհի  
և մի 'ի հանդերձելումն » : Այլ  
դարձէ ոք մեզս ըստ թուրութեան  
մարմնոց , որպէս և էսս՝ որ մե-  
ղաւորս եմ քան զամենայն կենդա-  
նիս . այլ ասել զմեզսն չգող մեզս՝  
որպիսի՞ արհամարհոտ և ամբա-  
րիշտ հոգի կարիցէ ածել զմտաւ :  
Իսկ որ ճանաչէ զյանցանան և զար-  
հուրեալ սրտիւ կարող լինիցի  
փութալ 'ի զղջումն՝ վաղվաղակի  
պատահի թողութեան : Իսկ որ  
կամիցի ապաքինիլ ըստ ձեռյ ան-  
միտ կուսանացն՝ չգիպի սղորմու-  
թեան :

Այլ ասեն . Աղանդաւոր է : Եւ  
զայս ստէպ ծանուցանել ամենե-  
ցունց ձեպէին . զորս հաւատացու-  
ցեալ 'ի տկարամտաց՝ թերի զվար-

դապետութիւնն <sup>1</sup> շնորհին որ էր  
 'ի յիս, հայեցուցանէին: Ար և  
 զանունն անգամ աղանդոյն, որով  
 բամբասէին յանդգնեալքն՝ կարի  
 յոյժ համարիմ ալտեղի նշանակել  
 գրով: Այլ նկատումն հայհոյա-  
 նայն զնոցունց իսկ զյառաջագրե-  
 լոցն բերէ զնմանս, թէթեւս և  
 ճնչինս համարել զպունկացելոցն  
 զգործս:

Բայց իմ ըստ կարի պարապեալ  
 յունական ուսմանցն, և ըստ զօրե-  
 լոյ տկարամտութեանս իմոյ կար-  
 դացեալ զգիրս արանցն սրբոց,  
 որք վառեալք Սուրբ Հոգւոյն  
 զինու՝ զսուրս հոգեփոխոտս ա-  
 ղանդաւոր ուսմանցն դարձուցա-  
 նէին անդրէն 'ի սիրտս նոցունց,  
 և զալեղունս նոցա վշրեցին, և  
 զփրկագործ վարդապետութիւնն՝  
 իւրեանց գրով մեզ աւանդեցին,  
 հոգացեալ իբրև զարդարեւ ոգեսէր

1. Յօր. վարդապետութեան:

հարս, զամենայն տգէտ խորհուրդ  
մարդոց զօգուան, զորոց յերկար  
օք<sup>1</sup> և ջերմ սիրով ընթերցեալ  
զգրեալս, անմեղս և դիւրապէր ծ  
կարէ լինել հրարձակ նետից չար  
ձգողացն. զսրբոցն ասեմ զԱթա  
նասէ Աղեքսանդրացւոյ, և զեր  
կուց միանուն արանցն, զԱլեքս  
Աղեքսանդրացւոյ և զԱլեքսէ Ե  
րուսաղեմացւոյ, զԲարսղէ կեսա  
րացւոյ և զԳրիգորէ Նազազա  
ցւոյ, որ և յաղագս առաւելեալ  
'ի նմա շնորհի՛ Աստուածաբան յոր  
ջորջեցաւ. և զմերոյն առաքելա  
նման նահատակին Գրիգորի՛ զվար  
դապետէն Հայոց, և զնոցունց նմա  
նեացն, որք զնոյն շաւիղ առողջ  
մտութեանն հետեւեալ վարդապե  
տեցին: Յաղագս որոյ և զայլն ա  
մենայն և զորս առ նոսա արանցն՝  
ծառայք նորա ունին զամենայն  
գրեալսն<sup>2</sup>, զԱրիտսի Աղեքսանդրա

1. Ի բնագրին յերկարսս:

2. Պակասէ կամ խառնակեալ է  
բանն:

ցւոյ և զԱպոլինարոսի Լաւորի-  
կեցւոյ <sup>1</sup>, և զՆեասորի զԱնտիո-  
քացւոյ, և զԵւտիքեայ Կոստան-  
դինուպօլսեցւոյ, և զԿոււմբրի-  
կայ սարկի, որ և յետոյ Մա-  
նի վինքն անուանափոխեաց. ուս-  
տի և Մանիքեցիք կոչեցան աշա-  
կերտեալքն նմա. և զայլոցն  
բազմաց զնոյնանման կորստեան  
ճանապարհին ուղեկցաց, զորս  
սուրբ կաթողիկէ և առաքե-  
լանման Յկեղեցւոյ նշովեալ և ար-  
տաքս ընկեցեալ՝ յամենայնէ՛ր  
բաց և մեկուսացեալք՝ ՚ի յԱս-  
տուծոյ ուղղափառ ուխտէն, մինչև  
ցայսօր վարին ներկեալք իւրա-  
քանչիւր ազիաիւ, անծածուկքն  
միմեանց, և յայտնի են ամենայն  
ուղղափառ ժողովրդոց:

Եւ արդ թէպէտ և գլծեալ սոքա  
անբժշկու թեամբ կազան ՚ի հաւա-  
տըն, այլ սակայն բանիւ և ոչ գոր-

ծով, զի ըստ մարմնոյ պարկեշտու  
թեան յամենայն ճգնութիւնս մի  
զմիով ելլելս առնեն, և մանաւանդ  
'ի կերակուրս և ըմպելիս և 'ի գե-  
ղութեան ժուժկալութիւնս:

Իսկ Հայոց աշխարհի ազանդ՝ զոր  
ասեն՝ Կանանուհի է ըստ վարդա-  
պետի և անգիր ըստ բանի: Ի հա-  
ւատոյ և յուսմանէ սգէսք երեին,  
և 'ի գործս ծոյլք և անժոյժք.  
յորոց՝ ըստ անդիտութեանն՝ որ է  
'ի նոսա, և ըստ անկարդ վարուց՝,  
այդպիսի իսկ արդարեւ ազանդոց  
վայել էր բուսանել, ըստ յօդուա-  
ծոյ առասպելաբանութեանն. թէ  
«Յստ խոզի հարսնացելոյ՝ կոյա-  
ղուր բաղանիք»): «Մի արդարեւ  
պատմեսցի այս 'ի Գէթ, ըստ բանի  
ողբոյն, և մի լուսցի 'ի գրուեա  
Ասկաղովի»): Իսկ որ ընթեռ-  
նուն 'ի միտ առցէ:

Բայց ես թէ և գիտէի զոք յայն

պիտեացն՝ ընդ լթոյ դասել և կամ  
 պարտաւորել ամենեւիք ոչ կա-  
 մէի. վասն որոյ կարծէին չարա-  
 թոյնքն, թէ և ես նմանիցիմ՝ նո-  
 ցա: Քանզի ուսեալ էի ՚ի Փրկչէն,  
 որ ոչ հրամայէ ամենեցունց՝ յո-  
 խորս խլել զորոմն ՚ի ցորենոյն՝  
 մինչև ՚ի ժամանակ հնձոցն, և ա-  
 ռաքել զհրեշտակս իւր ՚ի ժամա-  
 նակի հնձոցն. զորս կամ հրեշ-  
 տակս իսկ ասէ, և կամ ճշմարիտ  
 վարդապետս. որպէս սովոր են  
 զվարդապետս հրեշտակս անուա-  
 նել աստուածեղէն Քիրք, որպէս  
 և զիշխանս՝ աստուածս ասացին  
 մարգարէքն: Իսկ ես ոչ հրեշտակս  
 և վարդապետ, և ոչ երբէք իսկ  
 չեմ եղեալ բանիս այս ըստ երբէք  
 ՚ի հարցողաց ուրուք կամաց գոր-  
 ծոյ իշխանութեան՝ և ոչ երբէք:

4. Պակասի ինչ կամ խառնակեալ է.  
 իսկ իմաստն յայտնէ չլինել փափագող  
 կամ հետամուտ աւագութեան:



Քանզի յաղագս ատելոյ զիս, –  
 Թերևս արդեօք և ըստ անարժա-  
 նութեան, – սուրբքդ և անարասք  
 և յամենայն մեղաց ազատ ուսու-  
 ցիչքդ Հայոց՝ Թող 'ի մեծամեծան  
 ձկտեցուցանել զիս, յեպիսկոպո-  
 սութիւն և կամ 'ի նոցին յառա-  
 ջին պատաստութիւն, և կամ յեկե-  
 ղեցւոյ դասաւորութիւնս, այլ և  
 քորեպիսկոպոս ոք չարար, զոր  
 Պարսիկք և արք անարժանք գոր-  
 ծեն և այսօր:

Իսկ անձամբ զանձն յանդգնե-  
 ցուցանել 'ի վարդապետութիւն,  
 որպէս և զբազումս տեսանէի յան-  
 պիտանաց, այնպէս յահագին առ-  
 նէն սարսէի՝ 'ի Յակովբոսէ, որ բռ-  
 ղոքէն ցանկ, թէ «Մի բազում  
 վարդապետս լինիք, եղբարք, գի-  
 տասջիք զի մեծ դատաստան ընդու-  
 նիք» և ոչ դարձեալ իբրև լցեալ  
 սըն պիղծ և վատթար գործովք,  
 որոց չհայեցեալ յիւրեանց գե-  
 րանն՝ յայլոց մատուցեալ յակինն՝

գնունն հանել շիւղ: Եւ այսպիսի  
 կեղծեօք հնարեն կարծեցուցանել  
 աշխարհի զանձինս արդարս, և այն  
 ոչ երբէք ծածկի, այլ ևս տուել  
 լեալ յաւելուածովք կուտեն ան-  
 ձանց բարկութիւն յաւուրն բար-  
 կութեան. և զսէն զՊօղոսի բռ-  
 զոքն, « Թէ զանձինս դատէաք » :  
 Եւ այլք ագահութեան ախախ-  
 վարակեալք՝ արկանեն ընդ սր-  
 տեօք զարդարս և զսօձ արդարս,  
 և կարացեալ ևեթ ըմբռնել զմա-  
 մոնայն՝ յաղագս որոյ խուենն,  
 այնուհետև զամենեսեան արդարս  
 անուանեն և անմեղս, և զմարգա-  
 րէին Ամբակումայ սառնկանեն  
 զաղաղակ, մանաւանդ թէ նովաւ  
 զՍուրբ Հոգւոյն, թէ « Վայ որ  
 պահէ զագահութիւն չար՝ի տան  
 իւրում » :

Գարձեալ ստէին թէ գամ մի  
 սկիզբ ոք է և չարագործ՝ Ղազարայ  
 վանք անդ են, և սիրէ զնոսա: Եւ  
 զայնպիսի բանից զասացողաց զգոր-

ծըս՝ ես ահա լռեմ, դի ոչ ինչ է  
 ինձ հարկ ասել. բայց որ ահագին  
 և անաչառ ֆրիստոսի՝ չլու է, այլ  
 անշէջ բոցոյն մասնէ: Աւ անուա-  
 նէին բարեկամս ինձ եղբարսդ  
 սրբոյ դգին գրուանին զքո տեանն  
 եղբորորդւով լ: Աւ ունին երե-  
 քեանքդ. զամենայն անուգեան և  
 խրատու մասն և զհրահանգ՝ հոգե-  
 ւոյն և մարմնապէս, և զձանօթու-  
 թիւնս ուղղափառ հաւատոյ՝ յօրհ-  
 նելոյ ՚ի մօրէն քումէ և ՚ի քէն ՚ի  
 Տեառնէ: Աւ են արք ոչ թերակա-  
 տարք ինչ հասակաւ և կամ՝ արիւ-  
 եղծք, այլ յամենայն մտաւորու-  
 թիւնս և յիրս արիութեան լիք և  
 կատարեալք: Ընդ նոսին և զԱբե-  
 ղենից տէր, որ և նա ՚ի քո Տեառն  
 սիրոյն և յամենլնկալ բարերա-  
 րութենէդ ունի զամենայն յար-  
 դանաց իւրոց և լինելոյ ՚ի միջի

1. Խառնակ և սխալ կայ ՚ի բանիդ .  
 թերևս զգին պարտ իցէ ընթեռնուս զե-  
 բեան, և եղբորսդդ՝ եղբորսդդուով:

զպատճառ, և առ 'ի Տեառնէ, և  
էն 'ի Քրիստոսի շնորհէն ամենե-  
քեան ողջ և 'ի միջի: Հարցցին ըստ  
մարմնոյ զհայրութեան իմոյ իրա-  
տրս և զըստ հոգւոյ զվարդապե-  
տութեան իմոյ զբան, և զոր ինչ  
լուեալ է քո յինէն. չունելով  
պարտաւորութիւն յոգիս իւ-  
րեանց, ասացէն անսուս:

Բայց սիրելին երեքին եղբարքն  
զվանան Սրբոյ Աթոռակիկէն՝ պըտ-  
ղովք և ամենայն 'պիտոյիւք, որոց  
իւրաքանչիւր ուրուք տուր յայանի  
էր՝ և գրով մնաց 'ի տեղւոջն. որք  
արդարև ոք Տեառն կամացդ դոքա  
երևեցան կամակատարք: Ասան զի  
յօրէ յորմէհետէ, դու Տէր, ըստ  
քո անարգամեծար խնամոցդ յանձ-  
նեցեր զիս քո ընտանեաց, դոքա  
երևեցան յիս հրամանակատարք  
բանի բուժ, ուրոյն ըստ կամի ըզ-  
պաղարիւրութիւն տեղւոյն հասու-  
ցանելով. և ուրոյն զիմ պէտս և  
զկարօտութիւնս հոգալով, այլ և

գրանս իմ յոյժ ախորժիւք և պա-  
 տուկանուժեամբ ընդունէին՝  
 որպէս և զառուջ վարդապետի, և  
 պատուէին որպէս և զհայր. և մա-  
 նաւանդ առաւել տէր Համազասպ,  
 որում տացէ Տէր ուղորմութիւն,  
 որպէս և տանն Ռեխիփորայ, բա-  
 ընիստութեամբ ասողի զբանդ. զի  
 բազում անգամ հանգոյց զիս և՛ ի  
 հալածմանն կերակրիչ իմ եղեւ:

Բայց ես և այլ նոր իմն բանս ա-  
 սեմ Տեառնդ, զոր եթէ թուիցի  
 արդարախնդիր մտացդ՝ նախ քան  
 զամենայն աղաչեմ զտէրդ՝ քննել  
 զայդ. յորոյ ճշգրտիւ հասեալ ՚ի  
 վերայ՝ կամ զարմասջիր և կամ  
 խոսեալ՝ իբրև զոչ արդար՝ ան-  
 գոսնեաջիր: Քանզի յօրէ յորմէ-  
 հեակ տարար դու, Տէր, զիս ՚ի  
 տեղիդ, մինչև յօր հալածման իմոյ՝  
 ՚ի մտից տեղւոյդ և կամ երեխայ-

1. Տպագիրն իոտոսեւեբեւ զու տը-  
 դար:

րեաց մինչև ցգրամ մի յանձն  
 իմ ոչ է յարեալ, և յերս իմոց  
 պիտոյից ումեք ինչ ոչ էր  
 տուեալ. և գիտեն զայս բնա-  
 կեալքն ընդ իս: Այլ աւաւելա-  
 գոյն այր մի Ակիթ անուն, որ է-  
 կեալ 'ի տեղիդ 'ի Գարգուանայ վա-  
 նաց՝ 'ի նմին աւուր յորում հինս  
 արկաւ տեղւոյդ, և մինչև ցգնալն  
 իմ 'ի տեղւոջդ էր, և արդ լուայ թէ  
 առ Անդւոյ է. նա աւաւել գիտէ,  
 քանդի յոլով նորա արբանեկեալ  
 էր զպէտս տեղւոյդ, հարցցի թէ  
 կայ ուրեք և ասացի: Այլ կար-  
 գեալքն ինձ լաս տարւոյ 'ի տեառն  
 Ներսէհէ և Հրահասայ 'ի պէտս  
 դարմանոյ և հանդերձոյ և ձիոյ՝  
 յայտնի է, նոյնպէս և 'ի քո Տեառն  
 յեզբօրորդեացդ. և այն իսկ շատ  
 լինէր ինձ և բաւական, այլ երբեք  
 և յաւելորդացն՝ 'ի պէտս տեղւոյդ  
 ծախէր յիմոցն: Բայց բերեալքն  
 իմ յԱզուանից և 'ի Վրաց և 'ի  
 Սիւնեայ և յԱրշարունեայ, և որ

'ի դոցուհաց խակ 'ի քո Տեառն եղբօր  
 որդեացդ, ամենայն իւրաքանչիւր  
 ուրուք տուրն որոշողութեամբ  
 մնաց 'ի տեղւոջն գրով, և զիս հա  
 նին մերկ և թշնամանօք յամենայն  
 արարելոյ խմաց, զոր 'ի մանկու  
 թենէ արարեալ էր: Զի անգամ և  
 պհուում գրեանգ ոչ ետուն զկնի  
 իմ, որք կան այդր ընկեցեալ 'ի  
 կերակուր ցեցոյ. բայց արդեօք  
 կարդացեալ լուսաւորեացին 'ի  
 գոցանէ բնակեալք 'ի տեղւոջդ, և  
 կամ զայլս լուսաւորիցեն:

Աւ դու, Տէր, զայս և մի ինչ ոչ  
 գիտացեր, բայց գիտել արժան էր.  
 քանզի լուսայ, եթէ ասէին զկնի  
 իմ, եթէ չգոյր ինչ 'ի տեղւոջն: Զի  
 ամենայն կահիւ կազմածով՝ եթէ  
 սակաւ մի երևէի նուազեալ քան  
 զայնոսիկ, որք յերկերիւր ամէ շի  
 նեալ վանորայքն՝ չհամարէի զանձ  
 նրս արժանի կալոյ: Զի թէ  
 պէտ միանգամ և երկիցս ջարդե  
 ցաւ բոլոր կահն յանհաստատու

Թե՛ն է շինուածոյն, այլ զվերջինսն  
 Թէ գիտեցեալ էր Տեառնդ՝ և պա-  
 հանջեալ յինէն համար, գէ՛մ յան-  
 գիտան զերևելիս գոլ առաջի քո  
 ընդրուԹեան, գովուԹեան և կամ՝  
 պարսաւանայ էի արժանի: Իսոյց  
 ես ընդ օձտելոյն եւեթ այսր  
 անդր՝: . . . . .

Ձի արտում եմ անմխիԹար մին  
 չեւ 'ի մահ, որ նման գայլոց յար-  
 ձակեցան յարարս խմ և գիշատե-  
 ցին յանխնայ, տեսեալ զիս՝ եթէ  
 մերժեցայ յաչայ քոց: Եւ արդ  
 իմով ընչիւք շրջին պճնեալք՝ ծաղր  
 առնելով զիս: Այլ որ ինչ 'ի տե-  
 ղւոջն մնայ իմ, ուրախ եմ և ցնծամ,  
 զի 'ի սուրբ և 'ի հոգևոր տեղւոջ  
 մնայ:

Գարձեալ այլ շողմոգ բանիւք  
 զայրացուցանել զքեզ, Տէր, ընդ  
 իս փուԹային, Թէ մանուկ մի  
 հոգաբարձ տեղւոյն չկարէ առնել:  
 Եւ ինձ հրեշտակ ոք ոչ մարմնա-

1. Աստէն թուի թուղթ անկեալ:



ցաւ, որ թերևս ըստ հոգեղէն  
բնութեանն տեսեալ զսա 'ի ծա-  
ծուկ ձգեալ զորոգայթ թշնա-  
մեացն՝ մարթէր պարզանալ և  
յանձն առնոյր լինել ինձ երկրորդ  
մարդ, զոր և առնէի:

Անդէն և անդ հասեալ մօտ ան-  
կանէին 'ի դաւաճանութիւնսն և նեն-  
գիչքն, և արբուցեալ հրապոյրս  
սղտորս՝ ասէին. Ո՛վ անմիտ մար-  
դիկ, ընդէր վաստակիք յանօգու-  
տրս. հիմ լայք 'ի զուր 'ի խորշա-  
կահար տեղւոջդ, և խօշութեամբ  
անձնամահք լինիք: Ձի են 'ի Մա-  
միկոնէից ասնէ աւագ ծառայք  
ովանք և այլ քահանայ աւագ որ  
է 'ի ասոն, որոյ ընդ մեզ բանք են  
երդամբ, թէ երբ և է Ապարայ  
խկ չտամ հանգչել այդր, թող թէ  
նորս ումէք: Եւ այսպիսի բանիւք  
թուլացեալ լսողքն, այնուհետեւ  
'ի շալակս իւրեանց՝ սառել քան

4. Տղադիրն 'ի դաւաճանութեամբ:

'ի տեղիդ՝ փռութային համբարել։  
Սակայն ես նման մեղուի բերելով  
յամենայն կողմանց՝ բաւական լի-  
նէի և ծախողացն և մթերից տե-  
ղւոյն։

Բայց, դու Տէր, այր յերկարա-  
յուշ ես և անմոռաց, մանաւանդ  
թէ ըստ 'ի քեզ հոգասիրութեանդ՝  
և կամաւ եւս խորհիցիս զյիշելդ,  
զտուեալ պատգամն երանելոյն  
Յովհաննու՝ Գլխայ կաթուղի  
կոսի եղբորորդւոյն, քեզ Տեառն  
'ի Սեկոյ դրախտին՝ յարանց ոմանց,  
որք խոստանալով քեզ Տեառն, կա-  
րասի, ինդրէին զտեղիդ։ Եւ քո  
Տեառն կոչեցեալ զտէր Վարդ՝ զքո  
եղբայր և զՀայդիկ և զիմ անոր-  
ժանութիւնս, հրամայեցեր միւս-  
անգամ երկրորդել տեառն Յով-  
հաննու զպատգամն. յոր ասա-  
ցեալ քո Տեառն և այլ բազում  
ինչ բանս, գլուխ պատգամի պա-  
տասխանւոյն արարեալ, եթէ,  
Պարտ էր նոցա իսկ ածել զմտաւ

և զայդպիսի ինչ շոյել առ իս․  
 բայց որովհետև նորա անզգամե-  
 ցան, սակայն ես զայսպիսի քրք-  
 տամբ մեծ զվաստակս և բազում  
 աշխատութեամբ զծախս վատ վա-  
 ճառականութեամբ ընդ թեթեւ  
 ընչի տալ ոչ կարեմ, և ոչ զհո-  
 գևոր և զյաւիտենական գանձ՝ ան-  
 պիտոյ և անցաւոր կարասոյ  
 փոխանակել: Եւ ընդ տեառն Յով-  
 հաննայ զայրացար, թէ բնաւ իբրև  
 քեզ առն լսել իսկ էր արժան զայդ-  
 պիսի բանս, թող թէ առ իս բե-  
 րել:

Եւ ես վասն զի տկարամիտ և  
 անզգուշացող այր եմ՝ յերկրաւոր  
 միտս, ոչ զգացի ժամոյն դաւոյն․  
 այլ պարտ էր փութով և երազ  
 երազ անկանել յոտոզ արտա-  
 սուօք և աղաչելով, և ՚ի բաց փախ-  
 չել ՚ի հոգաբարձութենէ տեղւոյդ:  
 Եւ սհա լինէի պրծեալ ՚ի ճա-  
 րաթոյն ժանեաց դազանացն, որք  
 յայնմհետէ դարանամտեալք ՚ի

ծածուկ, և ըստ անհամար մեծուշ  
 թեան իւրեանց սաստիկ կարասաւ  
 գնեալ բազում յեասն՝ սրեցին որ  
 պէս սուսեր զլեզուս իւրեանց և  
 թոյնք թխց էին՝ ի ներքոյ շրթանց :  
 Եւ իմ՝ ոչ մարթայեալ աղօթել  
 իբրև Վաղմոսերգն, թէ՛ «Պահեա,  
 Տէր, ի ձեռաց մեղաւորի և ՚ի մար-  
 գոյ չարէ փրկեա զիս» . որոց հե-  
 տամուտեալ այնուհետեւ խափանե-  
 ցին զգնացս իմ, և հասեալ խոցո-  
 տեցին զիս ՚ի մահ : Այլ ինդամ  
 ցնծացեալ, զի այն վիրօք և որ  
 յառաջագոյն խոցուտեալ իմ հոգիս  
 մեղօք՝ առողջացեալ զօրացաւ :

Եւ այսպէս վճարեալ զամենայն  
 կամաց ինդիր ՚ի վերայ իմ, այնու-  
 հետեւ ուրախ լինէին որպէս ՚ի կա-  
 տարելում աօնի զուարճացեալք :  
 Որոց պարտն էր ըսլ զիս իբրև զան-  
 ցուցեալ՝ նստեալ շուրջ զինեւ ՚ի  
 սենեկի, և արտասուել իբրև զվի-  
 րաւոր և գեղ դնել . այլ զսոցուհնց  
 հասուցին զհակառակն . այսին առ-

նելով պատեցին շուրջ զինեւ, 'ի  
 սիրտս իւրեանց խնդալիցք. «Բա-  
 ցին'ի վերայ իմ զբերանս իւրեանց  
 և սասցին. վա՛շ վա՛շ, տեսին աչք  
 մեր» : Եւ զի ոչ լոկ բանից ընդ-  
 վայրախօսութիւն է զոր ասեմս,  
 այլ ճշմարտապէս արդիւնաւոր  
 փորձիւ, յանդիման կացուցանեմ  
 Տեաւնդ զբանս :

Զերևելի սեպուհ մի յակա-  
 նաւոր տոհմէ՝ աւաքեցի առ դըլ-  
 խաւորդ Հայոց քահանայութեան,  
 առ հիւանդատեադ հոգւոց, ասեմ.  
 Առ 'ի բժշկութիւնս վիրաւորաց  
 փութա, հաս յօգնել. խոցոտեցայ  
 'ի թշնամւոյն անթիւ նեախւք. կա-  
 րեվէր եմ մերձ 'ի մահ. քեզ է այ-  
 սուհետե հարկ՝ դնել դեղ և բժըշ-  
 կել. կամ թէ մեռանել՝ տանել 'ի  
 շիրիմ և թաղել : Եւ նա պատաս-  
 խանի արարեալ սասց առ ՚ պատ-  
 դամաբերն. Ենորհելով Քրիստոսի

ույժ լեր, և այլն <sup>1</sup> ոչ ինչ թեթե,  
 եթէ Նս և՛ ի տեսանել իսկ չիշխեմ  
 զքեզ առ երկիւզի, դու ասես,  
 եթէ դամ բժշկեմ և կամ թաղեալ.  
 մի գուցէ զգայեալ ուրուք և զիս  
 ընդ քեզ թաղիցէ:

Մեր աներկիւղութիւն քաջ հո  
 վուի է. ի՞նչ հոգողութիւն արդար  
 ուսուցչի. ո՞ր քրիստոսանմանու  
 թիւն արդար հայրապետի: Արաւ  
 բաժոց արարիչն յաղագս մեղաւո  
 րաց գիւտի մարդ եղև. բազում  
 թշնամանաց համբերեաց, կուփա  
 նաց և թուք յերես առնըլոյ, և  
 վշեղէն պսակի, հանդերձ այլովք  
 եւս մեծամեծօքն. դա և ջուր ան  
 դամ սրսկել ընդ երեսս թալկա  
 ցելոյ վիրաւորի ոչ իշխեաց, ՚ի  
 մարդկան երկիւղէ: Առեալ վա  
 բուն զգահեկանս ՚ի Շամարտայի  
 գլխածէն՝ զգինս դարմանոց հիւան.  
 դաց՝ ՚ի սապատս համբարէ, և  
 զհիւանդս հանեալ ՚ի պանդոկ

ւոյն՝ ընկենու յարաքս բազում  
 անփուլթուլթեամբ: Փրկիչն Քրիս-  
 տոս բարձր կոչմամբ, զամենայն օր  
 խնդրէ զմեղաւորս. « Եկայք առ  
 իս ամենայն աշխատեալք և վաս-  
 տակեալք, և որք ունիք զբեռինս  
 ծանունս, և ես հանդուցանեմ  
 զձեզ )) . և Պօղոս զանյարական  
 զարկումն զանյայտ դիպեցման յաշ-  
 խարհիս՝ ջև ևս գլորելոցն զգու-  
 շացուցանէ, գրելով առ Գաղա-  
 տացիսն. « Եղբարք, առէ, եթէ  
 յանկարծ ըմբռնեսցի սք 'ի ձէնջ  
 յինչ և իցէ յանցանս, դուք որ  
 հոգւորք էք, հաստատեցէք զայն  
 սխիսն հոգւով հեղուլթեան. ըզ-  
 գոյշ լինիցիք անձանց, զի մի և  
 դուք փորձիցիք. զմիմեանց բեռն  
 բարձէք, և այնպէս կաաարեցէք  
 զօրէնսն Քրիստոսի »: Իսկ դա  
 զնորին հակառակն աղաղակէ, թէ  
 « Յո՞ գասս. չկամիմ, չիշխեմ տեսա-  
 նեմ )): Արդեօք տարա՞ւ զիս 'ի սե-  
 նեակ միանդամ և երկկցս, և խօ-

սեցա՞ւ ընդ իս, որպէս հրամայէ  
Փրկիչն, միայն ընդ միայն, և կամ  
միով և կամ՝ երկու ընկերօք. և  
գտեալ անհաւան համարեալ իբրև  
զմեղաւոր և զմաքսաւոր՝ հալա-  
ծէր:

Յիշեալ, ասէ, ուրումն երբեմն  
առ աւագի զանուն իմ՝ առաջի  
ոմանց պարեգօտաւորաց, ասաց  
արտնագին հառաչմամբ. Եթէ, Աջ  
եղև իրաւացի հեռանալ առն յաշ-  
խարհէս, քանզի զարդէր եկե-  
ղեցւոյ: Եւ ոչ այլ ինչ կարացեալ  
ասել լսողացն՝ զայս ևեթ ետուն  
պատասխանի. Եթէ, Յաղագս հա-  
լածման նորա մեք չեմք ինչ պար-  
տաւորք. բայց վասն գիտութեանդ,  
որ ասէքդ, արդարեւ յառաջնում  
քաջ համեղս ասէր և զօրաւորս,  
բայց ապա յարդի ժամս բնաւ վատ  
ասէր: Եւ զայս ոչ կարացին գի-  
տել, թէ՛ ի յանդիմանութիւն  
և յամօթ անձանց իւրեանց իօ-  
սէին զայնպիսի բանս:



Արդ ասէ ասացեն, յաղագս  
մը շնորհեալ պարգևէի վարդա-  
պետութեան բանս: Ասող՞. — ո՞չ  
սպաքէն վասն ունկնդրացն ախոր-  
ժրս լրութեան և խնդրուածոյ:  
Նայեցարուք ընդ ժողովուրդն  
Յունաց. յորժամ քարոզն լուեալ  
աղաղակէ, և որ կամին ասել՝ 'ի  
կարգեալ անդիան մատչի, ամենե-  
ցուն զարթուցեալ զսիրտս աս  
Աստուած վերացուցանեն. սա-  
րածեալ ձեռօք խաչանմանք լի-  
նին. միաձայն խնդրուածովք և  
արասուալից դոչմամբ զՓրկիչն  
Թախանձեցուցանեն. « Տուր, ա-  
սեն, բան. սաքեա շնորհ. դու  
խակ ինքն դովաւ՝ որպէս Սրբոյն  
Պօղոսիւ՝ խօսեա ընդ մեզ. նմա  
ծանո գհաշտութիւն քո ընդ ծա-  
ւայս քո: Մի նմանեացէ դա յա-  
ղագս մերոց մեզայ՝ ստերջ ամբոց.  
այլ անձրեւահոս բլխամամբ յոր-  
դեսցէ յանդաստանս հոգւոց մե-  
րոց, որովք ծաղկեալք՝ պտուղք

արժանիս հաճութեան կամաց քոց  
բերեալ մատուցաւք » :

Եւ արդ՝ ո՞յր ուրուք՝ ի տգիտաց՝  
Թող թէ սակաւ մի և՛ ի հետեւե-  
լոց բանի, ոչ զարթնուցու միայք,  
չվառիցի՞ խոհարանն, չվերաբե-  
րիցէ՞ ի գանձուն Սուրբ Հոգւոյն  
զնոր և զհինս. մանաւանդ որ ըստ  
խոնարհութեան ոք՝ և ոչ հպար-  
տական գիտութեամբ. մատչիցի  
յասելն, ՚ի լսողացն յաղօթս՝ և ոչ  
յանձինն պանծայցէ գիտութիւն:  
Ձի եթէ ընտիր Աստուծոյ անօթն  
Պօղոս՝ առ իւր աշակերտեալն  
յԵփեսոս գրէր. աղաչելով. « Ա-  
ղօթս արարէք, ասէ, և վասն իմ,  
զի ինձ տացի բան ՚ի բանալ բերա-  
նոյ իմոյ » , և արդ եթէ որ հազա-  
րապետն էր խորհրդոցն Աստուծոյ՝  
աղօթից կարօտէր և աղաչէր. ո՞ր-  
չափ ևս առաւել այժմու մար-  
դիկս՝ զգածեալ բազում տկարու-  
թեամբ:

Իսկ Հայոց աբեղէնքս առ դառ-

Կաշունչ նախանձու, որ միացեալ  
 է ՚ի սիրտս նոցա՝ զնոցունց հակա-  
 ռական երկնէն. և արդարեւ ըստ  
 սասցածի մարդարէին՝ յլանան  
 զցաւս և ծնանին զանօրէնութիւն.  
 աղօթս իսկ չառնէն ՚ի վերայ  
 ասողին. այլ և եթէ յանկարծ  
 շնորհի բան ՚ի մարդասիրէն՝ հեղձ-  
 նուն ՚ի նախանձուէ: Եթէ զոք  
 տեսանէն ՚ի ժողովրդէնէն՝ եթէ  
 գովէ; ծաղր առնելով ամաչեցու-  
 ցանէն. « Արդ լուր ինչ, ասեն,  
 չգիտէ, և ընդ վայր աղաղակէ և  
 քրքուի »: Իսկ Յունաց ժողո-  
 վուրդան՝ և տղայքն անգամ ՚ի վե-  
 րայ ուսոց ծնողացն՝ շարժեալ  
 զձեռներն ՚ի գովութիւն այլոցն,  
 ձայնս անյօգակապէս արձակեալ  
 յայթախ: Եւ գոքա նստին դըլիս-  
 արկեալք, պատատեալք երեսօք,  
 որպէս առ հոտեալ դիական, պա-  
 պանծեալք որպէս համր դեւ: Եւ  
 եթէ գթացեալ Մարդասիրին՝ կա-  
 միցի տալ բան խրատու ՚ի ժողո-

վրդոցն փրկութիւն, հայեցեալ 'ի դաւն խորհրդոցն նոցա որոճմունս՝ յինքն ամփոփեալ արգելու գշնորհն. անդ խմակայ արդարեւ ըստ գրելումն յՕրհնութիւնս օրհնութեանց, երկօքին սոքա, սէր և նախանձ. « Թախք նորա Թախք բոցոյ հրոյ » . յորոց իւրաքանչիւր ոք յայսց 'ի բարի վարողացն՝ արքայութիւն առթէ, և 'ի չարիս աճեցուցչացն՝ զդժոխս ժառանգեցուցանէ :

Եւ արդ իցէ՞ ոք 'ի ժամանակս՝ նմանող մարգարէին Նրեմիայի, որ ասէր ողբալով. « Ո՞ սայր զգլուխս իմ 'ի շուր և զաչս յաղբերս արտասուաց » , և թող նստեալ լայի վթշոտաւութիւն աշխարհիս :

Եւ ասեն. ի նախնումն գիտնաբար խօսէր Ասղար, և այժմ՝ անգիտաբար : Մինչ 'ի դոսա դեռ ևս լռեալ էր նախանձն, յասօղս՝ զօրացեալ էր շնորհն. իսկ յորժամ տեսին զբաղմութիւն ժողովրդոցն

յօժարեալս 'ի լսել, յորդորեալս  
 'ի գովութիւնս, պատմելով մի-  
 մեանց զշնորհին յորդորմունս,  
 յարգելով և անմոռաց վարմանա-  
 լով վրասաւոր և զանդայթ բանին  
 բխտումն 'ի հրապարակս և 'ի  
 փողոցս, յայս եւեթ հռչակելով  
 առ միմեանս խայտացեալք, 'ի կոր  
 կործանեցան, և այնուհետև սկսան  
 յղանալ զոխակալութիւնն և ծնա-  
 նել զնախանձ: Իսկ յորժամ 'ի  
 գոսա այնպիսի առաւելաւ չա-  
 րակամութիւն՝ լռեալ արգելաւ  
 բանն, և ոչ թէ յասողէն, քաւ-  
 լիցի, քանզի անդեղջ է շնորհն  
 և անպակաս են պարգևքն, այլ 'ի  
 գոցանէ, զի մի լուիցեն զբան փրկ-  
 կութեան իւրեանց: Առ որս կա-  
 տարի բան Հոգւոյն, որ ասէ, թէ,  
 «Տաց ձեզ սով՝ լսել զպատգամս  
 Տեան» :

Սահեցուցեալ զմտածութիւնսն  
 'ի բազում յածմունս, և զայս եւս  
 յօդեալ յայլ չարախորհութիւն,

սըն՝ ասէին. « Այդ<sup>1</sup> գիր ոչ կար  
 գայ, և զընթերցուածն այնպէս  
 ասէ անսայթաք՝ որպէս թէ գրոցն»  
 Եւ յայս ոչ հայեցան գիտել, թէ  
 որք քաջ գիտեն՝ զսաղմոսն Դաւ  
 թի պաշտել, միայն պիտոյ է ՚ի  
 ժամուն անսխալ, և ոչ միշտ ըզ  
 գիրսն ՚ի ձեռին ունելով՝ իտել  
 զայլ այլ իբրև զբանդագուշեալս:  
 Իսկ մեր երանելի վարդապետքն՝  
 զամենայն զկասկարանս եկեղե  
 ցւոյ երիցս և չորիցս ուսուցեալ  
 մեզ ՚ի սկզբանէ մինչև ՚ի կատա  
 րած գրոցն՝ համարս պահանջէին  
 ՚ի մէնջ զնոյնս, և իբրև զԴաւթի  
 սաղմոսն՝ պաշտել մեզ հարկաւո  
 րէին: Իսկ այժմ՝ յոլովք ՚ի լերբ  
 մախողաց՝ և զանուանս անգամ և  
 կամ զքանօնութիւնս կանոնեալ  
 եկեղեցական գրենոյ հազիւ կարեն  
 գիտել, և գրգռութեամբ նախանձ  
 արկու գիւին նստեալք առ մի

1 Գուցէ Այդդ այդ:

մեանս՝ լու ՚ի լու այլոցն զինչ  
պէսս իօսին :

Եւ արդ՝ զինչ եւս ասեմ . զի չէ  
բաւական ժամանակս համարելոյ  
զանթիւ յիս ՚ի նետաձգութենէ  
թշնամւոյն զվերս , զոր աւուր ա  
ւուր եւ ժամու ժամու ընկալեալ  
վտանգիւ՝ տանէի ամենայնի ՚ի  
հարկէ : Քանզի եւ կծկեալ սրպէս  
՚ի սաստիկ եւ պինդ կապոյ՝<sup>1</sup> քաղցր  
եւ ամենահեշտ քո Տեառն ախոր  
ժակ սիրովս , – զորոյ եթէ գամ<sup>2</sup>  
ճաշակել ուրուք ապէս զհամ ա  
նուշութեան , – կամէի տեսանել  
քան թէ յայտմանէ վրիպել :

Բայց այժմ եկեալ յաւարտումն  
բանիս՝ ՚ի դէպ եւ ՚ի պատշաճ հա  
մարիմ յիշել զզարմանալոյ եւ զե  
րկցս՝ երանելոյ աւազակին զբան ,  
զոր ՚ի խաչին սաստելով ասէր ցեղ  
կելի յիւր ընկերն , թէ « Մեք

1 . Ի ապագրին կապով :

2 . Այսինքն գամ մի :

ըստ արժանի զոր գործեցաքն՝  
 ընդունելիմք զհասուցումն )) . և  
 'ի Փրկիչն հայեցուցանելով, թէ  
 « Իսկ սա ընդէ՞ր » : Արդ ես ահա  
 ըստ արժանի որոց գործեցին՝ ըն-  
 կալայ զպատուհանն, և խոստո-  
 վանիմ առաջի հրեշտակաց և մարդ-  
 կան . իսկ այլ առաքելանման մար-  
 դիկն՝ ընդէ՞ր այսպիսումն, և ևս  
 առաւել քան զայնս դիպեալք՝ 'ի  
 յաշխարհիս 'ի յայսմ, խոստագոյն  
 վշտիւ վախճանեցան :

Երանելի Փիլիսոփոսն Մովսէս,  
 որ արդարեւ մինչդեռ էր 'ի մարմնի՝  
 ցանկ երկնային զօրացն էր քաղա-  
 քակից, ի՞նչ ապաքէն 'ի տեղւոջէ 'ի  
 տեղի արեղեանդ Հայոց հալածա-  
 կան արարին : Ո՞չ զլուսաւորիչն և  
 և զսոփոսահալած զգրեանն Նորա՝  
 առ անպիտու թեան Փաթաղիկէս 1

1 . Եթէ ոչ 'ի հայկական հմայից բառէ  
 ածանցեալ՝ յորմէ Փաթերակն և Փաթե-  
 թանք, հաւանագոյն 'ի լատին ձայնէ առ



կոչելին . և այլ բազում ինչ իրօք  
 թշնամանեալ , յետոյ ապա յա-  
 դարս այլոց ամօթոյ՝ դիտարեականն  
 դիպիտկոպոսութիւնս նման գե-  
 լոց մահու արբուցեալ սրբոյն՝  
 հեղձուցին : Արոյ՝ ՚ի ժամ վախճա-  
 նին զինչպիսի՝ ահաւորն զովս գրով  
 ՚ի վերայ գլխաւորաց քահանայու-  
 թեանդ ասացեալ է՝ ձեզէն իսկ գի-  
 տէք տեղեկացեալք <sup>1</sup> . . . .  
 զտեառնէ , զնա կացոյց ՚ի վերայ  
 անչափ անհանդիստ աշխատու-  
 թեանց և վաստակոյն՝ զցայգ և  
 զյերեկ , ՚ի լուսաւորութիւն աշ-  
 խարհիս Հայոց : Զօսկերսն ՚ի գե-  
 թեզմանէն հանել տային և ՚ի գեա-  
 արկանել : Զհրեշտականման այրն

Յոյնս փոխանցելոյ Fatalicus , իբր  
 Իժուխը Նրեր , ճակատագրական , կամ լաւ  
 ևս Fatuelis , պատգամական :

1 . Երկու թուղթ ՚ի բնագրէն ՚ի բաց  
 անկեալ (կամ ընկեցեալ) նշանակէ ՏԸ-  
 պաղիրն :

զՏէր՝ <sup>1</sup> նոյն անհանգիստ հալածա-  
նօք վախճանեցուցին, որք և այժմ  
դեռևս անյագուժեամբ քինով <sup>2</sup>  
ընդ մեռելոյն կագին:

Անարատ և յամենեցունց յար-  
գելի յոյսն՝ տէր Խոսրովիկ, ջե ևս  
հասեալ ՚ի սահմանս մեր, մինչդեռ  
գայր ՚ի ճանապարհի և լուան, որ  
պես ՚ի վերայ թշնամեոյ ընդդէմ  
զինեցան, ասելով. Սհա, ո՞ւր գայ  
միւս Թարգմանն: Եւ օրհնելոյն ՚ի  
հեռաստանէ լուեալ զդռնչիւն մա-  
հաձայն աղեղանցն՝ աղօթեաց առ  
Քարձրեալն, և վաղվաղակի ընկա-  
լաւ զինդիրն, որում և տենչալի  
նշխարացն այլք՝ և ոչ մեք՝ արժանի  
եղին ընդունակութեան:

Այլ ՚ի դէպ համարիմ ընդ նոսին  
յիշել և զտէր Աբրահամ զեպիսկո-

1. Տպագիրն զգրե նոյն՝: Այլ թուի  
ակնարկել ՚ի Խորձենացին Տէր, զոր ել-  
բեմն Ս. Մեսրովոյ վերակացու թողոյք  
դպրութեան ՚ի Վիրս: Տես յէջ 46:

2. Տպագիրն գինով:

պոս, որում ըստ ձաթի <sup>1</sup> խորհրդ-  
 գոյն և ճանգուցանէր 'ի ծերու-  
 թիւնս, և կարող լինէի առնմա գո-  
 նեա սուղ ինչժամանակ մնալ. թէ-  
 սէտև ոչ թերակատար գոլով-  
 սուրբ և սոսյդ հաւատ, զոր ու<sup>2</sup>  
 սեալ 'ի սղայու թեանն յերանելոյ  
 Աղանայ՝ կեամ նովիմբ 'ի նմին ան-  
 փոփոխու թեամբ, մինչև 'ի վախ-  
 ճան կենցաղոյս իմոյ: Այլ յաղագս  
 խմատաւոր բանի՝ ըստ նորա տեա-  
 ւըն մեծ հրահանգին, շահեալ 'ի  
 նմանէն՝ հանգոյն մեծի գանձու-  
 ամփոփելոյ հաշուէի զպարապումն  
 զաջն: Յորոյ վերայ տեսեալ սրբե-  
 գոտաւորաց՝ զայրազնեալ իմն՝  
 զօրհնելոյ տիկնոջ աւագի <sup>3</sup> զմխոսն,

1. Գուցէ ընծայի, այլ որպէս և տպա-  
 գիրն նշանակէ՝ աղաւաղեալ են խմատոք  
 բանիցս:

2. Ի դէպ էր յաւելուլ աստ՝ ի՞նչ:

3. Աստ և երկիցս յաւաջագոյն յի-  
 շեալդ աւագ՝ թուի նշանակել զապատ  
 և զիշխանաւոր մարդ, և ոչ յատակ  
 անուն մարդոյ միոյ:

ոչ ծանուցին առ ժամայն. նա աղա-  
 ճելով վերանելի մայրն՝ հոգացեալ  
 իբրև զեղբարս 'ի վերայ եղբօր,  
 այլ առաւելս վայրացուցեալ՝ դըր-  
 դուելով վկամացն իւրեանց նովաւ  
 կատարեցին զհաճոյս:


Եւ այսք այսպէս թշնամանեալք  
 և հայհոյանօք հալածեալք, ոչ յե-  
 րեկոյս ինչ ժամանակաց սրուցա-  
 արու թեամբք յումեքէ համբաւուց  
 ծանուցաւ մեզ, այլ առ մեւք իսկ  
 և 'ի մերում ժամանակի եղեալ տե-  
 սաք զայս սմենայն: Իսկ զյառա-  
 ջագոյն գրելոցս սուրբ արանցն,  
 զորս 'ի պատմութեանն նահատա-  
 կին Գրիգորի գրողմեալ յիշատա-  
 կէ, զի՞նչ ևս սասցից վարդար և  
 զարժանաւոր բարեպաշտ կաթո-  
 կոսէն՝ զսրբոյն Ներսիսէ, և զկրօ-  
 նաւոր առաքինւոյն և զմեծ լուսա-  
 ւորէն Նայոց՝ զտէր Սահակայ, և  
 զայլոց բազմաց, որոց ոչ բացեալ ի  
 բարեբան զբերանս իւրեանց՝ վախ-  
 ճանեցան:

Յաղագս որոյ երկնչիմ զարհու-  
րեալ, մի գուցէ և՛ ի գոսա յարկցեն  
աւետարանին սպառնալիքն, որ ա-  
սէ. « Ահաւասիկ ես աւաքեմ առ  
ձեզ մարդարէս և խմաստունս և գը-  
սիրս, և ի նոցանէ սպանանիցէք և  
խաչիցէք, և տանջիցէք ՚ք ժողո-  
վուրդս ձեր, և հալածիցէք ՚ի քա-  
ղաքէ ՚ի քաղաք. որպէս զի եկեսցէ  
ամենայն արիւն արդար հեղեալ  
յերկիր՝ յարեւելն Աբելի արդարոյ  
մինչև յարիւնն Չաքարիայ՝ որդւոյ  
Բարեքայ, զոր սպանէք ՚ի մէջ տա-  
ճարին և սեղանոյն. այո ասեմ ձեզ,  
զի խնդրեցից յազգէդ յայդմանէ»):  
Այլ միսխարկցիմք՝ ՚ի սգխաաց՝  
առ ժողովուրդն միայն Հրէից կար-  
ծեցեալ զբանից ասացումն: Խոկաս-  
ցի այնպիսին ուշադրելով. « Յա-  
րեւելն, ասաց, Հաբելի արդարոյ»):  
որպէս զի հայեցեալ ՚ի ժամանակ

1. Թուի ասացեալ զ՝ Դիմաբեցեմ, և ամ զ՝ Թուեացի սա՞մ:

սարանմաննորս՝ ծանխցէ երկիւղիւ,  
 թէ առ ամենեւեան է բանդ, որ  
 նոյնպիսի գործոց լինին նմանողք:  
 Համարձակիմ ասել 'ի սոյնս  
 յանդգնութեամբ և զայս ևս. եթէ  
 ոչ իցեն սոոյգ կարծեցեալքս յե-  
 նէն, դու Տէր, քաղցրութեամբ  
 զանց արարեալ՝ ներկաչիր ինձ որ-  
 պէս տկարամտի: Զի քոյ՞ ում իսկ  
 ամենաքանչ անձինդ, յորմանէ  
 ամենայն մարդ 'ի Հայս՝ յաւագ և  
 'ի կրտսեր՝ հասեալ է մեծապէս  
 օգտակարութիւն և գահ և փառք,  
 իսկ ոմանց՝ և 'ի մահուանէ ի կեա-  
 նրս, և 'ի կորստենէ գտանել և 'ի  
 միջի վնեւ, դու Տէր, եղեալ ես  
 պատճառ: Եւ արդ տեսանելով  
 զայդպիսի օր ըստ օրէ զքո Տեառն  
 յԱստուծոյ փառաւորութեանն  
 լցեալ զհմտութիւն, որ պարգեւ-  
 եալ առ նոսա բերեալ շքեղութե-  
 թիւնս և պարծանս, և թէ էր՝ կա-  
 մէին գտանել հնարս, շատք էին որ  
 առնախանձու չհատուցանէին ըզ-

բարի փոխարէնս փոխանակ քո  
 Տեսանդ բարւոյ, այլ զնոցուն հա  
 կաւակոն: Իսկ վերին արդարաւես  
 ակնարկուին՝ չհայի՝ ի չար կամայն  
 խնդիրս, այլ իւր խնամակալու  
 թեանն յաջողութեամբ՝ կատարէ  
 հանապազ անփոփոխութեամբ՝ ի  
 բարիս, ի վառաւորութիւն ա  
 նուան իւրոյ սրբոյ՝ այժմ և միշտ  
 և յաւիտեանս յաւիտենից. ամէն:



## Յ Ա Ն Կ Ա Ն Ո Ւ Ա Ն Յ



Ա.բեդենից տէր 663.

Ա.բիսակ սոմնացի 623.

Ա.բրահամ երէց Արածայ 248. 255.  
256. 258.

Ա.բրահամ խոստովանող 286. 288.  
316. 317. 317. 360. 362. 686.

Ա.բրահամ մահապետ 100. 223.

Ա.գաթանգեղոս 1. 4. 8. 11.

Ա.դամ 646.

Ա.դամակերտ 18.

Ա.դոնիա 623. 624.

Ա.թանաս աղերսանդրացի 657.

Ա.թիկ քահանայ 413.

Ա.լեւսամուր մակեղոմացի 459.

Ա.լիար գիւղ 534.

Ա.կիթ 666.



- Ակրտովիք 250 .  
 Ակտւի գլուղ 426 . 433 .  
 Ահարոն 646 .  
 Ազան արծրունի . 7 . 139 . 206 . 644 .  
 Ազրակ 343 .  
 Աղբրակունաց զաշտ 506 .  
 Աղձնիք 205 .  
 Աղուանք 18 . 121 . 133 . 146 . 149 .  
 155 . 156 . 162 . 167 . 172 . 203 . 204 .  
 205 . 210 . 215 . 219 . 279 . 406 .  
 458 . 562 . 666 .  
 Ամբակում մարգարէ 662 .  
 Ամիթ Ջաղար 634 . 633 .  
 Ամիրներսեմ Սլւնի 177 .  
 Ամոն 651 .  
 Այրարատ , Այրարատեան գուլառ  
 15 . 22 . 24 . 28 . 31 . 32 . 117 . 208 .  
 284 . 316 . 488 .  
 Անակ 6 .  
 Անանիա Սլւնեաց եպիսկոպոս 138 .  
 Անատոլ սպարապետ 241 .  
 Անարիք 150 . 280 . 538 .  
 Անգեղ սուլն 205 .  
 Անգղ բերդ 194 .

Անդեկանի 610–612 . 614 . 615 . 616 .  
618 . 619

Անդուլ 666 .

Աշոցաց իշխանի 246 .

Անի բերդ 415 .

Անձոռայ գուլառ 532 .

Անուշիւթանի 378 . 644 .

Աշուշա 149 . 165 . 177 . 191 . 364–366 .  
377 . 378 .

Աշուտառ 367–369 . 388 .

Աշտիշատ 115 .

Ապար աշխարհ 287 . 296 . 319 . 343 .  
361 .

Ապողինար լաւոդիկեցի 658 .

Ապրստան արծրոսնի 246 . 287 .

Առանձար ամատոսնի 224 . 286 .

Առաւան աղբիւրկացի 562 .

Առաւան անձուացի 286 .

Առաւան իսնանդեցի 140 .

Առատոս գնոսնի 420 . 426 . 429 .  
433 . 434 .

Առեստ քաղաքագետ 439 .

Առնակ ամատոսնի 286 . 584 .

- Ասիադոն 659 .  
 Ասորեստան 80 . 292 . 340 . 359–362 .  
 Ասորիք 12 . 40 . 584 .  
 Ատգէն լիւնամուտացի 531 .  
 Ատոմ գնունի 140 . 286 . 420 . 426 .  
 . 429 . 433 . 446 .  
 Ատրնէրսենի սաղար 442 .  
 Ատրորմիզդ Արշական 239 . 245 . 246 .  
 Ատրաքատական աշխարհ 416 . 417 .  
 593 .  
 Ատրվշնասպ–իտասլեան կամ Տասլեան 442 . 449 .  
 Ատրվշնասպ–Յոզմանդեան 406 . 407 .  
 414 . 422–424 .  
 Արարիա 626 .  
 Արանեզ գիւղ 376 .  
 Արամանայ գիւղ 184 . 187 .  
 Արեաց աշխարհ . Տ. Պարսից աշխարհ  
 Արիսս 657 .  
 Արիք . տես Պարսիկք  
 Արծաթադրերք 506 .  
 Արծաթի գիւղ 515 .  
 Արծակ գիւղ 196 .

Արծկէ գիւղ 70 .

Արծրուներ 165 . 206 . 436 . 607 . 611 .

Արձան 229 .

Արշակ որդի Տիրանայ 2 , 78 .

Արշակ որդի Պապայ 2 . 22-24 . 32 .

Արշակուներ 21 . 32 . 37 . 42 . 55 . 57 .

58 . 75 . 105 .

Արշամուներաց գաւառ 516 . 518 .

Արշարուներ 666 .

Արշաւիր արշարուների կամսարական

140 . 206 . 211-214 . 234 . 256 . 268 .

420 . 429 . 463 . 467 . 526 . 562 .

Արշէն երէց 247 . 258 . 341 . 343 .

Արսէն ընծային 238 .

Արտազ գաւառ 226 . 443 . 568 .

Արտակ մոկացի 140 . 149 . 161 . 162 .

234 .

Արտակ պալուներ 206 . 257 .

Արտակ ռըշտուներ 149 .

Արտաշատ 256 .

Արտաշատու բերդ 415 . 416 .

Արտաշատ գիւղաքաղաք 498 .

Արտաշատու կամուրջ 590 . 594 .

- Արտաշէս որդի Վասմշապիոյ 58.  
 70. 71. 74. 77.
- Արտաշէս որդի Ջմայեկայ 378.
- Արտաշիւր ստահրացի 1. 5.
- Արտաւազդէ մամիկոնեան 286.
- Արտաւան կամ Արտեւան Արշակ 1. 5.
- Արտէն իշխան Արեղենից 218.
- Արտէն գարեղեան 240.
- Աւարայր գիւղ 226.
- Բարգէն սիւնի 286. 420. 426. 429.  
 433. 446. 463. 469.
- Բարելոն 385. 620.
- Բարելոս 44.
- Բարիկ ոսիսեան 287.
- Բարկէն տես Բարգէն  
 Բարոց 446.
- Բազուան զեօղ 487.
- Բազրեանդ գաւառ 114. 184. 197.  
 259. 343. 487.
- Բազէ-շահապ 569.
- Բակուր 286.
- Բաշդ վահեռունի, տես Բարշդ.
- Բասեան, կամ Բասեն, գաւառ 184.  
 506. 508. 534.

Բարշղ վահեւոսնի 416. 447. 449. 463.

Բարսևղ կեսարացի 657.

Բերդկունս գեօղ 187.

Բզնունիք 70. 363.

Բիւզանդիոս քաղաք 11. 13.

Բիւզաս 8.

Բլուր գիւղ 114.

Բնի գիւղ 418.

Բողմերղ 507. 543.

Բրքիշոյ ասորի 80–82.

Գարաղ Գարեղեան 521.

Գաղեալս . Վասնանդայ 139.

Գաղիշոյ խորխոռունի 149. 217. 386.  
391.

Գազրիկ արեղեան 140. 186. 399. 416.

Գաղատացիք 675.

Գարդմանայ լիամք 666.

Գարեգին սրուանձտեան 238.

Գարջոյլ մախազ 420. 426. 428. 430.

Գղիհոն սիւնի 429. 442. 485. 486.

501. 507. 518. 519. 527–529. 532.

542.

Գեղէովն 428.

Գիւլիկ գիւղ 504.

- Գէթ 659 .  
 Գիւտ կաթողիկոս 375 . 376 . 385–388 .  
 391 . 392 . 394 . 365 . 670 .  
 Գիւտ վահեւոցի 140 . 149 . 206 . 217 .  
 Գնէլ 78 . 79 .  
 Գնթոցիք 246 .  
 Գոթք 8 .  
 Գոտորգ 17 .  
 Գրիգոր Նուսաւորիչ 2 . 5 . 50 . 63–84 .  
 96 . 105–115 . 121 . 129 . 229 . 233 . 238 .  
 420 . 482 . 483 . 491 . 590 . 612 . 688 .  
 Գրիգոր մամիկոնեան 592 . 596 .  
 Գրիգոր մազազացի 657 .  
 Դանիէլ եպիս . 43 . 44 .  
 Դանիէլ մարգարէ . 102 . 647 .  
 Դատ . առաւելեան 286 .  
 Դաւիթ երէց 135 .  
 Դաւիթ մարգ . 178 . 368 . 617 . 621 . 682 .  
 Դեմշապուհ 329 . 348 . 349 . 354 . 357 .  
 Դողրվն 225 .  
 Դու գիտող 470 . 506 .  
 Դուին 416 . 433 . 443 . 470 . 489 . 499 .  
 508 . 544 . 590 . 591 . 594 . 610 . 614 .

- Եգիրաց աշխարհ 508 .  
 Եգիպտացիք 622 .  
 Եգլիպտոս 31 . . . . .  
 Եդեսիա 44 . . . . .  
 Եզնիկ կապ . Բազրեւանդայ 138 .  
 Եկեղեաց գաւառ 46 . 205 .  
 Եղբայր եպս . Անձկացիաց 139 .  
 Եղեգեակ գիւղ 259 . 286 .  
 Եղիա մարգարէ 496 . 652 .  
 Եղիմէ գեօղ 568 . . . . .  
 Եղիշէ կապ . Ամատունեաց 139 .  
 Ենոք 5 . 651 . . . . .  
 Եսայի մարգարէ 53 . 680 .  
 Եսաւ 646 . . . . .  
 Երեմիա եպս . Ապահունեաց 139 .  
 Երեմիա եպս . Մարդաստանի 139 .  
 Երեմիա երէց 186 . . . . .  
 Երէզ գիւղ 518 . 520 .  
 Երիզացիք 321 . . . . .  
 Երիքով 453 . . . . .  
 Երուսաղէմ 9 . 231 . 302 . 626 .  
 Եւտիքէս 658 . . . . .  
 Եփեսացիք 652 . 654 . . . . .



- Եփեսոս 688 .  
 Զամբրի 651 .  
 Զանգակ երէց 221 .  
 Զամդաղան յՈստանեայ տանէն 196 .  
 Զարաւանդ, Զարևանդ գաւառ 222 .  
 225 . 553 .  
 Զարեհ որդի Պերոզի 589 . 593 .  
 Զարեհաւան գիւղ 203 .  
 Զարմիր հազարաւուխտ 406 . 498 .  
 492 . 499 . 502 . 503–508 . 513 . 540 .  
 544 . 545 . 547 . 549 . 552 . 553 .  
 Զաւէն եպս . Մանանադուոյ 199 .  
 Զաքէոս 627 .  
 Զեմակս գիւղ 316 .  
 Թաթ կամսարական 286 .  
 Թաթիկ եպս . Բասենոյ 139 . 247 . 292 .  
 Թաթուկ դիմաքսեան 206 . 286 .  
 Թաթուկ վանանդեցի 235 .  
 Թէոդոս (Բ)կայսր 241 .  
 Թրակիա 8 .  
 Խաահակ կաթողիկոս , տես Սահակ .  
 Խաահակ նահապետ 100 . 626 .  
 Խամայելացիք 77 .

Խորայել 619 . 621 . 622 .

Խորայելացիք 591 . 617 . 618 .

Ղևոն(Բ)կայսր Յուլիանոս 385 .

Խաղխաղ գիւղ 210 .

Խաղափք 243 . 503 .

Խողոցիմք գիւղ 118 .

Խոսրոպ Ա . 5 . 6 .

Խոսրոպ Գ . 22 . 35-37 . 54 .

Խոսրովակիրտ 500 .

Խոսրովիկ երէց 686 .

Խորական 213 .

Խորէն երէց 199 . 316 . 317 : 357 . 359 .  
362 .

Խորէն խորխոռունի 206 . 212 . 237 .

Խորէն մախազ 234 .

Խուժաստան 247 . 388 .

Խուժիկն 298 . 318-326 . 344-346 .  
348 . 353 .

Խուրս արշամունի 516 . 517 .

Ծաղիկ գիւղ 514 .

Ծաղկէտտն կամ Ծաղկուտ գաւառ  
194 . 457 .

- Ծոփք 205 . 532 .  
 Կամսարականք 225 . 377 . 446 . 448 .  
 469 . 508 . 526 . 543 . 606 . 607 . 643 .  
 Կայէն 646 .  
 Կատիշք 417 . 430 . 431 . 447 .  
 Կարմիր ծով 453 .  
 Կարնացի 516 . 517 .  
 Կարնոյ ծով 515 .  
 Կարնոյ քաղաք 515 .  
 Կիլիկիա գաւառ 321 .  
 Կլրեղ աղերսանդրացի 657 .  
 Կլրեղ երուսաղեմացի 657 .  
 Կողթեկ իշխան Ռրծայ 416 .  
 Կոպրիք 417 .  
 Կոստանդիանոս 8 .  
 Կոստանդինուպօլիս 10 .  
 Կորիւն 38 . 39 . 114 . 229 .  
 Կոյնթացիք 87 . 652 . 654 .  
 Կոմարրիկոս , տես Մանի  
 Կուր գետ 210 . 215 . 461 . 465 .  
 Կոռակք 422 .  
 Հաբէլ որդի Աղամայ 646 . 689 .

չարէլ քահանայ 42. 43.

չազար 626.

չամազասպ, չամազասպեան, Եղ-  
բայր Վարդանայ 115. 187. 235.  
286. 639.

չամազասպ հայր Վարդանայ 114.

չայաստան, սին չայոց աշխարհ  
չայդիկ 670.

չայոց աշխարհ 1. 8. 16. 19. 20. 28.  
29. 36. Լայլն

չայք 33. 40. 130—132 144. 145. 146.  
150. 153. 155. 156. 162. 193 197.  
214. 226. 236. 237. 245.

չաշտեանք 205. 514. 518. 535.

չացեկաց գիւղ 37.

չեղիմէ 9.

չեր գաւառ 222. 225. 442. 553. 554.  
562.

չեփթաղք 506. 534. 536—539. 563.  
577.

չմայեակ դիմաքսեան 140. 206. 208.  
238.

- չմայեակ մամիկոնեան 115. 164. 168.  
 206. 240. 243. 245. 277.  
 չոն կամ չոնք 215. 216. 277. 401.  
 411. 416. 436. 457—459. 462. 474.  
 չոռոմոց աշխարհ. 271.  
 չոռոմք 389. 390. 411. 470. 504. 642.  
 չոռվմ 7.  
 չոռվանոս 45.  
 չրահատ յԱշոցայ 140.  
 չրահատ կամսարական. 420. 427.  
 429. 481—484. 505. 507. 591. 643.  
 չրահատ մամիկոնեան 433. 446. 666.  
 չրեայք 342. 648.  
 չրեւ. 367—369. 373. 388.  
 չրեւշնոմշապուհ 369.  
 Չուիկ 378.  
 Ղազար բարեկամ քրիստոսի 302.  
 Ղազար փարսէցի 16. 635. 638. 640.  
 645. 649. 650. 662. 669. 680.  
 Ղևոնդ երէց 150. 231. 233. 250—253.  
 259. 261. 267. 269. 285. 305. 329.  
 334. 335. 337. 341—343. 350. 353.

Ղեկավար գետ 9.

Ղերպարգոս 531.

Ղուլտ 626.

Ճարմանայնու դաշտ 460.

Մադիամացի 651.

Մամիկոնեանք 160. 248. 255. 377.  
380. 669.

Մանէճ ապահուելի 140. 149. 217.

Մաշթոց 37. 39-41. 43-46. 48. 49.  
117. 229.

Մանի 658.

Մանիքեցիք 658.

Մասիժէոս աւետարանիչ 627.

Մարդպետական գունդ 207.

Մարիամ սոստուածամայր 199.

Մարիամ քոյր Ահարոնի 646.

Մարկիանոս կայսր 241.

Մարվի-ոռտ 264.

Մելիտէ կաթողիկոս մանազկերտեցի  
376.

Մելիտէ եպս . Մամձկերտոյ 138.

Մեսրոպ , տես Մաշթոց

Մերհուժան արծրունի 206. 286.

Միհրան 458. 460. 469. 471. 473. 481.  
484. 486. 551. 552. 569.

Միհրներսեհ հազարասլետ 120.–122.  
124. 130. 134. 145. 173. 208. 204.  
209. 254. 255. 262. 266. 267. 270.  
271. 330. 361.

Միհրշապուհ մարդպետ 234.

Միհրվշնասպ ճուարշացի 555. 561.  
569. 566.

Մկնառինն զևող 470.

Մոկաց ազգ 437.

Մովան անդերծապետ արքունի 324.  
326. 345.

Մովսէս կաթողիկոս մանազկերտեցի  
376.

Մովսէս կրօնաւոր 643.

Մովսէս մարգարէ 464. 651.

Մովսէս փիլիսոփոս 684.

Մուշ դիմաքսեան 212.

Մուշեղ մամիկոնեան 286. 497. 498.  
502. 516. 526.

Մուշէ Եպս. Արծրունեաց աղբակա-  
ցի 138. 247. 259. 285. 337. 342.  
343. 643.

Մուշէ տարօնացի 46.

Մուշկան Նիւալաւորա, 225. 238.  
239.

Յագղ սիւնի 469. 481. 484. 486—488.

Յագղերա Ա. 55. 57:

Յագղերա Բ. 114. 118. 119. 146. 149  
—152. 173. 177. 192. 238. 239.  
246. 248. 271. 283. 343. 357. 364.  
366. 378.

Յակոբ Նահապետ 100. 646.

Յակոբոս առաքեալ 661.

Յաշկուր արծրունի 562.

Յեսոլ 651.

Յըզասովշնասպ 362. 367. 388. 508.

Յոր 433.

Յոհան մնծաւացի 439. 445. 446.

Յոհան ՚ի գաւառէն Նկեղեաց 46.

Յոհան կաթողիկոս 420. 432. 434.  
442—446. 45 ` . 502. 612. 621.



Յոհանն մոկացի 440 .

Յոհանն ռոմիսեան 287 .

Յոյնք 21 . 22 . 31-34 . 46 . 55-57 .  
241 . 242 .

Յովար 624 .

Յովհաննոէս մկրտիչ 647 .

Յովնաթան 368 .

Յովսէփ կաթողիկոս 117 . 138 . 228 .  
231-233 . 247 . 250 . 255 . 262 . 268 .  
285 . 308 . 329 . 337 . 341 . 345 .

Յովսէփ նահապետ 77 . 646 .

Յովսէփ պաղնացի 46 .

Յորդանան 591 . 595 . 624 .

Յուդա մատնիչ 169 . 417 .

Յունաց աշխարհ 11 . 241 . 292 . 635 .  
638 .

Նախնական գիւղ 418 .

Նեստոր 658 .

Ներշապունի արծրունի 139 . 149 .  
246 . 247 . 259 . 286 . 569 .

Ներս յովսեպիան 591

Ներսէհ երուանդունի 439 . 440 . 442 .

Ներսէն իշխան Ռւրծայ 218 .

Ներսէն կամսարական 420 . 427 .

430 . 431 . 433 . 446 . 449 . 466 . 481 .

483 . 505 . 511 . 516 . 643 .

Ներսէն քաջբերունի 235 . 238 .

Ներսէհապատ 443 .

Ներսէս Պարթև 32 . 58 . 69 . 70 . 77 .

78 .

Նրարսակ գեօղ 555 .

Նիխոր վշնասպառտ 553—556 . 562—

573 . 577 . 578 . 586 . 587 . 589 .

591 . 593 . 594 .

Նիխորական սերուխտ 208 .

Նիկիա 88 .

Նիւշապուհ շահաստան 287 . 293 .

296 . 318 . 325 . 357 .

Նոյ Նահապետ 626 .

Նոր քաղաք , տես վաղարշապատ

Նպատ լեռն 488 .

Շարուլ գաւառ 361 .

Շաղագուլ գաւառ 504 .

Շամուէլ ասորի 82 .

Շապուհ Ա. [Թագ. Պարսից 21. 35.  
36. 51. 55. 57.

Շապուհ Բ. 55. 57.

Շապուհ դպիր 550. 555. 561.

Շապուհ Մինրահ 507. 510. 514.  
522. 523. 527. 528. 530. 531.  
534. 543. 548. 549. 551. 563.  
565.

Շաւապ արծրունի 286.

Շիրակ գաւառ 407. 420. 433. 466.

Շիրման գիւղ 516.

Շմաւոն անձեացի 140. 149. 246.  
286.

Շնգին արծրունի 286.

Շտէոյ գիւղ 522.

Ռդմսու գիւղ 398.

Ռդին գիւղ 522.

Ռրդի դիմաքսեան 501.

Ռրկոյի գիւղ 316.

Ռրջնհաղ գիւղ 243.

Ռքաղ գաւառ 504. 506. 513.

Պանոկ 562.

- Պապ արտակուսի 446 . 447 .  
 Պապ արքայ չայոց 2 .  
 Պարգև արժրունի 286 .  
 Պարխար լեառն . 243 . 245 .  
 Պարսիկք 24 . 32 . 33 . 36 . 54 . 55 . 71 .  
 72 . 75—78 . 135 . 145 . 149 . 150 .  
 153 . 154 . 173 . 174 . 176 . 177 .  
 203 . 209—211 . 224—227 . 238—240 .  
 245 . 250 . 259 . 260 . 337 . 342 . 412 .  
 415 . 433 . 450—463 . 470 . 506 . 514—  
 519 . 530 . 593 . 615 .  
 Պարսից պշխարի 36 . 57 . 120 . 127 .  
 132—135 . 217 . 535 . 537 . 546 . 547 .  
 Պետրոս առաքեալ 453 . 627 .  
 Պետրոս Երկաթի 221 .  
 Պերոզ արքայ Պարսից 367 . 375 . 380 .  
 383 . 386—388 . 401 . 402 . 404 . 476 .  
 506 . 535—539 . 542 . 544 . 545 . 547 .  
 548 . 575 . 576 . 589 . 563 . 524 . 593 .  
 598 . 600 . 601 . 606 .  
 Պիղատոս 305 . 330 . 648 .  
 Պղատոս 44 .

Պօղոս առաքեալ 63 . 67 . 85 . 87 . 98 .  
320 . 637 . 641 . 642 .

Ջնիկան մայալետ արքունի 326 . 345 .  
349 .

Ջրվէժ դաստակերտ 500 .  
Ռեւան 325 . 345 .

Ռըշտունեաց գաւառ 259 . 343 . 437 .  
Սագրայ բերդ 416 .

Սահակ ասպետ ըագրատ . 418 , 421 .  
432 . 434 . 444 . 446—448 . 463 . 468 .  
489 .

Սահակ կաթողիկոս 40 . 47 . 58—60 .  
70—76 . 81 . 113 . 114 . 117 . 168 .  
181 . 267 . 267 . 330 . 333 .

Սահակ կամսարական 562 .

Սահակ Չայնոդ 221 .

Սահակ մանդակունի 287 .

Սահակ եպս . Ռըշտունեաց 138 . 247 .  
258 . 259 . 262 . 268 . 285 . 328 .  
329 . 331 . 334 . 335 . 338 . 343 .

Սանակ եպս . Տարոնոյ 138 .

Սամարիա , Սամարա ցի 647 .

714.

Մամոս 44. 45.

Մամուէլ մարգարէ 210.

Մամուէլ քահանայ յԱրածայ 247.  
256. 257.

Մասան 5.

Մասանեանք, տես Պարսիկք

Մատոյ դիմաքսեան 285.

Մաւոլղ 647.

Մեւկոյ դրախտ 670.

Մեւուկ անձնացի 440. 441.

Միմէի 623. 626.

Մինեա լեառն 626.

Միւնիք 127. 129. 233. 149. 221. 240.  
245. 255. 447. 531.

Մոդոմոն իմաստուն 622. 623. 625.

Մուրէն Պահլաւ 70. 73. 75. 442.

Մուրմակ. երէց 77. 138.

Մտահրացի, տես Արտաշիւր

Վազգէն 406.

Վախթանգ 406. 436. 457. 458. 463.  
468. 506. 507.

Վահան Աղուան 215.

- վանան ամաստունի 117 . 140 . 149 .  
 192 . 193 . 205 . 246 . 286 .  
 վանան զնունի 238 .  
 վանան մամիկոնեան մեծն 4 . 13 . 16 .  
 18 . 378 . 383 . 399-402 . 498 . 500 .  
 503 , և այլն .  
 վանքամ սպարապետ 537 .  
 վանքին 42 . 43 .  
 վաղարշ արքայ Պարսից 545 . 547 .  
 552 . 554-556 . 572 . 593 . 594 . 597 .  
 598 . 601 . 603-611 . 614 . 615 . 616 .  
 618 . 619 .  
 վաղարշապատ 7 . 32 . 90 . 488 . 543 .  
 609 . 615 . 637 .  
 վալոց ձոր 118 . 563 .  
 վանանդ զառառ 246 . 343 . 398 .  
 վառզոշ զնիթունի 432 .  
 վասակ արծրունի 17 .  
 վասակ մամիկոնեան 378 . 420 . 422 .  
 424 . 426 . 429 . 432 . 433 . 456 . 464-  
 468 . 499 . 592 . 596 .  
 վասակ սահառունի 432 .

վասակ սիւնի 120 . 139 . 149 . 184 .  
185 . 189 . 191 . 193 . 195 . 202–206 .  
207–209 . 216–218 . 220 . 221 . 247 .  
248 . 250 . 280 .

վասակուրտ հարքային 562 .

վարազդէն աւուեղեան 286 .

վարազկերտ գիւղ 422 . 423 .

վարազներսեհ ուրծացի 416 .

վարազ–շապուհ ամատունի 414 .

վարազ–շապուհ պալուսի 140 . 217 .  
240 .

վարազվաղան սիւնի 118–122 . 124 .  
126 . 130 . 283 .

վարդ 378 . 412 . 452 . 453 . 456 .

վարդան հայր Մեսրոպըսայ 37 .

վարդան ժամիկոսեան մեծն 111 .

149 . և այլն և այլն .

վարդաշէն գիւղ 504 .

վարդգէս գաւառ 292 .

վարձայ 286 .

վարշակի ջերմուկ 457 .

վեհդէնշապուհ ամբարտապետ 292 .



294 . 296 . 308 . 311 . 313 . 317-323 .  
 325-329 . 332 . 334 . 339 . 340 . 344 .  
 345 . 358 . 359 .

վեճաբանություն 109 .

վեճի վեճնամբ 407 . 569 .

վիճի կամ վիճի խոսակցանք 442 . 449 .

վիրք 18 . 101 . 133 . 142 . 155 . 157 .  
 162 . 177 . 406 . 407 . 450 . 460 . 462 .  
 467 . 489 . 497 . 507 . 540 .

վարկի լինացը 213 .

վամբ կրման արձայն Գարսալից 54 . 55 .  
 57 . 58 . 70 . 76 . 78 . 80-82 . 116 . 118 .

վամբ շարունակ 57-39 . 41 . 47 . 51 . 54 .

վրաց աշխարհ 172 . 175 . 191 . 377 .  
 457 . 469 . 498 . 506 . 544 . 666 .

վրէն ջիւնական 140 .

վրէն վանանդացի 446 . 448 . 592 .  
 593 . 596 . 597 .

վրէն սաշարացի 246 . 287 .

վրիւ մադիսագ 139 . 400-404 .

վրկան կամ վրկանք 287 . 311 . 318 .  
 357 . 536 . 540 .

- Տաճատ արծրունի 17. 286.  
 Տաճատ գնթունի 237.  
 Տաճատ հպս. Տայրց 139.  
 Տայք 240. 243. 376. 378. 419. 469.  
 Տարօն գաւառ 37. 115. 316.  
 Տէր խորձենացի 46. 686.  
 Տիգրան 388.  
 Տիրան Բ. 2. 79.  
 Տիրոց իշխան Բագրատառունեաց 217.  
 Տղմաւ դաշտ 226.  
 Տաւրածոտաւի 184.  
 Տրդատ արքայ 6.  
 Փայտաղարան քաղաք 203.  
 Փապագ համ փափագ, ևս փափակ  
 աւաւեղեան 140. 235. 246. 286.  
 Փապակ պալուսի 446.  
 Փարսաւոն 620.  
 Փաւստոս համ փոստոս Բուզանդ  
 համ Բուզանդացի 2. 8. 11 12.  
 Փենեհէզ 578.  
 Փլւնիկէ 44.  
 Փլորենտ ասորի 241.

Քաջաջ սահառունի 504.

Քաջաջ սարկաւուզ 247. 259. 305.

342. 343.

Քառուն կալս • Տարբերութիւն 139.

Քոմիթ առաւելեան 531.

Քուշանք 287.

Օշական գիւղ 117.

